

APPARV
GRAC

GRATIOPES

H 22.

A 65

Till Vänner P. G-q

af
P. O. d

Till vänner sällskapet



~~EX ACTIS SYNODICIS ET ALIIS~~
DILIGENTER ET FIDELL
TER COLLECTA

EXPOSITIO

EORVM, QVÆ THEO-
LOGI ACADEMIÆ VVITTEBER-
gensis & harum Regionum alij, qui his adiuncti fue-
runt, in deliberationibus Provincialibus & alioquin ex-
tra has, de rebus ad Religionem pertinentibus, monue-
rint, suaserint, docuerint, responderint, concederint,
illo tempore, quo & de his ipsis, & de Libro Au-
gustano, qui nominatur INTERIM,
qualis esset, quæsum fuit &
tractatum.

ET EDITA DE SENTENTIA
Professorum Academie VVitte-
bergensis.

VVITEBERGÆ EXCVDE-
bant Hæredes Georgij
Rhauu.
ANNO M. D. LIX.

R 533681

ОИТИСНЕ

ВОЕНТ АМО ДУБОВА
ДИВИЦИИ ПРИЧОДА

СЛОВЕНИЈА СРЕДЊА ВОЈСКА

IN=200101682





XPOSITVRIS NO-
bis Historiam earum delibera-
tionum, de quibus in suspicio-
nem adductis & infamatis,
Flacius Illyricus totis annis de-
cem capitales instituit accusati-
ones, & Theologorum Acade-
miae nostrae, & ipsius Acade-
miæ, & vniuersim Ecclesiarum in his terris: Visum fuit
operæ precium initio paulò altius repetitis exordijs cause,
summatim tamen, commemorare tūm quæ fuerint occasi-
ones præbitæ à nobis tām diris & turbulentis vocifera-
tionibus, & molitionibus tām insidiosis, crudelibus &
maliciosis, qualibus eum vsum esse, & adhuc vti palam
est, tūm qui conatus fuerint, quæ studia vtrorūq; eo tem-
pore, quidque præstitum sit effectumq; vtrinq; ab utrisq;
& quare scriptionum velitationibus ac recriminationibus
cum Flacio contendere nostri atq; conflictari nec debue-
rint nec uoluerint. Vtrunq; enim ostendendum est poste-
ritati, & quam nauarint nostri publicè operam Ecclesijs
coniunctis Augustanæ confessionis professione, in tuenda
et conseruanda ueritate doctrinæ suscepitæ semel atq; com-
probatae, illo periculosisssimæ mutationis articulo, quo in
Germania quasi sub iugum redacta, Imperator uictor no-
uas condere leges & decreta sancire cœperat, quibus sta-
tus constituebatur usurpandus interea in Ecclesijs, donec

controuersiæ de religione ac disceptationes Synodo diri-
mentur, & quid responderint priuatim de ijs, quæ non de-
mutando doctrinæ genere aut ulla re necessaria, sed de
ritibus quibusdam adiaphoris, in consultationem adducta
fuerunt ac disputationem, ut cognoscatur, Flacianæ accu-
sationes quales fuerint. Hanc autem institui à nobis narra-
tionem p[ro]ij omnes certò sibi persuadeant, non alia de causa,
nisi ut explicata & demonstrata ueritate, tribuamus lau-
dem & gloriam æterno ac misericordi Deo iusto & ue-
raci, & consulamus saluti atq[ue] incolumitati Ecclesiæ, pro-
cellis horum tumultuum duriter quassatæ, & vindicemus
ac tueamur innocentiam optimè meritorum, nimis ini-
què ac penè nefariè falsis criminationibus aspersam, deniq[ue]
ut adseramus ac confirmemus ueritatem doctrinæ, quæ
inde usque ab initio emendationis in hac Schola & harum
regionum Ecclesijs eadem semper sonuit, propter miseram
posterioritatem, cui relinqui certa, explicata & indubitata
testimonia necesse est & de doctrina, quam amplexi ac
professi, discessimus à grege Pontificio, idola & errores
pugnantes cum fundamento, & articulis fidei retinente
ac stabilierte, & de autoribus emendationis.

Initio autem Deo æterno patri Domini nostri Iesu
Christi, Et filio coæterno λόγῳ ἡγεμόνιῳ καὶ θεῷ στοχεῖον,
patefactori admirandi & arcani decreti de redemptione
& restitutione generis humani, & huius decreti exequu-
tori, Et Spiritui sancto procedenti à Patre & Filio, ef-
ficaci

ficaci in mentibus & cordibus credentium , & copulanti
eos cum Deo & inter se, ut unum simus in ipso : toto
pectore gratias agimus , quod hanc Scholam & Ecclesi-
am tot periculis obiectam , & toties hostiliter petitam cle-
menter protexit , & huc usq; seruanit , & multorum alibi
etiam degentium animos rexit & flexit , ut hanc Scho-
lam cura sua cogitationeque complectentur , & eius in-
columitatem assiduis notis Deo commendarent . Et eun-
dem Deum aeternum Patrem Domini nostri Iesu Christi
per & propter filium Iesum Christum ueritatem non inertiem
nostrum ardentibus et ueris gemitibus precamur , ut post=
hoc quoq; hos alueolos alarum suarum inuolucris tectos tu=
eatur & sustentet , in quibus tot annis de rore cœlesti ex=
acto fideliter & collecto ex fragrantissimis flosculis , quos
in paradyso diuinitus plantata Prophetarum & Aposto=
lorum dogmata ac monumenta rigarunt , mella dulcia &
sincera stipantur sedulitate magna & integerrima ac san=
ctissima fide: Et pellat ab ijs fucos & stelliones & arane=as
& tineas & ursos quoq; , qui uel ui diffringere ac disy=cer
e alueolos hos , uel occulta fraude exturbatis inde api=culis impeditre operas quas faciunt , uel sordibus aspersis
corrumpere & inficere conantur mella , quæ conficiunt hæ
& elaborant . Oramus etiam precibus ardentibus , ut &
in hac causa adsit ueritati ipse Deus uerax , & aeternus
Dei filius ἡγεμόν, via , ueritas & vita , & quem mittit
ipse à Patre Spiritus ueritatis παράκλητος , & regat

A iiiij mentes

mentes, iudicia, voluntates & corda nostra, ut hæc testificatione proficit Ecclesiæ ad stabiliendam ueritatem, & purgandam innocentiam fidelium ministrorum.

Atque ut ab eo ordiamur, quod palam & in confessio est, principio pios obtestamur omnes, ut considerent, qui sunt & fuerint illi in Academia nostra & harum terrarum Ecclesijs Ministri repurgatae doctrinæ, quos sibi præcipue ex reliquo numero hostes delegit & euertendos proposuit Flacius. Nimirum illi ipsi, per quos immensa Deus & ineffabili bonitate ac misericordia doctrinam Ecclesiæ ex tenebris regni Pontificij plusquam Cimmerijs & confusarum opinionum perplexissimis labyrinthis eruatam, extricatam & emendatam restituit. Quos reuerendo uiro Doct. Martino Lutheru nuelut in acie pro luce cœlesti contra tenebras inferni, & Pontificiam tyrannidem diamicanti, παραστας assiduos & laborum, certaminum ac periculorum fidissimos socios adiunxit. Quos Lutherus ipse ut fratres ac σωματικους & dilexit ardenter, & cum admiratione, aestimatione ac prædicatione eorum donorum, quibus diuinitus fuerunt exornati, ueneratus est, & Ecclesiæ sua uoce ac testimonio commendauit. Horum non pauci ex hac statione diuinitus euocati in cœlestem commigrarunt patriam, in qua absq; omni dubio cum ipso autore et ductore LVTHERO, & promissa recte factorum præmia percipiunt, & in conspectu filij Dei domini nostri Iesu Christi audiunt dulcissimum ἀκογόνα, decantante illud Eccle-

Ecclesia cœlesti, de quo vaticinatus est Daniel: Qui docti
fuerunt, fulgebunt quasi splendor firmamenti, & qui ad
infidicam erudierunt multos, quasi stellæ in perpetua æter-
nitate. Inter quos sunt Reuerendiss. & illustriss. Princeps
Georgius Anhaltinus, Caspar Cruciger, Doct. Pomer-
nus, Iustus Menius, Iohannes Forsterus. Aliqui uero ad-
huc in viuis sunt, & suo loco operas easdem, eadem fide,
constantia & perseverantia faciunt & urgunt. Inter hos
præcipuo loco est communis Praeceptor noster PHILIP-
LIPPV S Melanthon, quem quod Deus mirabiliter
contra tot insultus & iniurias defensum, in tanta curarum
& occupationum mole, & tanta imbecillitate corporis,
senio, laboribus, ærumnis languefacti, clementer serua-
uit Ecclesiæ, toto pectore ipsi gratias agimus, & ut diu-
tius seruet eum ardenter precamur.

Obtestamur etiam eosdem, ut perpendant, qua sem-
per integritate, fide & constantia idem, quantis labori-
bus & periculis, quanta patientia ac tolerantia, inter tan-
ta summorum ordinum odia, tot tamq; multiplices adver-
sationes, tam cruentas comminationes, tam violentas im-
petitiones, insidias uero tam callide & uafre struetas,
pro ueritate contra astutè cogitatas & specioso fuso ador-
natas præstigias, quas satellites Pontificij subinde uaria-
tas imperitus offuderunt, pugnarint, Deo eos ducente,
dirigente & roborante inde usq; à principio motorum cer-
tamimum.

Com: prot.
Melanthon

Æstis

*Flacij ca:
luminia
et munda:
cia.*

¶

Æstiment autem hæc ex toto causæ cursu, & de certaminibus, quæ cum aduersarijs ante & post calamitosum Germaniæ bellum habuerunt, & de ijs monumentis, quæ & edita initio, & post sæpe repetita, & luculentius atq; enucleati tractata, aucta atq; illustrata, in omnium manibus uersantur. Non de suppositijs, interceptis, furto surreptis, deprauatis, epistolis aut scriptis, quales circumferri ab impostoribus & ostentari solent, ut publicorum scriptorum eleuentur testimonia, & suspicionibus prægacentur autores. Multò minus de congerie calumniarum & mendaciorum Flacij & Galli, quibus quas inuehuncnt opiniones falsas & à nostra doctrina discrepantes impudentia plus quam Thersitica pingunt. Ex illis enim monumentis, quæ à se orta autores profitentur, discent (si ignorant quod ignorare non debent aut possunt etiam) quid fuerit perpetuum & unicum horum doctorum in illustranda & ordine contexenda cœlesti doctrina studium, atq; in primis Philippi Melanthonis, quem prä cæteris Flacius & rabiosus exagitauit, & insectatus est atrocius, & crudelius lacerauit.

Discent igitur inde, quantum elaborarint hac in re Doctores & Praeceptores nostri, ut demonstratis in Ecclesia erroribus & abusibus Pontificijs, & quorumcunq; Fanaticorum delyrijs, illis declaratis ac refutatis, his taxatis & explosis, renocarent doctrinam ad veros fontes patefactos in uerbo autoritate diuina tradito : Et tollerent

rent atq; abolerent, quicquid à præscripta norma discre-
paret: Et constituto uero, simplici & illustri discrimine
inter nostras Ecclesias & Pontificias, decreta Pontifi-
cum & Monasticæ doctrinæ sordes eluerent atq; explode-
rent, confutatas euidentibus sacrae scripturæ testimonijs:
contrarias his nostrarum Ecclesiarum sententias, quæ ex
puris ac limpidis doctrinæ cœlestis fontibus, non ex lutu-
lentis & cœnoscis Pontificum lacunis deprompta sunt, ma-
gis magisq; expolirent ac confirmarent: Deniq; ut rectè
eruditas & instructas Ecclesias nostras & mature præ-
monitas omni tempore, munirent accurate contra eas im-
posturas, quas subinde innouatas nouo fuco & noua specie
aduersarij conflant ac procudunt, et incautis admonuent, ut
hac fascinatos in fraudem illicant. Cognoscent hoc quoq;
nostros semper velut fidos Ecclesie custodes, ex hoc Aca-
demiae loco ceu eminenti & illustri specula, in omnes propè
nutus quorumcunq; aduersariorum & hostium intentos,
quid molirentur illi, circumspœctis occasionibus omni-
bus, qua potuit fieri, uigilantia obseruasse, & explorasse
sagacitate: Et cum ea peruestigassent, rursus, qua potuit
fieri, industria & fide, ductu & auxilio diuino, aut pri-
usquam erumperent, repressisse, aut postquam mota ac
tentata essent, ne nocerent Ecclesijs nostris, discussisse ac
depulisse.

Conferantur autem non priora tantum & ante bel-
lum promulgata scripta, præsertim quæ aucto & confir-
mato

mato iam de controvenerijs iudicio ediderunt , sed & recen-
tia omnia , cùm ea , quæ contra Synodi Tridentinæ impia
decreta & Sphyngis Augustanæ præstigias instructa ac
comparata fuerunt , publicè & priuatim , tūn reliqua
omnia , quæ post mutationem à bello ex hac Schola prodie-
runt magno numero & multiplicia , quorum aliqua Phili-
lippus Melanthon nominatim iudicio ac censuræ coniun-
ctarum nobis Ecclesiarum , & expressè Saxonicarum
subiecit , tunc , cùm & feruerent Pontificiorum conatus
maxime in turbandis aut prorsus deprimentis Ecclesijs
nostris , & Flacius inclementissimè boatu planè barbarico
de nobis uociferaretur . Conferantur & dogmata , quæ
uina uoce in Ecclesia & Schola huius urbis toto hoc tem-
pore repetita & inculcata sunt , indicibus & testibus tot
auditorum millibus .

Si ergò hoc modo perpetuum sibi quisq; proposuerit
cursum cùm Professorum cæterorum in Schola nostra ,
tūn communis Præceptoris nostri Philippi Melanthonis ,
& totam seriem eruditissimorum scriptorum & piorum
consiliorum capita ac rationes , quæ fuere communicata
alijs , totum deniq; & perpetuum doctrinæ contextum sui
similem ubiq; & inter se consentientem , inde usq; ab editæ
confessionis Augustanæ tempore : tūn uero etiam scrute-
tur diligenter atq; inuestiget , num quid horum vel mini-
mum aut in scriptis publicis aut ijs annotatis , quæ ex ore
docentis Philippi Melanthonis auribus quisq; exceptit aut
calamo

calamio, reperiatur, quæ cum Gallo Flacius & ipsi Philip-
ippo Melanthou & Scholæ nostræ impegit. Et ubi per-
quisuerit atq; euoluerit accuratè omnia, secum reputet,
An uox doctrinæ conticuerit vñquam in hac Schola
aut clanguerit, Et an vñquam quicquam, obscuratum
saltem aut mutilatum fuerit & truncatum in illa do-
ctrinæ parte, aut fuerit etiam neglectum aliquid eorum,
quæ doceri monerue Ecclesiam publicè illo tristi tem-
pore necesse fuit. Nam cùm de corrupta doctrina
nos insimulet, quæ potest certior demonstratio et refutatio
manifesto mendacio opponi doctrina ipsa, quæ extat tot
repetita & expressa monumentis eo ipso tempore, quo cor-
ruptionis doctrinæ, desertionis ac proditionis ueritatis,
collusionis cum hostibus Flacius atrocissimè nostros ad
vulgu accusauit.

Sed in priuatis consultationibus nutasse nostros, &
dogmata inflexisse ad iudicia & affectus potentum, &
aditus aperuisse hostibus Pontificijs ad Ecclesiæ nostræ
clamitat Flacius? Etsi quid in doctrinæ & omnium re-
rum necessiariarum defensione prestiterint nostri, planum
faciunt & testatum scripta, ad quæ respicere potius decu-
isset applausores Flacij, quam ad cœcas exagitationes eo-
rum, quæ ignorauit Flacius: Et quid de doctrina nostra-
rum Ecclesiæ ipse Flacius tunc senserit & sentiat,
nunc scriptis liquido declarat, ut quo loco & in quorum
numero habendus sit, obscurum esse amplius non possit:

B ij tamen

tamen quales fuerint priuatæ consultationes, ostendemus,
hoc quidem in loco summatim ac strictim, postea vero in
historia actorum copiosius, adhibito testimonio archety-
porum.

Statim ut post bellum recolligi in Academia Pro-
fessores & discipuli, & Scholæ haberi publicè cœperunt,
ad suas quisq; redijt operas. Redijt huc & Flacius Illyri-
cus, qui tunc erat unus ex collegio nostro, ex misero &
profugo euectus ad munus & locum professoris publici,
autoritate præcipue & commendatione atq; opera Phi-
lippi Melanthonis. Cœpimus suo quisq; loco ea docere, quæ
professionis erant cuiusq; & instituti, ut fuerat factum an-
te Scholæ dissipationem. Initia instauracionis Scholæ ue-
lut ex naufragio sese paulatim recipientis, Dei beneficio
& tranquilla erant & prospera, ut redditus ad locum pri-
stimum neminem nostrum pœniteret. Incidebant au-
tem in idem tempus infœlia Caroli Imperatoris consilia
& conatus infœlices, de qualicunq; concordia inter disiun-
ctos Imperij ordines sarcienda noua & ænigmatica re-
ligionis formula, quæ ex quibusdam Pontificijs abusibus
atq; erroribus manifestis & veteribus, quibusdam nouis
aut noua depravatione limatis, quibusdam etiam nostræ
doctrinæ particulis, sed ferè aut mutilatis, aut insidiose
fucatis, & quibusdam medijs rebus, ita consarcinata erat,
, ut nec recipi ab aduersarijs, nisi eum statum, quo regni
Pontificij Maiestas nititur, labefactatum vellent & in-
clina-

clinatum : nec comprobari à nobis posset, nisi veritatis ag-
nitionem & confessionem abijceremus. Quæsta fuit de il-
la formula Philippi Melanthonis & cæterorum Theolo-
gorum sententia à pluribus diuersorum ordinum & gen-
tium hominibus. Cum ergò librum agnosceret Philippus
Melanthon, & aliquanto antè similem Ratisbonæ compo-
situm & propositum meminisset, & quibus autoribus re-
uocatus is esset in lucem, & aliquanto magis depra-
uatus, non temere suspicaretur, initio priuatin ijs, qui an-
tequam Augustæ formula promulgata fuit, occulte consili-
um petiuerunt, sententiam suam de illa communicauit, Ita
ut non verbosis quidem, sed perspicuis suo more & rerum
plenis quasi designationibus fundamentorum veræ refuta-
tionis, indicaret, & præstigias Sophismatum, & decre-
ta ac postulata impia in præcipuis & maximi momenti
articulis, quantum in ea celeritate, qua refutationes per-
fici oportebat, fieri potuit. Earum una primum transcri-
ptione, mox typis diuulgata in omnium statim peruenit
manus.

Conuentu Augustano soluto Mauricius Dux Elector
&c. reuersus ad suos, ut de religione antè eis cauerat, ita
quid agitaret consilij Imperator, & qua id seueri-
tate flagitaret & urgeret exposuit. Et quòd de libro Au-
gustano nihil omnino nisi rē cum suis communicata promit-
tere voluerit, ostendit: Renouato simul promisso, quo nec
se deflexurum ab ea doctrina quam suæ Ecclesiæ profite-
B ij rentur,

rentur, nec passurum, ut ab eadem sui ad alienam & no-
uam adiganitur, confirmavit. A Theologis autem conuo-
catis moneri se petiuit, Quid salua veritate doctrinæ
& conscientia salua, concedere Imperatori posset in
ritibus medijs ac ceremonijs, ne pertinacia temeraria in
rebus non necessarijs nec impijs aduersando Imperatori,
qui præ se ferret concordiae causa hæc institui & requiri,
præbeat argumentum fingendæ falso nouæ rebellionis &
contumaciae: Sua etiam se causa hæc petere ostendit, ut
consulat tūm conscientiæ erga Deum suæ, et erga Ecclesi-
as suarum regionum, tūm Ecclesijs ipsis luce veræ doctri-
næ florentibus, quas, si post præstitam in ijs rebus obedi-
entiam, quæ sine Dei offensione, sine violatione legum di-
uinarum, et sine conscientiæ lesione præstari possent, nibi-
lominus bello peterentur, non posset non vel cum periculo
capitis et omnium fortunarum bello defendere. A doctri-
na enim nostrarum Ecclesiarum, quam sciret esse verissi-
mam, non sese discessurum vñquam, Deo iuante, nec
concessurum, vt vlla re impia subditi onerentur. De hac
quæstione, cùm Theologi denuò in Urbe Misena totius li-
bri Augustani alteram texuissent, & quidem copiosorem
ac prolixiores refutationem, illa priore, quæ inter initia
subito emissa erat, ut principijs malorum priusquam cres-
cerent et ingrauescerent, occurreretur tempestiuè, & pre-
monerentur inculti, ne libro temerè assentirentur: Et for-
mulam etiam prescrispsissent Ecclesijs harum regionum,

qua

qua exponerent rationes et causas Imperatori, cur amplecti Librum Augustanum non possent: De hac ergo quæstione post reiectam secundo tertioque, & refutatam Sphingen Augustanam, disputatum est à Theologis & Consiliariis in aliquot congressibus, quorum vni affuere etiam duo Episcopi, contra quos acerrimè dimicatum est, ut responsa decebunt.

Hos congressus Flacius primo cum adhuc nobiscum esset, clam & fictitio nomine sparsis chartis suggestillare, mox aperte criminari ac traducere ad vulgus cœpit, cum quid ageretur & fieret, quid exigeretur ab ijs, qui ad deliberationes adhibebantur, quid de petitis & postulatis illi responderent, nec sciret nec scire certò posset, nisi quantum suspicionibus colligebat, & de captatis à sese vel incerto sermone perulgatis arripierebat rumusculis, deniq; quantum somniabat ex somnijs Philippi, quæ studio tam sollicito excepit et notauit, ut momenta etiam expresserit in chartis editis, quibus ea recitari audiuit, scilicet ne quid periret, quod substruendis & fundandis aliquo modo ijs, quæ meditabatur, accommodatum reperiebat.

Paulò post cum à suspicionibus, somnijs Philippi Melanthonis, perquisitis ac direptis in huius Bibliotheca scriptis priuatis & epistolis, vocibus à quocunq; auditis, quas sciscitando insidiosè & animos pertentando elicere solebat, & similibus, præclarè sibi videretur instructus ad eam causam publicè & ex professo agendam contrâ

nos,

*aufugit
illijricus*

nos, quam usq; ad illud tempus alieni nominis figmento prefferat, abruptit se à nobis, & hinc ad tutam ac munitam arcem profugit, turpiter & sine causa deserto loco & munere suo. Tum demum cœpit seriò à congressibus, à quorum insectatione tragœdiam exorsus fuerat, totus in Praeceptores nostros & Doctores conuerti. Hostes aduersarios, qui de recenti Imperatoris victoria superbi ac feroce, Ecclesias in magna parte Germaniae deuastabant tyrranicè, excussis inde pijs pastoribus, & vel sufficitis in eorum locum impijs ac prophanis sacrificulis, vel templis clausis, ac ministerio sublato. Illos ergò ita dissimulanter præterijt, aut metu, aut potius vafro consilio in nostram comparato perniciem, ut ne hiscere quidem contra eos vel voluerit vel fuerit ausus, Imò ut ne quidem ullum ipsorum dogma perstrinxerit, sed omnes coegerit aduersum nos copias suas: omnes in nos intenderit vires ingenij & corporis, scriptionibus priuatis & publicis, fabricis imposturarum & calumniarum, discursationibus, sollicitis in nos inquisitionibus, deniq; conatus sit extrema omnia. Cumque ea quæ publicè fiebant ac præstabantur, Doctrinæ repetitione consolando confirmandoq; afflictas Ecclesias alibi, Nostris consulendo, ne in easdem deuoluntæ calamitates similiter de veritate & toto ministerio periclitarentur, nulla specie calumniari posset & infamare: nec certò & exploratè scire posset, quid in priuatis congressibus tractaretur ac disputaretur: cohibere se tamen

men ac frenare non potuit, quin de conquisitis ac coaceruatis cœcis & virulentis suspicionibus, manum somniorum terriculamentis, anilibus fabellis, peruulgatis sermunculis, extrueret accusationes nostri & nostrorum, criminationibus atrocissimis & planè parricidalibus accumulatas.

Nostri inter initia occupati cura cogitatione & sollicitudine, de rebus difficillimis & periculorum plenis, nec tam ad ipsos pertinentibus, quam complectentibus salutem & incolumentem Ecclesiarum in his regionibus: & freti conscientia rectissimæ ac constantissimæ uoluntatis, piorum consiliorum, & conatum ac studiorum directorum ad Dei solius gloriam, veritatem doctrinæ, & Ecclesiarum stabilitatem: confisi deniq; diuino præsidio, quod ardenter implorabant, & certo sibi præsto futurum sciebant in ea causa, quæ Dei erat: his calumnijs & insectationibus sui non admodum mouebantur, quod propter odia iniusta & falsas insectationes ac traductiones scirent, nec deserit Ecclesias in tantorum periculorum metu & tantis erroribus nouis, nec pia & salutaria consilia mutari aut abyci, nec curam conseruandi Ecclesias cum veritate doctrinæ deponi debere. Et Philippus similibus artificijs ante se quoq; mirifice petitum oppugnatum & exagitatum meminerat ab alijs. Propterea intenti in præsentia negocia, spretis magno & forti animo mendacibus calumnijs Flacy, sicut & Imperatoris Caroli minacia edicta & intentata ab ipso pericula contempserant:

mittit: Id dabant operam, ut cum doctrinæ quam plantarent puritate, Ecclesiæ, quibus summa perpetuae vastationis & amissionis doctrinæ pericula impendebant, Dei auxilio tuerentur.

Flacius lætus de concepta spe & de pulcherrimis & speciosissimis occasionibus vel opprimendi vel deformandi nostros, & hoc perfecto experiundi in doctrina confessio- nis nostræ, quod aliquando post inchoatum, nunc persequitur & urget: nec destitit ab incœpto, nec defuit sibi ipsi vallis technarum & machinationum modis. Sed repetito & ingeminato eodem coccyno, & iictibus eodem argumen- to suspicionum, somniorum, fabellarum duplicatis, triplicatis, & tandem ad fastidium & nauseam usq; multipli- catis, oppugnare nostros perrexit, additis nouis accu- sationibus totius Academiæ & uniuersim Ecclesiæ in his Regionibus, & toto argumentorum agmine speciosius nouis calumnijs & mendacijs manifestis instructo, de doctrinæ in hac Academia depravationibus, citatis, ut series scriptorum docebit, utilis, fraude corruptis, sup- posititijs, calumnioso detortis sententiolis.

Nactus ocium tandem Philippus mox de priuatissimis consultationibus falsò & calumnioso, ex solis suspicionib; sine fundamento aliquo reprehensis, breui respondit Epistola, quam præmisit repetitæ in enarratione Episto- lae ad Colossenses doctrinæ de pænitentia & Vera conuer- sione ad Deum Anno M. D. XLIX. contra præstigi- as, qui

as, quibus satisfactio[n]es à quibusdam recens pingebantur. Et respondit ideò, ut satisfaceret morosis quibusdam & curiosis hominibus, qui vel perturbati vel persuasi Flacij uociferationibus, flagitabant, ut quid priuatim etiam gestum conclusumq[ue] esset, proferretur. Hanc Epistolam hoc loco inseruimus, ut qui toties accusarunt silentium nostrum, uideant, & quid reprehenderint, & quare nos culparint, & quas causas huius reprehensionis habuerint, edocti tunc satis superq[ue] hac Epistola, & de summa priuatarum deliberationum ac conclusionum, & de perseverantia nostrorum in eodem doctrinæ genere, & de voluntate ac studio retinendi agnitam veritatem ac propugnandi. Ostenderunt autem hac sua postulatione illi, quod non delecentur ueritatis demonstratio[n]e, de qua & assentiri debuerant testimonio, & acquiescere assuerationi tanti uiri, cuius fides & integritas perspecta erat publicè tot amis, sed mutuarum criminationum in re nibili scurrili & improbo atq[ue] in Ecclesia non ferendo conflictu. Ad qualem conflictum Philippum à Flacio multoties prouocatum meminimus. Verba Epistole
haec sunt:

PHILIPPVS MELANTHON
pio Lectori S. D.

V T præcipua cura omnium hominum esse debet, ut recte agnoscere & inuocare Deum discant: ita cum in Ecclesia se C ij Deus

Vera Ecclesia

Deus patefecerit, & uelit ibi suam uocem audiri, ac velit singulos si-
eri ciues eius coetus, & ad uexillum Domini nostri Iesu Christi con-
currere, ut apud Esaiam dicitur: Erit signum populis, omnino ne-
cessaria est & haec cura, circumspicere mente, & in tanta confusione
generis humani sapienter querere, quæ & ubi sit uera Ecclesia, ut in
eam nos fidei societate, inuocatione & confessione, includamus, ubi-
cunq; sumus. Sparsa est enim in diuersa imperia. Sed à prophana &
impia parte generis humani distincta est signis non fallentibus, ut
sciamus uerè Dei Ecclesiam esse coetum, ubi cunq; est qui uocem Eu-
angelij sonat incorruptam, & legitimū Sacramentorum usum reti-
net, nec idola pertinaciter defendit. Haec cum ab ihs, qui doctrinam
Propheticam & Apostolicam didicerunt, & non fabulosam esse sen-
tiunt, mente, oculis atq; auribus iudicari possint, agnoscí certe Ec-
clesia potest.

Et in tantis Imperiorum ruinis, ac hominum dissipationib;
bus, hanc consolationem bona mentes teneant, ubi uocem ueræ
doctrinæ incorruptam audiunt, & legitimū Sacramentorum usum
cernunt, & uident non defendi pertinaciter idola, & errores pug-
nantes cum uoce filij Dei, ibi se in societate Ecclesiæ esse certissime
sciant, nec dubitent, tales coetus Dei domicilia esse, ibi ministerio
Evangeli adesse Deum, ibi exaudiri inuocantes, ibi recte coli De-
um, ex eo coetu colligi æternam hæreditatem filio Dei, iuxta illud:
Vbicunq; sunt duo aut tres congregati in nomine meo, ibi sum in
medio eorum.

Hac consolatione saepe in dissensionibus publicis opus est,
quam quidem eo recte, quia nunc quoq; clamoribus quorundam
non leuiter perturbantur nostræ Ecclesiæ, quæ hanc ueram & fir-
mam consolationem teneant, de qua suos oculos & suas aures singu-
li testes faciant. Sonat eadem uox doctrinæ uniuersæ, quam in lib-
bris nostris, qui extant, sonamus. Usus Sacramentorum manet
idem, qui fuit ante proximum bellum. Taxantur errores, & idola,
ut libri à nobis scripti ostendunt.

R Quod uero clamitat Flacius Illyricus, & doctrinam mutari,
& restituī ceremonias quasdam antea abolitas, primum de doctrina
respondebo. Palam refutat hanc calumniam uox omnium docen-
tium in Ecclesijs nostris & in Scholis. Ac ne longa aut obscura sit re-
sponsio. De uniuersa doctrina sentio quod scripsi in eo libro, qui
in multorum manib; est titulo Locorum Theologicorum, in quo
non

non uoluī nouum doctrinæ genus constituere, sed fideliter collegi doctrinam communem harum Ecclesiarum, quæ amplexæ sunt confessionem exhibitam Imperatori Anno 1530, quam sententiam iudico esse perpetuam Ecclesiæ Catholicæ doctrinam, ac uolo dextre & sine Sophistica & sine calumnijs intelligi id scriptum.

Et quantum mihi conscius sum, non studio dissentiendo ab alijs, non amore nouitatis, non ~~Θλονειας~~, aut alia ulla prava cupiditate impulsus sum, ut illam Epitomen colligerem. Sed tempora occasionem præbuerunt. Cùm in prima inspectione Ecclesiarum comperissimus admodum dissinos clamores esse ineruditorum de multis rebus, Summam doctrinæ, quam Lutherus in diuersis & interpretationum & concionum uoluminibus tradiderat, tanquam in unum corpus redactam edidi, & quæsiuī genus uerborum, quo ad proprietatem, quæ ad perspicuitatem & concordiam utilis est, dissententes adsuefierent, ac semper omnia scripta iudicio Ecclesiæ nostræ & ipsius Lutheri permisi, de multis questionibus etiam disertè sciscitatus sum Lutherum, quid sentiret, ac multi pagellarum illarum exempla adhuc habent. In eius doctrinæ profelione, quam ut dixi, scio perpetuum esse consensum Ecclesiæ Catholicæ domini nostri Iesu Christi, & nunc Deum inuoco, & inuante ipso hanc confessio nem ad æternæ Ecclesiæ consuetudinem adseram. Hæc recito, ne quis criminetur, me aliorum fidem dubitatione aliqua mea languescere.

Iam de rituum mutatione, quæ alicubi facta est, pauca responderebo. Optarim cerè in hac præsertim tanta inœstia nulla prorsus mutatione has Ecclesias turbari, ac siquæ factæ sunt, non sunt à me ortæ. Sed fateor me uialis & Francicis & alijs, ne desererent Ecclesias propter seruitutem, quæ sine impietate sustineri posset. Nam quæ Illyricus uociferatur, potius uastitatem suis faciendam in templis, & metu seditionis terrendos Príncipes, ego ne nunc quidem tam tristis sententiæ autor esse uelim. Alia onera multò duriora quam linea uestis est, sustinere nos studiorum & Ecclesiæ causa manifestum est, odia potentum, contumaciam populi, malevolentiam in fucatis amicis, discordias docentium, inopiam, iniurias, & alia multa mala, quæ etiam tranquillam gubernationem comitantur. Nunc uero turbulentis temporibus multa accedunt atrociora.

Cùm autem propter tales miserias non discedendum sit à statione, toleretur etiam seruitus in re leuiore, quæ tamen sine impietate est.

te est Mihi quædam ingens mœstia huius temporis in tanta dis-
tractione uoluntatum & opinionum poscere uidetur, ut adfictas
Ecclesiæ consolemur & foueamus, quantum p[ro]le fieri potest, & cure-
mus, ut rerum necessariarum omnium doctrina fideliter explicata ad
posteritatem propagetur, & Scholæ conseruentur, quæ custodes sint
omnium honestarum artium.

Quod autem narrat Flacius, alium nescio quem, dixisse, me
dixisse, Non discedendum esse ab Ecclesijs, etiam omnes ueteres
abusus restituerentur, manifestum mendacium est.

*familiaria
Colloquia
mali inter-
praetata.*
Ac uidete artificem, ut odia accendat, & suspicione cumu-
let, multa profert ex familiaribus colloquijs, quæ etiam calumniose
interpretatur, alicubi personis alijs sermones falsos attribuit, ut has-
bere non solum testes, sed etiam adstipulatores uideatur. Neç sen-
si, nec dixi unquam, quod ille in me falso confert, manendum esse
in ijs Ecclesijs, in quibus restituantur errores, & oblatio Missarum, &
inuocatio sanctorum, & similes impij cultus, qui nostris scriptis ta-
zati sunt. Imo palam profiteor, nec recipiendos esse illos Idolorum
cultus, nec tolerandos. Et ut discentes in singulis materijs essent in-
structiores, magna cura & magno labore fontes controuersiarum ex-
posui.

Hic si dolori meo indulgere uellem, possem & de Flacio iustè
queri, qui aduersus me talia mendacia spargit, & commemorare ex
alto repetitas causas harum ærumnarum, quibus nunc Ecclesia totius
orbis terrarum oppressa est, & exponere, quæ res armauerit audaci-
am aduersariorum contra ueritatem, & confirmauerit potentiam.
Sed haec vulnera nunc attingere nolo, & istos libertatis vindices oro,
ut sinant me & alios multos tacitos circumferre nostros dolores, nec
accendant atrociora dissidia.

Gloriatur se defensore fore pristini status. Si statum impe-
ria certa & politias intelligit, & Ecclesiæ suis tantum moenibus in-
cludit, non recte sentit. Sparsa est etiam in alias politias Ecclesia so-
nans uocem Euangeli incorruptam, & uera inuocatione, ueris ge-
mitibus & lacrymis Deum inuocans. Cumq[ue] tanta fuerit familiariz-
tas ei mecum, quantam significat, testis esse potest ipse meorum do-
lorum, gemituum, & assiduitatis. Nos imperiorum & status publici
concuSSIONem deploramus, nec querimus arces aut præsidia. Sed in
his ipsis Ecclesijs, in quibus sumus, eandem uocem Euangeli sona-
mus, inuocantes Deum in uera agnitione & fide filij Dei, & medios
cri la-

cri labore studia literarum, institutionem iuuentutis & disciplinæ cōseruationem adiuuamus. Si potest Ecclesijs ille defensor status aureum seculum restituere, triumphet ut uolet.

Cur me delegerit, cūm nulla in re unquam à me Iæsus sit, quem in ista defensione status, ut uocat, primum opprimat, ut Marius Antonium, nescio, cūm sciat mihi semper displicuisse corruptelas doctrinæ, & à me errores præcipuos taxatos esse. Nunc scribit me promouere, hoc enim utitur uocabulo, quia suasi, ne in templis fieret solitudo, propter lieam uestem, aut res similes.

Etiam si qua esset dissensio de re tali, non obliuiscenda erant in Ecclesia præcepta de dilectione, præsertim cūm sciat nos in magno luctu esse, & nec regna, nec opes quærere, non erant imitanda exempla ciuilium dissensionum, in quibus, qui sunt animorum impetus, prouerbio significatum est: ὅτις δὲ μὴ φάγε ὅτιπ μέποτε γνώσεται δράκων. Ille uero mihi non tantum stylum, Sed alia minatur atrociora. Optarim nos conferre operas potius ad illustrandas res necessarias, satis enim certaminum restat, propter quæ inter nos pacisci inducias & uelut syncretismum non modo nobis, Sed toti Ecclesiæ utilius esset, ne accideret illud, quod Paulus inquit: βλέπετε μὴ ὑπὸ δηλαχθῶν ἀναλωθῆτε. Ego responsiones moderabor ex utilitate, ac spero me & scriptis, & multorum honestorū iudicij aduersus calumnias satis defendi. Nam & alij pīj & docti uiri in multis regionibus non leuiter dolent, has Ecclesiæ condemnari.

Sed & Flacium & alios adhortor, ut cogitente, quid futurum sit, Si utrinque accensi Historiam annorum triginta repetemus, Quælis hæc erit tela?

Quod toties profert obiter dicta in familiaribus colloquijis, imo & somnia recitat, ostendit qua fide amicicæ & familiaritatis iura colat, Sæpe in dolore familiares querelæ liberiores sunt, sæpe disputandi causa ego ipse uehementius sententiam, quam amplector, oportuno, non ludens, sed descendendi causa, ut allorum cogitationibus erudiār.

Postremo natura mea multis nota est, non adpeto laudem toruitatis, Sed mediocris est comitas, qua iocor interdum etiam in doloribus, talia dicta postea calumniose spargere, ut iste facit, θλακικός est, non officiosum, ut nihil dicam asperius, Sin autem, ut in quæ

Minatur philippo gladium

quadam parte suæ Epistolæ significat, ubi mihi gladios etiam minatur, casus aliquis me oppræserit, quorumcunq; gladijs præbenda erit hæc misera ceruix, commendabo me filio Dei Domino nostro Iesu Christo, crucifixo pro nobis & resuscitato, qui inspecto est cor dñum, & scit me simplici studio quæsluisse ueritatem, non factiones aut regna constituere, non laxare frenos curiositatí uoluisse, nec sine magna difficultate diligenter considerata uniuersa antiquitate, multas intricatas quæstiones euoluisse, meq; iuuentuti ad disciplinam & ad colenda rectissima studia hortatorem fuisse.

NSed de me iam nihil dicam. Scio in dissensionibus ciuilibus, omnes casus omnibus expectandos esse, scio rabiem animorum uarijs modis accendi. Et habere Flacium suas quafdam faces animaduerto, Sed & uitam meam Deo commendo, & Ecclesiam Dei ueram in his regionibus & alibi, de qua multò magis, quām de mea uita sollicitus sum. Sed hac me consolatione sustento, quod promisit Deus, se ~~etiam~~ senescenti Ecclesiæ ad futurum esse. Et filius Dei inquit: Ecce ego uobis cum sum omnibus diebus usq; ad consummationem seculi. Seruabit Deus aliquos cœtus custodes doctrinæ Euangelij & recte ipsum inuocantes, & ut in his regionibus etiam seruet, toto eum pectore, & ueris gemitis oro.

Hanc breuem responsonem opposui clamoribus Flaci, non tam mea causa, quām earum Ecclesiarum causa, ubicunq; sunt, in quibus multorum pñorum animi scriptis Flaci uulnerantur. His te neant hanc consolationem, quod certum est, fundamentum in his Ecclesijs fideliter retineri, uidelicet incorruptam uocem Euangelij, omnes articulos fidei, & usum Sacramentorum sine corruptelis. Tali ministerio adesse filium Dei, & in tali cœtu exaudire inuocantes certissimum est, ut supra quoq; dixi. Bene uale candide Lector, Calend. Octobris

1549.

HAIC Epistolam cum edidisset, et simul retextam totam de uera conuersione ad Deum doctrinam luculentem & perspicuè, mox de præcipuis doctrinæ capitibus, in

in enarratione Symboli Nicæni eodem modo sententiam
suam repetiuit, & hanc enarrationem cùm inscripsit Ec-
clesijs Saxonicijs, tūm censeri ab illis ac iudicari voluit, vt
cùm à Flacio incitatæ essent contra nos, ostenderent quæ in
hac doctrinæ forma reprehenderent & improbarent, & si
nihil desiderarent (vt desiderarunt nihil) desinerent Flacijs
calumnijs assentiendo, fouere dissensiones & discordias.
Hac prouocatione ad iudicia Academiarum & Ecclesia-
rum rectè sentientium sèpe vñsus, tantum studio recolligen-
dæ ac sarcinendæ Ecclesiæ, quæ studio partium ex Flacijs
clamoribus & occultis machinationibus in factiones erat
distracta, censuras nullas vñquam subire recusauit, ne
quid desiderari vlla in parte posset à quoquam, nec silenti-
um prætexi posset nostrum odijs & maledicendi cupidita-
ti. Sed neque à cæteris hac in parte prætermissum est
quicquam. Et Epitomen priuatarum deliberationum copi-
osius explicatam publicabat tunc Princeps Anhaldinus.
Extat & oratio hoc argumento recitata à Principe An-
haldino in Synodo quadam de præscripto Philippi Melan-
thonis, quam etiam hic subiungemus, vt nunc legant &
cognoscant, quæ tunc scripta fuerunt de hac causa, illi, qui
vel abhorruerunt tunc ab his (vt fit in calumnijs) vel
ab horum inspectione & consideratione char-
atis Flacianis fuerunt ab-
ducti.

D

Oratio

O R A T I O D E D I C T O P A V L I : P R O-
bet vnuusquisq; opus suum, & sic apud sese gloriam ha-
bebit, non ab alijs, recitata VI. Octobris
Anno M. D. XLIX.

IN iatio gratias agimus Deo æterno Patri Domini nostri Iesu Christi, conditori Ecclesiæ angelicæ & humanae, quod hac-
nus, quanquam magnis tumultibus & confusionibus gubernatio im-
peditur, seruauit tamen clementer harum regionum Ecclesiæ, & ar-
dentibus uotis eum oramus, ut Filio suo Domino nostro Iesu Chris-
to hæreditatem celebraturam ipsum in omni æternitate, perpetuò
in his regionibus colligat. Et huic piaæ precationi adiungamus ora-
tionem Dominicam.

CV M autem in his congressibus proflit aliquam commonefactio-
nem utilem proponi, & nunc Ecclesiæ nostræ; & nos omnes in
magnis doloribus simus, propter uenenatas columnas, quæ contra
nos sparguntur, necesse est remedia idonea his nostris doloribus ad-
hibere. Audiamus itaq; Apostoli uerba ad Galatas: Probet unus
quisq; suum opus, & sic apud sese gloriam habebit, non ab alijs.

Consolationem igitur institui, ne his criminationibus fracti,
existimetis nos Ecclesiæ societatem amisisse, nec excuti uobis fidem
& invocationem sinatis. Non ferrum, non tela ulla, maiora vulnera
in corde faciunt, quam illæ diræ uoces, etiam si falsæ sunt, in quibus
clament nos aduersari ueritati, & impios cultus restituere.

Etsi enim conscientia rectæ uoluntatis & piorum consiliorum
lenit nobis modestiam, tamen propter Ecclesiæ dilacerationes ualde
cruciāmur. Quæramus igitur conuentientia remedia. Ac primum
populo & cæteris, qui à deliberationibus publicis absunt, hæc con-
solatio sat satis mederi potest: fuos quisq; oculos, suas aures testes faciat.
Cum adhuc uocem Euangeli incorruptam audiat, & uideat in coena
Domini nullam fieri mutationem, nec ullos impios cultus restitutos
esse, statuat sese Ecclesiæ ciuem esse, & uerè se à Deo exaudiri, & re-
ste se harum Ecclesiarum societatem tueri, quia certum est, ibi esse
Dei Ecclesiam, ubi sonat incorrupta uox Euangeli, & usus Sacra-
mentorum legitimus retinetur, & non defenduntur pertinaciter ido-
la, sicut

la, sicut scriptum est: Vbi cunq; duo aut tres congregati sunt in no-
mine meo, in medio eorum sum. Lucere autem agnitionem Filij
Dei in his Ecclesijs, cum fundamentum recte teneatur, non dubium
est.

Hanc consolationem populus teneat, & non aucupetur fa-
bellas & calumnias, quæ contra has Ecclesijs sparguntur, ut sunt
multi leues, quibus uoluptati est, conuicia legere & audire.

Semper Ecclesia uarijs modis oppugnat, & Diabolus labet
factare fidem & inuocationem in omnibus uarijs scandalis studet, ut
cum in populo Israel multi uiderent filiorum Dauidis parricidia, se-
ditionem præcipuorum ordinum & Principum, & incestas libidi-
nes, dubitabant certe an haec gens Ecclesia Dei esset, qua in pertur-
batione tamen pios uidere necesse fuit, ubi uox diuina uerè sonaret.
Ita nunc populus ad hanc arcem configiat, sciat ibi uerè esse Dei Ec-
clesiam, ubi uox Euangeli sonat incorrupta, ut dictum est. Si quid
ab alijs in deliberationibus publicis actum est, de quo dubitas, id ad
te nihil pertinet, cum nec sis autor nec approbator, & cum res non
satis nota est, regulam sequaris, Nolite iudicare, nec iudicabimini.
Item: Non sis susurro in populo.

Nunc de nobis etiam dicam, qui Deliberationibus interfui-
mus.

Primum de doctrina & rebus necessarijs, non solùm conscientia rectæ uoluntatis, & piorum consiliorum, nos consolatur, sed euentus etiam. Nam res ostendit, nec doctrinam mutatam esse, nec usum Sacramentorum.

Hic cum publicæ conciones & ritus, qui in oculos incurruunt, testimonium de nobis dicant, manifestum est, falsò & nos & has Ecclesijs accusari. ac si quis delectatur illis mendacijs, suam leuitatem & malevolentiam declarat. Diabolus, ut nomen indicat, impellit multorum animos, ut & ferant, & audièt calumnias. Ideo non inusitatum est, etiam manifesta mendacia habere applausores, quæ postea magnos tumultus excitant.

Quanquam igitur iniuriæ dolorem nobis afferunt, tamen Deo iudici utroq; commendemus, & sciamus nos propter horum iudicia, nec societatem Ecclesiae amisisse, nec à Deo abiectos esse. Nam adhuc uox doctrinæ eadem est, & magno labore magnisq; periculis à nobis propugnatur.

At inconstantiam nobis tribuunt aliqui, quod de uestitu &
de alijs quibusdam similibus ritibus non tumultuose pugnamus, non

minitamur principibus seditiones, non iubemus deseriri Ecclesias, dicunt his initij seruitutis, strui insidias populo.

In hac criminatione plausus & studia habent multitudinis. Sed nostra defensio in hac re honestissima est. Etsi tanta est malitia vulgi, ut nihil mirum sit gubernatores de ea frenenda cogitare, & uetera disciplinae uincula requirere, Tamen nos in hac deliberatione optaremus nunc modestiae Ecclesiarum & imbecillitati, quae magna est & in bonis mentibus, parci, & ideo quantum fieri possit a non necessarijs mutationibus abstineri, Tamen ubi Principes ad tollendum dissimilitudinem rituum Ecclesiasticorum, qui in aliquibus Ecclesijs intermissi, in alijs obseruantur, & ad disciplinam restituendam, quædam decreta proponenda duxerunt, quæ sunt sine Impietate, factemur nos suadere ne propterea Ecclesiæ deserantur. Intelleximus alicubi in Suevia & ad Rhenum in templis prorsus solitudinem factam esse, nullam audiri uocem doctrinæ, multis in locis diu non administratam esse coenam Domini. Hæc accidere nollenius, & uerè iudicamus, Necessaria anteferenda esse non necessarijs, Retinendam esse uocem Euangelij, Ecclesiæ congressus, Sacramentorum usum, etiam si qua imponitur corpori seruitus. Dulce est nomen libertatis, & homines inquieti, cum religionis prætextu eam defendunt, uehementius mouent hominum animos. Itaque non mirum est nobis irasci multos, eo quod libertatem non magis etiam laxamus, Quod ita obtineri potuisse aiunt, si Principibus metum seditionum nostris clamoribus & populii consensu incuteremus.

Nos uero neque factionibus certare, neque inflammare vulgi animos contra Principes uolumus. Nam quod ait, nos assentatione tacere, calumnia manifestè falsa est. Sciunt enim ipsi, nos in rebus necessarijs nusquam de sententia cessisse. Labores & pericula nostra uident, cum quidem ipsi sine ullo periculo inter applausus sui theatri uociferentur, tantum de rebus non necessarijs, de quibus tamen nunc sophisma excogitant, necessariò uitari lineam uestem, quia significet recipi ueteres errores. At extat nostra uox & confessio de singulis articulis.

Conciones & ritus ipsi quotidie testimonium dant confessio- ni nostræ. Falso igitur dicunt, eam ueste illa inuolui.

Quam magnos motus his ipsis annis, ut uetera exempla omittam, uidemus ortos esse argumentis simili calliditate fucatis.

Ego in-

Ego ingenuè fateor, et si optarim, ut ante dixi, nulla re prorsus turbari Ecclesias, tamen si haec uota irrita sunt, me in hac sententia manere, hac quasi seruitute, etiam si molesta & odiosa esset, quæ apud illos libertatis defensores uituperatur, Tamen non pollui conscientias, nec ista subtilitate uerborum, & præstigijs calumniatorum turbor, sed prouoco ad recta & candida iudicia, quæ tam duras sententias de hac re non ferent.

Præterea cùm omnino deceat ordinem aliquem esse Feriarum & Lectionum in templis, ut Natalis Christi, Paschatis, Ascensionis, Pentecostes, cur non fateremur nos libenter retinere tempora, quorum aliqua Deus ipse retinuit inde usq; à primo Paschate? Cùmque horum temporum obseruatio reprehendit non possit, cur non & de similibus ritibus candidius iudicant?

Dum fundamentum utriq; tenemus, quod est Christus, & utriq; sumus eadem Christi Ecclesia, concordiam nos utrinq; tueri pium erat. Ac ut nos libertatem eis gratulamur, ita ipsi uicissim seruitutem nostram, quam uocant, boni consulere debebant. Nec propter leues causas odia accendenda erant, & faciendæ distractio-nes, præsertim cùm aliae restent controuersiæ grauiores, propter quas res maximè prodesset nos quām coniunctissimos esse, ne odijs aut studijs factionum, ut sàpe accidit, corrumpantur.

O rem miseram & deplorandam. Quoties in Ecclesia uoluntates hominum leuissimis occasionibus distractæ sunt, Postea factionum studia & æmulationes mutationem dogmatum peperrunt. Ita Arium dolor repulse accedit, ut tam triste bellum moueret.

Primum autem oro Filium Dei Dominum nostrum Iesum Christum, ut ipse haec vulnera Ecclesiarum sanet, & flectat nostras mentes ad concordiam. Deinde illos ipsos ueteres amicos nostros obtestor propter Filium Dei, ut nobis & Ecclesijs nostris parcant, cùm alioqui magno in dolore & luctu simus, quem leuari aliorum benevolentia & consolatione oportebat.

Nos quidem, quia totius nostri consilij summa hæc fuit, ne defererentur Ecclesiæ, nisi necessariæ causæ essent, conscientia piæ uoluntatis nos sustentamus, ac ne nunc quidem possem aliud consilium dare his qui alibi similem seruitutem sustinent.

Nec errat conscientia præferens necessariam conseruationem minister ij Euangelici, non necessariæ fugæ. Et sapissimè prohibet

D ij Euange

Evangeliū rīxas de cibis, uestitu, & similibus rebus, si tamen uox doctrinæ maneat incorrupta.

Talis cùm fuerit & sit conscientia nostra, non abiçimus in uocationem Dei, & supplices oramus, ut exitum consilij nostri regat ipse, & nos gubernet, & prohibeat Ecclesiarum dilacerationes. Sic Paulus iniustæ criminatiōnī opponere docet, conscientiæ iudicium, cùm inquit, Probet unusquisq; suum opus, & sic apud se se gloriam habebit, non ab alijs, Id est, Inspiciat quisq; sua consilia & facta, & curet, ut bona conscientia regantur, Quod cùm ita facit, habetq; non uanam persuasionem, sed ueram conscientiæ approbationem, hac gloria se aduersus iudicia hominum tueatur, nec pendeat ex aliorum applausu, nec calumnijs fractus suam stationem deserat. Eset omnino plausibile, si rabiose conuiciaremur gubernatoribus, & minitaremur eis seditiones.

Hanc isti libertatis assertores dicerent esse fortitudinem & constantiam Propheticæ similem. Sed magis nostræ conscientiæ iudicia, quam illius Theatri plausus sequamur.

Retinendum est fundamentum & doctrinæ puritas, &, ut in magna Imperiorum & opinionum confusione cauendum, ne maiores dissipationes fiant, ne maiora dissidia dogmatum accendantur, & molestæ Ecclesiæ fouendæ, consolandæ, consociandæ, non defervendæ sunt.

Has rationes cum hactenus quidem pio studio secuti simus, speramus Deo uoluntates nostras probari, præsertim cum ipse sciāt, quæ de grauioribus controvēsijs certamina sustineamus.

Quòd uero fauciari aliquos scandalis horum timidorum consiliorum dicunt, uideo multos non de doctrina, sed de libertate pugnare. Etsi autem hi quoq; dissimiles sunt, & aliquorum dolore moueor, tamen propter hos non facienda est uastitas & solitudo in tot regionum Ecclesijs. Videlicet magnas esse non solum iudiciorum & opinionum diuersitates, sed multò magis uoluntatum, & uehementes impetus ad factiones confirmandas.

Hos affectus remoueamus ab his deliberationibus, & quæramus, ut Paulus inquit, non quid nobis gloriosum aut utile sit, sed quid molestissimis Ecclesijs prosit, quid ad doctrinæ & disciplinæ conservationem, & ad tuendam literarum possessionem conducat.

Hæc cum mediocri cura fecisse nos res ostendat, minus moveamur hominum maledicorum sermonibus. Ac de excusatione nostrorum

ſtrorum consiliorum & noſtræ uoluntatis alibi plura dicentur. Voſ
tierò qui à deliberationibus publicis abſuſtis, & in ſtatione uedra
manetis, maniſtam deſenſionem habetis, cur non abiecto minife-
rio in templis ſolitudinem faciatis, quia uocationi parendum eſt,
etiamſi qua difficultas toleranda eſt, modò abſit impietas.

Hac conſolatione munit pectora, nec fauciari animos illis
calumnijs ſinete, que etiamſt ſpecioſae ſunt, tamen ita cogitatibit,
mirificas eſſe præſtigias in calumniando, nec dici aut fieri quicquam
tam recte poſſe, quod non plauſibiliter deprauari poſſit. Et hoc ſæ-
culo hæc ars in primis excellit, & laudem habet ſapientiæ. Sed uer-
tatis oratio ſimplex eſt.

Acquiescite igitur in hac perſpicua & ſimplici conſolatione,
quod non deſerendæ ſint Ecclesiæ propter hos ritus nobis uifitatos.

Ad hanc autem conſolationem adiungo & has adhortatio-
nes. Cum ærumnæ nos tam multæ exerceant, ſimus nos in omni
uita modeſtiores, ſit maior ſedulitas in diſcendo & docendo, ut
magis intelligent omnes, uerè à nobis retineri doctrinam incorru-
ptam. Sit & precatio ardentior, in qua Deo & uniuersam Eccleſiam,
& uos iſpos, & ueſtras familias, coniuges, & paruos natos ueris ge-
mitibus commendeſtis, quia certiſſimum eſt, Eccleſiam non ſolis hu-
manis conſilijs, ſed præcipue à Deo feruari & gubernari, ſicut im-
menſa miſericordia Deus eam reſtituit, cum Adam & Heua poſt
lapſum, nullius creaturæ ope, ex ijs miſerijs, quibus oppreſſi erant,
liberari poterant. Et apud Hoseam dicit Deus: Perditio tua Iſrael
ex te eſt, à me uerò auxilium tuum.

Te igitur omnipotens Deus, aeterne & unice Pater Domini
noſtri Iesu Christi, conditor cœli & terræ, & hominum, & Eccleſiae
tuæ Angelicæ & humanæ, unà cum Filio tuo Domino noſtro Iesu
Christo, cruciſixo pro nobis & reuſuſitato, & Spiritu ſancto tuo,
oramus in hiſ tantis ærumnis, ut propter Filium tuum Dominum
noſtrum Iesum Christum, noſtri miſerearis, & Spiritu ſancto

Eccleſiam tibi perpeſuò inter nos colligas & regas, &
poenas immensa miſericordia tua mitiges.

A M E N.

DIXI.

VI. Octobris. Anno
M. D. XLIX.

Paulo.

PAULÒ post Reuerendus Doctor Pomeranus edidit
Ionam Prophetam commentarijs explicatum, & in-
scriptum Serenissimo Regi Daniæ. In illius libri p̄fē-
tione cūm qualia s̄nt, quæ Flaciani sp̄arserint & sp̄argant
de nostris Ecclesijs, declarat grauiter & copiose, legant
eam quæsumus, qui silentium accusant nostrum, nec re-
ſponſum fuisse quidquam queritantur.

SERENISSIMO PRINCIPI ET DО-
mino, Domino Christiano Daniæ & Noruegiæ, Vanda-
lorum & Gottorum Regi, Duci Schlesuicensi, Holsatiæ,
Stormariæ & Detmariorum, Comiti in Oldenborch &
Delmenhorst, Domino suo clementissimo, Iohannes
Bugenhagius Pomeranus Doctor, Gratiam
& pacem à Deo per Iesum Chri-
ſum, Filium eius, Iusticiam
noſtrām, exoptat.

Christus dicit, Serenissime Rex, Iohannis octauo, de
Diabolo: Ille homicida erat ab initio, Et in ueritate non stetit,
quia non est ueritas in eo, Cūm loquitur mendacium, ex pro-
prijs loquitur, quia mendax est, & pater eius, id est, fons mendacijs.
Occidit enim ab initio genus humanum suis mendacijs. Hæc uide
licet hodie in operibus Diaboli, quæ exercet ipse contra nos miserè
afflictos Prædicatores & Ecclesiæ Christi doctores.

Postquam enim uoluntate, consilio, iuſſione & persuasione
, Illustrissimi Principis Electoris captiui (quem Deus liberet sua gra-
cia) dedidimus hanc noſtrām ciuitatem, & Cæsarea Maiestas dedit
nobis subditis & obedientibus pacem, cum hac promiſſione, quod
nihil agere uellet contra Religionem noſtrām, quam haec tenus serua-
uimus secundum Augustanam Confessionem, à qua ne latum qui-
dem

dem dīgitum unquam discessimus, Videris Diabolus, quōd non posset nos delere suis horūcīdijs (Christus enim cum suis Angelis fideliter conseruabat nos) studet nunc, uidelicet Diabolus, nos conspurcare & opprīmēre suis mēdacijs per Adiaphoristicos Scriptores, qui scribunt multis & publicis scriptis in totum mundum, quōd nos Theologī, qui sumus fideles Ministri Christi (testes sunt nobis multæ Ecclesiæ Christi, quibus fideliter seruiuimus, & adhuc hodie agnoscunt cum gratiarum actione fidele ministerium nostrum) accepta pecunia à Magistratu nostro, proditores facti sumus Euāngeliū Christi, & abiectis omnibus bonis ordinationibus defecimus à fide ad doctrinas Dæmoniorum, & ad cultus Antichristi.

Et audent Hypocritæ publico scripto iurare per nomen Christi & iudicium eius contra nos, in prīmis uero contra me, & constituere se in locum iudicij Christi, & iudicare conscientiam meam, & minari mihi iudicium Christi, his uerbis, Hoc, inquiunt, testor coram Christo Domīno meo iusto iudice, qui hæc & alia plura, quæ agit Doctor Pomeranus contra ueritatem & contra propriam conscientiam, recte iudicabit. Nec prodest eis, quōd dicunt se audiisse à uiro si de digno, quasi Pater Lutherus dixerit: Post mortem meam nullus ex his Theologis manebit constans, Primum, quia, Omnis homo mendax, Noli ergo iurare super uerba hominis, qui potest mentiri, Non assumes nomen Domini Dei tui in uanum, Non enim erit impunitus qui hoc fecerit. Deinde, quia accusant mendaciū Sanctum uiiram Lutherum, Hæc enim uerba, Post mortem Lutheri nullus ex his Theologis manebit constans, si rem ipsam species, sunt simpliciter falsa, ita ut & hostes Euāngeliū sentiant & dicant esse mendacium, & doleant non esse ueritatem.

Præterea scribunt ex mera inuidia (id quod nemo non uidet) contra hanc nostram Scholam, quæ floret in Christo, cui sit gratia, his uerbis, Si haberemus mille Scholas Vuitebergenses, deberemus omnes potius perdere, quam permittere, ut in una tanta mala stant, In ea enim corrumpuntur adolescentes falsis opinionibus & praua doctrina contra Euāngelium, hi omnes quando reuertuntur quisq; in patriam suam corrumpent alias Christi Ecclesiās. Ita faciunt Adiaphoristici Scriptores hanc diuinam Scholam suis mendacijs & blasphemij communem pestem Ecclesiārum Christi.

Christe fili Dei uiui, qui nos uoluisti tuos esse ministros, Hæc sunt horrenda & tragica Satanæ mendacia contra nos miserè afflictos,

afflictos, contra Ecclesias tuas sub cruce laborantes, contra sanctum ministerium nostrum, contra Scholas sanctas, Quibus blasphemis perturbauerunt Ecclesias tuas, & multos bonos homines, quorum multi dolent de nostro quasi lapsu, quidam seducti in ignorantia etiam maledicunt nobis. Cum autem resciscunt huius rei ueritatem, gaudent & gratias agunt Deo, & gratulantur nobis, Ita electis & dilectis Dei omnia cedunt in bonum.

Generosus quidam uir & eruditus dixit nobis, Principem captiuum sanctum uiuum, ita persuasum istis mendacijs, ut diceret in inferiore Germania ad eum, malum uerbum de nobis Vuittembergensibus, sed solita modestia cum animi dolore. Scimus enim quod plus dolet de hoc scandalio, quam de proprio damno & captiuitate. Ita & accedit iunioribus Principibus, in ista calamitate ipsorum, per mendaces homines,

Sunt quoque aliqui Praedicatores, qui iactitant fidem, in primis Superbi & Ambiciosi, sed pro charitate iniiciunt in plebem odium contra nos. Haec est pietas eorum & merces nostra. Alicubi Hypocrita, qui ex nobis exierunt, sed ex nobis non fuerunt, item & hostes Euangelij urserunt ita homines, Cur non deficitis ab illa doctrina, a qua defecerunt uestri Praeceptores, ut uidetis in Adiaphoristicis scriptis? Miror autem uehementer, quid sibi uelint fratres, qui aliunde uenientes ad nos, gaudebant & gratias agebant Deo de omnibus, quae uidebant, audiebant & cognoscebant, apud nos, Et tamen reuersi ad sua, calumniabant omnia nostra, ut ante, addentes afflictionem afflictis. Fortassis hoc est quod Christus caput nostrum in Psalmo 41. dicit, Accedit aliquis, ut exploret corde persuero, quererit quod calumnietur, recedit & detrahit, &c.

Erant & apud nos, qui delestatu ista ignominia & contumelia nostra, insidiabantur ut caperent nos uel in sermone, & scripserunt ista mendacia ad alios quasi agnitam & perspectam ueritatem, forte illi quos quandoque offendimus iustis increpationibus, Et alii legentes talia, de quibus olim eram bene meritus, scripserunt ad alios, Ita miscuerunt contra nos celum & terram, ut nusquam suscipiemur, ne ab Ecclesijs quidem nostris, si quandoque exigeremur in exilium cum uxoribus & liberis nostris propter Euangelij ueritatem. Scripserunt & Adiaphoristici Scriptores ad alias Academias, admouentes, ut & ipse scribant contra nos, id quod nobis scripserunt domini

domini & fratres nostri ex Academia Regiomontana. Quis non ui-
det hic maliciam? Certe homines, in quibus aliquid est humanita-
tis, quos Diabolus non excœauit odio nostri, bene & certò possunt
iudicare de scriptis eorum, quæ scribunt contra nos.

Sunt hic & domini & fratres nostri, cum quibus summa fa-
miliaritas & amicicia mihi intercedit, qui me sœpe admonebant,
ut scriberem contra tales calumnias, ita ut tandem mihi molesti
essent suis admonitionibus, in publicis conuisuijs, quò ibam, sperans
in hisce turbis aliquam lætam horam me ibi habiturum, uel inter
fratres. Sed accidit mihi quod Christus in Psalmo dicit: Sustinui qui
simul contristaretur & non fuit, consolantem me quæsiui, & non in-
ueni. Et dederunt in escam meam fel, & in siti mea potauerunt me
acerbo.

Scripti ergo ad tuam Maiestatem ipsam huius rei ueritatem, ¶
Deus scit, quòd non mentior, & easdem literas exscriptas misi Prin-
cipibus & Ciuitatibus quibus prædicaueram, ne scandalizentur in
nobis per mendacia aliorum, Sed lectis literis, reddiderunt nobis
Adiaphoristici Scriptores plaufra calumniarum, minantes nobis
superbissime, nisi emendemus nostra mala, Quibus dixi, Cessate, fe-
cimus quòd exigitis à nobis. Emendauimus omnia mala quæ scri-
bitis contra nos, & traducitis nos toti mundo. Spectaculum facti
sumus & Angelis & hominibus. Quomodo, inquiunt, emendastis?
Per hoc, inquam, quod dicimus mendacium Satanæ esse omnia quæ
scribitis contra nos. Aiunt, Vos confiditis in hoc, quòd uobis licet
configere ad statum inficialem. Respondemus, Non, sed probamus
testimonio omnium Ecclesiarum Christi, quibus fideliter prædicauis-
mus, ut ante dixi. Ego in occulto locutus sum nihil, Quid me cedis?
interroga eos qui me audierunt.

Tunc uidens pertinaciam eorum, & quod queritur talibus
scriptis seditio in hisce terris contra Magistratum nostrum, ad quam
non debemus nostra responsione & contentione cooperari, & quod
ista tempora sunt nobis fatalia, de quibus dicitur Apoc. 14. Hic est
patientia Sanctorum, & eorum, qui mandata seruant, & fidem Iesu,
Hæc inquam, reputans apud me, coepi cogitare de silentio & patien-
tia, id quod postea pñ, eruditæ & prudentes uiri in nobis probauie-
runt. Dixi, Custodiam uias meas, ut non delinquam in lingua mea,
Posui ori meo custodiā, cùm considereret peccator aduersum me.
Obmutui & silui à bonis, & dolor meus renouatus est, &c. Mea est

uindicta, Ego retribuam, dicit Dominus. Et S. Paulus Galatis,
Qui conturbat uos portabit iudicium, quisquis fuerit ille. Qui uos
spernit, Me spernit, dicit Christus, & qui Me spernit, spernit Eum,
qui Me misit.

Vtinam tandem uideant isti Scriptores, quanta mala fece-
rint in Ecclesia Christi, scribendo contra fideles Christi ministros, &
timeant iudicium Dei, Ego quotidie oro Deum, ut hostibus, per-
secutoribus & calumniatoribus nostris ignoscere, & eos ad te con-
uertere digneris, Te rogamus audi nos, Ne tradas me calumnianti-
bus me, ut non calumnientur me Superbi, Pater, ignosce eis, quia
nesciunt quod faciunt, Et consolor meipsum his Christi uerbis, Be-
ati estis cum maledixerint uobis homines, &c. Sic fecerunt & Pro-
phetis, qui fuerunt ante uos. Sic fecerunt & filio Dei in carne nos-
tra, Confidite, Ego uici Mundum, &c. Christus non remaledixit,
Sed sicut agnus ductus est ad mortationem, & sicut ovis coram ton-
dente obmutuit, & non aperuit os suum.

Quia uero Mundus non audit nos, sed perpetuo clamat con-
tra nos, Tu testimonium praebes de teipso, testimonium tuum non
uerum, Dico Domino, Domine Deus meus, si feci istud, &c. Psal-
mo 7. Hæc omnia mala uenerunt super nos, nec tamen obliti su-
mus tui, nec perfidè egimus contra pactum tuum &c. Psalmo 44.
Hic recordor historiæ Dauidis, quam legis 2. Reg. 16. Clamauit
Simei contra Dauid: Egredere uir sanguinum, &c. Dauid autem,
dixit, Sinite ut maledicat mihi, Dominus præcepit ei, Maledic
Dauidi, &c.

Dico autem tuae Maiestati ueritatem, quod in nostris Eccles-
ijs & Scholis, & in omnibus hisce terris, summa est concordia, non
solum doctrinæ Christianæ, sed etiam Personarum, id est, Ministeri-
orum, ut gaudeamus & gratias agamus Deo, quando audimus &
alibi esse talam concordiam, Pro alijs autem oramus Patrem in no-
mine Iesu Christi, Et ego hoc publico scripto admoneo fratres no-
stros omnes, ut studeant per Spiritum sanctum hanc sanctam con-
cordiam conseruare. Si Spiritu facta carnis mortificaueritis, uiuetis.
Si uero inuicem mordetis, uidete ne ab inuicem consumamini.

Bone Deus quantam syluam praebeo eis calumniandi nos
& omnia nostra? Præterea clamabunt, Vos debetis respondere de
Lipsico Interim. Ego non debeo respondere, neq; de HinterIm, neq;
de Fur Im. Non enim mihi sum conscientius alicuius malæ doctrinæ.
Neq;

Necq; Magistratus noster hoc unquam à me postulauit, tantum abest
ut coēmerit, quemadmodum mentiuntur contra nos.

Postremo clamant, Vos nunc tacetis, & non uultis consule-
re afflictis Ecclesijs. Propterea, Serenissime Rex, dedico tuæ Ma-
iestati & tuo Nomini hos meos tractatus, qui continent materias
utiles & necessarias, præcipue hoc tempore, Ecclesijs Christi, ut tua
Maiestas legat & iudicet. Dedit enim Deus tuæ Maiestati intelle-
ctum, ut possit cognoscere magnum Mysterium Dei in Christo, ut
& omnes uideant nos hactenus non tacuisse. Tractauimus enim hæc
publice in Schiola nostra, statim in principio, quando post deditio-
nem Cœnitatis rursum coepit colligi. Hanc doctrinam publice doce-
mus in salutem omnium, qui sunt in Imperio Romano, & omnium,
qui ad Ecclesiam Christi pertinent, etiam alibi extra Imperium
agentium. Si uero Imperium aut Papale Concilium hanc doctri-
nam non sustinet, quemadmodum prædictum est in Daniele, Sciat
uicissim, quod Christus filius Dei, pro nobis uictima factus, qui
constitutus est à Deo iudex uiutorum & mortuorum, non sustinebit
posthac amplius insignem blasphemiam in Spiritum sanctum, in
hac tam clara ueritatis Euangelij luce. Nam & Concilium Tridentinum
iam ante statuit blasphemiam in Christum, his uerbis, Si quis
dixerit, Peccata omnia illi esse remissa, qui remissa esse certò credit ac
statuit, atq; hanc esse illam fidem, quam requirit Deus à peccatore,
ut iustificetur, Anathema sit, Non enim sic dicunt sacræ literæ, in
quibus illud est, contra superbam hanc & temerariam, saepe etiam
falsam fidem: Quis scit si conuertatur & ignoscat Deus? Quibus
respondet Paulus, Etiam si nos Apostoli, aut Angelus è celo aliud
Euangelium euangelizauerit, præter id quod prædicauerimus, &
quod à nobis accepistis, sit anathema. Fundamentum aliud nemo
potest ponere, præter id quod positum est, quod est Iesus Christus.

Et Petrus plenus Spíritu sancto, in domo Cornelij, coram
Romanis militibus, qui priui ex Gentibus suscepérunt ab Aposto-
lis Euangeliū Christi, longe diuersum, contra hanc blasphemiam
pro Christi gloria statuit ex sanctis Prophetis. Christo, inquit,
omnes Prophetæ testimonium perhibent, Remissionem peccato-
rum accipere per Nomen eius, quotquot credunt in Eum. Ibi ne-
gat Petrus & Spíritus, in ulla sanctis Prophetis legi illam turpem
& blasphemam dubitationem, quam docent Papistæ contra fidem

in Christum. Videbit quoque tua Maiestas in hisce meis Commen-
tarioribus, quod Spiritus sanctus non in sacris literis, ne in Ioele & in Io-
na quidem, hanc dubitationem dixit aut dicere potuit, Cessate ergo
oppugnare agnitam Euangelij ueritatem, Iam pergit Daniel,
pergit & Apocalypsis expositor Danielis. Christus
seruet suam Ecclesiam, contra omnes por-
tas inferorum, in uitam æternam,
A M E N.

1550.

Scripsi Vuitenbergæ M. D. L.
Prima Octobris,

SPerabamus autem futurum, ut si hæc cognouisset
Flacius, ad Veritatis productæ vocem ac testimonium
si nullo percelleretur terrore conscientiæ, at pudore ta-
men suffusus ac rubore, verecundè sese reprimeret, & im-
petu maledicentiae frenato, atque cohibita impudentia, pau-
latim & tacitè cedendo reciperet sese, ne vel conspicere-
tur amplius in publico, vel exaudiretur vox illa eorum,
quibus haetenus incessere temerè et falsò patefactam mox
innocentiam optimè meritorum solitus esset. Et cogitaret
etiam tūm de fundamentis suarum criminationum, quām
sint cœca, falsa, lubrica, lacera, malè de suspicionibus,
somijs & fabellis, consuta, & calumnijs. malè sarta:
tūm de dissidijs, quibus Ecclesiam petulantis ac maledicæ
linguae flabello inuoluisset nulla de causa: tūm de peruersu-
ris in Ecclesiam horribilibus scandalis, si illata vulnera
vellicando arrodendo que lacerare pergeret & exasperare.
Multò maximè autem cogitaturum Flacium existimaba-
mus, quæ præstarent beneficia uniuerso orbi Christiano
nostrī,

noſtri, recte ſuo loco, & in ea, in quam ſunt collocati di-
uinitus, ſtatione, docendo de Deo frequentes cætus Scho-
laſticos: & hæc vera dogmata eruditis ſcriptis longè la-
teg̃, diſſeminando ac propagando, de quibus exteris etiam
gentib⁹, quæ vel viua voce docentium frui, vel patrij
noſtri sermonis idiomate vti non poſſunt, veritas diuina
immoſcitur: Deniq̃ velut in perpetua & contra hoſtes Ec-
clieſie Christi comparata atq̃ adornaſta militia infringen-
do aduersariorum conatus. Ideoq̃ aut deſtiturum à crimi-
nando, aut moderaturum clamores, ne & posteritatē
tantis defraudaret beneficijs, & occupatas ſanctas operas
noſtrorum doctriñae deſenſione contra tot hoſtes, & velut
elaboratione atq̃ expolitione ultima eiusdem interpellaret,
& collationes impediret doctorum inter ſe de rebus ma-
ximis: Quod feciſſet, ſi quid, non dicemus Christiani ani-
mi, quem fruſtra in eo requiri muſt, ſed ingenij aliquid ha-
biuſſet humani.

Adeò autem nihil iſtorum mouit eum, vt oculis oc-
clusis, obturatis auribus, animo in ſuo proposito pertina-
cius obfirmato, ita componeſet ſe, tanquam qui nec doceri
nec cernere, audire, cognoscere vellet quicquam eorū, quæ
fierent & dicerentur. Imò vt qui nullo habito reſpectu
Eccleſiae, veritatis, utilitatis & tranquillitatis publicæ,
innocentia noſtræ, laborum & ærumnarum, quas pro Ec-
clieſia fuſtineremus & exhauriremus, rata haberí vellet,
quæ de nobis ex criminibus à ſeſe confictis ipſe ſtatuiſſet
& ſanxi-

¶ sanxisset: Et qui, nisi hoc obtineret, ausurus videtur omnia. Rediit itaque ad veteres vomitus, & repetitas eodem coccysmo veteres criminationes nouis calumnijs ad eum modum exaggerauit & exacuit, ut appareret liquidò, nihil eum aliud agere & conari, nisi ut clamoribus his commoueat & perturbet animos hominum, & ex perturbatione in dubitationem, ex dubitatione in suspicionem de nouis insidijs & metum, & ex metu & suspicionibus in odia, ex odijs in consilia & conatus seditionis concitat ret atque coniiceret.

Perturbationes
à Flacio ex-
citatae.

Clamabatur tunc atrocius quam antea, Discessum esse à veritate & defensione doctrinae Christianae: religionem ad studia & cupiditates potentum detortam esse & attemperatam; ritus impios in Ecclesiam reuocatos esse: conciliationes tentatas Christi cum Belial: Scortum Babylonicum in Ecclesiam intromissum esse, & similia, quorum manifestam impudentiam & vanitatem non tantum in publicum edita scripta & viuæ docentium voces redarguebant, sed & res ipsæ illo ipso tempore, & quæ in oculos atque aures omnium incurribant, sine ullo patrocinio ullorum refutare poterant apud eos, qui veritatem quarent. Cum nihil omnium illorum, quæ à Flacio plane tragicō & toties ingeminato boatu nostris obijcerentur, audiaretur vel auditum esset vspiam, conspectum nihil, nihil cognitum, Denique tentatum aut susceptum nihil, & ne quidem cogitatum: Et studium nostrum in afferenda ve-

ritate

ritate publicè iam esset testatum factum , & magis quoti-
die testatum fieret omnibus , qui videre vellent & cognos-
cere.

Demonstrabantur autem haec ipsa fundamentis &
rationibus iisdem , quibus antea , per iunctionibus suspicio-
num , indicijs priuatis hominum incertorum , vanis rumus-
culis , toties repetitis somniorum ludibrijs , calumnijs &
depravationibus recte dictorum & factorum . Misceban-
tur & Principum negocia , ita quidem , ut non obscurè
odium nobis & periculum crearetur , qui in his locis sub-
sisteremus . Quodq; ab eo Principe , quem illi oderant , &
picturis atq; scripturis deformare conarentur , non recede-
remus , desertores nos & proditores tām veritatis quam
officij haberī volebant . Nam & inter Flaciana crimina
objiciebatur nobis nostra in hanc Academiam reuersio .
Quærebantur noui belli vel seditionum potius causæ & oc-
casiones , & classicum scriptis cruentis ac seditiosis , &
tribunitijs concionibus canebatur . Ad arma capienda in- Sedatio .
citabatur populus , ut vix pagella prodiret decem versu-
um , quæ in conclusionem minacem ac cruentam non desi-
neret . Terrebamur & nos minis seditionum . Et quòd
comminatione earundem Principibus non incussemus
metum ac terrorē , condemnabamur . Quin & occultis
scriptionibus ac machinationibus pertentabantur . & sol-
licitabantur contra nos moderationis animi , quos adhuc
fauere nobis , & quæ fecissimus probare constabat .

F

Hæc

*Flaciq; fag
factionis.* Hæc cùm ita gererentur à Flacio, & addictis ipsi satellitibus, facile intelligebamus, Imò re ipsa experiebamur, nunquam fore, vt voces nostræ exaudirentur à vesanis hominibus odioq; impulsis ad hanc causam & ambitione, nec quærentibus veritatis & Ecclesiarum consernationem, sed eversionem nostri, & deletionem nominis & memoriae huius Scholæ & beneficiorum inde profectorum. Populus etiam exacerbatus antea domesticis et publicis calamitatibus, ab inquietis illis ita & suspitionibus complebatur, & incitabatur odijs, vt aures similiter nobis non videretur præbiturus. Rectissimum itaq; videbatur tentare, an ferendo potius & tacendo, quam referiendo ac recriminando calumniatores frangere nostros, & feruidos vulgi impetus mollire, & sopire clamores possemus, praesertim cùm isto statu rerum aliter fieri non posset, quam vt respondendo dissidia augerentur, & rixis præberetur pabulum, quibus salus publica tolleretur atq; obrueretur, & inclinatæ res Germanæ & patriæ communis ad ruinam, vt à nobis etiam hoc modo impellerentur. Neq; aduersarijs etiam nostris Pontificijs hanc iudicauimus voluptatem creandam esse, vt nostris certaminibus & digladiationibus vel ipsi sese inter se suauiter titillarent, vel erigerentur in spem recuperandæ pristinæ tyrannidis: Multò minus occasionem dandam esse illis tam ac tamen oportunam censuimus, vt occupatis nobis mutua laniena, & de linea ueste stolidè præliantibus, interea ipsi ali-

ipſi aliquos non ſatis conſirmatos & alioquin timidioreſ
metu ſeuiciæ, que in pioſ exerceſetur, à ſocietate noſtrarum
Eccleſiarum, & profeſſione doctriñæ prætextu diſſidio-
rum retraherent ſub priſtimū feruitutis Pontificiæ iugum:
Aliquos trifti & deformi diſcordiarum iñteſinarum ſpe-
cie, abſterreren, ne ſe coniungerent nobiſcum: Aliquos
vi opprimerent. Quantopere enim veræ doctriñæ propa-
gationem impediuerint, & quantum cauſæ noſtræ offece-
rint, & noceant quotidie clamores iſti, ante oculos & in
conſpectu eſt. Neq; ignorabamus voceſ quorundam, qui
ad extirpandoſ Lutheranoſ bello non amplius opus fore
dicebant. Ruituroſ enim breui ſuis inter ſe mutuo iugula-
toſ & conſumptoſ contentionib; , & plurimoſ altercati-
onum & rixarum pertæſoſ, atq; in dubitationem addu-
etoſ, ſponte ſeſe recepturoſ ad Eccleſiam Romanam, à
qua diſceſſiſſent.

Tanta præterea acerbitate animorum, & impuden-
tia tanta atq; audacia fingendi & аſſeuerandi quiduiſ cau-
ſa agebatur à Flaciano ſatellitio: tam ſubdole deniq; &
fraudulerter ſtruclis techniſ atq; artificijs hominum ani-
mi uelut cogebantur, ut non habitura ea diuturnoſ ſuc-
ceſſuſ certo nobis perſuaderemuſ, futuruſq; confide-
reſ muſ, quod talibus artificijs accidere ſolet, ut ſua ſponte
paulo poſt conſideren, ſeq; ipſa refutareſ. Repeteban-
tuſ enim ſubinde anathematizmi, quibus crimiña in nos
conferebantuſ non ſupplicij corporuſ, ſed æterniſ luenda

F ij atq; ex-

atque expianda cruciatibus. His dirae miscebantur atque execrationes, quas suis quisque cupiditatibus & odijs prætexebat, ut inde nouorum motuum occasiones detexerit. Et post excusso in nos defixosque omnes contumeliarum aculeos, addebantur minae, flagitabantur palinodie, ferebantur leges & conditiones reconciliationum & redditus in gratiam, quibus iubebamur agnoscere & confiteri, & commissa esse a nobis haec, quae Flacius prodidisset scelerata, & merito nostro has nos sustinere ceu penas criminationum & condemnationum, quas ille statuisset & indixisset.

Etsi igitur ueritatem uinci mendacijs, innocentiam calumnijs opprimi, excœcari iudicia affectibus, recta & sancta studia conatibus aduersis & improbis impediti, non poteramus non dolere, tamen repressimus nos, & cessimus indies magis magisque incandescenti uehementiae vel potius crescenti furori Flacij. Cessimus & vulgi in-

Silenti pati, entia.

consideratis clamoribus, silentique patientia exceptis ac transmissis vastissimis conuiciorum, calumniarum & criminationum fluctibus, quibus inundabamur & penè obruebamur: consolabamur nos illo Psalmi dicto: Maledicent illi, & tu benedices. Pepercimus Ecclesie, cui & grauiter sauciæ & gementi ac marenti illo mœstissimo tempore, vulnera non exacerbanda, neque acuendi erant dolores vel rixis futilebus de re nibili, qualibus sæpe antea Ecclesie consensum turbatum ac dissolutum noramus ex

Historijs.

*Historijs cum periculo & iactura veritatis doctrinæ, vel
acerbis refutationibus calumniosarum criminationum,
quibus petebantur priuatim personæ. Accedebat hoc
quoq; quòd pij & boni vbiq; locorum, & detestabantur
hos Flacij virulentos conatus, & nos obtestabantur, ne
deposita aut remissa etiam cura incolumentis publicæ vel
potius veritatis, cuius patrocinium & defensionem susti-
nuissemus fortiter & fæliciter tot annis, à moderatione
ad scurrilum rixarum certamina commoneri nos patere=
mur. Sed ut potius intra hactenus usurpatæ moderationis
metas eum persequeremur cursum, quem tenuissemus sem-
per, quemq; & nostris priuatim & coniunctis Ecclesijs
publicè profuisse & prodesse comperissemus. Imperitæ
multitudinis impetus, quos non iudicio & consideratione,
sed Flacij incitationibus inflammari & regi cerneremus,
sua sponte paulò post deflagratos esse, & plurimos ex
hac ipsa multitudine cum calores deferbuissent irarum, &
occalluissent in exulceratis animis vulnera de ciuilibus bel-
lis & turbatis ab Imperatore Ecclesijs reliqua, auribus
minus occupatis admissuros excusationes nostras, & seda-
tioribus animis rectius de causa cognituros & indicatu-
ros. Ut frustra queritur tutanauibus statio, cum sœnum
Mare internis concussum & agitatum feruet æstibus, &
magna vi foris incumbentium flatuum turbinibus magis
impellitur: sic frustra nos quæsiuros nostræ innocentiae
præsidia, æstuantibus intus adhuc animis, & frementibus*

illis irarum, indignationum & odiorum fluctibus, quos ci-
uilia bella & conatus Imperatoris in obtrudenda Sphynge
Augustana commouissent, foris autem nos Flacio nouis
calumnijs uehementius irritante ac percellente, quibus si
responderemus, fore ut lis duceretur, & dissidia magis
magis accenderentur & gliscerent, & tandem altercan-
do amitteretur ueritas, praesertim cum appareret, ita affe-
ctum esse Flacium, ut non cessurus, sed pro uno responso
vero, gemina videretur nobis redditurus esse & menda-
cia & conuicia. Per se etiam honestiorem semper esse, quae
re fieret, quam verbis defensionem ac refutationem. Non
ignorare nos, que in magnis & fatalibus motibus ac mu-
tationibus publicis accidere soleant, ut à pessimo quoque
opprimatur crudelius, quo quisq[ue] melior est & innocentior:
Et quo consulit quisq[ue] rectius, eò ab imperita multitudine
grauius culpetur: quoq[ue] nauat plus quisq[ue] ac præstat pu-
blicè, eò iniquioribus sententijs condemnetur, si ad affe-
ctus vulgi consilia non inflectat. Oportere recta suadere
& facere volètem in magnis & publicis diffensionibus ad
omnes sese casus placido & tranquillo animo excipiendo
ac perferendo preparare, Etsi omnibus & publicarum
criminationum & clandestinarum obtrectationum ac ma-
chinacionum modis oppugnemur à Flacio, non adimi ta-
men nobis ullorum honestorum hominum studia, neq[ue] ex-
tingui erga nos benevolentiam, quod consiliorum & co-
natuum ipsius fontes & scopi minime sint obscuri, & ne
ignoren-

ignorentur, ab ipso etiam declarantur crebra cædium, op-
pressionum, seditionum, mentione & inculcatione. Intelligi
à sapientibus & uera zīla clamorum istorum, & has à
nobis sumptas αφορμάς και προφέσεις, quæ odijs aliunde
natis & cupiditatibus ac studijs in alium finem directis ti-
tulo religionis prætendantur, & quod non plectamur
δι εμπειρια τοῦ πρός λόγων ποδός ἐπ χορία. Denique petu-
lantiam usurpari à Flacio intolerandam & publica dig-
nam animaduersione. Satis autem de obiectionibus falsis
responsum est.

Cessimus ergo, & ita cessimus, ut de intentata no-
bis propter lineæ uestis concessionem lite, & calumnijs ac
criminationibus exaggerata, nihil contenderimus amplius,
sed suo quisque loco & conditione, qua potuimus fide,
industria, sedulitate & assiduitate curauerimus & pro-
mouerimus ea, quæ Ecclesiæ necessaria ac salutaria &
tunc esse intelligebamus, & futura in posterum prospic-
ciebamus, et si oppugnabamur multipliciter, à Flacij
quidem satellitio & similibus, uenenatis calumnijs &
infectionibus: Ab hostibus uero Pontificijs, scriptis pa-
riter & insidijs, quibus petebatur vita, & ingulum præ-
cipuorum Scholæ nostræ Professorum & optimè merito-
rum: Omnino enim persuasum & tunc nobis erat, & est
nunc quoque, ita demum recte collocaturos nos operas nostras
ac preciosissimi temporis usuram, & stationem hanc, in
qua consistimus, ita demum recte tutatueros nos, si nostra
illustran-

illustrando, aduersa refellendo, & pullulantium subinde
nouorum errorum semina frangendo & comminuendo,
priusquam radicibus actis adolescerent, traderemus Eccle-
siae certam & ex Sophismatum nexibus explicatam do-
ctrinam: Sique cœtus Scholasticos, qui magnis agminibus
confluebant & confluunt, præcipue ad audiendam uelut
cygneam uocem optimi Preceptoris Philippi Melantho-
nis, ita excolemus, conformaremus & instrueremus, ut
cùm uelut in uestigia nostra succederent, Ecclesys, Rebus-
publicis & Scholis usui essent, ornamento ac præsidio, &
retinendo tuendoque depositum, quod quasi de manibus no-
stris accepissent, id præstarent exemplo nostro, quod à
nobis præstitum meminissent.

Alii moti. Eodem tempore præter hæc mouebantur lites no-
bis, & bella parabantur multiplicia ex locis diuersis, atque
ex his rursus serebantur alia, quæ uigilantiam, attentio-
nem, circumspitionem & considerationem flagitabant.
Imperator noui conatus metum incutiebat Synodi Tridentinæ coactione. Nec occultabantur magnificæ & quasi
confirmatæ spes aduersariorum, quas illi de Synodo in
rem suam conceperant tantas, ut tanquam de iam deletis
nobis funditus, receptoque & stabilito regno suo triumpha-
re viderentur. De iusticia essentiali, excluso nimirum à
iustificatione merito & sanguine filij Dei, Osiander tan-
tis cum fulminibus dirarum & execrationum, tantoque
cum boatu bellum nobis inferebat, ut nisi bonitas causæ ac
ueritas

Osiander.

Veritas nos texisset ac fulciisset, toleraturi impetus atq;
insultus tam violentos, & superaturi non fuisset. Quam
rem tentare Osiander nunquam fuisset ausus, nisi ex fra-
cta apud imperitum vulgus clamoribus Flacy & labefac-
tata autoritate Academiæ nostræ penè certos sibi suc-
cessus promisisset.

Ex his Osiandri disputationibus texebat aliam te-
lam argutiorem & periculosiorem Stancarus de Media-
tore, & de modo loquendi in communicatione idiomatum,
que magno labore extricatam ex spinosis & perplexis
humani iudicij ratiocinationibus ab Ecclesia doctrinam,
de unione duarum naturarum in Christo inuolutura & ob-
scuratura vel etiam deletura videbatur, nisi dissuta vel in-
cisa potius mature fuisset. Alibi aliorum spargebantur
errorum initia, que sapientes gubernatores de iudicio &
sententia Academiæ nostræ & Philippi Melanthonis, pri-
usquam suffragatorum & asseclarum viribus aucta in-
ualeserent, sospiebant. Deniq; in plurimis locis excitata
his vociferationibus Anarchia, & renouato subinde fo-
mite confirmata, ita conuellebat Ecclesiæ, ut funditus
disiectura & euersura recte constituta, & vastitatem in-
finitam paritura videretur. Crescebat licentia fingendi,
audacia mouendi, confidentia perficiendi quiduis, in quo-
cunq; ignauissimo etiam & profligatisimo homine, qui
mediocria ad tribuniciè & seditione concionandum, &
vulgi animos inflammados adiumenta habebat.

G

Imperator

Imperator verò deceptus spe sua de Sphynge Augustana, Synodum Tridentinam ea severitate cogebat & urgebat, ut conquieturus non esse exploratè sciretur, nisi controuerstias ad cognitionem & compositionem deduxisset. Ideò ea, qua poterat id facere, autoritate imperabat Principibus, qui discessissent à Romana Ecclesia, ut sub fide publica sisterent Theologos ad reddendam rationem de doctrina, quam profesi essent Pontificiae adversam, & ad causas exponendas seunctionis ab Ecclesia Romana. Se contrà præstiturum promittebat, ut non audiretur tantum & cognosceretur ac pensitaretur doctrina nostrarum Ecclesiarum, sed etiam ut de indicatione & admonitione nostrorum, si quid emendandum videretur aut mutandum in Pontifica religione, id corigeretur aut aboleretur.

Hoc statu rerum nostri rursus memores & officijs sui, & perpetuae constantiae, & salutis Ecclesiarum, ne aut deessent veritati laboranti, aut destituerent Ecclesiam tūm demum serio periclitantem & in extremo constitutam discrimine, aut metu periculorum defugere & tergiuersari confessionem viderentur, ita rem gerebant, Deo hæc omnia benignè ac fæliciter gubernante & dirigente, ut cum fragore terribili vibrata ab Osiandro fulmina in Academiam nostram simplicis veritatis obiectu facile eliderent, retunderent, & à nobis amolirentur, carmine totius controuerstiae perspicue & disertè demonstrato ac

to ac refutato, sine mutuorum conuiciorum acerbitate, &
omissis parergis, quæ Periclea grandiloquentia miscue-
rat, aliena à proposito: Stancari deliria breui, sed erudi-
ta refutatione compescerent: Reliquas turbas alibi ex-
ortas etiam non magno negocio sedarent, tūm consulendo
tūm instruendo & iuuando eos, qui vt exierant ex no-
bis, & erant ex nobis, sic tueri consensum in doctrina
nobiscum cupiebant: Et his confectis, totos sese ceu ac-
cingerent atq; expedirent ad certamen summum & ma-
ximum, defendendæ scilicet tuendæq; in Synodo doctrinæ
Ecclesiarum nostrarum contra potentissimos in orbe
Christiano aduersarios. Quod certamen videbatur po-
stremum futurum esse, & Ecclesijs nostris aut pacem &
securitatem, deuictis confutatione & Imperatoris auto-
ritate repressis aduersarijs, aut contrà his restitutis in in-
tegrum, cum mutatione perniciosa perpetuam internetio-
nem allaturum, Imperatore spe constituendæ concordiae
in orbe Christiano, seuerè & pertinaciter atq; obstinatè
collationem de doctrina flagitante. Horum vt prius spe-
rari valde non poterat, sic alterum metui necesse erat,
quo condi decreta iam cœperant, quæ exequuturus Impe-
rator omnino fuisse, præsertim si comparere nos in Syno-
do recusasssemus, nisi Pontificiū agmen, quod concurrerat,
disturbasset, & quæ struebantur, euertisset Mauritius
Elector Saxoniae, decretis impijs, quæ iam sancita erant,
vno ictu incisis & deletis velut Gordio nodo.

Vt ergò tōti Ecclesie publicē ante illam σύνοδον
cum aduersarijs ostēderetur , quam Synodo doctrinam op-
posituri essemus , & in qua constituissemus Dei auxilio
perseuerare , & eximerentur etiam animis hominum om-
nes vel minimi sinistrarum suspicionum aculei , si qui adhuc
ex mendacibus Flacy calumnijs reliqui , aut languidiores
& imbecillitate pauidos turbarent : aut odijs alieniores ,
quo minus nobis reconciliarentur , impedirent : retexebat
Philippus Melanthon nostrarum Ecclesiarū nomine Con-
fessionem Augustanam , In qua repetitione declarabat ple-
nius , & distinctius doctrinæ capita , quæ confessio Augu-
stanæ breuius indicarat , & singulis ad Symboli Apostolici
fontes reductis atq; accōmodatis , conuincebat aduersarios ,
quod cùm ipsi dogmata fundamento cōtraria retineant , &
minista fœuicia Tyrannicè stabiliant , causam præbeant no-
stris iustissimā ab ipsis dissentendi , et cùm hæc dogmata ,
tum conatus Tyrannicos veritatis cœlestis voce redargu-
endi & improbandi . Intexebat etiam refutationes eorum
Sophismatū , quibus pingere interea aduersarij suos abusus
atq; errores , nostrosq; fallere et eludere didicerant . Et con-
trouersias explanabat , quas Osiander & alij mouerant in-
terea , ne vel dissensiones nostræ nobis obessent , diserte &
explicate professuris , quæ sentiremus & doceremus , vel
propter omisssas in præcipuis capitibus controuersias , am-
biguitas aliqua negotiū facesseret , aut afferret moram .

Cum hac se confessione tam ardenti , confitendæ ve-
ritatis

ritatis studio coniungebat multo maxima pars nostrarum Ecclesiarum, ut ipse non dubia confluxura rursus & coa- litura discerpti miserè ac dilacerati corporis Ecclesiarum nostrarum membra consideremus. Ipse vero Philippus Melanthon ad offerendam eam Synodo confessionem, & propugnandam proficisci ebatur, ut nihil omitteretur di- uino auxilio, quod & gloriam Dei celebraret, atq; Ec- clesiæ proferret terminos: & doctrinæ quam sequeremur, adderet robur, ac fidei plus conciliaret atq; autoritatis: & conscientias ad Deum consolaretur, leniretq; fortunam quæcūq; accideret: & ceu recollectas ex naufragio tabulas quassatae et laceræ ecclesiæ cogeret rursus et coagmætaret, repetitæ constantiæ ac confessioniis exemplo roboratas.

Eo ipso etiam tempore Philippi Melanthonis ope- ra seruiebat Ecclesijs Illustriſſimi Principis Megalbur- gensis Ioannis Alberti &c. in describenda forma quasi politie Ecclesiasticæ, que & concinnè distributa doctri- na capita ad modum examinis, cum iusta & dilucida ex- plicatione, & celebrandorum in templis rituum ordinem complecteretur. Descripsit hanc ergo tunc, & liber edi- tus titulo Ecclesiarum Ducatus Megalburgensis, eam meruit approbationem in nostris Ecclesijs & peregrinis, vt velut Canon normam doctrinæ populo proponendæ multis in locis regat. Nec cæterorum quisquam vlla in parte interea Ecclesiæ defuit, cum suo loco viva voce do- cendo, tūm publicis scriptis posteritatem iuuando. Ex-

tant, cùm plura alia & eodem tempore & post publicata
Philippi Melanthonis scripta, atq[ue] inter cætera præcipue
commentarijs illustrata Epistola Pauli ad Romanos,
Locorum communium repetita lingua patria expositio,
tum præclara monumenta Principis Anhaltini, Docto:
Pomerani, Forsteri et aliorum, qui adhuc in uinis sunt, eo-
dem tempore elaborata & absoluta.

Deniq[ue] (vt semel dicamus) hoc à bello tempore
egerunt præcipuo studio, vt diuulsas dissidijs ac dissocia-
tas rursus copularent Ecclesias: turbatas pacarent, sedu-
etas reducerent in viam. Idcirco & iussu mandatoq[ue] Il-
lustriſſimorum Principum Neoburgi in recens motis con-
trouersijs cum Hassiacis Theologis & alijs quibusdā con-
fensem constituerunt, Oſiandricis, Schuuencfeldicis &
alijs erroribus reiectis et declaratis. Et accersiti ab ampliſ-
ſimo Senatu inclytæ vrbis Noribergæ de Oſiandri com-
mentis iterato pronunciarūt, tam perspicue, vt vel inuitos
quosdam ex oribus nostris fateri oportuerit, non ſeſe in-
tellexiffe momenta controuersiæ, niſi de indicatione et ex-
plicatione Philippi Melanthonis, Noribergæ conſcripta.
Reliquos vehementer magis atq[ue] acerbè, quam vere & ex
fontibus Oſiandricæ cauſæ fundamenta oppugnaffe. Hæc
scripta publica omnia ſuperbiſſimè & arrogantia plus
quam Thrasonica abiicit Flacius, quod ea careant conuici-
orum acerbitate & atrocitate condemnationum, quas zeli
nomine ſolent venditare & iactare. Sic nec diſſimulatum
est

est quidquam, nec prætermissum de Schuuenckfeldicis de-
lyrijs, neq; in disputationibus, quæ publicè contra autorem
et ex professo institutæ fuerunt apud nos, neq; in scriptis,
quæ extant, quæ etiam erudire nunc plures, et profu-
tura plus posteritati non dubitamus, quam prolixas decla-
mationes Flacij, quibus Stenckfeldium ita oppugnat, ut
doctrinam τοιούτην impugnet, præfidijs contra eum ex
Samosatenicis et Arrianicis fontibus petitis, et raptibus
atq; enthusiasmis Schuuenckfeldij, hominis in truncos et
stipites conuersione, et confusione eorum, quæ distinetè à
nostris ac disertè tradita sunt, patrocinetur magis quam
quisquam sectatorum ipsius autoris.

Hæc publica nostrorum erga Ecclesiam merita, et
hi assidui ac necessarij labores adeò non flectebant Flaci-
um, ut Vesana odia eius magis magisq; inflammarent,
quod his obscurari nomen suum et autoritatem, et præ-
ferri ea ipsius nugacibus et maledicis chartis experire-
tur. Certe repetitio Confessionis, et si ea occasione scripta
est, quod processura Synodus Tridentina existimaretur,
neq; eorum quæ à Flacio contra nos declamitabantur men-
tionem faceret, tamen valere apud eum debuit, quod in
ea de toto corpore doctrinæ, quæ Pontificijs opponeretur,
illustria et perspicua testimonia extarent, ut si maximè
ante illud tempus aliquam suspicandi aut erroris etiam
causam aliquis se instans habuisse queri potuisset, ea tolle-
retur, et magis iam planum fieret, nostros à pristina
doctrina

doctrina nequaquam recessisse, nec quicquam quod veritati contrarium esset concessisse, aut concedere etiam deinceps cogitare. Quod si delictum etiam ante hoc tempus vere à nobis aut nostris fuisse aliquid, & factum imbecillus: tamen quod talis confessio re ipsa esset resipiscitiae argumentum evidentissimum, satisfacere potuisset ijs, qui has Ecclesias salvas esse voluissent, In quibus omnino fuisse aliquid pietatis reliquum, ij neq; paucis neq; paruis benefactis & meritis erratum unum vel lapsum aliquem non grauatim condonassent.

Sed nihil placatior factus Flacius cum eadem, qua antea uehementia ad pristinos coccymos redijt. Hanc etiam confessionis repetitionem, quod nutantem, & iam labentem existimationem ipsius impulsura magis, atq; Ecclesiæ concordiam quam dissoluerat, redditura videatur, ut superuacaneam culpare fuit ausus, scilicet ne quid intentatum relinqueret eorum, quæ existimaret, aut impeditura esse suscepta contra aduersarios pontificios certamina, aut extenuatura vel in contemptum adductura, ea quæ præstata essent à nostris, aut crescentem rursus autoritatem nominis & Scholæ nostræ repressura, aut rursus paulatim coenitatem concordiam, priusquam coalesceret, dissutura vel diuulsura. Et haud scimus an ab aduersarijs pontificijs, ad disturbandos hoc mendaciorum & calumniarum fumo alueolos Ecclesiarum nostrarum non fuerit conductus. Adeo enim contra dogmata Papistica nec

nec suscepit vñquam nec conatus est quicquām serio (ponamus enim quod sit ad eam rem idoneus) vt nostros labores aut serio impedire studuerit, quibus potuit modis & rationibus, aut superbè & Thraſonicè contempſerit et abiecerit.

Deniqꝫ quæcunqꝫ à nostris dicerentur aut fierent, ipſe ita affernabatur & repudiabat, vt in ſuo perfeueraret obſtinatè proposito, & cùm ante hac edito Magdeburgi anathematismo has terras & ſcholas ab Eccleſia excludiſſet, non mutaturum ſe ſententiam de nobis ſuam, nec in Eccleſiam nos recepturum oſtenderet, niſi ipſi ſententijs nostris, & noſtra confeſſione nos eorum condennaſſemus, de quibus falſiſſime ab ipſo traducti eramus, & conuictos nos facinorum teſtareμur, & culpatum publicè deprecaremur. Declarauit & poſtea conditionibus & latis in ijs actionibus, quas pacificationes videri uolebat, niſi hoc fieret, ſe amicum nobis eſſe non poſſe.

Etsi autem non ignoramus commonefacti multorum præſtantum uirorum exemplis, quid accidere ſoleat in diſſenſionibus publicis, cùm animi iuſtis doloribus ſauciati, poſtea vel leuibus ſuſpicionibus tentantur, dum vulnera adhuc recentia ſunt: tamen infœlicem & quaſi fatalem cœcitatem multorum demirari ſatis & deplorate non poſſumus. Nam ſi eo candore & iudicij reſtitutidine, vel etiam ea ſedulitate ac diligentia, ſtudiuiffent illi inquirere & cognoscere, quæ à noſtriſ ſcribebantur, do-
H cebantur,

cebantur, consulebantur, & vniuersim pro communi sa-
lute omnium Ecclesiarum Germaniae gerebantur et susti-
nebantur pie, constanter & grauiter, qua excipiebant,
quæ à Flacio ex suspicionibus venenatis ac violentis de
oecultis & priuatis, & ex rumusculis ac somnijs calum-
nioso excudebantur ac producebantur ad infamandas Ec-
clesias nostras & optimè meritos ministros opprimendos:
siq; comparata inter se vtraq; pensitassent ea grauitate,
quæ est gentis Germanicæ: tum nec ipsi impelli sese atq;
commoueri contra insontes fuissent passi, neq; in eas Ec-
clesiæ denolutæ fuissent calamitates, in quibus nunc ha-
rent, neq; ex inclinata & penè præcipitata autoritate
publica scholarum creuisset tantopere in hostib; contra
nos rabies, nostris extimulata & armata dissensionibus,
in inquietis ingenij apud nos licentia & audacia.

Pij quidem & intelligentes ingenti dolore & ge-
mitu deplorabant hæc mala, & eò magis quod neq; consi-
lij neq; auxilij adferre quid possent. Promiscua multitudo
præcentoris sui Flacij dirum & ferale subinde reddebat
carmen, quo ita perstrepebant ac personabant omnia, vt
voces eliderentur nostræ, & proijcerentur scripta. Quem
sciebant pleriq; iudicio & suffragatione Lutheri, initio
emendationis, doctrinam ex magna perplexitate &
confusione opinionum, qua implicabantur etiam, hi, qui
eminere inter nostros, & inter præcipuos haberet vole-
bant, verè diuina dexteritate & perspicuitate erutam
atq;

atq; expeditam redegisse in corporis formam Augustæ,
vt quid interesset inter nostras Ecclesiæ & Pontificias
conficeretur, & postea in Locis Communibus, cum Lu-
theri approbatione explicasse Vberius: Cui ita salutem
credebant suam, vt de præscripto eius confessionem ede-
re, quam niteretur salus cuiusq; non dubitarint: Cuius post
bellum & scripta legebant plurima nulla in re à prioribus
discrepantia, et voces audiebant easdem, et iterum retex-
tam ex priore confessionis formulam usurpabant: Cui cu-
ram educationēq; committebant filiorum: A quo petebant
responsa in rebus dubijs: Et cuius contenti sententijs cede-
bant: Cuius innocentiam in ijs rebus, de quibus falso fuerat
traductus, argumentis vanissimis et leuissimis, et ex obscu-
ro incertoq; ac planè falso fundamento extructis, ignora-
re non poterant, quod de ea ipse ex professo & publicè esset
testificatus: Cuius deniq; scriptis quotidiè prodeuntibus
ita carere non poterant, vt si vel hiscendum esset, verbis
& rebus inde depromptis vterentur: Et cuius editiones
postremas Cygneas cantiones appellabant: Hic ergò
assiduarum operarum, curarum, uigiliarum & aerum-
narum hunc fructum, & hæc ferebat præmia, vt de im-
pudentibus, mendacibus & Sycophanticis chartis reus
perageretur vulgo eorum criminum, quibus atrociora
nulla cogitare mens humana potest, & Academia, in qua
& ipse & nos reliqui à tot millibus audiebamur, lerna
hæreſeon̄ proclaimaretur, & feriretur anathemate,

præeunte verba, ac velut præcidente homine profugo & errone, cuius & nomen ignotum ante fuerat, & incerta erat origo, incerta religio, & quidem rationes condemnationum afferente, quas diximus. Quas de reconditis & diu cūmulatis thesauris suarum, ut vocat, demonstrationum ille promebat suspiciones, fabellas, somnia, detorsiones rectè & simpliciter dictorum, ea confessim ita arripiebantur, ut pro nibilo haberentur, quæ uerè, firmiter & explicatè contra dicebantur ab eo, quem Magistrum & Præceptorem Veræ & religiosæ pietatis ad Deum quotidie sequebantur.

Miramur hæc, & miramur merito. Neq; causas intelligimus, cur fumos suspiciorum & somniorum seductiones, & incertas atq; aberrantes fabellarum ambages, & calumniarum perplexos ac sinuosos flexus ac nexus, mendaciorum deniq; teniebras, à Flacio offusas sequi potius voluerint, quam expeditum iter publicis scriptis clarè & conspicuè demonstratum, ijs testibus, qui in Ecclesijs nostris semper fuerunt ἔξοπλοι? Aut cur mari etiam & scrutari priuatim disputatione de ritibus externis in his Ecclesijs uoluerint potius, quam illis stare & nisi de doctrina sententijs, quæ præscriberentur publicè Ecclesijs omnibus? Hæc verò cum iudicio nullo fieri potuerint, aut fatali impetu seculi, aut errore affectato, vel malevolentia, vel utroq; facta ut sint oportet. Fatales impetus excusationem admittunt. Error affectatus, veritate

ritate demonstrata, grauiis admodum est. Sed granior cum errore affectato coniuncta malevolentia & nocendi cupiditas, qualem esse in satellitio Flaciano res declarat, cum imperita multitudo artibus Flacij decepta & incitata facto seculi errauerit. Et fiunt hæc eò grauiora, si non unum priuatim, sed publicè plurimos: si non corpus & vitam, sed famam lèdant atq[ue] existimationem eorum, in Ecclesia ministrorum, de quorum innocentia necesse est erudiri posteritatem contra calumnias & insectationes, ut quibus autoribus emendatæ doctrinæ vox sit tradita & propagata, posteritas sciat. Magis autem miraremur hanic conversionem, nisi dissensionum publicarum hos fructus esse & exemplis admoneremur, & nunc malo publico didicissimus.

Quanquam igitur ex omnibus nostrorum scriptis, ad quæ prouocamus, planum est, nihil in confessione veritatis illo formidulosissimo tempore, et statu Germaniae perturbatissimo, quo omnia suspicionibus, metu, trepidatione plena erant, quo nutabant multi, qui constantiæ possessores quidam videri volunt, desertis Episcopatibus & Ecclesijs suis: Nihil ergò commissum esse à nostris, quod pie- tatem & constantiam Christianam deceret: Et de Flacij etiam calumnijs quanquam responsum satis superq[ue] est ab Illustriß. Principe Anhaltino, Doctore Pomerano, & Philippo Melanthone, scilicet quid in priuatis deliberationibus de rebus adiaphoris, & quibus de causis concessum

fit: tamen quòd non contenti his aliqui, penitiora etiam
promisi sibi & aperiri postulant, vt quales fuerint illæ con-
sultationes cognoscant, hæc etiam proferemus, editis ex-
emplis deliberationum & concessionum omnium, quæ de
archetypis exprimi curauimus, Illa ipsa Archetypis ubi-
cumq; fuerit opus demonstraturi. Et ne desideretur am-
plius quicquam à quoquam in hoc decennali de linea veste
certamine, perficere conabimur.

Ad id vero perficiendū non adhibebimus somniorum
ludibria, non suppositiorum aut surreptitorum scripto-
rum testimonia, non pigmenta & colores sophismatum,
non fumos & nebulas suspicionum, multò minus calum-
nias & mendacia, qualibus sese Flacius venditat & ful-
cit. Neq; apologeticè exemplo Flacij disputationibus, quòd
tali patrocinio prorsus non est opus veritati suis nixæ &
consistenti fultibus, seq;met ipsam tuenti ac sustinenti.
Sed ipsam rerum ut gestæ sunt narrationem pro nobis cau-
sam dicere sinemus. Illa enim & crimina quæ hactenus
iniquissimè in nos collata fuerunt, ita vel tacentibus no-
bis diluet ac refutabit, & innocentiam nostram viris in-
telligentibus, sincerè iudicantibus, & Vero amore ac cu-
ra complectentibus & conseruatam cupientibus lucem
veritatis doctrinæ, salutem & incolumentem Ecclesie,
autoritatem sancti ministerij Euangelici, ita patefaciet,
vt speremus candidos lectores nobiscum admiraturos
insignem impudentiam & crudelitatem eius, qui nos tam
improbè

improbè deformare sine iusta causa, & omni genere contumeliarum & probrorum conspergere fuit ausus. Omnipotens quæ tunc dictæ & scripta fuerunt, de archetypis nunc proferentur, & in posterum quocunq; tempore fuerit opus, demonstrabuntur. Non est autē hæc à nobis instituta narratio, ut supra monuimus, ut renouemus certamina. Sed ut potius, quæ ipse toties renouauit, abrupta sopiamus, et his sopitis de doctrinæ nostræ puritate dimicemus contra recentes et planè diabolicos ipsius conatus. Non se ferre enim quieturum nisi oppressis nobis & testatus est toties, & omni conatu virium suarum ostendit. Et ne hoc ignoraremus, repetitam Epitomen omnium earum criminationum, quæ tanta mole chartarum toto decennio in nos effudit, superiore anno promulgauit, roboratam quinq; suorum ~~συναπτισθη~~ suffragatione, Nicolai Galli superintendantis Ratisbonensis, Iohannis Vuigandi superintendantis Magdeburgensis, Iohannis Aurifabri concionatoris in aula Vinariensi, Antonij Ottonis Pastoris Northusani, & Matthæi iudicis Diaconi Magdeburgensis. 5. Et in chartis contra quoscunq; sparsis non tam pugnat contra eos, quos titulo indicat ac proponit, quam hoc unum agit, ut nostros omnes, qui utiliter hactenus in hac Schola & Ecclesia vel docendo vel scribendo, & existimationem consecuti sunt aliquam, & piorum voluntates ac studia sibi conciliarunt, vel in posterum usui fore Ecclesie videntur, aut repetitis & renouatis prioribus ac penè

Non reno:
vanda cor:
tamina.

penè obsoletis criminacionibus, aut nouis conflictis, ad
eum modum infamet, confurget ac conculget, ut non ip-
si tantum in contemptum & odium devoluantur, Sed
scripta etiam ipsorum Ecclesiae & posteritati profutura,
inuentuti de manibus excutiantur, & ex templis omni-
bus, Scholis, Bibliothecis exturbentur, Quibus aut la-
befactatis aut profligatis cogitate quæsumus optimi Ci-
ues nostrarum Ecclesiarum, quam postea normam secu-
turi, quam aduersarijs Pontificijs opposituri, in qua do-
ctrina acquieturi, quam liberis tradituri vestris, quam
relicturi tandem sitis, nepotibus & posteris. Respicite
quæsumus de qua doctrina dimicaueritis cum aduersarijs,
huc usq;, perpeSSI odia, oppressiones, & capitis pericula,
& iacturam fortunarum vestrarum. Et de qua dimica-
turi sitis in posterum, controuersia stante, prospicite, si
ea quæ contra eos defensa, & in vestris Ecclesijs hucusq;
conseruata sunt, eripi uobis, & aboleri patiemini. Deie-
ctos ne vos de concepta semel susceptaq; sententia finetis
ad ea portenta adigi, quæ contra hanc sententiam Flaci-
us cudit & conflat? Et mutatione sententiae ad nutum
& impulsu[m] erroris malicioſi, cum illa ipsa, quæ hac te-
nus sensisti, tum sepultos cum ijsdem auos & patres ve-
stros condemnabitis? Haec scilicet sunt artes & technæ
Diaboli, quibus patefactæ & lucenti veritati callidissi-
mè insidiatur, ut deletis aut sublatis ijs scriptis, quæ fun-
damenta continent causæ tantis cum periculis, sumpti-
bus,

bus, iactura rerum plurimarum, laboribus, vigilijs, non
sine ardenti imploratione auxilij diuini, & ardentissimis
atq; assiduis exercitijs fidei atq; invocationis, spiritus san-
cti ductu, actae, defensae ac stabilitae, & autoribus ipsis
protritis ac pessundatis, pro quibus erant ardentissimae
gratiae agendae Deo donatori talium & tam salutarium
organorum: Ut his ergo confectis, vel posteritati adi-
mat usuram diuinæ lucis, vel nos etiam pertentatos di-
putationibus nouis, & in dubitationem coniectos, aut
turbet, ne unquam in certa consistamus sententia, aut
prorsus à comprehensa semel & firmiter credita doctrina
detorqueat. Necesse est igitur tradi posteris Vera, certa
& illustria testimonia, et de doctrina quæ fulsisset in Ec-
clesijs, & de ministrorum, quorum opera restituta illa &
illustrata est, fide, integritate & constantia. Hoc vero **N**
dum facimus, oramus reuerenter & amanter omnes De-
um timentes & amantes veritatis & piæ pacis studiosos
Lectores, ut attentos se præbeant, & si hactenus tot ve-
nenata & maledica scripta Flacij contra nos emissa &
ferre patienter & perlegere potuerunt, nostram etiam
hanc iustam defensionem benignè & diligenter cognos-
cant, & nobis hoc tribuant ius, quod in omnibus contro-
uersijs indicandis & disceptandis seruari solet, τόχυφοιρ
ακροσοῦ.

Docebit autem narratio evidenter, quod toto illo
tempore Theologi nostri manserint sui similes & ijdem,

qui fuerunt ante bellum, & quod consilia direxerint omnia ad eundem finem constanter, quem propositum habuerunt semper, scilicet ut gloria Dei illustretur, res necessarie explicitur & defendantur, refutatis impiis erroribus & sublata superstitione, & Ecclesiae conseruentur in columnes, sicut mandatum est: Diligite veritatem & pacem. Ex iisdem enim fundamentis, quibus antea, omnium liberationum consilia & consiliorum extruxerunt ratios. Ut in doctrina nihil mutarunt & omnibus rebus necessariis: sic à sententia de ritibus externis, qui suo genere nec viciosi sunt nec prohibiti, nunquam discesserunt: Et res necessarias à non necessariis ita distinxerunt, ut necessarias defendendas esse etiam cum ritæ & capitib[us] periculo, de non necessariis nec præceptis diuinitus, & quæ sine impietate usurpari possent, minime eadem pertinacia esse pugnandum & constituerint & consuluerint pacis & concordiæ causa.

Vno ore & consensu semper antea cum Augustæ tūm in Colloquijs omnibus professi fuerant de se[me] & testati, se petere ab Imperatore suis Ecclesijs doctrinæ emendatæ usum, quam emendationem magnitudo abusuum & errorum impiorum flagitasset, & de hac se[me] cum aduersariis contendere, non de Imperio, nec de rituum externalorum et utilium ordine, in quibus concedere vellent Imperatori libenter & facile, quæ salua veritate doctrinæ concedi possent. Nulla se[me] enim vel petulantia vel malicia vel curiositate

sitate vel ambitione hæc mouisse certamina , nec de rebus
paruis litem esse , sed summis , quibus Dei gloria & salus
nititur vniuersitatis , et extare seuerissima Dei mandata ,
quæ iubent fugere idola , & doctrinæ cœlestis corruptio-
nem , quæ duo esse apud aduersarios evidentia veritatis
conuincat . Nec delectari sese vastitate & perturbatione
ordinis , neq; hanc sese moliri : sed hoc optare vnicè , vt
cum emendatæ doctrinæ puritate & abolita superstitione
cultuum impiorum , in Ecclesijs utilem cæmoniarum
vſus retineatur , vel constituatur pio consensu vna et com-
munis quædam ceu tætie*isq; a lue* , ne distrahabantur Ecclesiæ
dissimilitudine rituum , aut confusione ordinis deformen-
tur .

Fuit autem hoc Imperatoris consilium , vt controuer-
fias ad legitimam cognitionem in Synodo deduceret . Id
quia subito fieri non poterat , & post victoriam ipse de
constituenda politica concordia in Imperio cogitaret , &
de hac fruſtra laboratus esse persuaderetur à nonnullis ,
niſi complecteretur compositionem dissidiorum in religio-
ne : Ideo decurrit ad consilium de ſuſpendendis controuer-
fis , et proponenda formula , quam ordines Imperij interea
amplecterentur & ſequentur . Ad hanc rem experiundam
ſuppeditata fuit ei à quibusdam formula ſcripto explicata ,
de qua quomodo ad Electorem Mauritium relatum fit ,
oſtendet narratio . Interea dum hæc clam & occulte age-
rentur , ab Electore Saxoniæ Mauricio Philippus clam

etiam & occulte de libro fuit quæsitus, & quidem subito. Philippus, ut qui tunc nondum intelligebat satis consilia Imperatoris, & in ea erat sententia, ut existimaret, non quomodocumque sartam pacem, sed veram cōcordiam, serio quæri: & hoc agi, non ut prægrauarentur iniustis et Veritati contrarijs decretis Ecclesiæ nostræ ante explorationem, sed ut Veritatis restituzione & emendatione abusu um Ecclesijs consuleretur omnibus in Germania pariter: Denique librum, ut fuerat factum antea Ratisbonæ, in hunc finem esse compositum, ut doctorum censuræ subjiceretur, nec prius euulgaretur, quam horum esset sententij emendatus & comprobatus: moderatè initio & breuiter indicabat crassissima saltem, quæ tolerari nullo modo possebant. Oportebat enim id fieri celeriter, nec spacijs satis ad accuratiorem considerationem concedebatur, ut res docerentur. Hortabatur autem simul Principes, ut cum tantam rem meditarentur, nihil constituerent, nisi communicato consilio cum multis viris doctis & intelligentibus. Mox denuò consultus vnà cum reliquis, & iterum atq; iterum, vehementius & copiosius respondit cum Electori Saxoniæ, tum harum regionum incolis, pluribus notatis, quæ ferri non possent neq; excusationem admitterent, ex ijsdem semper fundamentis, distinctis necessarijs, id est, de quibus dissensio præcipua semper & controuersia fuerat, à non necessarijs, quæ non venerant in contentionem, Et nō mutata sententia de cōcessione rituum externorum. Tandem

dem post publicatum librum, cum cerneret nihil eorum,
quæ ipsi priuatim monuissent multipliciter, correctum esse,
& reperirentur in libro nouæ & plures ac magis impiæ
coruptæ, quas post intextas esse apparebat, & Impera-
tor vi cogere conaretur Ecclesiæ nostræ ad receptionem
earum impietatum, quas liber continebat: longo volumi-
ne, quod in Urbe Misena absolutum est, instituit singulo-
rum errorum accuratiorem confutationem. Et duæ qui-
dem confutationes ex his præ cæteris omnibus primo spar-
sæ & perulgatae transcriptione & typis, reliquis, qui
multò post contradixerunt, exemplo fuerunt. Hæc ergo
ut ordine legerentur ab omnibus, & considerarentur,
quæ Theologi inter initia ante publicationem libri, cum
agi de formula comperissent: quæ, cum promulgata &
ordinibus Imperij obtrusa esset, responderit: ordine sin-
gula edidimus, occasionibus simul expositis.

Respiciat autem semper candidus Lector ad hoc fun-
damentum, quod idem tunc suadere voluerint, quod sua-
ferant antea, & cedere in ijsdem, ad quæ concedenda se se-
toties antea obligarant sponte & ex professo: scilicet ut
siue impetrarent siue Ecclesijs concessum veræ doctrinæ,
qua fruerentur, usum, & abrogationem abusuum atque
idolatriæ, siue hoc non impetrato, res deuenient ad priua-
tam confessionem cuiusq; scirent Ecclesiæ, quæ largiri
Imperatori possent, quæ non possent ullo modo, & quas
habeant veras causas seimctionis ac dissensionis à Roma-

na Ecclesie, propter quas neq; odia metuant, neq; exilia
recusent, neq; exhorreant supplicia, et in quarum defensi-
one cogantur autoritatem mandati Dei humanæ autori-
tati anteferendo, aduersari Imperatori. Nec vlla ratione,
imò ne quidem salua conscientia mutare hanc postea sen-
tentiam poterant. Quam enim aliam specie apud pios om-
nes omni tempore res habitura fuisset, quam præfractæ
& sediciosæ contumaciæ, si postquam reiecissent & repu-
diassent impia & intolerabilia quævis in proposito libro,
propter adiaphora, de quibus concedendis iam antè ex ve-
teri & saepe repetito promisso Imperatori obligati erant,
vel Mauricium Electorem contra Imperatorem, vel ha-
rum Regionum incolas et subditos contra Electorem con-
citatissent? Meminimus Doctorem Pomeranum piè &
grauiter de his rebus pro cōcione differentē dicere: Omnia
in omnē partem disputata esse et pensitata diligenter: Si-
bi verò in hac senecta, in qua se se aſſidua invocatione filij
Dei quotidie præparet ad piam mortem, etiam hoc veni-
re in mentem, Vtrum & posteritati sit futurum utilius,
& re ipsa sit in hoc caſu, & hoc momento impendentium
persequutionum, rectius, si ipſi, qui autores & adiutores
fuerunt emendationis doctrinæ, martyrio comprobarent,
& ſuo obſignarent ſanguine doctrinam, quam Eccleſiae
ex ſcriptis Propheticis & Apostolicis restituiffent, Et
in explicata euidenti ac minimè ambigua cauſa reliqueret
poſteritati exemplum martyrij & confessionis: An verò
ſi recuſando cum falſa doctrina, ſine diſcrimine, pari per-
tinacia

tinacia, ea, de quibus se cedere posse ante fuerint testati,
incarcerarent in culpam & crimen vel suspicionem saltem
seditionis, et titulo seditionis hominum ad supplicia co-
demnati, sanctum studium et utiliter Dei beneficio naua-
tam Ecclesiae operam nota & labe seditionarum molitionū
deformarent, et propterea suspectam redderent posterita-
ti doctrinam, tanquam titulum & praetextu emendationis
doctrinæ egerint hoc, ut veteri politiæ Ecclesiastice sta-
tu petulâter ac seditione turbato atq; euerso, excussis Epi-
scopis, direptis facultatibus, mutata forma Imperij, proie-
cta et spreta Imperatoris autoritate, vastitatem pareret,
& licentiam introducerent atq; confirmarent infinitam
faciendi quiduis et constitueri in Ecclesia, præsertim cum
multi hisce annis fanatici homines abusi occasionibus mu-
tationum necessariarum, in alijs non necessarijs, quibusdam
etiam planè impijs, multa seditione mouissent, quorum vel
suspicionem sustinere pio homini graue sit admodum. Sed
& amoliri eam non sit facile, cum professi sint toties ad-
ditis obtestationibus, non odijs aut ambitione, non cupiditi-
tate dominationis, non studio dissentendi sese dissidere ab
aduersarijs, sed de rebus magnis et necessarijs pugnare, in
quibus euidentia veritatis redarguat et concinat aduersa-
rios. Omnipotens sibi persuasum hoc esse, relinquenda esse
posteritati certa testimonia vel confessionis ac martyrij
periculo confirmata, de ijs doctrinæ & rerum necessa-
riarum capitibus, quæ contra abusus, errores & idola
Pontificia huc usque defendissent. Nec cum illis

confun-

confundenda esse cum periculo non paruo conscientiarum
reliqua, de quibus non modo non dimicassent, sed cedere
sese etiam, & cessuros esse, testati essent, denique propter
quae haec neque, suscepta neque facta esset secessio.

Ab hac ipsa sententia non discesserunt postea, cum ab
Electore Mauricio interrogati essent de Adiaphoris. Cum
.n. et repetiuissent iterum atque iterum reiectionem ac refutati-
onem impietatum libri Augustani, et coram Elect: Mauri-
cio mutationem in Adiaphoris omnem multoties et dissua-
sissent & essent deprecati, Elector verò Mauricius con-
stanter nullam se facturum mutationem ullius rei necessa-
rie ostenderet, sed in ritibus adiaphoris velle se suæ con-
scientiæ causa præstare obedientiam Imperatori, quatenus
cum pietate & religione ad Deum posset, siquidem ab ip-
sis Theologis in omnibus de religione tractationibus hoc
esset permisum: moti ergo salute harum Ecclesiarum,
quas cum luce doctrinæ conseruare cupiebant, cesserunt
ei, & censuerunt hanc potius seruitutem ferendam, quam
aut desertione vastandas, aut seditione commouendas,
aut recusatione promissis et concessionibus prioribus con-
traria cum in dubitationem de tota religione tempore
persequutionis, quam necessariarum et non necessariarum
rerum confusio erat necessariò paritura, imò & in con-
temptum religionis ac prophanitatem, tum in discrimen
conijciendas esse Ecclesias, in quo de tota doctrina & to-
to ministerio essent periclitaturæ.

Non
Non

Non orta sunt à Theologis consilia de mutatione ritu-
um, Sed cesserunt hi Principi volenti declarare Imperato-
ri obedientiam in ijs rebus , quibus salua religione & pie-
tate ad Deum præstari poterat, & cesserunt propter gra-
uiissimas causas. Nihil Diabolo , ut sceleratè fingit &
mentitur Flaciana factio , Nihil gregi Pontificio tribu-
tum est illa concessione. Declaratum est Imperatori, qui
ut magistratus pacem se querere & coniunctionem Ec-
clesiarum distractarum præ se ferebat, & qui persuasus
erat à quibusdam vel autoribus vel certè primis suffraga-
toribus Libri ex illis ipsis , qui Confessionis Angustianæ
professione nobiscum coniuncti erant , librum talem esse ,
ut intolerabilis Ecclesijs nostris non sit futurus, & quem
Ecclesiæ nostræ non grauatum essent accepturæ: Huic
ergò declaratum est , sicut in similibus deliberationibus
fuerat factum antea semper, & per Principem Electorem
Mauricium, & alioquin, & ipsi Principi Mauricio, quæ
intolerabilia Liber contineret, & apertè falsa et blasphem-
ia , de quibus assentiri Princeps non debeat nec possit ,
quod talia sint , ut intelligi etiam ab ipso possit , ferenda
ea non esse, quærurus concedi possent: quæ vero propter
obscuritatem aut ambiguitatem aut Sophismatum præ-
stigias pertinerent ad explicationem & confessionem ipso-
rum Theologorum priuatam , quibus non vellent onerare
Principem , vel alios etiam non satis instructos , sed de
quibus vellent suo loco & periculo respondere. Deniq; de

K

qui-

quibus rebus ut contentio fuerit semper, sic remitti nihil possit: De quibus rursus ipsi & possint & velint obtemperare, ut videat non petulantia nostros & contumaci curiositate aut contemptu Cæsareæ Maiestatis aut infinitæ licentiae cupiditate aduersari consilijs de pace, sed propter causas, quas prohibitione diuina mutare in nulla parte liceat.

Cumq[ue] deliberatio priuata tota pertineret præcipue ad Ecclesiæ harum regionum, non ad ipsos Theologos: separarunt priuatam Confessionem suam & vniuersitatem q[ue] a consilio, quod dandum esset promiscuae multitudini in Ecclesijs nostris. De se se testati sunt, repetita crebrò eadem mentione, quod ut hanc tueantur doctrinam, quam professi essent, nulla aut reformident aut defugiant aut recusent pericula, nec se requirere, ut Princeps propter ipsorum priuatam confessionem, quam & edidissent, & repetituri essent, vbiq[ue] foret opus, se suosq[ue] in discrimen coniiceret. Nam proprio se, non Principis aut subditorum periculo confessuros Deo iuuante. Neq[ue] mutationem se in rebus adiaphoris aut suadere aut probare quantum ad ipsos, sed cedere se in his propter Ecclesiæ. Ad has quantum attineret, moneri se tum periculis parituris doctrinæ interitum & Ecclesiarum pastationem, tum pia sollicitudine de ciubus Ecclesiæ, qui dissimiles sint, & quorum multò maxima pars imbecillior & languidior cùm sit, vbi pericula in conspectu forent, prius totam abiectione religionem quam perpeccura esset crudelitatem & cala-

calamitates persecutionis, præsertim si videat subeunda
esse hæc pericula de rebus ex humana autoritate penden-
tibus, et nō prohibitis mandato diuino nec suo genere im-
pijs. Quod si accideret, maximam multitudinem & accu-
saturam Theologos, qui non de gloria Dei, sed suis affecti-
bus & laude constantiae cum aliorum periculo pugnantes,
ijs detrectandis, quæ concederant antea, attraxissent iniu-
stæ sœnicæ vim propter causas minimè cōtrarias manda-
to diuino, & execraturam totam religionem, in qua diuina
humanaq; miscerentur & confunderentur arbitrio pauco-
rum. Hos ergò oportere disertè erudiri de discriminē re-
rum necessariarum & nō necessariarum, & cōmonefieri
de quarum rerum veritate & recto ac diuinitus mandato
vñu hoc mutationis articulo pugnatū sit cōtra abusus, er-
rores & idola gregis Pontificij, Ad quas autoritate diui-
na vera, seria et constans confessio sit alligata: quam edere
quocunq; periculo oporteat, et quam sine lēsione cōscientiae
et horribili Dei offensione defugere nō liceat, quæcūq; ac-
cidant: deniq; ad quā instrui, animari et cōfirmari audito-
res debeant, et de qua dicitur: Confessio fit ore ad salutem.
De quibus rursus pugnatū nō sit, et quantum ac quomodo
differat ab illis diuinitus traditis atq; præceptis alia, quæ
humana autoritate in Ecclesia constituuntur et mutantur
in ritibus non impijs ordinis & exercitiorum causa, in
quibus homo Christianus sine conscientiae offensa, si de ne-
cessarijs constanter sit testatus, concedere aliquid possit,

vt si propter confessionem & conseruationem doctrinæ, quam retineri ac defendi contra Pontificias corruptelas necesse sit, bello vel aliter Ecclesiæ peterentur, scirent immutabile Dei mandatum esse & velle Deum, vt obedi- entiam Deo debitam sanctionibus & edictis Imperatoris anteferendo, constantia Confessionis testentur doctrinam nostrarum Ecclesiarum verissimam esse, & statuant certò sibi in hac cruce & his persequutionibus affore Deum: Ritus vero humana autoritate conditos minimè simili ne- cessitate conscientias obligare. Nec propterea abyici fi- dem, si post editam piè de singulis articulis doctrinæ con- fessionem, profiteantur cedere se posse in usu rituum & do- cumentorum, præsertim cum & Imperatori ipsi, qui ad coniun- gendas & copulandas Ecclesias hæc quæ agebat, profite- batur directa esse, & toti posteritati necesse sit ostendi perspicue & euidenter, quæsitum à nobis id esse, vt glo- ria Dei illustretur, restituatur doctrina ex erroribus ex- plicata, & tollantur idola atq; cultus idolatrici, non vt petulanter efficiatur vastitas in Ecclesijs euersione aut perturbatione utilium rituum & ordinis.

Addiderunt etiam disertè, se hac sententia consulere imbecillioribus, non statuere modum zelo confirmationum & robustiorum, si qui essent, qui experiri aduersationes suo loco, & suo cum periculo, non alieno, quam cedere mallent ferendo seruitutem non impiam, quod tamen ha- etenus ore magis quam re declararunt censores nostri,

quo-

quorum tantum fuit robur animi, ut ingruente tempesta-
te Episcopatus & functiones desererent, quererentq; re-
ceptus & latebras, & ne deprehenderentur, mutarent
vestes ad fallendos obuios, & dissimulatis nominibus no-
stros sugillarent, & metu trepidarent, sicubi extra li-
mites suæ munitionis versarentur, & nihil non expauesce-
rent. Hisi præstitissent eam constantiam, quam falsò
iactitant, non fugissent ceu mercenarij metu periculorum
ex statione sua, nondum experti uel minas uel pericula,
qualia multi præstantes uiri in Germania superiore illo
tempore sustinuerunt, ex Ecclesijs suis uel abrepti ad con-
fessionem, vel electi in exilia crudeliter. Nec Ecclesias
vel onerari libro Augustano, vel occupari atq; opprimi
ab hostibus fuissent passi: Sed confirmatas eruditissent &
seruassent, vel vitæ suæ & fortunarum periculo, vel quo-
cunq; alio euentu, nostrorum exemplo. Hi enim in iisdem
veræ doctrinæ, piorum consiliorum, & vocationis suæ
vestigij manserunt, nec cesserunt minis & periculis, qui-
bus impetebantur, & corruptelis libri Augustani primi
sese opposuerunt, repetiueruntq; easdem de doctrina sen-
tentias voce & scriptis, & ad casus quoscunq; atq; con-
fessionem sese prepararunt. Imbecilliores autem post lon-
gas deliberationes, erudierunt, ut cum mutatio, quam mo-
liretur Imperator, videretur persequitiones allatura &
martyria, scirent de quibus rebus præcipue dissensio sit,
& semper contra aduersarios pugnatum sit in omnibus

congregatis, à quibus discedere per imminutabilis mandati
diuinii autoritatem nō liceat: de quibus pugnatū nō sit, &
de quibus remitti aliquid salua conscientia, de quibus nihil
cōcedi vlo modo posse multò antē censuissent. Hæc omnia
& scripta publica quæ extant, & actorū series cōincit.

Princeps Georgius Reuerendissimus & optimus Princeps Georgius
~~Anhaltinus~~, cuius fuisse eruditionem eximiam, grauita-
tem insinuem, pietatem erga Deum ardentem, virtutes
sing. et consta plurimas excellentes ac vere heroicas, acre studium tuen-
dæ veritatis, & in conseruandis atq; erudiendis his Eccle-
sijs fidem, in cōfessione constantiam fuisse dignam admira-
tione, omnes sciūt. Is igitur (vt de reliquis nihil dicamus)
in ea Ecclesiarum administratione, in quam fuerat colloca-
tus, constanter permanebat, toto illo turbulentissimo tem-
pore, quo Ecclesiæ terrebantur minacibus edictis de libro
Augustano recipiendo, Nihil pretermittens vel docendo
vel monendo voce & scriptis, vel præcanendo, quod auxi-
lio diuino prouideri humanis cogitationibus, & præcavéri
ac præstari qualicunq; humana diligentia poterat. Et cùm
attractus esset clandestinis aliorū cōsilijs peregrinus Epi-
scopus, huic adducto in Episcopatum ita se opposuit, vt in
ipso statim aditu, quo gubernatio tradenda ei iam erat, sit
testatus grauiter & constanter, suo suffragio, nec vocatū
eum, neq; electionem comprobata esse, Nec se admittere
eum ad Episcopatum aliter, nisi cum hac obtestatione &
cōditione, ut nō modo nihil mutet in ea forma Ecclesiarū,
quæ

quæ nūc esset, sed eandem foneat ac tueatur. Quod si face-
ret, se non tantum habiturum eum libenter pro Episcopo,
sed suo loco opera atq; consilio suo adiuturum fideliter
ac diligenter, & prestiturum erga ipsum, quæ deceret. Si
non faceret, se conatibus ipsius aduersaturum, & prohibi-
turū, ne quas moliretur mutationes, posset perficere. Hac
obtestatione ita muniuit Ecclesiæ à se constitutas & tot
annis gubernatas, ut huc usq; Dei benignitate cum tran-
quillitate & quiete usum veræ doctrinæ & Sacramento-
rum retinuerint. Quapropter ei hæ regiones gratitudinem
debent perpetuam. Debebant & defensionem mortuo con-
tra amarulentas & nefarias criminationes atq; infestatio-
nes Flacij, quibus præclaras has tanti Principis & tanti
Ministri actiones impudenter calumniari nō veretur.

Si ergò Flacius tanti fecit salutem Ecclesiarum no-
strarum, quare non similiter in sua statione substituit? Cur
receptus quæsivit apud eos, à quibus nunquam fuit accersi-
tus, & quibus nō fuit opus vel opera vel consilio ipsius? Cur
non ijsdem discursationibus, quibus contra nos usus totam
penè commouit Germaniā, eodem tempore afflictissimas
Germaniæ Ecclesiæ alibi aduersus depravationes Sphyn-
gis Augustianæ cōfirmauit, quas nullo vñquā verbulo at-
tigit: Aut incitauit plebem ad armis prohibendos conatus
Imperatoris, sicut sediciose cōtra Electorē Mauriciū harū
Regionū incolas accēdit nulla de causa, quod toto illo tem-
pore, quo in deliberationibus primatis de Adiaphoris dispu-
tatum

tatum est, corām & vidit & audierat apud nos nec vocem
doctrinæ nec ullam rem necessariam mutari? Sed hæc
omittemus, Et parcimus censoribus nostris, qui ubi agno-
uerint sua constanter facta, propriæ conscientiæ testimo-
nijs conuicti, fortasse abstinebunt ab insectationibus et
condemnationibus nostri. Et quidem quid
actum sit à nostris, series cōmemo-
rationis exponet.

CONVENTVS PRIMVS LIPSIÆ HABITVS Anno XLVII. Mense Iulio.

47.
PO ST MVTATIONEM FACTAM
in his terris à calamitoso bello, Illustriſſ. Princeps ac
Dominus D. Mauricius Dux Saxoniæ Elector &c.
conuocatis et ex veteri ditione sua subditorum ordinibus,
& ex ijs qui tum primum ad hanc accesserant, vniuersis,
primum Conuentum habuit Lipsiæ, Anno poſt salutife-
rum partum 1547. Mense Iulio. Non autem politicos
tantum ordines tum, sed Theologos etiam conuocari cu-
rauit, & inter hos primo loco Reuerendiss. & Illustriſſ.
Principem ac Dominum D. Georgium Anhaltinum etc.
& vniuersos Superintendentes Ecclesiarum ditionis suæ,
& collegium insuper Theologicum & Rectorem Acade-
miae nostræ. Ita factum fuit, vt ex Academia nostra ad
hunc

hunc venirent, Rererendus D. Doctor Iohannes Bugen-
hagius, Pastor huius Ecclesiæ & Superintendens, &
D. Doctor Caspar Cruciger Academie Rector, Cla-
rissimi viri D. Doctor Melchior Fendius & M. Paulus
Eberus, qui in vrbe subtiliterant. D. Philippus Melan-
thon vir clariss. Praeceptor noſter colendiss. & Collega
cariss. qui peculiariter VVimaria ad illum conuentum ac-
cersebat, ut infra exponitur, cumq; eo Reuerendus D.
Doctor Georgius Maior.

Cum igitur Politico ordini ab Illuſtriss. Principe
Mauricio Electore &c. exposita eſſent ea, quorum cauſa
conuocatus fuerat, quæ ad hæc negocia non perteſſent,
Postea ad 15. calend. Sextil. quæ eſt 18. dies Iulij ad
Principem Anhaltinum & Theologos reliquos, qui ma-
gno numero conuenerant, atq; euocatos ex Academia no-
stra, referri hæc curauit, quæ de scripto germanico, quod
tum ſimil exhibitum fuit conuerta in lingua latinam
ſubiecimus.

M A V R I C I I P R I N C I P I S A C D V C I S
Saxoniæ Electoris &c. Scriptum ad Theologos,
qui post bellum Lipsiæ mandato ipsius
conuenerant.

V Eſtram benevolentiam & vos ideò literis accerſi &
conuocari curauimus, ut noſtram apud Veſtram be-
nevolentiam & vos de religione voluntatem & ſententi-

L am

am declararemus, ne inter nos, vestram benevolentiam & vos, hac in re aliqua sit diffidentia, & nos, vestra benevolentia & vos, ita certam & veram de hac re cognitionem habeamus, ut nullum illa à parte periculum metui aut suspicando concipi possit.

Proinde declaramus apud V. B. & vos sententiam nostram, quod Papisticis abusibus & omnibus ijs, quæ verbo Dei contraria, & à religione Christiana aliena sunt, neq; deficiendo adhærere, neq; horum quicquam admittere velimus. Quibuscumq; etiam rebus & doctrinam Verbi Dei prouehere, & ministros huius iuuare poterimus, ea vt Christianum Principem Electorem decet pro viribus nostris fideliter, diligenter & benignè praestabimus.

Volumus etiam pacem & concordiam consilio, opera, & administratione nostra iuuare, quantum à nobis et conditione humana fieri potest.

Studia etiam doctrinæ & homines doctos omni tempore fouebimus & tuebimur, ut iuuante Deo sub nostra gubernatione crescant & augescant, & protectio & defensio his praestetur.

Similiter etiam iudicia & iuris administrationem in nostris regionibus constituemus, quæ nihil suspicionis habeat, & omnibus ius & iusticia ex aequo contingat.

Atq; Deo nos iuuante & gratiam largiente eum nos
præ-

præstabimus, ut nemini causa afferri debeat, propter
quam de gubernatione nostra iure queri possit.

Quicquid igitur vestra benevolentia & vos hac in re
nobis consulere, & V. B. & vos de rationibus suis in ijs
rebus, quæ vestræ benevolentiae & vestri munieris atque
curationis propria sunt, significare poteritis, Id à V. B.
amanter petimus, & à reliquis vobis benignè cupimus,
ut facere velitis. Quod & à V. B. amicè, & à reliquis
vobis benignè sumus accepturi, & de ijs, quæ indicabun-
tur cum V. B. & vobiscum ut amicè & benignè nobis
conueniat, videbimus.

Hec igitur illius scripti sententia est, de quo dixi-
mus.

Exercuerat autem præterea Principem Maurici-
um longo iam tempore hæc cura, ut de ritibus & Cere-
monijs Ecclesiarum ditionis sue constitueretur, & in his
similitudo præstaretur. Nam etsi sub Illustriss. Principe
& Domino D. Henrico Duce Saxonie, Principe opt.
& laudatissimo cum primum doctrinæ veritas in regio-
nen Misiensem introduceretur, et abusus atq; supersticio-
nes tollerentur, Tum, igitur, etsi forma rituum constituta
& edita fuit cum titulo Agenda, noto in Ecclesys nomi-
ne, Tamen postea non parua dissolutio hac in parte in regi-
onibus illis secuta est, ut multi multa in diuersis locis pri-
uata autoritate & abolerent & introducerent, de quo
cum alia mala & incommoda, tūm disputationes & rixæ

multiplices, & ab alienationes inter vicinos ex plebeio &
equestris ordine extiterunt, & consistorijs in disceptando
labor et difficultas obiecta est, ut tandem etiam in aliquot
conuentibus prouincialibus ab illarum regionum ordinib-
us hoc peteretur, ut ad auertendum talia cura suscipere-
tur, & de certorum rituum usurpatione consensio fieret
atq; constitueretur. Hac igitur necessitate allata, Prin-
ceps Mauricius & Anno XL IIII. Theologos Lipsiae
conuocarat, ut de hac re colloquerentur atq; conferrent
sententias, & Anno XL V. Mense Augusto, iterum
conuocatis in vrbe Lipsensi Princeps Georgio Anhaltino
&c. & Superintendentibus aliquot mandata dedit, ut
assumpto Theologorum collegio in Academia Lipsensi, de
ceremonijs & harum utili & pia concordatione delibera-
rent & decernerent. Communicauerat de hac re prius ut
solebat de omnibus, cum D. Luthero Princeps Anhalti-
nus, & de quibus deliberatio futura esset ei cognoscenda
& indicanda miserat, & consilium huius expetuerat, Cui
Lutherus sententiam de illis suam per epistolam significa-
uit, quam subiecimus, editam quidem & antea in Princi-
pis Anhaltini narratione, sed omissa, moderationis causa,
extrema clausula. Ideò hoc loco pleniorem transcripsi-
mus.

Gratiam & pacem in Domino. Legi Illustriss. Princeps, idem
Reuerendiss. Praesul, libellum ad me missum, & legi cum magna uo-
luptate, omnia mihi uehementer placent, & benedico Domino, qui
cepit opus hoc bonum in T. Celsit, oratio ut augeat & multiplicet
benedictionis suæ tam salutare initium, Amen. Nec est quod Cels.
T. a.

T à me quicquā uel consulendo uel quærendo petat ipsi. Dominus
adest & aderit largiore & copiosiore gratia, quām ut opus sit ex me
pumice arido & sterili aliquid expectare &c. Datum die S. Magda-
lenæ M. D. XLV. Celsit. T.

1545.

deditus

D. Martinus Lutherus.

*Respondit etiam eadem ferme sententia quibusdam
Superintendentibus, qui similiter consilium ipsius hac de-
re expetinerant.*

*Complectebatur autem libellus ille, de quo hæc
scripsit Lutherus, expositionem quandam & informati-
onem certorum capitum quæ in Synodis solemibus Su-
perintendentibus Pastoribus inspectioni ipsorum attributis
proponere deberent, In qua admonebatur de puritate do-
ctrinæ comprehensæ in Confessione Augustana, & quæ
de quibus rebus locutiones, vt inscitæ & scandalum com-
plectentes, vitandæ essent: Cumq; sæpe in administratio-
ne Sacramentorum, & matrimoniorum causis, sepultura
& alijs Ecclesiasticis muneribus, multa accidere soleant,
in quibus quid fieri oporteat vulgus Pastorum in Pagis
non semper constituere potest, Ideo ad tales etiam casus
inserta erat instructio, Item de moribus & vita, quæ
Christianos Sacerdotes deceret, exponebatur. Et, quod
hoc loco præcipue indicandum, De Ceremonijs etiam
doctrina inserta erat, quæ essent diuinitus institutæ & im-
mutabiles, quæ ab hominibus, & mutari possent, & ex
hoc secundo genere, quæ abolendæ essent, quæ seruari*

L 3 possent,

possent, & per se essent adiaphoræ, Itemq; hæ adiaphoræ Ceremoniæ, quando intolerandæ fierent libertati Christia- næ & impietatem haberent, quando seruari deberent, & detrectationem atq; abolitionem haberent improbam & animaduertendam. Postremo postulabatur in illo scripto, vt Pastores ritus certos & eosdem præstarent atq; conseruarent, secundum formulam Agendorum temporibus Ducis Henrici propositam, & à Doctore Crucigero & Iona conscriptam, Neq; in hac parte quicquam propria & priuata autoritate mutarent aut noua introducerent, & discrepantiam vt cauerent. De linea tamen veste, de qua maximè postea tumultuatum ab inquietis illis fuit, et quæ has regiones quasi terræmotu quodam concusserit, & contra quam vestem ita quidam disputatione, vt Ecclesiæ potius deserendas & vastitatem admittendam, Imò vitam potius impendendam dicerent, quæm ea vt reciperetur, & in secundam Tabulam legis diuinæ potius peccandum, si forte dubitaretur, quid ab horum zelo quereretur, et quò consilia horum tenderent atq; dirigerentur, ideo celebratur unus Zelotæ talis memorabile apophthegma, qui ad Principem Anhaltinum professus fuit, se potius cædem perpetratrum, quæm vt lineam illam vestem indueret. De hac igitur veste, que in eo libello leguntur, omnino putauimus transcribenda.

Vestiti sacerdotali publico cultu, Post admonitionem de cultu, qui Sacerdotes decebat: subiiciuntur hæc verba, vt conuertimus. Sed in ad- ministratio

*nistrationibus Ecclesiasticorum munerum Sacerdotes
consueto ornatu vtantur, qui & plerisq; in locis in vnu est,
in concionibus & administratione Sacramentorum. Etiam
apud ægrotos, vestem lineam, quam vulgo Choralem ap=*
1544.
pellant, usurpent (Ea tamen ratione qua collegium Theo=
*logicum Lipsicum vna cum Superintendentibus aliquot
in Colloquio Lipsie Anno XL IIII. habito, de hac re
censuit) sicut in alijs multis locis, vbi Euangeliū doce=*
*tur, fieri solet & consuevit, & adhuc in his terris fit
maxima ex parte. Cum enim hæc res sit adiaphora, tam*
est liberum nobis & penes arbitrium & optionem no=
stram sine grauatione cōscientiarum hoc retinere & usur=
pare, quam abolere aut omittere, nisi quod cum ad speci=
em et decentiam hoc faciat, & Sacerdotes omnes non sint
æque bene vestiti, saepq; relatum sit, quod aliqui in admi=
nistracione diuinorum munerum eiusmodi vestitu ad po=
pulum, matronas & virgines vni fuerint, quo homines
non mediocriter offenderentur, Ideò optimo consilio faci=
endum visum, vt ille vfitatus habitus sine immutabilis ne=
cessitatis obligatione retineretur. Et cuperent Principes,
vt in ditionibus ipsorum hac in parte vna quædam &
consentiens forma, quantum id fieri potest, præstaretur,
hac tamen conditione, vt omnino homines docerentur, in
bis salutem non esse positam, neq; vt res ad hanc necessa=
rias usurpari. Item ne in ijs locis, vbi primum introdu=
cuntur, scandalum concipient.

Hæc

243 adiaphor

Hæc fermè fuere in libro eo quem suo illo elogio
D. Lutherius ornauit, Atq[ue] illa postea capita deliberatio-
ne habita, ab ijs qui conuocati erant, approbata fuere, &
decretum factum Lipsiæ, ut diximus, Anno XLV, die
XXVII. Augusti, subscriptis, ut fieri solet, nomini-
bus eorum qui præsentes tum & autores fuissent.

Cum igitur & ante id tempus, ditionis veteris sta-
tus hoc flagitaret, & illo mutationis factæ tempore ma-
gis faciendum videretur, ut de Ceremonijs ageretur, &
in unam formam harum consentiretur, Ideo in hoc con-
uentu Lipsensi anni XLVII. illud ipsum scriptum,
& Superintendentibus ijs, qui pristinæ deliberationi anni
XLV. non interfuerant, & euocatis ex Academia no-
stra, & cæteris ditionum earum, qui primum in potesta-
tem Prin. Mauricij venerant, propositum fuit, de quo
iterum deliberaretur. Ad hæc igitur consultationis ca-
pita, ab uniuersis, qui tum conuocati conuenerant, & in-
ter hos & cum his à nostris etiam Collegis responsum
fuit hoc scripto, quod de germanico conuersum & ipsum
subiecimus. Complectitur autem Theologorum de reli-
gione sententiae & voluntatis declarationem atq[ue] pro-
missionum & petitionum quarundam, &
consiliorum certorum exposi-
tionem.

Responso

RESPONSI^O THEOLOGORVM
ad Mauritij Principis Electoris
Scriptum.

LAUDABILEM & Christiano Principe dignam declaratio-
nem sententiae & uoluntatis Celsitudinis uestrae, quæ nobis
exhibita est, submissè cognouimus, agentes Deo gratias, quem
oramus, ut Illustriss. Celsitud. uestram benigne regere & protegere,
& his regionibus, quæ multis egregijs Dei donis affectæ sunt, falu-
tarem pacem, uerum cultum Dei, honestam disciplinam, & ius & ius-
ticiam per V. C. gubernationem conseruare uelit.

Cumq; C. V. disertis uerbis de se ipsa piè significarit, quod
propter gloriam Dei & propter salutem regionum & subditorum,
Christianæ religionis puram doctrinam conseruare & prouehere ue-
lit, neq; defiendo, abusuum, qui uerbo Dei contrarij sunt, instau-
rationem permettere, Hanc ob causam etiam Illustriss. Cels. uestræ
gratias agimus, neq; dubitamus, C. V. ut laudatissimum & Chris-
tianum Principem Elect. tenere, in omni gubernatione hoc esse
summum et præcipuum opus, ut uera Dei agnition & inuocatio plan-
tetur atq; conseruetur, sicut scriptum est: Psal. 11: Et nunc Reges in-
telligite &c.

Et ad illam declarationem C. V. hæc nostra est confessio, quod
Christianæ subiectione Deo humiliter promittimus, & uestræ Celsi.
repromittimus, nos similiter in Christiana & pura doctrina, cuius
mentio facta est, sicut hæc in Ecclesijs harum regionum pro concio-
nibus docetur, & à pjs absq; sophistica accipitur, constantes manere
cogitare, & in hac concordia consensum tueri uelle. Neq; enim ulli
creaturre in coelo aut terra illud mirabile consilium in Euangelio ex-
pressum, quod Deus immensa misericordia patefecit, immutare li-
cat. Ideo filius Dei dicit Iohan. 14: Si quis diligit me, sermonem
meum seruabit, & pater meus diligit eum, & ueniemus ad eum, &
mansionem apud eum faciemus. Ac ne quid hac in parte erretur,
intelligi uolumus unicam aeternam ueram doctrinam Catholicae &
Christianæ Ecclesiae, quæ in Symbolis est expressa, cum qua & uni-
uersarum Ecclesiarum nostrarum Augustana Confessio consentit.
Quo excludimus omnes Sectas Anabaptistarum, Sacraenta pro-
fanantium, abusus Pontificios, & quascunq; alias, quibuscunq; no-
minibus appellantur, quæ & in confessione nominatim sunt reiectæ.

Polliscemus etiam nos fidelem in necessarijs doctrinæ capitib⁹, quæ ad emendationem usum habent, sedulitatem præstíturos, ut Timor Dei, fides, uera & Christiana inuocatio, disciplina, & morum honestas plantetur, Ad quam rem Deus sua gratia nobis assit.

Ad Christianæ autem doctrinæ & disciplinæ conseruationem necessarium est Ecclesiæ & Scholas pueriles uastatas instaurari, & non bene constitutis melius consuli, & quorum bonus adhuc status est, eas conseruari. In primis autem uideamus harum regionum per magni interesse, ut utraq; Vniuersitas Lipsensis & VVitebergensis conseruetur. Oportet enim præcipua aliqua loca esse, in quibus studia uigeant, & uera in omnibus disciplinis, & necessiarum linguarum atq; artium doctrina conseruetur, Quemadmodum & Deus ipse ad hanc rem in regno Israelitico scholam condidit, & postea Casnonicorum uetusiora Collegia quasi Vniuersitates scholasticæ fuere, Antiochiae, Alexandriæ, Constantinopoli &c.

Ac quod ad miseram & dissipatam Vniuersitatem Vuitebergensem attinet, manifesta res est, si nulla studia, & nulla superintendencia seu inspectio Ecclesiastica ibi est, in misera uicinia ditionis Electoris tristem Ecclesiarum uastationem & barbariam extituram.

Præterea consueuerunt iam uicinæ Ecclesiæ ordinationem Pastorum suorum Vuitebergæ petere, & in forma examinationis semper ibi uera diligentia usurpata fuit, quæ sine dubio ad concordis in doctrina consensum conseruationem in Ecclesijs per Saxoniam, Marchiam, & Silesiam profuit.

Quod si dicat aliquis, hoc deinceps Episcopos ordinarios in singulis locis facere debere, Bonum quidem esset ipsos suum officium facere, sed ante oculos est, & manifestum hos illas necessarias res non curare.

Et hactenus ad hanc scholam commearunt, & ordinacionem ab hac petiuerunt non tantum uicinæ, sed exteræ etiam gentes aliquæ, Hungari, Bohemi, & alij.

Velit etiam propter Deum V. C. considerare, multas ibi utiles operas, & inter alias disertam, elegantem, & ueram interpretationem Bibliorum, cum fide & diligentia confectas esse. Item multorum ibi ueterum laudatissimorum Principum Electorum monumenta & sepulchra esse, ut miserabilis res esset futura, si barbaries aliqua illa loca occuparet.

In utraq; etiam Academia, Dei beneficio, studia ita bene coq; ordine constituta fuere, ut nusquam alibi, ullis in regionibus, quod

quod docti norunt. Faxit Deus, ut restituantur in pristinum statum illum deinceps, id quod profecto omnibus intelligentibus consolationi esset futurum.

Ad hanc rem proderit aliquot ex prioribus Professoribus in ea loca reduci, & in Lipsensem Academiam Joachimum Camerarium, de cuius consilio studia iuuentur in linguis & Philosophia inauctaurentur.

Constituta etiam stipendia ab aliquot iam annis sunt ex redditibus Collegij Ecclesiastici Aldeburgensis, & monasteriorum aliquot, pro pauperibus Scholasticis, qui ex his regionibus oriundi sunt, de quibus exploratio fieri potest. Haec eleemosinæ facile possent instaurari, & esset res Deo grata, & pauperibus magno subsidio.

In utraque etiam Academia severa animaduersione est opus, ne infamantia aut alia huius generis leuia & futilia, sed pro gratia, quam Deus largitus fuerit, utilia ad institutionem & disciplinam scripta typis exprimantur. Ideoque Typographis mandatum, ne sine permissione Rectoris quicquam ad exprimendum recipiant.

Tertium est de consistorijs, & uisitatione Ecclesiarum & superintendantia. Consistoria esse Mersburgi & Misnæ necessaria res est, neque haec tolli aut aboliri debent, & causæ matrimoniales, & aliæ Sacerdotum, qui delinquunt, ex terra Misnica, Voitlandica & Thuringica eo delegandæ.

Ab his locis cum absit aliquanto longius Electoralis ditione, omnino erit necessarium, ut VVittebergæ etiam sit Consistorium, neque ad hoc constituendum alijs opus esset, quorum opera conducedrentur. Sed ex Professoribus Theologis & Iuris, qui absque hoc ibi docent, aliquib. hoc munus peculiariter & nominatim imponi posset, quibus & merces aliqua pro ea opera constituenda esset. Etiam Notarium his adiungi oportet, qui publico stipendio conducedretur.

His Ecclesiasticum iudicium in tota Electorali ditione committi posset. Quod si graues causæ ad doctrinam pertinentes inciderent, deberet totius Academiæ consilium à Superintendente & sistorialibus assumi.

Mandanda etiam consistorijs uisitationis cura, hoc modo, ut idoneo tempore Notarij, suæ singuli iurisdictionis loca peragrarent, & apud Superintendentes & alios mores & uitam Sacerdotum &

populi explorarent, ne uel non coniugales consuetudines uel alia manifesta facinora ferrentur.

Superintendentes etiam ad doctrinam & ceremonias Ecclesiarum suarum respicere, & apud Pastores in Pagis curare debebunt, ut Cacheches in Christianæ doctrinæ rudi ætati diligenter inculcent, & ut perficiant id quod à multis fit, ut die Dominica Pomeridiano tempore una hora ad interrogationes & recitationes huius cōstituantur. Hoc utile esset in omnibus Pagis omnium Superintendenciarum seruari. Ad parentes quoq; hortationes usurpandæ, ut, qua pars est, seueritate liberos suos ad illam in templis institutionem coagant. Etsi autem hæc puerilis ætatis exercititia tenue quiddam & exile esse uidentur, unum tamen de præcipuis muneribus hoc est, & ad conseruationem doctrinæ & disciplinæ ueræ necessarium.

De ceremoniarum & rituum similitudine præstanta nostra sententia est, in præcipuis rebus diligenter hanc conseruandam esse. Si quæ uero paruæ dissimilitudines sunt de ijs, non est contendendum. Superintendentes etiam hac in parte prudentiam & moderationem usurpare sciant, ut scandala auertantur & conseruet concordia.

Submisso etiam petimus, ut C. V. benignè mandare uelit, & ut præstetur curare, ut in oppidis & pagis pauperibus Sacerdotibus merces debita persoluatur. Ne quid etiam redditibus Pastoralibus subtrahatur. Item ut ædificia pastoralia sarta tecta præstentur, de quo expresse mandari oportet, ut in oppidis Consules & consilium publicum, & ruri ij, quibus ædium Ecclesiasticarum cura commissa est, assumpta opera eorum, qui præsunt in præfecturis Principalibus, ædificia inspiciant, & collapla instaurent.

Cum etiam miseri quidam ex Sacerdotum ordine, & alijs, bellum tempore uocibus quibusdam deliquerint, Oramus suppliciter & propter Deum, ut V. C. omnibus illis ignoscere, & benignitatem atq; clementiam erga hos usurpare uelit, quomodo etiam Dauid & alijs laudatissimi Principes post bellum talia uulnera benignitate & clementia sanarunt. Et dicit filius Dei: Beatí misericordes. Tum nos etiam in omnibus concionibus & sermonibus nostris si deliter hortabimur ad reuerentiam & obedientiam omni superiori potestati obnoxie præstandam, & nos quoq; ipsos, sicut fideles subditos pars est facere, obedientes & quietos atq; pacificos præstabimus, & tam doctrina quam uita nostra gloriae Dei & paci diligenter inserviemus. Hæc misera, & calamitosa uita multis infirmitatibus

bus obnoxia est, quod omnes, qui in gubernatione sunt ipsi in magno labore & cum magna molestia sua experituntur. Ideo petimus submissio, ut V. C. etiam nos benigne ferre, & cogitationem suscipere uelit, quomodo senio conseptis & corporum & ualeitudinis imbecillitate atque uitio laboratibus, qui propter inualitudinem munus suum curare amplius non possunt, his igitur, quomodo unde alantur constitui posset, ut loco horum alijs, quorum usus esse queat, recipi & ali possint.

Pauperes etiam Pastores cum moriuntur, & viudas cum liberis patre orbatis statim decidere oportet, his etiam quomodo sublsidio aliquo consuli possit. Cum etiam in executione eorum, quae mandantur posita sint omnia, Petimus submissio ut V. C. seuerè, & Nobilitati & Praefectis & Oppidanis Magistratibus mandare uelit, quæcunq; C. V. sanxerit, ea ut obnoxie seruentur, ut curare studeant.

Hæc igitur Illustriss. Principis Electoris & Theologorum nostratum coniunctio atq; consenso, ad Religionis Veritatem tuendam, quin voluptatem aliquam alatatura sit non inquis lectoribus non dubitanus, qui & ex his quæ narravimus utriusq; partis in conseruanda doctrinæ puritate, studium, curam, diligentiam, iudicare poterunt.

In primis autem hoc loco peculiariter monendi lectores, ut obseruent & memoriae mandent quod hac tenus narrata docent, nimirum, hoc ipso tempore, cum de Augustano libro, qui Interim cognominatur, nihil adhuc quicquam sciretur, multò minus receptio illius postulata esset. Hoc igitur ipso tempore, & anno tertio & quarto præcedente, id est, tribus fermè continentur succendentibus annis à Principe Mauricio & hoc actum esse, & regio-

nis res eum, quod docuimus, facere coëgisse, ut de ritibus
& confensione in unam & certam formam horum labo-
raret, fuitq; in his terris de hac eadem re **XLIII.** &
XLV. & hoc etiam **XLVII.** anno Lipsiae consulta-
tum, ut ex his quæ hactenus narrauimus, planum fit,
Quod ijs, qui de libri Augustani publicatione has actiones
primum natas, & impio Pontificijs assentandi studio ex-
titisse calumniati fuere, opponatur.

Etsi igitur quid de similitudine rituum constituenda responsum sit à Theologis iam est prescriptum, tamen illud scriptum Lipsense anni **XLV.** tum recognitum & ab uniuersis Theologis denuò approbatum fuit. *Quod vero Comitia Augustana instarent, differendam usq; ad finem horum illius promulgationem esse iudicatum fuit,* Quanquam illo tempore si id scriptum editum fuisset, quantum suspicionum & calumniarū atq; eorum malorū, quæ ex his sequuntur auersum fuisset, nemo non videt.

Ad hoc verò Theologorū scriptum responsionis lo-
co exhibitum Princeps Mauricius per scriptum alterum,
repetita primum voluntatis & sententiæ suæ de religione
vera conseruanda declaratione, postea de animo suo, quo
illam redditam suæ declarationem, promissiones, petitio-
nes, & consilia Theologorum accepisset, testatus fuit, &
de reliquis singulis perbenigne respondit & promisit. De
instaurazione quidem Academiarum in hanc fermè senten-
tiam, ut de germanico conuertimus;

MAVR I.

MAVRICII PRINCIPIS ELECTO-
ris Saxoniæ ad petititiones Theologo-
gorum declaratio.

VOLVMVS utramq; Academiam uero consilio instaurare, & ad gloriam Dei conseruare, benigne nobis persuadentes, Professores de diligentia sua nihil omissuros, sed una cum doctrinæ professione curaturos & adiuturos omnia, quæ ad pacem, tranquillitatem & concordiam faciant,

Ad conseruationem etiam in hac urbe Academiæ nostræ accersi curauimus M. Ioachimum Camerarium, & expectamus ab ipso, quod quamprimum id fieri possit, huc ille ad locum suum sit reuersurus, & assumto consilio uestro, Magister Philippe, studia & Academia in hac urbe ut instaurentur, operam sit daturus, sicut de uestra, Magister Philippe, diligentia, nihil dubitamus.

Atq; de Vuitebergensis Academiæ instauratione aliquanto etiam antè benignè Princeps Mauricius promiserat Electoralis ditionis ordinibus, equestri & oppidorum, qui cum ditionem illam occupanti in arce Vuitebergensi, fidem iurarent, more solenni, idem hoc suppliciter petiuerant, vt Academia instauraretur, reuocatis in urbem prioribus lectoribus & in primis Philippo Melanthone, vt illa Theologorum de hac tam sollicita petitio officiosa magis quam necessaria fuisse videri possit, quod & de sequentibus magis cognoscetur.

Promisit etiam de ijs qui ex politico & Theologorum ordine contra ipsum grauius locuti fuerant, quod propter

propter intercessionem à Theologis factam, aduersus illos eum se præbere vellet, ut planum fieret vniuersis, se benignè potius quam iure rigido agere studere, atq[ue] config-natas quasdam voces concionatorum quorundam Theolo-gis tum exhibuit, de quibus quid fieri debere censerent, in-terrogauit, & de ijs qui belli tempore preces pro ipso fa-cere omisissent, nonnihil questus fuit. Sed & res tum composita, & culpa remissa, & venia ijs qui deliquerant, benignè concessa fuit.

Præterea ab Illustriss. Principe Mauricio dua-rum tum rerum mentio facta est, quæ quod solæ ex omni-bus illius conuentus actionibus in maleuolorum reprehen-sionem incurrerunt, minimè fuere dissimulandæ, ne calli-dè & non optima cum fide narrare videamur. Sunt au-tem hæ: Ut in Concionibus sacris à contumelijs non ne-cessarijs abstineretur, & de publica precum formula conueniretur, qua Concionatores ad populum vterentur, de lorum altero monuit, alterum ut fieret postulauit.

Hæc ab inquietis tum manifestis calumnijs depra-uata & corrupta, atq[ue] infimulationibus falsis & odiosis infamata fuere. Spargebantur enim ab aliquibus, & odia hoc modo aduersus Principem vehementissimè incita-bantur, postulatum fuisse, ne contra Rom. Pontificem in-concionibus sacris diceretur, neue abusus & supersticio-nes ab hoc genere introduceret & arguerentur. Quod vt fal-sissimum esse planum fuit, verba capit is huius de scripto illo Prin-

illo Principis ex germanico, ut alia, conuersa, subieci-
mus, quorum hæc est sententia:

15
ET expectamus à uestra benevolentia & uobis amanter & pror-
sus, inituros uos eam rationem, ut pro concionibus uerbum
Dei doceatur, & uera confessio huius edatur, & populus fideliter
instituatur, quibus in rebus, ipsius consolatio & salus consistat, &
contumeliosa dicta, & non necessariæ atq; ignominiosæ notationes,
quæ ad Christianam uitam parum conferant, uidentur. Quo non
intelligi uolumus, impios Pontificis abusus, falsam doctrinam, &
cultus falsos, quoties necessitas postulet, ijs uerbis, quibus decet, &
quæ ad homines meliores reddendos usum afferant, notandos non
esse, sed ut in hac re id uitetur, quod non est necessarium, & parum
fructus affert. Inprimis autem nostræ regiones ad nos retulerunt,
ut auertere uellemus, ne quid de bello præterito disputetur, neue
pro concionibus pro aut contra hanc uel illam partem dicatur, sed à
Deo salutaris pax & tranquillitas petatur.

*Hæc igitur verba sunt non postulationis, quanquam
& postulatio si usurpata fuisset, non posset iure reprehendi,
sed admonitionis, & quidem moderatissimæ illius, quæ
an & per se & illorum temporū cōsideratione, iure culpa-
ri possit, legentium iudicio permittimus, cum intelligenti-
bus quidem quo directa hæc sint, minimè obscurum esse
possit, Nam Cæsaris nomen ita tum odiosum erat, ut pla-
ne & expressis verbis de hoc edici non videretur consul-
tum.*

*De precibus autem caput, solum fuit, ad quod à
Theologis tum responsum postularetur, quodq; per se po-
stulationem complecteretur, cætera admonitiones & sig-
nificationes habuerunt. De his igitur similiter spargeba-
tur, assen-*

tur, assentatorium hoc esse, & Flacius formulam etiam ipsam inuadere ausus fuit. Sed huius etiam capit is verba de Principis scripto germanico conuersa subijciamus. Pe- timus & postulamus à vestra benevolentia & vobis, vt in aliquam precum formulam consentiatis, qua Concionatores non tantum in hortationibus ad preces faciendas vtantur, sed quæ de Charta etiam præeatur, vt populus non tantum hortationes audiat, sed etiam quod ore sequatur, & ita preces faciat. An verò vel superuacanea vel impia hæc petitio et postulatio Principis illo tempore fuerit, & Theologos obsequi par fuerit, intelligentes & pij facile constituent, ad reliquos disputationi non attinet. Formula igitur tum à Theologis composita & approbata fuit, qua Ecclesiæ piè vti possent, quæ de Principe id predicatur, quod scripta responso à Theologis exhibita orat, quam supra exposuimus. Sed extiterunt postea quidam Σκλωπτες ζελοποιησειας, sed Iudaicum quendam, qui extrema potius omnia sibi accersere vellent, quam formulam illam usurpare aut sequi, vt infra in Cellensibus exponitur. De illa igitur vt iudicari posset, rectè ne an seculis & reprehensa & detrectata tantopere fuerit subijcendum etiam ipsam hoc loco ad rei memoriam putauimus, cum hæc omnia pro se ipsa causam dicant. Quæ de Germanico conuersa talis est.

FORMVL A P R E C A T I O N I S.

Omnipo-

OMnipotens æterne uerissime Deus , pater Domini & Salua-
toris nostri Iesu Christi , conditor cœli & terræ unâ cum filio
tuo Iesu Christo & Spiritu Sancto , agimus tibi gratias toto
pectore , quod immensa misericordia te nobis patefecisti missô filio
Iesu Christo , & prolato arcano & admirando decreto de redemptio-
ne generis humani , & colligis tibi æternam Ecclesiam per ministerium
Euangelij & Spiritalum sanctum , & præbeas hospitium Ecclesiæ , &
res uitæ sustentationi necessarias . Hæc & alia beneficia confitemur
uerissime tua dona esse , & abs te nobis propter Filium tribui & con-
seruari .

Confitemur etiam multis nos peccatis multipliciter pollutos
esse , & ueris atq[ue] ardenteribus doloribus cordis deploramus , quod
contra normam iusticie tuæ peccauerimus , ac precamur , ut conuer-
tas nos ad te , & cōdones nob. omnia peccata nostra propter dilectum
filium tuum Iesum Christum , & Spiritu sancto tuo accendas in no-
bis ueram fidem & ueram obedientiam , & regas nos , ut sicut serio
propositum nobis est , auxilio tuo emendemus uitam , & tibi obe-
diamus .

Oramus etiam propter Iesum Christum filium tuum dile-
ctum , ut inter nos & in his regionibus perpetuò tibi colligas Eccle-
siam , & in ea puritatem ueræ doctrinæ conserues , ut te uera inuoca-
tione colamus , & tibi obediamus , & in omni æternitate te celebre-
mus & diligamus . Ad hanc rem largiaris Ecclesiæ fideles Doctores
& Pastores , qui recta docendo , & exemplo piæ uitæ gloriam tuam
illustrent & proslint Ecclesiæ .

Oramus etiam propter Iesum Christum filium , ut his terris
largiaris piam , salutarem & tranquillam gubernationem , & Cæsa-
ream Maiestatem ac nostros Principes tuearis , ac Spiritu sancto tuo
regas , ut tota ipsorum gubernatio seruafat gloriæ tuæ , & ipsis ac sub-
ditis sit tranquilla ac salutaris . Confirmes etiam Principes nostros
in pio proposito tuam gloriam , ueram doctrinam & honestatem
disciplinæ conseruandi . Etiam Magistratus huius urbis clementer
gubernes ac tuearis .

Precamur etiam , ut res terra nascentes (quas largiris , ut in
hac uita genus humanum sustentetur , & te agnoscat & inuocet) fo-
ueas & protegas , & panem quotidianum benignè nobis præbeas .
Et quia tibi nota est ingens imbecillitas nostra , & promisisti te mag-
nitudinem iræ aduersus peccatum temperaturum misericordia pro-

pter intercessionem dilecti Filii tui, oramus, ut poenas, quas meritò sustinemus, clementer mitiges, & afflictos omnes, quite inuocant, consoleris Spíritu sancto tuo, ut in uera fide & uera inuocatione maneant constantes, & in omni æternitate misericordiam tuam celebrent, Amen.

Atque hæc sunt, quæ hoc conuentu Theologis proposita, & ab his acta fuere, quam breuiter id de actis excerpti potuit.

Dimisso conuentu cum hoc reuersi essent nostri, quod iam de voluntate & consilio Principis de instauranda hac Academia certò & publicè constaret, Ideò Rector Academiæ etiam de peculiari insuper Princ. Electoris mandato absentes Professores diuersis ex locis, in quæ quisque concederat, ad suas quenque priſtinæ operas missis literis reuocat, significata Principis voluntate. Laborarat de his reuocandis iam antè etiam Electoralis ditio, vt narravimus, et à D. Philippo iam dudum Senatus Vrbis Vuitebergensis ad illam primam de instauranda Academia promissionem factam, solicet & amanter atque officiosè per literas petierat, vt redire vellet, & Collegas veteres vt reducere conaretur. Sed cum D. D. Pomeranus, D. Cruciger, D. Fendius, & M. Paulus Lipsiam ad conuentum venissent, & D. Philippus tum VVimariæ esse diceretur, Miſsi sunt à Principe Elect. Mauricio, qui eum quererent, cum mandatis his fermè: Principem de Academiæ VVittebergensis instauratione constituisse, de qua cum absque Philippi opera atque præsentia, præclara ſpes nulla con-

la concipi posset, cupere Principem Electorem, ne hanc
Academie & Ecclesys in his terris, quarum salus ei
tum simul comedabatur, subtrahere vellet. Et cum de hoc
& alijs iam in conuentu, qui Lipsiae haberetur cōsultationes
futuræ essent, ne ad hunc venire grauaretur. Sed discesserat
iam VVimaria D. Philippus, expeditis rebus suis, &
reuerisionem inde in hanc urbem priuatis de causis institu-
erat, etiam propter deposita, apud se, & in ædibus suis,
multiplicia, neq; parui precij, & iam Merespurgum usq;
ad Principem Georg. Anhaltinum &c. profectus fuerat,
ubi Legatus ab Electore ad eum venit, quem ad conuen-
tum Lipsiam fuit secutus, in quo deinceps post declaratio-
nem Principis supra expositam, operam suam Academiæ
VVittebergensi denuò ille condixit, & hic statim se con-
tulit, quodq; à discipulis fermè solitudo adhuc esset, priua-
tim inter multiplices occupationes libellum Dialecticum
elaborauit, ut is fieret, qui iam est.

Reliqui igitur Professores postea ad hanc Rectoris
significationem & ipsi huc sunt reuersi, vt Mense Octo-
bri, qui erat à conuentu hoc Lipsensi tertius, reductis
Professoribus, & confluentibus discipulis publicæ operæ
inchoarentur, cum cœtus Scholasticus dimissus esset, pub-
lica significatione, ex sententia Principis tum nostri Io-
hannis Friderici Electoris &c. proposita, die 6. Nouem-
bris Anni superioris, qui fuit XLVI. vt dissipatio illa,
quæ de calamitoso bello extiterat, durarit ad menses II.

quo eodem mense Ioach. Camer. ad Academiā Lipsensem redijt. Etsi autem ab alijs terris, & ad aliarum regionum Academias & Scholas opera nostra literis & per legatos expedita, & honestissimae conditiones ab externis Regibus, Principibus & Ciuitatibus Imperialibus, plerisque nostrum latæ fuere, Quod tamen spem de instauracione Academie huius ab ijcere non possemus, Ideo ante q̄ de hac quid futurum esset, cognosceretur, alijs operam condicere pepercimus, & postea ad talem declarationem voluntatis suæ Principis Elect. et benignissimam reuocationem huius, suo se quisq; loco restituit, cum pietatis, humanitatis & officij rationes hoc à nobis flagitare viderentur.

Neque enim ullo modo deserenda nobis ea loca, aut quantum in nobis esset, ut vastitas aut solitudo in ijs fieret, committendum putauimus, in quibus & veritatis doctrinæ cœlestis instauratione, & optimarum artium explicatione, à Reuerendo viro Doctore Martino Luthero & alijs, non tantum his terris, sed multis etiam alijs, & orbi propemodum terrarum utiliter fuit inseruitum, & quibus locis veræ religionis cognitionem, & ea quæ in nobis non contemnenda alijs viderentur, deberemus uniuersa, Et in quæ loca diuinitus suo quisq; loco esset collocatus, ut diuina & humana obligatione multipliciter ijs essemus deuineti. Atq; vt semel dicamus, neq; monumenta præclariss. Academie Illustrissimorum Principum Electorum Saxonie trium, quorum benignitate & protectione tanta

tanta ad nos & alios beneficia peruererunt, neq; Academiam matrem, & talem matrem, neq; locum & statu-
nem nostram, in quam Deus nos collocarat, & sedes om-
nimò iam quasi patrias quasdam deserendas, neq; sine cau-
sa, & non necessarijs migrationibus familias nostras af-
fligendas indicauimus. Quod factum nostrum Deus, vt
piè interpretari possumus, mirabilibus euentis approbavit.
Cum enim & annonæ caritatem, & Pestilentiae malum,
ex ijs quæ in his locis acciderant, & inter milites qui in
præsidio relicti erant, & Scholasticos nostros turbas
multiplices metui necesse esset, Propitius Deus hæc om-
nia mala clementer & mirabiliter auertit. Neq; enim an-
nona multis annis vilior in urbe, & contagiorum nihil,
turbarum autem perparum fuit, & celeriter tanta Scho-
lasticorum multitudo confluxit, quantam nunquam ante
à primo fundationis tempore hic collectam senes nostri
meminerunt. Quod propter gloriam Dei hoc loco com-
memorandum censuimus, cuius misericordie & benigni-
tati hæc quoq; beneficia ascribimus, & gratiam pro his,
vt Christianos homines facere par est, omnipotentiae ip-
suis confitemur.

Etsi autem hoc factum nostrum eiusmodi est, vt
non cur factum sit disputari oporteat, sed si aliter factum
fuisse ad excusandum difficultatem esset maximam habi-
turum, tamen hæc, & ad Deum pia, & ad homines sa-
nos honestissima consilia nostra, & quæ cælum & terra
appro-

approbasse videri possunt, ab inquietis tantum non deser-
tionis & prodictionis nominibus sunt notata, Qui ubi cau-
sas accusationum suarum exposuerint responderi eis pote-
rit, quod ad maledicta, quae nullis argumentis probantur,
fieri non potest, quorum hominum quantumvis est proie-
cta audacia, tanta tamen, ut nobis persuademus, non erit,
ut aliquo statu rerum Germanicarum illas sint publicatu-
ri, quanquam profecto hoc ipsum maliciam istorum omni-
um maximè & grauiissimè refutat, quod ex ijs quae hac-
nus narrauimus, quid illi obtrectatores nostri egerint
atq; quæsuerint, obscurum esse non possit. Itaq; in præsen-
tia mentionem hanc tantum inserere, contendere cum ipsis
minimè libuit.

De Philippo tamen Melanthone comperimus, quoſ-
dam ex ſuſurrationibus & insimulationibus improbo-
rum, ſuſpicioſes concepiſſe, quod condic̄tam alijs operam
ſuam deseruerit, de quo in præſentia hoc tantum ijs, apud
quos de calumnijs & obtreſtationibus malevolentissimis
ſuſpicioſes extiterunt ſignificare libet, rem minimè ita ſe
habere, & crimen hoc eſſe confictum improbissimè. Au-
tores autem illos & monemus & oramus, ne plura dicendi
neceſſitatē nobis deinceps afferant. Nam quod de D.
Philippi Melanthonis & noſtrum omnium reueſio-
ne honeſtiſſimè & veriſſimè ad quoſcunq;
quocunq; tempore dicere poſſimus,
non eſt nobis defuturum.

CON-

C O N V E N T U S
T H E O L O G O R V M , E T
D E L E C T O R V M E X O R D I N I -
bus Politicis Misnæ habitus Anno XLVIII.

Mense Julio.

IN hoc Conuentu prima de Libro Augustano in his terris suscepta fuit publica consultatio. Cum autem ex eo Libro nostræ Ecclesiae primum suspectæ factæ sint, & hoc fundamento Flacianæ calumniæ & Complicum huius nitantur vniuersæ, quod Princeps ad hunc recipiendum se obligasse, & à Theologis idem postulasse dicitur. Ante igitur quam de ijs, de quibus in hoc Conuentu actum deliberatumq; fuit, narremus, repetenda à primis initij occasiones atq; causæ deliberationum illarum, ut res flagitat, aliquantò copiosius. Ac primum quidem omnium doceri oportet, quid ab Illustrissimo Princepe Mauricio Elect. de illo Libro cum Imperatore actum sit, & qualem se in hoc toto negocio Illustriss. Princeps noster gesserit, ita simul & quid à Theologis nostris factum sit, demonstrari poterit. Atq; hæc ita narrare conabimur, ut de nostri Principis actionibus commemorantes, ab aliorum, quantum id fieri potest, mentionibus abstineamus, et si quid quisq; egerit, minimè est obscurum. Cum igitur paucis diebus post conuentum Lipsicum, de quo narravimus, ad Comitia Augustana venisset, quorum initium fu-

O it Ca-

it Calend. Septembris, in eas deliberationes incidit, quibus Germania ita est turbata, ut ne nunc quidē tranquilla constiterit, & ijs rebus hæc etiam scriptio[n]is huius nostræ vniuersæ necessitas nobis afferatur. Cùm enim Carolus Impera: semper de componendis rebus laborasset, in illis etiam Comitijs Augustanis de hoc deliberatum fuit, quomodo interim, dum de religione controv[er]siae explicarentur, aliqua pax inter ordines Germanicos constitui posset, vel bella saltem & tumultus & motus populares reprimenterunt.

Et quidem, ut consilium de celebranda Synodo nunq[ue] depositum, dum Imperij administrationem retinuit: Sic tunc deliberationes de religione à Synodi mentione inchoauit, & de controv[er]sijs ad Synodum rei[ci]endis quædam ad Imperij ordines retulit, ut qua iusta ac legitima cognitione dijudicationeque controv[er]siarum dissidia tollerentur ex Ecclesia, maturo consilio constituerent. Ad hanc Synodi mentionem consultus ab Electore Mauricio Philippus Melanthon, cùm de forma cognitionis & iudicij in Synodo seruanda, tūm de quibusdam ad Tridentini conciliabuli decreta pertinentibus, suo loco respondit paucis. Maturè autem missis literis ex Augusta de Concilio Princeps sciscitatus fuit, quibus & Theologos monuit, ut ad iter parati essent. Futurum enim existimauit, ut vel de Concilio sint cōsulendi amplius, si deliberationes procederent, idq[ue] ex propinquuo commodius fieri posse, vel de

de religionis cōtrouersijs collatio institueretur, qualis suscepta saepe fuerat, Responderunt autem Theologi Principi hac epistola, & de Synodo responsio aliquanto post missa fuit, quæ sequitur:

GRATIA & pax à Deo Patre per unigenitum eius filium Iesum Christum Dominum & Saluatorem nostrum. Illus strissime Princeps Elector, Domine clementissime. Propositionem Imperatoris de Concilio & Celsitudinis uestræ literas ea qua par est submissione animi & humilitate accepimus, de quibus non possumus non, quam concepimus sollicitudinem Celsitudini uestræ indicare. Videmur animaduertere, quod cuditur Interim, quod multi ordines de doctrina nobiscum consentientes non sunt recepti, unde noua & tristiora bella exorientur. Quapropter & auxilio Dei ad eam rem & maturo consilio opus erit, & totum hunc conatum nos uehementer extimescimus.

Eset uero per se le res grauis futura, si nostræ Ecclesiæ nouis mutationibus turbarentur, & uere pium, Christianum ac utile esset, hunc statum in quo nunc sunt, nostris Ecclesijs relinqui. Sed quia nondum scimus ad quas res euocati simus, & qui communib[us] de liberationibus præterea sint adfuturi, C. V. euocationi submissè obtemperabimus. Nihil mallemus aliud, quam conseruari pacem & tranquillitatem in Ecclesijs & regionibus, nec delectamur non necessarijs disputationibus, sed sunt res aliquæ necessariæ ad Dei gloriam, de quibus reuerenter nostram exponere lententiam parati sumus. Omnipotens Deus Cel. V. clementer tueatur & regat, & triduac his terris salutarem gubernationem & pacem. VVitebergæ 1548.

¶ 4. Ianuarij Anno 1548.

Caspar Cruciger D.

Georgius Maior D.

Philippus Melanthon.

RESPONSIO PHILIPPI MELANTHONIS DE SYNODO.

DE Synodo simplicem & ueram sententiam meam breuibus indicabo. Omnes Magistratus Christiani, Imperator, Reges, & Principes hoc debent Deo, ut quotiescumq[ue] mouentur certamina de religione, præsertim in pluribus regionibus, co-

gant iusto & legitimo modo Synodos generales uel nationales , ne gloria Dei corruptelis doctrinae deformetur , & turbetur recta piorum inuocatio , quia scriptum est : Dic Ecclesiae . Haec fuit consuetudo in Ecclesia inde usq ab initio . Nec tantum concilia uniuersalia à Constantino , Theodosio , Arcadio , Martiano in urbibus , Nicæa , Constantinopoli , Epheso , Chalcedone : sed & Nationalia in Hispania & Germania celebrata esse legitimus . Suntq concilia , iudicia Ecclesiae propria & ordinaria , in quibus homines idonei , ad audiendas , cognoscendas & decernendas controuersias deligi atq adhiberi debent : quod ut fiat , summi magistratus , ut præcipua Ecclesiastici corporis membra præcipua cura præstare debent .

Cum ergo concilia sint ordinaria iudicia , quæ habet Ecclesia , ad ea utraq pars conuocari , & audiri utraq debet . Nec à quo quam exigí debet obligatio ad approbationem eorum , quæ fuerint pronunciata ante cognitionem , sed , sicut fieri solet in iudiciis recte constitutis , permittenda est libera cuiq expectatio sententiæ , quæ feretur : cui qui parere recusarit , is quod euenerit postea , sustineat .

Omnia defugi & detrectari iudicia & Synodi omnes nullo modo possunt . Oportet enim in Ecclesia iudicia esse , nec poterunt non offendere peregrinæ nationes , si audiuerint , nullius prorsus nos Synodi iudicia subire uelle . Sed iniustum est Imperatorem Principes Electores & reliquos status Imperij cogere uelle , ut prius se obligent ad probanda & seruanda decreta Synodi , priusquam illa cognitis & dijudicatis causis statuantur . Nam concilia non sunt compromissa , sed ordinaria & legitima iudicia , in quibus , qui deliquisse conuincetur , poenam expectet . Sed institui illa iudicia & exerceri legitimo modo conuenit .

Quod uero dicitur , Quorsum attinet celebrari Synodos , si obedientia decretis præstanta detrectetur : Item Conciliorum decreta oportere rata esse & sine recusatione seruari . Ad ista uerissima responsio est : Talis obedientia ante Synodi celebrationem & causæ cognitionem ac dijudicationem postulari nec potest nec debet , & concilia constat fuisse dissimilima . Item si ante Synodium spondeatur obedientia , confirmabitur in Pontificijs & Monachis , qui fiducia huius promissi molientur clam , ut omnia ipsi gubernent , audacia concludendi , quæ libebit , quia ex sponsione obedientiæ scient ius potestatemq contra dicendi omnibus ademptam esse .

Nec

Necq; unquam in ueteribus Synodis, ut Constantini tempore petitum fuit, ut ante cognitionem promitteretur obedientia de illis, quæ concluderentur. Sed postquam in urbe Nicæa decretum factum fuit, Constantinus id sua subscriptione comprobauit, & ut idem reliqui facerent, postulauit. Et non est obscurum intelligentibus omnibus, quæ in iudicij talibus sit ordinaria & legitima forma processus, præsertim in rebus pertinentibus ad Dei gloriam & salutem conscientiarum.

Quod uero aliqui Imperij ordines consulunt, uel etiam Imperator ipse flagitat consensum de continuatione Synodi in urbe Tridentina inchoatæ, de hoc quantum ad me, respondeo, me talem consensum non aliter intelligere, quam de approbatione decretorum, quæ iam facta sunt. Cum autem inter illa decreta aliqua certò & manifestè sint falsa & contraria ueritati, nullo modo illorum decretorum approbationem suadere possum, necq; his unquam conscientiam meam onerabo. Nam ut non dicam de primis articulis, in quibus nihil admodum tractatur dogmaticum, duorum uolo minimis, in quibus de peccato originis & de fide ac iustificatione statuitur. Scio dicere solere aliquos, non nimis scrupulosas censuras agi debere in simpliciter dicta. Necq; ego quæ uera sunt aut deprauabo, aut rejiciam. Sed dico contineri in his duobus articulis aliqua quæ uera sunt; sed contra principalia, quæ insunt certò, falsa & ueritati diuinæ contraria sunt, ut in decreto de iustificatione clarè exprimitur, Errorem esse, sic docere, quod fide statuendum sit hominem habere remissionem peccatorum & Deo placere. Item cum dicitur, quod iustitia Christi nobis donetur, non debere intelligi, quod accepti simus, & placeamus propter iusticiam Christi, sed propter nostram mundiciem & dignitatem, quæ in nobis informatur & efficiuntur idèo, quod filius Dei pro nobis passus est. Item, cum dicitur: Dilectionem esse, per quam sumus principaliter iusti, & non fidem, quæ consistat etiam cum peccatis mortalibus, & contra conscientiam. Nihil interpretabor aut detorquebo ueteratoriè, sed certo & reuera genuinus sensus illius decreti prouersus aduersatur ueræ doctrinæ de reconciliatione & iustificatione fidei, quæ traditur in nostris Ecclesijs.

Item laudantur in illis decretis indulgentiæ, & aqua lustrationis. Item dicitur, prauas inclinationes in homine, reliquam imbecillitatem & dubitationes de Deo, non esse peccata.

Quanquam ergò futuros non dubito, qui impias has & falsas partes decretorum pingent & excusabunt, & dicent, tranquillitatis causa generalibus uerbis expositas esse: tamen ego neq; his pīcturis sophismatum meam conscientiam grauabo. Necq; ipsas impias partes unquam approbabō. Neq; obscurum est ex his ipsis, qualia sint futura decreta de Missa & inuocatione Sanctorum. Necq; ad concordiam hæc decreta profutura esse cuius consideratu facile est. Oppugnabuntur enim à plurimis, & iam decretorum, quæ extant, refutationes editæ sunt. Deniq; hoc ipsum decretum de fide & iustificatione contrarium est illi, quo Ratisponæ Anno 1541. inter nos & aduersarios consensio constituta est.

Si ergò legitima iudicij forma Imperator uti uult in Synodo generali, necessarium erit, ut quemadmodum consultatio Electoris censuit, nos autoritate publica accersamur, & audiantur responsiones & declaraciones nostræ, & ab Imperatore idonei & intelligentes iudices deligantur, qui de causa cognoscant. Postea quid secutus sit, quilibet expectet. Nec de ordinario processu cognitionis, quid consulam aliud, uideo.

Si uero apud Imperatorem obtineri posset, ut non hac, sed alia ratione & uia, de qua etiam deliberatum fuit in conuentu Spirienti, experatur compositionem controuersiarum, scilicet, ut delibera ta partis utriusq; de controuersijs apud ipsum deponantur, hoc tentari si libuerit, primo poterit.

Ego in hac sum sententia, perpetua fore in hac uita ueritati coelestis doctrinæ certamina cum erroribus & depravationibus, quas alij alias inuehent, & recte sentientes, ac uerè Christiani sub cruce erunt, & afflictiones sustinebunt multiplices & uarias, propter ueritatis confessionem,

Philippus Melanthon.

Erant autem qui in illis tūm deliberationibus simul monerent, nisi aliqua in religionis negocio facta conciliatio esset, pacem in ciuilibus rebus firmam constitui nullam posse. Et hac de causa à quibusdam, vt notum est, forma conciliationis talis composita fuit, & de hac ad Cæsarem relatum, esse eam eiusmodi, qua seruata, interiecto tem-

pore

Liber Interim.

pore vsq; ad Cōciliij dijudicationem, pax inter Principum ciuiles administrationes esse posset, Vnde & cognomen-
tum ei natum, vt INTERIM appellaretur.

Erat ille Liber non dissimilis ei, quem in Comitijs Ratiſponensibus, & colloquio ibi de religione habito, Imperator proponi curauit, Anno M. D. XL I. Per se verò totus & captiosus, & non solum obscuris & inexplicatis, sed etiam prorsus falsis, vera inuoluens, & vt planius dicamus, vera falsis, perspicua obscuris, certa dubijs, minus intricata perplexis commiscens, vt contineret simul, vera, falsa, dubia, depraunata. Et quod Epiphanius de Sampsaëis scribit, à Nazarenis hos excitatos, neq; Christianos esse neq; Iudeos neq; Græcos, sed dum simpliciter medijs quidam esse velint, nihil esse. Id de illo etiam libro dici possit. Neq; enim Pontificia omnia, neq; nostrarum Ecclesiarum doctrinam veram, per omnia approbans, medium aliquid introducebat, quod veri parum, falsitatis plurimum continens, neutrum videri poterat, vel nihil etiam prorsus. Itaq; hic etsi manifestè quædam falsa atq; impia complectebatur, tamen admiscebantur, pugnantia quædam, quo præstigie fiebant eiusmodi, vt cum suspectus haberetur à plerisq; non tamen vniuersiusq; esset, omnia in quibus fraus subeſſet ostendere atq; explicare, sed doctissimis etiam & exercitatissimis res operosa fieret, vnde & multis ille imposuit.

Quod tamen Cæſ. Maieſt. persuaderetur recipi il-
luni

lum librum per omnia à nostris Ecclesijs posse, ideo
postea & publicatus, & ut reciperetur atq; seruaretur,
postulatum fuit, qua in parte, ut Germania post calami-
tosissimum bellum magis etiam ab illo æruminifero libro
affligeretur, in causa fuit dissensio eorum, qui si cum me-
lioribus sententijs se coniunxissent, & à patria communii,
& Principe Mauricio, & his terris, ea mala cum quibus
aliquot iam annos conflictatur, & quibus nunc etiam
afflictatur, vel auertissent prorsus, vel mitigaturi saltem
non mediocriter fuissent. Ipse certe Mauricius in eas diffi-
cultates, de quibus infra cognoscetur, minimè fuisset cōie-
ctus. Quæ omnia cum notæ res sint & nimis quidem illæ,
plura de his dici in præsentia nihil attinet.

Duobus igitur mensibus antequām Liber Augustanus publicaretur, tentari animi cœpere, & explorari præ-
cipuorum in Imperio ordinum, quid de Libro essent factu-
ri, alij quidem per alios, & Principis Mauricij in primis
& ante omnes cæteros. Ac primum duobus quibusdam præcipuis ex Principum ordine à Cæsare & Rege, ut ipsi
narrabant, secretò est Liber traditus, qui legerent, & ijs-
dem mandatum, ut cum Duce &c. Mauricio illum com-
municarent, & perlecto libro sententias inter se confer-
rent, & de re statuerent, & secretò omnia ut agerentur.
Itaq; illi duo cùm biduo aut triduo antè librū accepissent,
Ducem Mauricium ad communem lectionem libri acce-
sunt die 17. Martij, & de mandatis Cæsaris ei significant.

Ibi tum

Ibi tunc ad relationem illam Dux Mauricius respondit in
hanc fermè sententiam :

Esse hoc negocium eiusmodi, quod aniliæ salutem, conscientiam & existimationem ac famam, & subditos simul ipsius attineret, de quo ipse una cum his, quos secum haberet, nihil posset statuere, neç sibi integrum esse hac in parte quicquam recipere, non consultis prius sacræ Scripturæ Doctoribus suis, & sine ditionum suarum consensu, atç simul promissionis sibi à Cæsare per Regem fratrem &c. in comitijs Ratisponensis factæ, mentionem fecit, & quid C. M. ad Regionum ipsius ordines scripsisset, nimirum, quod ab eo religionis statu, in quo iam essent, per uim ipsos depellere nollet. Ad quam promissionem regionum suarum ordinibus recepisset, se in ea religione ut permanere ipsis licet facturum, neç ab hac ut depellerentur permisurum esse &c. Quapropter consultorum, quæ proponerentur recitationem non grauatim se cognoscere, etiam de rationibus ad hæc suis significare uelle, sine tamen ulla obligacione, neç alijs conditionibus, quam ut de re amplius cogitare, & regionum suarum ordines de his deliberare ut liceat, &c.

Post hæc recitatio libri inter hos inchoata, & inter legendum multiplices collocutiones habita de certis capitibus fuere, de quibus amplius deliberandum uideretur, atç ita triduum recitatione talij consumtum. Qua finita, cùm in ea sententia, de qua ante recitationem significauerat, Dux Mauricius Elector perseueraret, nihil à se in urbe Augustana, neç nisi re cum ordinibus regionum suarum prius deliberata quicquam constitui posse, ita ille tunc urgeri coepit, ut tandem non cogi ad assensionem uideretur, nisi enim hoc faceret, turbaram eum causam in S. R. Imperio futurum esse, neç enim aliter futurum, quam ut liber ille communiter ab uniuersis Imperij ordinibus, tam nostræ, quam Pontificiae religionis, communis consensu recipereatur, & si huic ipse se opponeret, aut in urbe Augustana dum esset eum non approbaret, ab alienaturum eum à le Imperatoris antimum, & sibi & suis pericula attracturum. Itacj iij, qui cum Principe Mauricio tunc agebant, & ut agerent, manda acceperant, graue sibi esse testabantur de responsione Mauricij tali ad Imperatorem referre, & expetebant, ut quæ quibus in capitibus desiderarent, ea scripto consignari curaret, & de ijs postea collocutio, ut haberetur,

P

& inter

Mauricii pia
et Sapientissima
Responsio ad q.

Missa
& inter ipsos ut conueniret operam datum iri, modo in urbe Augu-
stana, ut omnia fierent.

Ad hæc respondit Mauricius Elector, neçq; se neçq; eos, quos
secum haberet, istas res satis intelligere. Ideo se facere non posse, ut
de ijs rebus quicquam uel scriptiorum uel colloquiorum suscipere.
Se tamen de Missa animaduertisse, quod hanc retineri uelit liber ille,
neçq; de Canone quicquam remitti, & hoc se facere non posse. Com-
plecti enim Canonem, quod Missa sit Sacrificium, & huius sacra
qui recitat, per eum corpus & sanguinem Christi offerri, & sumi
ad remissionem peccatorum, tam in uiuis, quam in mortuis, quo
modo iam Sacerdotis illa actio remissionem peccatorum promere-
retur. Item in Canone continerit precatio[n]es pro mortuis, inuocatio-
nem & intercessionem Sanctorum hominum, qui ex hac uita de-
cesserunt, atçq; ita prorsus doctrinæ de Iustificatione, quæ in priore
libri parte traderetur, contrariorum esse.

Item missas pro animabus mortuorum, & exequias pro his
librum instaurare uelle.

N Item ut Missæ fiant etiam, si non sint, qui communicent.
Item processionum Pompas introduci, præcipue eas, quæ
sicer solent in festo corporis Christi.

Item consecrationes creaturarum, & similia.

Hæc singula & uniuersa non posse se approbare, Doctrinæ
enim de Iustificatione, quæ priore libri parte exponeretur, contra
ria ea esse.

Sacramentis etiam confirmationis & unctionis nimis mul-
tum tribui, & ueteres quidem Sacramenti his nomen tribuisse, quod
sacrarum rerum signa essent, sed pro necessarijs ad salutem Sacra-
mentis aut rebus non habuisse.

CVM BONA CONSCIENTIA in concessione de ex-
ternis ceremonijs facere possent, in eo non passurum se, ut aliquid
in ipso requiretur. Si tamen communiter ab omnibus Imperij or-
dinibus illa res consentientibus sententijs approbaretur & recipie-
retur.

Posse enim se gloriari de ijs, quibus animarum cura incum-
beret, pastoribus & concionatoribus in Ecclesijs ditionis suæ, quod
multas illi pulcas ceremonias usurparent, & sacra speciose adminis-
trarent solennitatibus, cancionibus, ritibus solennibus, ornato Ec-
clesiastico.

clesiaſtico. Et quod in omnibus, quae ſcripturæ non ſint contraria, concordie cauſa non grauatim eſſent confeſſuræ.

Itaq; ſi colloquium forte inſtitueretur, quod ipſe conſultiſſum eſſe cenſeret, oportere Theologos ſuos, unā cum alijs ad hoc adhiberi, quibus de itinere ita ut res poſtularet, caueretur, & fides publica præſtaretur, ſeç; adhibitum ex doctis ſuis, uiros pios, amantes pacis, & ad controvieriſias explicandas idoneos. Et petiſtū ab ijs duobus, qui cum ipſo egerant, ut ambo illi, quo ad tale colloquium res dederetur, opera ſua perſicere ſtuderen, & ſe apud Cæſaream & Regiam Maiestatem ut excuſarent.

Curauit etiam Dux Mauricius Elector per quodam Conſiliarios ſuos Regem Ferdinandum &c. de re doceri, & coram ab hoc petiſt, ut operam nauare ueller, & ipſe ſuas etiam regiones conſide‐ rare, ex quibus quædam & ipſæ hanc religionem & doctriṇam pro‐ fiterentur, quacq; turbas commouere, & quorum periculorum me‐ tuſus hæc res afferre poſſet, ſi de religione ſua homines per uitium depel‐ lerentur, neq; deliberatio de re cum doctis & intelligentibus homi‐ nibus permitteretur.

Atq; de hac re cum apud Regem agerent duo Principiſ Ele‐ toriſ Conſiliarij, in hos etiam sermones uentum eſt, ut Rex illos duos admoneret, de Philippo Melanthone ut cauerentur. Nam hunc recens in Cæſaream Maiestatem publicè eoq; peracerbo ſcripto inuafisse, ideq; in mala eum gratia eſſe, neq; adhuc Cæſari recon‐ ciliatum eſſe. Itaq; periculum eſſe, ne forte Imperator Principi ip‐ ſorum de hoc mandaret, & diceret, Trade mihi hostem meū. Qua‐ re conſultiſſum fore, ut Elector eum tempori ſubmoueret. Hæc poſtea, quam bene fieri potuit, excuſata ſunt, & Regi per Electorem Mauricium significatum, Philippum Mel. eum eſſe, cuius opera & nunc ecclesiſtica res atq; diſciplina per ditionem ipſius conſeruare‐ tur, & ſpes eſſet, optimè conſtitui poſſe quocunq; tempore deinceps, quodq; ex significationibus certorum hominū accepiffet, Cæſarem ipſum poſt bellum eius uiri operam experiuiffe, & ſtipendium ei de‐ cernere conſtituifſe, ut de controvieriſis doctriṇæ Christianæ capi‐ tibus ante Synodum per occaſionem audire eum corām poſſet. Ide‐ oq; ſe nunq; ſuſpicatum, eo rem deuenuturam eſſe, & ſecuritatis atq; tutæ manſionis & protectionis ſuæ fidem ei dediſſe, cum Cæſar ipſe hunc ſibi experiuifſet. Quare à Rege ſe petere, ut Philippum Melan‐ thonem apud Cæſarem excuſare nē grauaretur, & ipſe etiam, ne quid de hoc mali ſuſpicari uellet.

Post hæc quieuit negotium de libro approbando per dies quatuor, & interea illi duo Principes, quibus negotium datum fuit, ut cum Mauricio agerent, ad Cæsarem de hoc retulerunt.

Die Martij 24. (quæ fuit ab illa recitationis inchoatione, octaua, & post responsonem Princ. Mauricij, quinta) Cæsar ipse cum Mauricio agere cœpit, qua die Cæsar Mauricium ad se accersi & in præsentia Regis & duorum Principum, quibus ut cum Mauricio Electore agerent de libro iniunctum fuerat, per Oratorem Seldiūm verba ad hunc fieri iusſit, hoc quod am modo :

SE de relatione eorum Principum quibus mandasset ut cum ipso agerent, intellexisse, quod in consultatione proposita quid Interim dum concilio de religione decerneretur, fieri deberet, non uellet suam sententiam cum cæterorum coniungere, hoc sibi alienum uisum, neq; se tale aliquid à Mauricio expectasse. Meminisse se quidem promissionis, qua recepisset se Principem Electorem ipsum, una cum suis, à religione quam profiterentur per uim non depulsorum, sed res ut legitimo modo ad piam & Christianam concordiam dederetur, laboraturum esse. Huic autem id quod iam ageretur de libro proposito, non esse contrarium. Existimare enim se hunc esse unum legitimū & Christianū modū rei componendā, si omnes Imperij ordines inter se in talem formulam consentiant, & promissionem illam suam ad senatus Imperij consulta directam, & secundum hæc factam esse, in quibus explicaretur, qui illi Christiani & pīj modī rei componendā haberī deberent, nimirū ut uel libero, legitimo & pio Concilio, uel Synodo nationali, uel in conuentu ordinum Imperij decidatur. Hunc igitur ordinum Imperij conuentum esse, in quo illi de hac interiecti temporis formula communiter constituerent, cum de concilio ut res produceretur, fieri posset. Cum igitur in hac re nihil à benigniss. promissione sua alius Cæs. M. facere, & à Principe Electore Mauricio merito suo obnoxiam obedientiam & morigerationem expectare deberet, sic quidem

quidem benignum & beneficium se erga Mauric, exhibuisset (cuius tamen rei, non nisi benevolentia animo, mentio à se fieret, & se tam à Principe Mauricio quam subditis huius, pro hoc, subiectissimam gratiam & obedientiam sibi repensam, re ipsa expertum esse) Ideo C. M. benignissime cupere, ut secum & cum ceteris Imperij ordinibus consensum tueretur, neve hunc turbans secessiones aut dissidia suo exemplo commouere uellet. Hoc ipsi Principi Electori laudi & gloriae & multiplici commodo futurum, atque insuper per se esse rem gloriosam, Deo placentem, & pietate Christiana dignam.

Ad hæc respondit Dux Mauric. Elector &c.

Meminisse se, quid secum ab his, quibus Imperator de hac re mandata dedisset, actum fuerit, ad quæ ipse de se significarit, quibus de causis in illam recitatam de intericto tempore consultationem, nisi re prius cum doctis suis deliberata, & sine regionum suarum ordinum approbatione consentire non posset. Promisisse enim se regionum suarum ordinibus, quod religionem suam illi ut deponerent, uim ipsis non esset allaturus, sed protectionem suam his se praestitum, ut in hac conseruarentur usque eo, dum de religione Oecumenico, libero et pio atque Christiano Concilio decideatur, in quod quibus conditionibus ipse compromisisset, Imperatorem non ignorare. Quodque hoc modo suis promisisset, id Imperatorem benignissime literis suis ad regionum suarum ordines scriptis confirmasse, & ratum fecisse, ad quas promissiones & ipse & sui obedientiam ei obnoxie praestitissent, & intra & extra regionum suarum fines aduersus Cæsareæ & Regiæ Maiestatis hostes ei affuissent, exponentes periculis uitam & fortunas suas uniuersas, quod ut facerent, ipse suos nullo modo adducere potuisset, nisi ita Imperator sententiam & uoluntatem suam declarasset, quod aduersus religionem nostram nullam uim usurpare uellet. Cum igitur subditis suis ex ea promissione ita esset obligatus, petere se à Cæsare quam subiectissime, ut domum ei reuerti permetteret, quo de his rebus cum subditis suis deliberaretur. Tum ipsum suo loco in omnibus, quæ PIE & BONA CONSCIENTIA fieri possent, consensionem adiuturum, & ad subditos suos ut idem facerent, operam daturum, quos expertus esset sic esse animatos, ut obedientiam Cæsari in omnibus, quæ sine læsione conscientiae fieri possent, obnoxie praestare cupiant.

*His iterum responderi Cæsar. Maiestas curauit in
hunc modum:*

SE obedientiam & propensam uoluntatem ipsius Principis Electoris, & subditorum huius, re ipsa & factis expertum, quibus gratiam benignissimè confiteretur, neç se obliuionem eius rei admitturum esse. Meminisse etiam se promissionum suarum, & quid literis de se recepisset, & pro his se ægisse haec tenus omnia. Cum autem haec conciliationis formula ab omnibus Imperij ordinibus, Electoribus & Principibus approbetur, ideo Christianam eam esse, de quali componendæ rei modo ipsius promissio, inter ceteros, recepisset, idq; se de Senatus Imperij consultis iudicandum relinquere. Quare hoc se potius cupere, ut cum bona gratia illam similiter approbaret, neç consensum turbaret. Nam quod omnes ordines Imperij facerent, id non posse Principem Electorem recusare.

Cum igitur erga Principem Mauric; benignissimè & benevolentiss. esset affectus, Iterum se rogare, vt bona cum gratia in formulam propositam consentiret, & quod cæteri ordines facerent, ipse etiam vt facere vellet, nam declinando hoc ipsum tamen effugere non posse. Quod autem ad deliberandum prius cum doctis suis & regionum suarum ordinibus cogitandi spacium sibi sumeret, hunc in Imperio morem inueterasse, vt, quod regionis alicuius Princeps vna cum cæteris ordinibus in Imperij conuentibus communi consensu approbaret, id deinceps subditos obnoxie seruare oporteret. Et cum dignitatis ipsius non nullo detimento hoc esse coniunctum ad tales modum cum subditis deliberandi, concessionis copiam sibi sumere, & cum Cæsari tum cæteris Imperij ordinibus intolerandum esse tales morem introduci. Theologos verò ipsius, quos

quos de hac re consulere vellet, esse illos ipsos, qui in Imperatoriam Majestatem atrocissimè fuissent inuecti, & ex his potissimum Philippum Melanthonem, qui & eos Principes, qui se Cesareæ Majestati opposuerint, haec tenus seduxisset, & ad defectionem confirmasset: posse fieri, ut ille nunc ipsum etiam Mauricium seducere conaretur, Itaque se mandare ut Princ. Elector Mauricius Melanthonem illum in suas manus tradi sibi curaret. Atque se iterum atque iterum rogare, & quidem benignè, ut Princeps Elector communem ordinum consensum tueatur, & de libro approbando decernat, neque se cuiusquam suasionibus ab ea re abduci patiatur. Nam quod ad ipsum Principem attineret, habere se eum excusatum, neque quicquam ipsi imputare, & se facile posse cogitare à Consiliarijs Principem eum deduci, hoc quod sibi molestum esse, quod nisi illi facere desisterent, causam sibi allatum iri, ut, de quo opus esset, quantum ad Consiliarios attineret, respectu & animaduersione cogitaretur.

rogat ut
sibi fradat
Philippus
Melanthon.

Ad hæc Princeps Elector primum benignissime actas gratias, pro obedientia à se præstata, submisse accepit, promittens de se etiam in posterum. Et postea addidit, posse se facile cogitare, si quid ab universis ordinibus in Imperio communij consensu constitueretur, id ipse ut mutaret aut auerteret, fieri non posse. Cum autem approbante Cæsare promissa illa subditis suis fecerit, esse iam suam conditionem aliam quam cæterorum sit & Electorum & Principum, qui subditis suis nihil tale promisiissent. Ideo se à Consiliarijs & Theologis suis nequaquam seduci, sed ipsum sua sponte famæ, dignitatis, & existimationis suæ rationem habere, & quæ promisisset, ad ea se præstanda teneri. Et quanquam ipse suo loco, & Consiliarij, quos secum in urbe habebat, in consultatione prescripta, quæ ab omnibus ordinibus communi

NB

muni consensu recepta esset, non multa notassent, de quibus in mente ipsis uenisset magnopere dubitare, exceptis quibusdam uerbis, de quibus conueniri posset, & præterea quatuor capitibus, de quibus graues causæ essent, cur amplius deliberandum sibi censeret, & omnino Theologorum suorum consilio uti necesse haberet, eaque quatuor capita se duobus illis Principibus, quibus mandatum fuisse, ut secum agerent, indicasse. Hæc igitur quanquam ita se habarent, propter promissionem, tamen suis à se hac in parte factam, sibi non licere, per dignitatem & famam suam, ut inconsultis regionum suarum ordinibus quicquam in hoc genere suffragatione sua comprobaret & reciperet. Et petiit submisse, ut quam temporis dilatationem petiisset, ea benigne sibi concederetur, & dignitati atq[ue] famæ sua hac in parte benignè ut parceretur, neue eo adigeretur, ut necessitas ei afferretur faciendi aliquid contrarium ijs, quæ regionum suarum ordinibus promisisset, & Cæsar hunc se fructum præstite fidei atq[ue] obedientiæ exhibitaæ percipere ut sineret. Nec enī se salua fide, dignitate, & promissione sua regionum suarum ordines obli-
gare posse, sed ad hos se de his referre oportere. Quod Theologi ipsius in Cæsaream Maiestatem inuesti, & inprimis Philip. Melanthon, quod Principes, qui ipsius se Maiestati opposuerint, seduxisse, & Cæsaream Maiestatem laesisse diceretur, &c. comperturam ipsam Concionatoribus ditionis suæ non fuisse permissum, Cæsaream Maiestatem ut laederent. Famam autem sparsam fuisse, quod Cæsar Augustanam Confessionem profitentes ordines à religione sua ui & armis depellere uellet, quæ non tantum Theologis, sed communiter uniuersis regionum suarum ordinibus maximum dolorem attulerit. Postquam uero de animo & uoluntate sua Imperator ordinibus illis declaralset, tam Theologos quam cæteros ordines acquieuisse, & pro Cæsarea Maiestate pro concionibus fideliter processas esse. Maximum autem sibi dolorem afferre, Philippum Melanthonem ad tales modum apud Cæsaream Maiestatem delatum esse, & petere se a Cæsare Maiestate subiectissime, ne delationi ei locum dare uelit, & rem ut certo exploret, Inprimis de libro, cuius autor esse Philippus diceretur, tum comperturum ipsum, qui haec detulerint deferendo longius, quam oportuerit, progressos esse. Philippum esse pium, pacis amantem, & doctum hominem, qui VVittebergæ & in uicinis regionibus Ecclesiasticam disciplinam cœseruasset, & opera sua multarum Sectarum & dissensionum tumultu.

Communi:
dāo phil:
Melantho:
niz.

tus & pericula auertisset, & se hac ipsa de causa eum alere, ut opera
huius non necessariæ disputationes atq; altercationes auerterentur, &
in religione pia consensio expediretur, neç paruam sibi ut ita faceret
causam allatam, q; à fide dignis hominib; accepisset, Cæsarem ipsum
hoc consilij habuisse, ut Philippo uteretur, cuius opera de cōtrouersis
doctrinæ Christianæ capitibus cognosceret. Itaq; se nequaç; existi-
masse contrarium hoc Cæsari futurum, atq; ita se Philippum sibi
conciliasse, & benignè securitatem & protectionis fidem publicam
dedisse, neç se contra datam fidem agere posse. Præterea cùm ante
hoc tempus Rex Ferdinandus se, ut Philippo caueretur, admoneri
curasset, quòd Cæsar animo commoto non benignè erga eum affe-
ctus esset, id se Philippo nunciari, & hoc etiam significari curasse,
grauë sibi futurum aduersus Cæsarem protectionem ei suam ut præ-
stare posset, Ideoç; se in præsentia scire non posse, an Philippus ad-
huc in suarum regionum ditione degeret, atq; in his omnibus ut ex-
cusatum se haberet, submissè petiit.

Ante tamen quam pergamus narrando, obiter explican-
dum de Libro, cuius in responsonie Principis mentio fit,
fuisse illo tempore editum à Francisco Dryandro Hispano
suppresso nomine autoris, cui adiunctum fuerat Philippi
scriptum, ut de hoc suspicandi causa existeret, Philippum
esse autorem utriusq;, cùm orationis etiam genus illas suspi-
ciones refutare posset. Etsi Imperatorem à quibusdam,
quos minimè hoc decebat, & alijs delationibus aduersus
Philippum illo ipso tempore, & paulò post magis irritatū
fuisse constat, de quibus in præsentia & à nobis non est di-
cendum. Itaq; inchoata pertexamus.

Cùm post hanc responsonem suam ex conclavi Cæsa-
ris concessisset Pr: Elector Mauricius, aliquantò post
Rex Ferdinand: ad EleEtorem Mauricium inde egressus,
De Philippo ei significat, quòd ipse etiam Cæsari de Phi-

Q

lippo

lippo narrasset ea, quæ nuper ex Consiliarijs quoq; Mauricij cognouisset, & simul monuit, ne Philippi posthac mentionem faceret, sed hunc virum apud se & in regionibus suis vt retineret, facturum eum boni & pij viri officium sine dubio. In ea verò causa, de qua præcipue ageretur, non posse hoc declinari, quæ communi ordinum consensu approbarentur, ea etiam ipse vt reciperet. Post hæc multa illi inter se collocuti sunt, & Rex tūm peculiariter admonitus fuit promissionis cuiusdam Ratisponæ factæ, quam sibi in memoriam tum reuocare potuit, qua recepisset, etiamsi de uno aut altero vel tribus etiam aut quatuor capitibus in concilio non decideretur, nihil tamen ob hoc periculi ei metuendum, quoad de illis etiam constitueretur.

Tandem eò res est deducta, vt cùm inconsulis regiom suarū ordinibus Pr: Elector decernere nihil posset, siquidem iam ordines Imperij communiter, præscriptam de interiecto tempore formulam recepturi essent, ipse in Senatu Imperij consensum ne turbaret, aut discessionis auctor fieret, sed suo loco sententiam diceret ad talem quendam modum: Sibi non esse integrum subditorum suorum loco promittere, aut suis verbis hos obligare, cogitare tamen se posse, quod cæteri vniuersi Elecctores Principes, & ordines Imperij decernerent, à se vt mutaretur aut auerteretur fieri non posse, Etsi quomodo in mentione communis consensus Princ. Mauricius deceptus fuerit, infra ipsius ad Cæsarem Epistola narrat, ex qua de his quæ hoc lo-

boc loco scribuntur, cestimetur. De hoc postea Rex ad Cæ-
sarem retulit, qui tum his acquieuit. Et quanquam Prin-
ceps Elector post hæc denuo, ut discedere sibi benignè per-
mitteretur, laborabat, impetrare tamen hoc non potuit.
Hæc omnia ita gesta sunt die Martij 24. ut diximus, &
ante publicationem libri Interim diebus 21. quo toto
tempore, subsistentibus cum nostro Principe tractationi-
bus, cum reliquis Electoribus & Principibus amplius de
libro sigillatim actum fuit. Et tum peculiariter Electro-
res, Archiepiscopi, postea reliqui ex Ecclesiastico ordine,
& his coniuncti Principes & ordines cæteri, responsiones
suas de libro exposuerunt eas, de quibus notum est.

Statim verò post primam compellationem de libro,
& priuatam recitationem illam de qua diximus, Princeps
Elector Mauricius (ante etiam quam à Cæsare ipso de li-
bro apud eum ageretur) Tum igitur statim post libri re-
citationem Princeps Elector, quod speraret futurum, ut
Theologorum de hac re colloquio & deliberatio Augustæ
institueretur: circiter II. Calend. Aprilis, ex Collegio
Theologico Academiæ nostræ. D: Casparum Crucigerum
& Georgium Maiorem, cumq[ue] his D. Philippum Me-
lanth. ex Lipsica autem, D. Pfeffingerum, per literas ad
urbem Cygnæam, quæ est in finibus regionum harum, quæ
sunt Augustam versus, euocauit, sicut de tali profectione
aliquanto antè monuerat eos, ut si accersendi Augustam
essent, abessent proprius; & simul ex vicinioré loco de

omnibus quæ inciderent, ut expeditius deliberare posset,
etiam si de colloquio res minus procederet.

Paulò autem post quam literis suis Theologos in
urbem Cygneam euocasset, significatum Principi à Re-
ge de periculo fuit, in quo Philippus Melanthon propter
abalienatum à se Cæsar is animum versaretur, ut modo
narravimus. Itaq; cum iam in itinere Cygnæo Aldepur-
gum vsq; processissent, ibi Philippo nuncium de abaliena-
to Cæsare allatum, & vbi tutò lateret, curatum fuit. Itaq;
à Collegis Philippo secedente, cæteri Cygnæam profecti
sunt, vbi ad 12. vsq; Aprilis substiterunt, cui moræ
etiam hoc causam attulit, quod ex vicinis Principibus
vnus in illa vicinia suorum quoq; Theologorum conuen-
tum animo agitaret, ad quem nostri Cygnæa excurrerent,
ut communiter de re deliberarent, et si res non pro-
cessit, commemorationis tamen longioris, ut diximus, cau-
sam ipsis attulit. Sed cum Augustæ postea Princeps
Mauricius ab Imperatore ad eum modum de libro recipi-
endo vrgeretur, quo diximus, & de communi omnium
consensu ei inculcaretur, neq; in paruis ille difficultatibus
versaretur, quod contumaciam & ferociam usurpare vi-
deri posset, & gratiae etiam erga bene meritos immemor,
quiq; exempli mali introductor esset, tum igitur perfecit,
id quod res ipsius omnino tum flagitabant, ut exemplum
libri nanciseretur, quo in regiones suas misso, Theologo-
rum de hoc iudicia & sententias cognosci postulanuit. Ita

primum

primum ad Philippum Melanthonem liber delatus, &
priuatim apud hunc de re quæstum fuit, cui cùm non satis
ad cogitandum neq; spacijs neq; ocij suppeteret, de ijs quæ
primum legenti ex craſſissimis erroribus ſe offerebant,
ſubito & breuiter quædam monuit, quæ in mentem tum
veniebant, & de callidioribus corruptelis plus temporis
ſibi sumſit. Primum igitur respondit tali ſcripto, quod ex
eo ſeceffu, in quem minacibus edictis Imperatoris fuerat
compulſus, misit Collegis in Urbe Cygnæa inſpiciendum,
cum hac Epistola, ut mox inde perferretur Augustam.

CLARISSIMO VIRO CASPARI
Crucigero Doctori Theologie, fratri ſuo
carissimo. S. D.

NON opinor uos aut longius iter facturos eſſe, aut diu abſi-
tueros domo, quod cur existimem, coram exponam. Nunc
τῷρι συμετίλωρ Τὰ κορυφᾶς audi. Idem liber, de quo
Ratiſponæ diſſeruimus, nunc Augustæ rurſus in theatrum adſertur.
Antea exploſum purant propter aētores, ut de ſua quadam fabula,
Terentius inquit. Nunc habet aequiores auditores, præter ſolum
Ducem Electorem Saxoniæ, qui nondum ἐπεκρόθη. Nec leuiter
ei iraſcitur ὁ χορηγὸς, ὃν καὶ κρατοεῖ μέγιſορ. Etsi autem in libro
ἀποπώτερα quædam dempta ſunt, tamen pleraq; ſunt eadem. Nuſ-
quam agnoſco tuum ueterem συμφοιτήθη Iulium, ac mallem ip-
ſum τῷ πρὶ δικαιοσύνῃ ſcripſiſſe. Nec formula retenta eſt, quam
Ratiſponæ compoſuimus. Ἐρικεφαλάδιω, τῷρι ἐνχαριſtικῇ θυſιᾳ,
agnosco ἐμορ ταρξεσάτηρ. Et haec ſunt concinniora, quam prius
fuerunt. Sed adduntur palam absurdā τῷρι ἐπικλήſεως τῷρι θα-
νόντωρ. Etsi de obſcuris quæſtionib; non moui tunc certamina,
tamen palam absurdā comprobare, impudentia eſt. Miroſ Prince-
pices autores conſiliū de libro, qui ſi uolent has leges imponere ſuis,

δογμάτων καὶ σάσεων plenæ erunt ciuitates. Deum oremus, ut sua
miranda sapientia impedit perniciosa consilia. Errat διαποκάρτως,
si me unum putat refragaturum esse, lapides clamabunt, ut filius Dei
inquit. Et metuo ἐπιλασίην certaminum τῆς ἵκκλησίας restare, cu-
ius erit & φόρμη hæc noua νομοθεσία. Nescio, quid addam in tanta
mole argumenti amplissimi, in quo & deplorare communes miser-
ias, & deliberare de nobis ipsis debebam. Sed ut spero coram plus
ra. Salutem opto tuis Collegis, quibus hanc Epistolam solis ostendere
poteris, ἔργωσο. Die pascatos.

Philippus Melanthon.

Perlegi librum, & reperio non ualde dissimilem esse Ratisponenli, nisi quoddam quædam sunt exaggerata uehementius, quædam uerbis limata & lenita mitioribus. Et manifestum est, multas in eo contineri generalitates, quæ & periculose sunt & inuidiosæ, ut cùm dicit eos, qui separant se ab illis, quos nominat Catholicos, condemnatos esse. Non enim explicat, quæ sit necessaria separatio, quæ non sit necessaria. Nam & Iohannes Baptista se iungebat se à Sacerdotibus. Et oportet regulam manere perpetuam, Deo plus obediendum esse, quam hominibus. Est autem planum & perspicuum, aliquos haec tenus in Ecclesia usurpatos Canones & ritus impiorum esse.

Præterea dicit liber, Episcopos habere potestatem condendi Canones. Hoc quidem in genere uerum est, sed conditionibus plurimis id restringi & explicari necesse est.

Dicit liber, Ecclesiam & Synodos habere potestatem interpretandi, hoc ipsum longè plus tribuit Ecclesia & Synodis, quam competit eis. Dissimilis est enim Ecclesia potestati politicae. Nam iudex politicus ratione potestatis leges potest suas interpretari, astringere & laxare: Sed Ecclesia non decernit de uerbo Dei ratione potestatis, neq; condit articulos fidei, sed de uero intellectu uerbi diuini testis est. Et totus Articulus de gratia & fide admodum languide exppositus est, quanq; melius aliquanto, quam in decretis Synodi Tridentinæ factum est. Tamen non consulo, ut propter ambages uerborum generaliores, hæc pars de doctrina rehiciatur.

De Ecclesia & de primatu Pontificis nihil disputabo, neq; ante hæc tempora de eodem uel scribere uel dicere multa uoluī. In ordine politico relinquo Episcopis suum locum, quem habent. Si Pontifex

*testis est
Ecclesia
saeva g.*

Pontifex ueram doctrinam profitetur & propagat, debetur ei obedientia: si non habet ueram doctrinam, omnis obedientia erga eum cessat.

Deinde in loco de Sacramentis duæ partes supra modum sunt exageratae, nimirum confirmatio & uncio, & nominat liber confirmationem rem necessariam. Non est autem dubium, quin à ueteribus hæc pro necessarijs habita non sint, tamen de confirmatione non rixabor, præcipue in hac indicatione, Consecrationes magicæ olei ferri non possunt.

Articulus de Confessione horridius, quam res fert, explicatus est, & fundamentum ponit, cui ipse liber paulo post contradicit. Sacerdotem absoluere neminem posse, nisi cognitis cuiuscum arcanis & occultis peccatis. Quanquam igitur uelim conseruari in Ecclesijs Confessionem & priuatam absolutionem, nullo modo tamen oportet pias conscientias illis turbari laqueis, quibus ante hæc tempora irretiri eas fuit usitatum.

In capite de coniugio duæ partes constitutioni & sententijs iudiciorum in nostris Consistorijs aduersantur, de diuorijs & de consensu parentum, in quarum una de diuorijs aliquantò plus positum est, quam altera.

De noua interpretatione Missæ, quod sit sacrificium eucharisticum, & non ἱλαστικοπ ad promerendam remissionem peccatorum, diligenter in libro scriptum est, & ueterum scriptorum testimonia, quorum tamen de Missa sententiæ sunt ualde dissimiles, ambiguae & inconuenienter allegantur. Si itaque nostræ Ecclesiæ restitutione priuatae Missæ non grauarentur, possent disputationes de eo, quomodo εὐχαριστία sit Sacrificium εὐχαριστικοπ in isto conuentu inter Principes ipsos imperij præcidi. Dijudicatio enim illius rei, quæ est maximi momenti, pertinet ad ueram & Christianam Synodus.

Invocationem Sanctorum & Missam pro defunctis quibus cunctis pingantur fucis & coloribus, Deo iuuante, nunquam approbo, nec ulla in re magnos & horribiles abusus in Missa priuata, in Missis pro defunctis, in cultu Sanctorum, in magicis consecrationibus, confirmabo unquam. Hæc de me profiteor. Sed ut propter meam confessionem, Principes sese coniçiant in pericula, non requiro.

Orare pro defunctis aliud est opus, quam pro ipsisdem applicare Sacrificium, & ueteres interpretes de oratione loquuntur, non de applica-

de applicatione Sacrificij, de qua postea Monachi scripsierunt. Nunc
aliud alio astutè pingitur sine argumentis & rationibus , sicut notum
est. Deniq; propter hoc etiam minime conscientiam meam appro-
batione libri onarabo. Nam si Magistratus adegerint Pastores ad
ea seruanda, quæ liber præscribit sine illa interpretatione secundum
præscripti formam , magnis præbebitur occasio persecutionibus,
multum excitabitur perturbationum & scandalorum , quibus ita
offendentur plurimorum animi , ut tandem omnes sint religiones
//contempturi pariter.

Et quanquam quod dolendum est, Ecclesiæ in multis locis
misere & deformiter sunt turbatae ac laceratae , & postulat necessitas
ipsa, ut de mediocri aliqua ac Christiana disciplina Ecclesiasticae for-
ma cogitetur, in ea tamen constituenda circumspetionem & cau-
tionem adhiberi necesse est, ut discrimen seruetur inter res necessa-
rias, & non necessarias , & omnino in talibus mutationibus com-
muni bus aliquid communī imbecillitati hominum & publicæ tran-
quillitatí, quo ad res non necessarias, condonadum est. Utinam in
necessarijs & diuinis præceptis cultibus Dei in fide, oratione & in-
vocatione, timore Dei, patientia, castitate , conseruatione ueræ do-
ctrinæ , & in sua quisq; uocatione benè merendo de Republica &
benefaciendo pauperibus diligentiores essemus omnes & magis se-
duli. Anno 1548 .

In hoc scripto offendere legentes poterit hæc clausu-
la, qua scribitur neglectis illis omnibus generalibus locu-
tionibus se tamen consulere nolle, vt hoc caput doctrinæ
reiciatur. Nobis tamen, qui verum dicere volumus, nihil
dissimulandum fuit quod in actis extaret. Hoc autem no-
tum est, librum **INTERIM** in hoc capite iustificatio-
nis initio minus corruptelarum habuisse, & post vel
Maluendam vel Dominicum quendam à Soto, vel utrunq;
plures inseruisse, de quo & infra Princ. Mauricij scriptum
ad Cæsarem queritur, & nominare ex aduersarijs posse-
mus, qui Philippo Melanthoni de Sotensis insertionibus
confessi

confessi sunt. Quicunqz tamen aut qualiscunqz ille liberum etiam fuit, corruptelas veritatis habuit, sed eiusmodi quæ fieri potest, vt Melanthonis etiam animaduersiōnem præsertim in ocij ad cogitandum penuria, vt diximus, effugerint, Etsi ille in opinione tum fuit, futurum, vt colloquium de re institueretur, in quo de argutioribus præstigijs, quibus dogmata inuoluta erant, oporterer doctos inter se disserere, quod hæc non intelligentur à quouis facile, etiam si indicentur & demonstrentur. In primis tamen Ratiſponensi similem iudicauit inter initia, cum percurriſſet primo, in quo conuentu, quod de capite Iustificatiōnis cum aduersarijs conuenerat, formulam Ratiſponensem retentam fuisse putauit ante fraudem deprehensa, Et ex autoribus libri primis, vnuſ nostris narrauit consilium Imperatoris fuisse, vt caput de Iustificatione iſſdem verbis in librum INTERRIM insereretur, quibus in tractationibus Ratiſponensibus de hoc, ab vtraqz parte, conueniſſet, vt corruptelas crassiores à Magistris secundis, extitiffe necesse sit.

Sed quicquid sit, mox post accuratiorem cogitationem misit scriptum alterum, quod subiecimus, in quo quæ primam inspectionem fugerint, luculentè indicatur, & quod in priore offendere potest, id proximo, quod paucissimis diebus interpositis ei submisit, vniuersum tollitur, neqz calumnia iam magis vlla in hoc adhærere poterit, qua consideratione illud primum scriptū prorsus omittere po-

R

tuiſſemus,

tuissimus, cum retractetur nouo submissio. Si Flacius
zelo ut iactitat, & non malicia ad has turbas mouendas
impulsus est, qui fit, quod, quæ in hac prima & rudiore
indicatione ac priuata, & quidem vni & soli Principi
præscripta, cui ostendi initio oportuit maximè insignia er-
rata, quod ergo quæ in hac reperit suo accommodata insti-
tuto, decerpit tantum & exagitauit inuidiosissimè: Re-
liqua vero, quæ mox sequita in sequentibus censuris ali-
quot priuatis & publicis oppugnant præcipue corrupte-
las libri in doctrina de iustificatione prorsus dissimulat?
Cur non eadem fide simul & hanc in prima notatione pre-
termissionem, & mox submissas claras, & luculentas re-
futationes præstigiarum in illo articulo expresſit, quas
pluries nostri repetinerunt, & quidem in proxime sequente
statim cum ea admonitione, quod arte inuolutas impostu-
ras primo contuitu non statim animaduerterint? Cur muti-
lis citationibus & odium atq; inuidiam nostris, & sibi ap-
plausum potius conciliare, quam integra expositione omni-
um, quæ consulta esset, rectè erudire Ecclesiæ & quieti ac
saluti earum consulere voluit? Sed maliciam inde & odij
erga nos virulentiam, & præstigiatricem naturam impo-
storis Flacij boni ut aestiment, monemus. Nunc ad re-
liqua pergamus. Illa igitur cum scripsisset D. Philippus
Melanthon, mox cum plus temporis libro impendisset, &
de tota re, & in primis de capite Iustificationis, & de im-
piò atq; execrabilis fuso priuatæ Missæ recens nona arte il-
lito,

lito, explicatè & planè monuit, & ad illud prius scriptum suum statim quasi subsidio submisit alterum Collegis, qui adhuc Cygneæ hærebant. Hi Augustam Principi transmiserunt.

CASPARI CRVCIGERO SACRÆ Theologiæ Doctori S. D.

M Eum Cursorem antea Cygneam misi, quām tuas literas de Guncenhusano itinere accepi. Paginam mearum delibera-
tionum spero uobis redditam esse. Nam quo diutius insidias in loco προὶ πίσεως considero, eò magis ab illo fucoso libro ab-
horreo. Dicitis igitur planè, falso iactari, quod doctrina de fide
comprobetur eo scripto. Faciunt fidem præparationem προς δι-
καιοσύνων, postea dicunt hominem dilectione iustum esse, & ibi
astutè addiderunt, fructum esse huīus iusticiæ uitam æternam. Quid
uolunt, nīsi dari uitam æternam propter hanc qualitatem? Ita sum-
mouent τὸ διδασκαλιαὶ κοὶ παράκλησιν προὶ πίσεως. Bene ua-
le, 13. Aprilis,

Philippus Melanthon.

AD ILLVSTRISSIMVM PRIN- cipem Mauricium Electorem Saxonie &c.

ILlustrissime Princeps Elector domine Clementiss. Cels. V. de-
serimus debita officia & obsequia nostra, cūmque his ardentes ad
Deum preces. Accepimus autem C. V. mandata literis exposi-
ta, quæ per eosdem cursores Clariss. uiro Doct. Cummerstadio si-
gnificauimus, scilicet, nos Cygneæ commoratueros, donec alia man-
data acceperimus, & obedientiam in his debitam C. V. præstitueros.
Cumque heri Reuerendus uir Philippus Melanthon miserit ad nos
notationes plurium pertinentium ad articulum Iustificationis & alia
quædam in Libro, ut quamprimum Augustam perferri illas curare-
mus, statim dispositis cursoribus has tradidimus. Quemadmodum

Nautem C. V. nos hortatur ad studium Christianæ pacis, sic adfirmamus C. V. non defuturos nos communi paci, quatenus id salua gloria Dei & integra ueritate doctrinæ nostrarum Ecclesiarum fieri poterit. Idq; à Deo, qui est pater pacis ac concordiae assiduis uotis petimus, & oramus Deum patrem Domini nostri Iesu Christi, ut C. V. & harum regionum Ecclesias & omnes alias ipsum in uera agnitione & fiducia filij recte confitentes & inuocantes, hoc difficulti & periculo tempore clementer conseruet & roboret. Et commendamus nos C. V. Cygnææ 14. die Aprilis Anno 1548.

Caspar Cruciger D.
Georgius Maior D.
Iohannes Pfeffinger D.

DE INSIDIOSA ET FRAUDULENTIA
*lenta deprauatione Articuli Iustificationis in Libro
Augustano cōmonefactio Philippi Melanth.
prima Augustam missa ante Libri
publicationem.*

SIC conciliaciones, quæ instituuntur, Ecclesijs harum regionum persecutions adferrent & deuastationes, non concordia constituta, Sed maiores distractiones, perturbations & scandala essent excitata, quibus rebus præbere cauam, peccatum est graue & magnum coram Deo, & turbas ea res commoueret magnas. Propterea adhuc peto, ut tota res cum pluribus intelligentibus uiris delibetur. Ipse etiam post proximam meam indicationem, qua crassos & manifestos abusus notaui, ut de Missa priuata, de applicatione Missæ pro mortuis, de Canone, de inuocatione mortuorum &c. res diligentius perpendi, in qua consideratione fallaces præstigias intextas articulo de fide & dilectione deprehendi, quarum in fundamento hæc est sententia: Fidem tantum esse præparationem ad iusticiam, postea accedere dilectionem, qua homo sit iustus, Hoc tantundem est, ac si dicatur homo iustus esse propter opera & uirtutes proprias, Et aboletur hæc lux, quod homo iustus est & Deo acceptus propter Dominum Iesum Christum fide.

Etsi autem scio multos sapientes hanc doctrinam habere pro certamine non necessario, tamen qui Christianam religionem non habet:

habet pro inani & ridicula fabula, facile intelligere potest necessarium esse, ut huius articuli doctrina pura & incorrupta retineatur. Miror etiam iactari, quod haec conciliatio sit concessio articuli de iustificatione, sicut in nostris Ecclesijs a p[ro]p[ter]is & doctis intelligitur, cum in fundamento doctrinæ nostrarum Ecclesiarum repugnet. Et quanquam præstigiae subtiles sunt, tamen deprehenduntur. Multæ partes in illo primo articulo ueræ sunt. Est & hoc uerum, quod dicitur, fidem, dilectionem & spem oportere simul esse, quanquam generaliter dictum est, quod oportet cœlèstre intelligi.

Sed haec sophistica, quæ fidem tantum facit præparationem, falsa est. Et si queritur uera concordia, poterit ille articulus aliter explicari, quod Imperatori non displicebit. Astutus ille Suffraganeus callida sophistica usus est. Interpretatur uerba Pauli, per fidem iustificamur, hoc est, per fidem consequimur aliquid aliud, nempe dilectionem, qua sumus iusti. Ita abducitur homo à Christo ad fiduciam suimet ipsius, & amittit consolationem, quam habet in filio Dei.

Et quanquam dicent aliqui, me haec calumniose interpretari, tamen reuera res ita se habet, & propter hanc depravationem multi ex pastoribus hunc articulum non recipient, quam recusationem consequentur expulsiones Sacerdotum & deuastationes Ecclesiarum, ad quas ego non seruam.

Hanc commonefactionem iudicauimus esse necessariam, & possum ferre, ut Electori Brandenburgensi, Islebio, Iacobo Sturmio & domino Bucero, quem ad has deliberationes adhiberi audio, & alijs pluribus intelligentibus uiris ostendatur, & peto, ut haec pars diligenter persistetur, quia complectitur Dei gloriam & omnium Ecclesiarum consensum.

De crassioribus abusibus in proxima indicatione mea sunt commonefactio[n]es. Si hoc agitur, ut Christiana & tolerabilis forma constituatur, qua interiecto tempore usque ad Synodi dijudicationem Ecclesiae utantur, discerni necesse est absque omni dubio, quæ partes rectæ, ueræ & necessariæ sint, & econtraria, quæ non necessariæ, falsæ & impossibilis sint. Cur uastarentur harum terrarum Ecclesiae propter non necessarias & falsas Missas pro defunctis, proper inuocationem sanctorum & similia? In Canone expressè extant haec uerba: Sacrificium hoc offerri pro redemptione animarum, pro spe salutis & incolumentatis suis. Haec uerba nullum habent alium sensum, nisi hoc sacrificium mereri æternam salutem. Deinde plura alia insunt

absurda Canoni de meritis Sanctorum, de precatione Sacerdotis,
ut Deus accipiat filium, quem offert sicut accepit Sacrificium Abel
& panes Melchisedech.

Nec futurum credo, ut ciuitates Imperij & aliae hos abusus
restituant. Si ergo aliqui ex ordinibus receperint librum, sequentur
maiores distractiones & persecutiones immanes, quibus priusquam
præbeam causam ulla in re, mori malo. Mea scripta de doctrina fa-
tis testantur, me quantum Dei beneficio concessum mihi fuit, studu-
isse illustrare ueram & necessariam doctrinam. De rebus non necessa-
rijs non multum sum rixatus, Aliquas etiam controversias compo-
suī, & rem omnem Deo commendō. Oro tamen propter Deum
clementissimum Principe nostrum, ut in re summa & maximi
momenti ea præcipue consideret, quæ ad Dei gloriam pertinent,
& pericula Deo commendet,

D E M O N S T R A T I O E T R E F U T A
tia fuci, quo pingitur priuata Missa in libro Augu-
stano missa Augustam ante libri publica-
tionem à Philippo Me-
lanthonē.

QVANquam liber Augustanus concedit, Missam non esse
Sacrificium pro peccato, nec promereri remissionem pec-
catorum, iste enim error nimis est crassus: retinet tamen
alios errores quatuor, quorum aliqui non minus crassi & impii sunt.
Deniq; agit hoc præcipue, ut commentatio fuco pingat & stabiliat
Missam priuatam.

Et primum quidem basis & fundamentum, quo ntititur tota
de Missa priuata sententia libri, comprehenditur his quatuor. Opor-
tere in Ecclesia esse Sacrificium quoddam externum distinctum à
communicatione Coenæ dominicæ, quæ fit populo. Hoc autem
Sacrificium tunc fieri, cum Sacerdos Patri filium offert & sistit
his expressis uerbis: Sacrifico tibi Filium tuum.

Secundò, Tale Sacrificium externum institutum esse à Chris-
to, & hoc ipso externo opere applicari populo beneficia meriti
Christi. Tam necessarium autem esse hoc Sacrificium, ut si non ce-
lebretur

*Causas
papalos, &
sive fun-
damenta
Sacrae S.*

lebretur & fiat, non adplicentur populo beneficia Christi, & fidei nullus sit usus, & fiant reliqua omnia irrita.

Tertio, Sanctos, qui ex hac uita excesserunt, inuocandos esse, & petendum, ut propter merita Sanctorum præstetur nobis misericordia & auxilium.

Quarto, Sacrificium hoc prodeesse mortuis. Præ cæteris autem priores duo Articuli, tanque imprimitur necessarij & irrefragabiles proponuntur. Hæc sententia nihil est aliud, nisi repetitio veteris doctrinæ Monasticæ. Necessarium esse Ecclesiæ opus externum, quod prosit ex opere operato, & adapplicationem meriti Christi fieri per opus illud Sacerdotis.

Hic error deducit homines ad opus alterius tanquam cum Christi merito necessario coniunctum, & quidem ad solam exterrnam & cæremonialem sacrificij administrationem. In veteri testamento Sacrificia non fuerunt adapplicationes, Multo minus ipsa per se cæremonia nunc est adPLICatio, sed sola & uera adPLICatio sit fidei in usu Sacramenti. Est autem disputatio de hac uera applicatione res magni momenti, & inter certamina mota facile præcipua. Quare cautio est adhibenda & circumspectio.

Liber Augustanus adapplicationem cui insistit fundamentum priuatae Missæ mifificis fucis stabilire conatur. Et hoc fundamento adapplicationis stante, quod liber constituit, sequitur priuatas Missas omnibus modis celebrandas esse, utpote quæ non tantum sunt bonum opus & sacrificium ἐνχαρισμοῦ, sed tale etiam quod Ecclesiæ prodest distributione & adapplicatione meriti Christi. Hæc sunt horribilia mendacia, propterea minime hic articulus probari potest. Sed non errare nos contra sentientes certum est inde, quod manifestum est in doctrina Euangeliū nullo uerbo expressum esse, Sacerdotem debere offerre. Item, Filius Dei semetipsum offert, sicut ad Hebreos scriptum est, Ipse se sistit patri in arcano consilio.

Nostra oblatio uel Sacrificium nostrum est, quod petimus Deum, ut propter filium nos acceptet in gratiam, & fide nos adiungimus filio Dei tanquam membra, quæ omnia tunc fiunt, cum in usu Sacramenti fiunt distributio & sumptio, ubi & sumentes agnoscent fieri se membra filij Dei, quod corpus Christi ipsis communicatur.

Paulus etiam nusquam Sacramentum nominat Sacrificium, sed distributionem & communicationem corporis, Vnde manifestum est,

*Horribilia
mendacia*

stum est Sacramentum hoc institutum esse ad distributionem, sicut
& Dominus inquit: Accipite comedite, &c.

Non licet autem nobis huic instituto & mandato operi diu-
nitus aliud opus nostra autoritate adiungere, & testamentum Do-
mini nostri Iesu Christi mutare, Cumq[ue] institutio totius Sacra-
menti pertineat pariter ad Sacerdotes & Laicos, non est dubium Sacer-
dotem non posse hoc Sacramentum in opus aliquod peculiare &
suum conuertere.

Nusquam etiam in ueteri Canone reperiuntur hæc uerba,
quod Sacerdos offerat Filium Dei. Estq[ue] magna dissimilitudo uete-
ris & recentioris Canonis, de qua in legitima Synodo & necessari-
um esset & utile fieri collationes.

Præter hæc omnia manifestissimum est, cærementiam nullo
modo posse esse adapplicationem ex opere operato.

Quod uero tanta contentione pugnatur, oportere in Eccles-
ia sacrificium esse, Id uerum est. Constanter nos & certo tenemus
in Missa publica cum sit distributio coenæ, coniungi debere hæc
quatuor: Primo Recordationem Filij Dei, passionis ipsius & me-
riti ac promissionis. Secundo gratiarum actionem pro tanta misericordia.
Tertio petitionem, ut Deus misereatur nostri & propicius
us sit nobis propter Iesum Christum filium. Quarto Ad applicatio-
nem in usu & sumptione, ut credamus Deum uelle nos acceptare
propter filium, & agamus gratias pro his beneficijs, & ostendamus
ueram gratitudinem seria mutatione uitæ in melius. Hæc quatuor
constituant sacrificium, de quo & in Malachia dicitur. Et pertinent
ad hoc dictum: Veri adoratores adorabunt patrem in spiritu &
ueritate.

*Requista
distributionis
sacrae Canæ*
*ad litteras à Theologis postulauit, ut censuram
pleniorem de singulis libri capitibus conscriberent, & de-
liberatio de hac re communis instituta est, quæ haberetur
Cellæ monasticæ ad 20. Aprilis, quo Cygnæa dimisi sunt,
circiter 13. Aprilis, D. Cruciger, Maior, & Pfeffinge-
rus, &*

rus, & accersitus eodem Philip. Melanthon. Cumq[ue] hie
per vnius ex Consiliarijs literas Principis nomine, eo eu-
caretur, rescripsit ei Epistolæ, vt sequitur.

S. D. Clarissime vir & Patrone colende, cum in nulla rea-
gione toto orbe terrarum, hoc tempore, status Ecclesiarum, studios-
rum, & politicae gubernationis pulchrior esset, quam in his regionis
bus, libenter uobis operam meam collocaui, & hoc decus mea mes-
diocri assiduitate adiuuare studui. Nunc si cum Sacrificulorum or-
dine pacem ita facient Principes, ut proprias Ecclesiæ turbent, &
pellantur ex nostris Ecclesijs Pastores (quod futurum esse metuo) in-
gentem accipio dolorem, & facilius quæuis exilia & mortem feram.
Decreui tamen ad uos & ad Collegas uenire ut iussistis. Bene & fœ-
liciter uale, 15. Aprilis.

Cum ergo conuenissent in Cella Myforum Theologi,
liber, qui qua fieri poterat celeritate raptim descriptus fu-
erat, & huc transmissus, propositus est tunc vniuersis, qui
aderant recognoscendus & iudicandus, cum periculorum,
quæ impenderent his terris, & difficultatum, in quas Au-
gustæ Princeps Mauricius immaturo consilio autorum li-
bri deuolutus esset, commemoratione & exaggeratione,
cumq[ue] obtestatione summa, vt depositis affectibus omni-
bus candidè & sine Sophistica moneant Principem, quæ
censerent non probanda esse Principi, quæ tolerari pos-
sent. Nec vel calumniöse interpretando, quæ si dextre
intelligantur, nihil habeant incommodi, vel de non ne-
cessarijs capitalia certamina mouendo implicit nonis
bellis & Principem & Ecclesiæ harum regionum. Ita
enim tentari ac turbari animum Principis, sicut & nar-
ratio docuit, tum atrocitate comminationum, si libri præ-

cisa recusatione autoritatem Imperatoris labefactando,
causam nouis turbis & sedicionibus suo exemplo prebe-
ret, tum commendationibus libri mirificis ac mirificè co-
loratis, quasi complectatur analogia fidei & doctrinæ no-
strarum Ecclesiarum congrua, ut hæreat prorsus, & quo-
modo sese extricet, non videat. Et eò rem deuenisse, ut
necessè sit Principem aut amplecti librum citra recusatio-
nem, aut disertè ostendere, quæ desideret, & propter quas
causas, quæ reijciat, probare nec velit nec possit.

Theologi ergò, quod ad Principem res pertineret
adhuc priuatim conflictantem cum autoribus libri, & il-
lis, qui de libro mandata Imperatoris renunciarant, in
ea commonefactione delegerunt præcipua, quæ talia es-
sent, ut intelligere Princeps ipse posset, excusationem quòd
nullam ferrent, & multò minus concessionē, & quæ si re-
cepta introducerentur, vastatura Ecclesias electione pio-
rum sacerdotū, & persequitiones excitatura essent. De cœ-
teris argutioribus monuerunt, explicationem horum & de
his confessionem præcipuè Theologis incumbere, de quibus
niſilla mutarentur, responsuri essent suo loco. Non velle
se autem his perplexioribus & difficilioribus disputationi-
bus, & argutiorum Sophismatum excusione vel turbare
vel onerare conscientiam Principis aut quorumcunq; qui
in his non essent versati & exercitati, Deniq; ita respon-
sionem sunt moderati ex fundamentis veteribus & multò
ante usurpati, ut se obsecuturos ostenderent Imperatori
in re

in receptione & vſu rituum, qui disciplinæ seruirent &
exercitijs pijs effent accommodati, Sed de doctrinæ emen-
datæ vſu non velle nec posse se quidquam concedere.
Scriptum tale est:

EPISTOLA MISSA AD ELECTO-
rem Mauricium 24. die Aprilis, Anno 1548.
cum censura Cellæ scripta.

N
Gratia & pax per Iesum Christum saluatorem nostrum & uer-
rum opitulatorem. Illustrissime Princeps Elector, Domine
Clementissime. Mittimus ad Celsitudinem V. nostram de lis-
bro Augustano simplicem deliberationem, ac petimus reuerenter,
ne C. V. sic de nobis existimet, quāsi uel contumacia, uel con-
tendendi studio, aut ullo alio priuato adfectu adducti pacem &
concordiā fieri nolimus, aut etiam curiositate aliqua certamina non
necessaria moueamus. Malumus etiam in alijs locis degere, si tales
esse iudicamur, qui pacem harum regionum petulanter impediā-
mus. Ex ipso scripto nostro Celsitudo uestra intelligit, nos res non
paucas, quae controuerti possent, silentio præterire, tantum in ne-
cessarijs quibusdam articulis nullam mutationem admittere. Qui
enim Christianam religionem non prouersus fabulosam esse iudicant,
ut fuerunt ethnicæ, hi intelligunt, uoluntatem Dei esse, ne doctrina
mutetur aut corrumpatur. Nec dubium est, ueritatem doctrinæ non
posse sine multis laboribus & periculis retineri. Habet enim multos
hostes ueritas diuina, suntq; uaria ad eam oppugnandam incitamen-
ta. Neq; uero onerare nos grauissimo blasphemiae peccato debe-
mus, quæ est agnitæ ueritatis abnegatio. Deinde norunt omnes,
nos nihil aliud querere, quam ne qua dissensio aut scandalum alii
quod ex his mutationibus oriatur. Nam si semel mentes hominum
turbentur, postea omnem religionem oderunt. Postremo certum &
hoc est, Multas magnas urbes hunc librum non recepturas. Sequiu-
turæ igitur sunt nouæ distractiones & perlequitiones, quibus nos
præbere occasionem nequaquam uelimus. Itaq; ualde miramur alii
quos principes ad ea descendisse consilia, ut impossibilia instituere
sint conati. Atq; hæc quidem ideo scribimus, ne C. V. existimet,

nos improbe & contumaciter aliqua de re pugnare, Ac reuerenter petimus ut C. V. has nostras sententias de grauiissimis rebus secum & ipsa perpendat, & alijs prudentibus iudicandas proponat, Ac simul hoc cogitet, multarum honestissimarum ciuitatum atq; hominum multorum oculos in C. V. hoc tempore esse coniectos, ut dubium non sit C. V. magno praesidio omnibus his regionibus esse posse. Deus æternus pater Domini nostri Iesu Christi, qui genus humani & Ecclesiam condidit C. V. clementer gubernet ac protegat.

Vitebergæ 17. Iunij Anno 1548.

V. C.

Reuerenter colentes

Caspar Cruciger D.

Iohannes Pfeffinger D.

Georgius Maior D.

Philippus Melanthon.

PHILIPPI ET ALIORVM THEO-
logorum responsio missa Augustam ad Princi-
pem Electorem Mauricum Anno 1548.

Ex Cella Myforum.

Aliquoties perlegimus librum Augustanum, in quo doctrinam Ecclesiæ comprehensam esse adfirmant, eumq; diligenter perpendimus. Et quia rem eo deductam uidemus, ut tandem quid obtineri in nostris Ecclesijs quidue concedi possit & debeatur, constitui necesse sit, reuerenter petimus, ut Dominus noster clemens etiam alios pios & eruditos uiros in consilium adhibeat, nec hanc grauiissimam causam pertinentem ad totam Ecclesiam ad nos solos deuoluat. Cumq; omnes nationes animū & oculos in Dominum nostrū clementissimum præcipue conuerterint, plurimū momenti ad causam adferet ipsius responsio. Quia uero iussi sumus omnibus priuatis affectibus depositis respondere, adfirmamus bona conscientia, nos nequaquam querere certamina, neq; de rebus non necessarijs aut paruis pugnare uelle. Ac primum quidem quod dicunt nonnulli, Principalem doctrinam nostrarum Ecclesiarum de fide retineri, animaduertimus in præscripta forma id fieri ualde insidiosē. Et quanquam multa recte dicuntur, tamen est admixta haec corrupcōela, Quod fides sit præparatio quædam ad iustificationem, & quod homo

Error
bonificij.

homo postea iustus sit dilectione & propriis uirtutibus ac meritis.
Atq; hæc uerba intelligunt hoc modo: Fide iustificamur, id est, Fide
præparamur ut aliud accipiamus, quo postea iusti & Deo accepti
simus. Expressæ enim in suo articulo dicunt, Postea uere iustificamur
dilectione. De his uerbis non mouemus λογομαχίæ, sed dicimus
& clamamus iuxta uocem Euangeli, Oportere esse in homine con-
tritionem seu conuersionem ad Deum, ut liber ipse recte loquitur,
Oportere & adesse fidem, bonum propositum, dilectionem, spem &
alias uirtutes ad bonam conscientiam necessariæas. Ac si quis doctri-
nam nostrarum Ecclesiarum sic intellexit, ut existimet hominem
iustum esse sola noticia doctrinæ, quæ etiam in Diabolis est, is errat
horribiliter, nec quid dicatur apud nos, intelligit. Dictum Iohannis
manet in omnem æternitatem uerum: Qui non diligit, manet in
morte. Item, Qui facit peccatum ex diabolo est. Item, illud Iacobi,
Fides sine operibus est mortua. Haec dicta esse immotam Euange-
lij ueritatem nihil dubium est. Sed de hac re quæstio est, Etiam cum
ad sunt dilectio & bonum propositum, an homo dubitare debeat,
aut certo statuere se placere & esse acceptum Deo propter has suas
uirtutes, an uero hæc fides requiratur, quæ credit se propter media-
torem Iesum Christum esse iustum, placere Deo & esse acceptum.
Hic Psalmus inquit, Coram te nō iustificabitur omnis uiuens. Scilicet,
Ex propria dignitate & absq; hoc Mediatore, qui se inter seuerā
Dei iusticiā & nos miseris homines interponit, nosque suo merito
& intercessione tegit. Hæc fides quæ est uera & uiua fiducia in filium
Dei, non tantū est præparatio, sed omnibus reliquis uirtutibus præ-
lucet, estq; perpetuo hæc iustitia de qua Paulus inquit, Fides impus-
tatur eis ad iusticiam. Item, Credidit Abraham Deo, & imputatum
est ei ad iusticiam, Ac Paulus ipse hunc uirum Abrahamum allega-
uit, cuius uita plena erat multarum uirtutum, habebat dilectionem
propositum bonum & omnes alias eximias uirtutes, & tamen in co-
spectu Dei non est iustus aut Deo acceptus, absq; hoc mediatore &
absq; hac fiducia. Hæc sententia est ipsa uox Euangeli, quam nulli
creaturæ neq; in coelo neq; in terris mutare licet. Estq; ualde impru-
denter & inconsiderate dictum in hoc libro, Quod homo cum habet
fidem, postea uere iustificetur alia re, Ita enim propriæ uirtutes &
dilectio longè præferuntur huic fiduciæ in filium Dei, & abiçcitur
hæc uera consolatio, ac sequuntur prioris ætatis tenebræ & errores.

In principio eius articulii, ubi insulam suam iusticiam (ita enim
loquuntur) magnopere prædicant, tantum dicunt de dilectione,

Fides.

cum tamen omnes uirtutes & præcipue hæc fiducia in filium Dei in-
cludantur in infusa iusticia. Estq; hæc fiducia non mortua ali-
qua fides, sed dilectio sic accenditur, cum adest fides, nec manet nisi
hæc fiducia perpetuo præluceat. Quam primum enim cor trepidat
& hæc fiducia extinguitur, nequaquam manet dilectio aut inuocatio
sicut experientia in cordibus singulorum in seria inuocatione testa-
tur. Neq; solum ad aperta scripturæ testimonia, sed ad omnes uere
pios prouocamus, qui hæc ex quotidianis exercitijs intelligunt.
Atq; hoc est testimonium Ecclesiæ, quod nos quoq; magnificamus.
Ac intelligunt omnes sapientes commonefacti hac narratione ne-
quaquam esse λογομαχια, quod dicimus, sed de fundamento
doctrinæ Christianæ disputari, & de præcipua consolatione, quam
omnes pñ cū in omni inuocatione tum in afflictionibus & cruce ac
reliqua uita tenere necesse est. Interea manet hoc firmū & immotū,
esse oportere in homine Dei timorem, dilectionē, bonam conscientiā,
opera seu uirtutes ad bonam conscientiam necessariās, ut saepe
dictum est. Sed liber de fide sic loquitur, quasi nihil aliud sit, quam
donum præueniens, hoc est, præparatio quædam, quam aliae res
præstantiores sequantur, quibus homo sit iustus & Deo acceptus.
Error
Papiola-
nun.
Rom: 14, v.
Ita tollitur fiducia in mediatorem filium Dei, & honos Christo de-
bitus nostris uirtutibus adscribitur, unde postea in ueris doloribus
& agone conscientiae sequitur dubitatio, nec potest cor uerè inuo-
care, estq; hoc malum de quo Paulus inquit: Quicquid non est ex
fide, peccatum est. Neq; uero dubitamus Cæsaream Maiestatem, si
de hoc errore admoneatur, probaturam hoc, ut hic articulus emen-
detur. Cum igitur quod diximus, deesse articulo intelligamus, ne-
quaquam recipere hanc formam possumus, nec dubitamus piros &
prudentes concionatores in multis locis Germaniæ & aliarum na-
tionum hanc formam, nisi mutetur, impugnaturos & errorem indi-
catores esse. Ideo nec Principi nostro clementissimo consulimus, ut
hanc formam recipiat.

II.

Sequitur articulus de Ecclesiæ, in qua uolunt esse Episcopos &
Pontificem, eosq; habere potestatem interpretandi scripturas & co-
dendi Canones, nec licere cuiquam ab eorum autoritate discedere.
Vbi tamen hoc annexunt, Hanc potestatem ædificationi Ecclesiæ
seruire debere, non destructioni. Quanquam autem in hoc articulo,
ut passim in toto libro multa sunt generaliter dicta, que diuerso
modo intelligi possunt, tamē non pugnamus de hoc articulo. Nullas
dignitates aut dominationē ullam querimus, Itaq; siue sit pontifex,
siue

stue Episcopi, si sanam doctrinam & ueros Dei cultus nō persequantur, optamus ipsis suam constare authoritatē, eaq̄ ipsos ad conseruationē doctrinæ christianæ & honestæ disciplinæ uti. Quia in re libenter ipsis obtemperare uellemus. Atq̄ in hoc quidem articulo multa conceduntur, in quibus tamen quædam sunt, de quibus docti in suis confessionibus singuli pro se dicturi sunt. Hæc sunt dicta de hoc articulo in genere. Quod autem peculiariter ad Episcopos harum regionū attinet, si ueteres abusus cum doctrina pugnantes in ecclesijs & consistorijs restituere conabuntur, sequunturæ sunt distractiones, dissidia & scandala in uulgo. Hæc quoq̄ cogitanda sunt atq̄ cauenda, id quod fieri petimus. Quod si piæ cantiones de tempore & alias piæ ceremonias seruent, nec in consistorijs aliquid contra ius diuinum statuant aut pronuncient, nihil repugnamus.

III. De septem Sacramentis.

De Confessione & unctione litigare nō uolumus, sed errores rejiciamus, quod dicit liber Gratiam per has res dari. Quod uero attinet ad inuocationē sanctorū in unctione, de ea re dicturi sumus paulò post. De confessione præcipitur, ut fiat enumeratio omnium occulitorum delictorum, quæcunq; in mente uenient. Quanc; autem serio semper contendimus, ut priuata absolutio retineatur, idq; necessariū & utile iudicamus, hanc potissimum ob causam, ut populus ibi cōueniens erit, diri possit, tamē nō uolumus conscientijs hoc periculoſum onus enumerationis occulitorū delictorū imponere. Ac nítitur liber falso fundamento, cum ait. Absolutionē non ualere nisi præcedat hæc cognitio, quanq; liber ipse postea se reprehendat. De satisfactione pauca eaq̄ obscure dicta sunt, cum tamē constet multis errores ex doctrina satisfactionum ante multa secula ortos esse, qui in nostris librīs expresse taxati sunt. Transeat igitur hic nudus articulus, sicut multæ aliæ generales locutiones in hoc libro. Sed hæc tamē manifesta mendacia nos reprehendere necesse est, quæ aliquomodo etiam in ipso libro taxantur, nam ipse liber fatetur, Nostra opera nequāquā mereri remissionem culpæ aut poenarū æternarum. Item, Conscientias non esse onerandas tanquam necessarijs operibus, nec imponenda esse cuiquam opera supersticioſa ut peregrinationes, abstinentiam à coniugalī cōsuetudine, iejunia impossibilia, & sicut antiqui Canones uarios laqueos conscientijs his rebus iniicerunt. De coniugio duo reprehendunt, que uisitata sunt in consistorijs harum regionū, primum de consensu parentum, sed alter articulus est maioris momenti, ut innocentī personæ post diuortium concedatur coniugium. Et tamen hic ipse articulus est obscure insertus.

De

Emendat
omnium oc:
culitorū de:
li fornum.

III. DE MISSA.

Quanquam de oblatione & Missa longus est sermo, in quo multa ex antiquis & recentioribus scriptoribus sunt adducta, quibus nos firmiora & magis perspicua facile opponere possemus, tamen non uolumus Principem nostrum hac disputatione onerare. Recte autem distinguit liber inter Propiciatorium & Eucharistica sacrificia, ac uerum dicit, cum expresse affirmat, Missam non esse meritum pro peccatis, neque esse sacrificium θλασικόν. Quomodo autem sit sacrificium εὐχαριστικόν, id reiçimus ad priuatā cuiusque prudenter uiri confessionem, nec oneramus hac re Principem nostrum. Nec tamen sequitur propterea priuatam Missam sine communicantibus esse restituendam, quae tamen etiam propter alias causas est omitenda, neque in eius restitutionem ullo modo est consentiendum.

V.

Articulum de inuocatione Sanctorum nequaquam recipi suademos. Nec enim nihil habet momenti, ut quidam existimant, Nam uera & ardens inuocatio est peculiare & arduum opus, in quo cor ad Deum clamat, Et hic honos soli naturae diuinæ debetur, ut scriptum est in primo Præcepto: Dominum Deum tuum adorabis, & fieri debet inuocatio eo modo, quo Deus eam præcepit & non aliter, ut scilicet Majestatem diuinam compellemus fiducia unus Mediatoris Filij Dei, ac Deum ipsum & Mediatorem alloquamur, qui est in arcano consilio diuinitatis, & uidet atque exaudit omnium hominum corda & gemitus, & ex immensa misericordia constitutus est Mediator & interpellator. Quamobrem nulla alia inuocatio ab ullo homine in Ecclesiam est introducenda. Et quanquam prima introductio uidetur leuior aut subtilior, tamen mox sequitur ex ea horribilis idolatria, id quod apud Ethnicos & Turcas factum uidemus. Estque in conspectu ingens abusus, dum opitulatores & mediatores constituuntur homines miseri, & doctrina de uero Mediatore obscuratur, atque honos soli Deo debitus in homines transfertur. Ac certum est, unam ex præcipuis Idolatrijs & abusibus in hac postrema mundi senecta esse hanc inuocationem Sanctorum & concursum ad peculiares statuas. Quod autem gloriantur longa consuetudine id esse receptum, Quanquam nullum exemplum de prima Ecclesia extet, tamen uerum est (proh dolor) hanc Ethnicam consuetudinem cito in Ecclesiam irrepisse, estque hoc argumentum humanæ infirmitatis, quae facile à uera inuocatione abduci

11

abducī potest. Quicunq; igitur uerbo Dei edoctus est, quomodo inuocatio fieri, & cor in uero dolore ad Deum confugere, ubi & quomodo eum apprehendere debeat, is eō maiore cura & constanza retinere ueram inuocationem debet. Inuocatio nūtitur manda-to & promissionibus diuinis. Nullum autem extat mandatum aut promissio aut exemplum ullum de inuocatione Sanctorum, Neq; piū est cor humanum ita uagari & oberrare ab uno Sancto ad aliū. Hæc peccata occultiora intelligenda sunt & magno studio uis-tanda. Hæc dicta sint de Inuocatione Sanctorum. Qui uero His-torias Sanctorum discunt, ac Deo gratias agunt, quod semper sibi collegit Ecclesiam, Seç; per Sanctos in Ecclesia patefecit, ac Prophētas misit & Apostolos, per quos doctrina coelestis est promulgata, quicq; homines commonefaciunt, ut doctrinam & exempla Sancto-rum considerent, quibus erudiantur & in omnibus uirtutum exerci-tiis confirmentur, atq; hanc regulam discunt: Deum uarijs miracu-lis liberare Sanctos, ut nos commonefaciat se reliquis similiter opis-tulaturum, qui serio & ardenter ipsum inuocant, sicut David saepe in Psalmis loquitur, Se Deo gratias agere, à quo sit adiutus, ut alij in fide confirmentur, & Deum inuocent & auxilium ab ipso expectent, eos recte facere adfirmamus. Atq; hoc modo apud nos de Sanctis docetur, & Festa aliquorum celebrantur, ut Iohannis Baptistæ, Apo-stolorum, Conuersionis Pauli, & aliorum. Promittimus etiam nos operā datus, ut uera aliqua Sanctoru[m] historia conscribatur, ex qua uulgas non pernicioſas fabellas, sed doctrinam & exempla utilia haurire possit. Scimus enim adhuc alicubi extare ueteres historias si de dignas, quas aliqua ex parte legimus, quascq; extare utile esset.

V I. De oblatione pro defunctis.

Cultus Sanctorum & oblationes pro defunctis, duo sunt præcipui abusus, qui fuerunt maximè quæstuosi. Certum est autem Sacramentum pro uiuis ad commemorationem institutum esse, nec debet adPLICARI pro mortuis. Ideo neq; hunc articulum suademus recipi. Atq; etiam ut ponamus excusari posse hæc duo, Cultus Sanctorum, & oblationem pro defunctis, sicut coloribus uarijs in libro pinguntur, tamen manifestum est, res esse non necessarias, quibus re-cepitis plurimos abusus sequi necesse est. Ideo si clementer & placide agere uellent, non debebant durius has res non necessarias & per-nicilioſas urgere.

T

VII. De

Nullum
in S. g. sacra
uocatio
de inuocac-
ne sanctoru[m]

Sacramen-
tum pro
vivi, no-
pro morib
e in libitu[m]

VII. De Festis & Ceremonijs.

Ordinatio Festorum & Ceremoniarum in templis & ieiunia possunt recipi, ita tamen, si sint absq; inuocatione Sanctorum & alijs manifestis abusibus, ut absq; peculiari reverentia quæ exhibetur Statujs & scandalosis consecrationibus, Item sine abusu Festi Corporis Christi. Nam in nostris Ecclesijs Sacramentum non diuiditur, Ac manifestum est, id institutum esse ad sumptionem, nec licet ulli creaturæ Sacra menta diuina in alios usus aut ritus mutare, nec est Sacramentum aliquid extra usum institutum. Ideo non leuis hic abusus est iudicandus.

DE CANONE.

Cum multa sint in Canone absurdæ & falsa, pñ Pastores non recipient in se hoc onus, ut eum legant. Dicit enim Canon. Hoc Sacrificium celebrari ad consequendam salutem æternam. Item, Orat Deum ut filium suum acceptum habeat & gratum, sicut munera Abel accepta habere dignatus est. Addit item de inuocatione Sanctorum. Quod autem haec ita sunt consarcinata id factum est inde, quod non uno & eodem tempore hic Canon est conscriptus. Ac antiquus Canon Græcarum Ecclesiarum in multis partibus dissentit ab hoc Canone. Cum igitur aliqua falsa sint in hoc libro, sicut indicauimus, ac nemo debeat agnitam ueritatem persequi, non possumus probare aut recipere articulos falsos, neq; cuiquam, ut in pagis 11 la recipiat, & agnitam ueritatem persequatur, authores esse. Et quam pax & concordia utilis est & expetenda, tamen præferendum est Dei mandatum. Qui me confessus fuerit (inquit Christus) eum confitebor & ego. Est & hoc considerandum, an ex hac reformationis forma pax, an uero distractio maior sit expectanda. Turbantur nostræ Ecclesiæ, neq; tamen emendantur Pontificij, sed magis in suis abusibus confirmantur. Nec enim dubium est, multos Pastores non recepturos omnes articulos, ut in libro præcipiantur. Quod si Principes aut Magistratus suos Pastores eam ob causam sedibus ejercere aut interficere noluerint, miserabilis ea pax est futura. Nec dubium est Deum ipsum fore uindicem, Multa etiam hominum millia in nostris Ecclesijs, quæ nunc Deum rectè inuocant, hoc scandalo turbabuntur. Ideo rectius erat ea quæ corrigi aut emendari non possunt, prorsus omittere. Nec dubium est, si quæ in hoc libro sunt, non mitigentur, sed ut sonant, Ecclesijs obtrudantur, sequunturam

turam esse magnam persequitionem & nouam distractionem. Oras
ramus autem Deum, ut consilia nobis pia largiatur, nosq; clementer
regat & tueatur. Quanquam autem ex his quæ dicta sunt satis ap-
paret, quid in hoc libro recipiamus, aut quid improbemus, tamen
iterum breuiter ea repetimus, ut uideant omnes, nos studiosos esse
pacis & concordiae. Euangelium de fide neq; possumus mutare neq;
debemus, nec falsam inuocationem in Ecclesiam introducere aut
confirmare uolumus. Ideo petimus primum, ut principalis articu-
lus de fide corrigitur, deinde ne inuocatio Sanctorum, Missa pris-
uata, aut quæ fit pro defunctis nobis imponatur. Promittimus au-
tem nos Episcoporum authoritatem ueneraturos, ijsq; ut Episco-
pis nos obtemperaturos, si nos non persequantur. Recipimus &
hoc, nos obseruaturos ceremonias, ut ordinatae sunt, pro tempore le-
ctiones nempe & cantiones pias, stolas, & alios antiquos honestos
ritus. Festa item, ut supra dictum est, & alias ordinationes, quæ ser-
uiunt disciplinæ & exercitijs utilibus. Est autem usitatum in multis
oppidis harum regionum, ut Scholastici quotidie in templo conue-
niant, & ante concionem aliquot Psalmos decantent, & caput in ues-
teri aut novo Testamento legant, ac post concionem publicas pre-
ces adiuuent. Diebus etiam Dominicis & alijs Festis celebrantur
Missæ publicæ, ubi multi semper ad Sacram Synaxin accedunt, ce-
lebrantur & uestiginæ preces. Hæc quoq; in reliquis oppidis, in
quibus hactenus usitata non fuerunt, institui possunt, ac prout postus
lat frequentia, & multitudo hominum in oppidis, plures Missæ, pu-
blicæ in quibus communio celebretur, institui in septimana possunt.
Ac si quid præterea iudicatum fuerit pertinere ad honestum & pium
ordinem in Ecclesia, id quoq; libenter recipimus. Nam Deus qui
Introspicit omnium hominum corda, nouit nos nihil magis opta-
re, quam ut regimina tam Ecclesiastica quam Politica ita sint con-
stituta, ut Deo placeant & sint salutaria & tranquilla, Idq; arden-
tibus uotis à Deo petimus.

Caspar Cruciger D.
Georgius Maior D.
Iohannes Pfeffinger D.
Philippus Melanthon.

T 2

Hoc est

*Comparsa:
dicitur vero
doctrina, quæ
expositio.*

*plures uotis
pro frequen-
tia gaudi,
in joptimis aera
in stabili posse*

Hoc est Cellense scriptum. Admoniti autem fuerant, qui istic convenerant, ut si Augustane conciliationis formula recipi non posset, ipsi aliam nouam componerent. Quare cum scriptum iam absoluissent, Philippus Melanthon peculiariter, de quibus amplius tum in mentem ei venerat, & in exemplum manu scriptum libri Augustani quædam inseruit, & in capite de Iustificatione quæ fraus, & quomodo usurpata esset, adhuc etiam planius exposuit, & de nouæ formulæ constitutione respondit. Quæ omnia de scripto illo, quod peculiariter tum reliquis ad unius ex consiliarijs priuatam instructionem, illi addidit, cognoscantur. Id tale est:

Quæ fraus in capite de Iustificatione adhibita sit, aliquot in locis deprehendi clare potest, si quis hoc agat, ut eam consideret & cognoscat. Ut eum fidem cuius meminerunt sic declarant, quod possit esse sine dilectione. Item cum dicunt initio, infusam iusticiam esse dilectionem, fidei vero nullo uerbulo meminerunt. Et paulo post, cum dicunt, Si fides adsit, sequi postea ueram iusticiam per dilectionem, quasi dilectio sit maior & potior iusticia, quam gratuïta acceptatio, quod Deus propter mediatorem ex misericordia nos acceptat per fidem & fiduciā filij, Et ut summarim dicamus, Si Liber, ut nunc scriptus est, publicatus, & in Germania ac peregrinis nationibus lectus fuerit, & eo fuerit editus titulo, quod ueram doctrinam de Iustificatione explicit: uiri intelligentes, & utriuscq; doctrinæ Monasticæ ac uerae periti præstigias animaduertent & refutabunt. Et gratum erit nobis, si nostra commonefactione Electori Brandenburgensi, Islebio, Iacobo Sturmio & Bucero fuerit ostensa.

Et valde optamus, ut aliorum etiam Doctorum, & in his controversijs exercitatorum iudicia de hac nostra censura explorentur, ut Principis Georgij Anhaltini & aliorum, qui commonefactionem hanc nostram non censemus esse negligendam. Annotauimus & ad librum quædam, ut facilius ubi lateat fraus cognosci polsit.

Sed

Sed nouam integrā formā describere sine peculiari mandato non uolumus, & frustra hanc operam essemus suscep̄tū. Quācunq̄ enim formā mitteremus Augustam, non approbaretur. Quāc ab ipsis proposita est forma, est quiddam male consarcinatum, quod bona malac̄ uarie commiscet, & sophismatibus ludit, tanquā res agatur cum pueris, qui nihil horum intelligant, & displicet nobis hic ipsorum conatus. Res graues sunt, in quib⁹ uerborum præstigijs minime est ludendum.

Nec ueremur nostras censuras exponere de omnibus articulis, si quis audierit nos. Quod si nobis fides non habetur in hac re, præstaret nos non consuli. Multæ sunt partes in hoc libro, quæ ab alijs gentibus oppugnabuntur, etiam si à nostris Ecclesijs recipere tur.

Meminimus & Ratisbonæ, cum talis liber proponeretur, alios postea fuisse formatos articulos, qui facerent ad conciliationem. H̄i si editi in lucem fuisse, toti Germaniæ peperissent ignominiam perpetuam, quod bene norunt, Landgravius Hassiæ, Bucerus & multi alijs, propterea & iste liber examinetur & penitetur diligenter, ne nouæ excitentur dissensiones stolido conatu.

Hæc igitur vniuersa, vna cum exemplo libri Augustani, in aulam tum simul missa sunt, & addidit his D. Philippus Epistolam alteram ad eum Consiliarium, à quo euocati de Principiis mandatis cognouerant, quam & ipsam hoc loco subiiciendam putauimus.

S. D. CL. V. & patronē colende. Interfui antè similibus conuentuum disputationibus, ubi articuli de doctrina compositi fuerunt, & uidi non recipi formas ab una parte compositas, ideo & nunc non uoluimus formas componere, uiderint isti qui adhibentur, ut recte componant, nos non calumniōse sed dextre & uere iudicauimus, quid necesse sit reprehendi. Iam in margine etiam quædam ascripsi in libro Germanico, & mittimus pagellam de nostro iudicio, Si in singulis locis causæ reprehensionum alreibendæ essent, longum opus futurum esset, & tamen nequaquam recuso causas ostendere, si res posset. Bene & feliciter uale. Die 24. Aprilis.

Hæc dum Cellæ scribuntur, interea Augustæ Pon-

forma
par
picolora
consarcinata

tificij formulam libri **INTERIM** detrectant. Cum
enim initio res ita esset instituta, ut præscriberetur aliquid
quod communiter vtrāq; pars præstaret, aduersarij re de-
liberata hoc tempore à se omnem spem mutationis, quæ in
ipsorum Ecclesijs introducatur, præcidunt, ijs tantum,
qui Euangelici appellantur, ut liber proponeretur, per-
mittunt, atq; præter alia quædam durissima postulata in-
super iurisdictionem & res ereptas repetunt, Quæ res
& causam deinceps Carolo Imperatori attulit, ut ad Pon-
tificios de libro acquiesceret. Componi tamen postea ad
hos etiam aliquid curabat, quo in meliorem formam Ec-
clesiæ ipsorum redigerentur, quam propterea reformatio-
nem appellabant, ad quam se & sua conformarent. Atq;
hoc modo ille usq; ad concilij dijudicationem rem præclarè
constitutam esse apud vtranq; partem minimè dubitabat,
cum quidem reformatio hæc non minus intolleranda vi-
deretur Pontificijs quam nostris esset libri Augustani
formula, de quo in præsentia plura dici nihil attinet. Vix
igitur Cella nostri domum reuerterant, cum de illa Ponti-
ficiorum actione ad Philippum Melanthonem refertur,
qui statim postridie quæ erat 29. April. respondit hoc
scripto, quod conuersum subiecimus:

CVm Episcopi & cum his coniuncti in suis Ecclesijs mutatio-
nem nullam uelint fieri, & tamen facultates cum Iurisdictione
repetant pertinaciter, nec uelint Sacerdotes, qui ab ipsis disce-
dunt ad nos, à nobis recipi, sed ijs tantum, qui ex nostris se no-
biscum communium rituum usu & professione doctrinæ cōiungere
uolunt, ut hoc possint facere, permittant, non possum mihi perluas-
dere for-

dere formulam quæ proposita est concordiā esse pariturā, nec sperari
inde aliud potest, nisi ut nostræ miseræ Ecclesiæ uehementer turben-
tur, Reliquis uero non consulatur, nec à persecutionibus Episcopi
sibi temperaturi sunt iurisdictione recuperata, quæ in regionibus to-
cis & urbibus magnas dissensiones & turbationes commouebunt.
Idcirco adhuc meam sententiam rectam esse censeo & utilem, ut hoc
agatur omni conatu, ne Ecclesiæ nostræ turbentur. Ad hoc urgen-
dum meo iudicio satis causæ est, quod cum Episcopi nec media ulla
tolerare, nec emendationem ferre uelint, & propterea dissidia non
tollantur, res suspendantur potius, cum nequeant melius constitui,
uel formula ita emendetur, ne persecutiones excitet inter nos & tur-
bationes.

Res manifeste docet, frustra tentari conciliationes cum per- }
secutoribus nostris. Etiam cum sarcitur concordia qualiscunq[ue], ta- }
men pax constituitur, qualis est inter lupos & agnos. Ego hæc Deo }
commendo.

Quam minax sit scriptum Episcoporum, in quo se Catholicos
iactitant, & nos ignominiose nominant separatos, nunc non dispu-
to. Quantum ad me, adfirmo ueras nos & necessarias habere cau-
sas ipsorum falsa dogmata & abusus uitandi. Est enim æternum &
immutabile Dei mandatum, Fugite idola. Item, Si quis aliud Euau-
geliū annunciauerit uobis, inquit Paulus, quām ego prædictaui,
anathema sit.

Semper autem inde usq[ue] ab initio mundi talia fuerunt in
Ecclesia certamina, quod aliqui impios & idolatricos cultus impro-
barunt, & quanquam secutæ sunt graues persecutiones, norunt ta-
men p[ro]p[ter]i & intelligentes omnes, quomodo illas ferre & sustinere
debeant.

Episcopi in responsione quam dederunt, authoritatem suam
ualde amplificant, quasi illa non sit iuri[us] positivi, sed pro iure diu[er]no
sint habenda decreta conciliorum. Omitto nunc disputationem
de ista generalitate, concilia sunt dissimilia, & multa præsertim in
externis constitutionibus decreta sunt, quæ manifeste iniusta sunt &
impia. Exempli causa, quod mandato Christi pontifex ius habeat
constituendi Imperatorem & amouendi. Sic & hoc manifeste fal-
sum est, quod sacerdotibus interdixerunt coniugia, quam prohibi-
tionem Paulus nominat doctrinam dæmoniorum.

Cuma

Cum itaq; Episcopi tam difficiles sese præbeant in mani-
festis rebus, ut in communione & coniugio sacerdotum, facile co-
gitari potest, quod & alia falsa dogmata, abusus & impias inuoca-
tiones non sint mutaturi. Et tamen certissimum est, pontificios sacri-
ficulos & monachos horrendis idolatrijs, abusibus & libidinibus
pollutos esse, quæ nos peccata minime confirmare debemus.

Quod uero obijciunt Episcopi, in sua responsione non præ-
stata esse à nobis, quæ in Augustana confessione profitemur, non in-
telligo quos aut quæ notent. Nam de his nostris regionibus cer-
tum est, quod ab Ecclesijs Saxonicis inde usq; ad regnum Danicum
receptum aliud nihil sit, nisi quod in confelsione Augustana com-
prehensum est, & Dei beneficio pia, constans & Christiana confes-
sio in Ecclesijs conseruata est hucusq;, quod nunquam fuisse futu-
rum, si doctrina mutata aut obscurata fuisse. Dominica Cantate
29. Aprilis 1548.

Aliquanto post, cum artifices atq; autores libri,
offensi censura nostrorum, contendissent non discrepare
articulum de Iustificatione in libro expositum à doctrina
nostrarum Ecclesiarum, sed dici idem prorsus lenioribus
verbis, & quæ reprehenderentur, petulanter ac calumni-
ose reprehendi sine causa, ac λογομαχιæ esse meras, non
de rebus certamina, in quibus nihil esset controuersum, sed
verba tantum illa non usurpata esse, quibus nostri vti
confueissent, Sola Fide hominem iustificari, Et diserte
addidissent, ideo se non voluisse vti hac formula, quod &
in compositione Ratiponensi expressa non esset, & sci-
rent multos nostrorum sic docere contra Paulum & reli-
quos rectius sentientes, Excludi non tantum conditionem
meriti ac dignitatis, sed etiam presentiam nouæ obedien-
tiae, quæ excludi nec possit nec debeat. Hæc igitur cum
obijceren-

objicerentur, denuò quæsum fuit, de obiectionibus illis
quid esset sentiendum, Theologi qui in præcedentium con-
uentuum colloquijs similia obiecta meminerant, responde-
runt in hanc sententiam, ut dilucida explicatione simul &
illustrarent propositionem Pauli, Fide iustificamur gra-
tis, transformatam in correlatiuam, scilicet, iustificamur
ex sola & mera misericordia propter meritum, non no-
strum, sed Filij Iesu Christi, quæ beneficia gratuita, ac-
cipiuntur fide: & simul refutarent cum Sophisticas li-
bri præstigias, tūm obiectiones recentes, quibus falso præ-
graubantur Ecclesiæ nostræ, quod non solum meriti no-
stri & dignitatis conditionem excludendo, sed prorsus
auellendo à fide & ex credente extirpando reliquas vir-
tutes, quas per fidem, in persona reconciliata Spiritus san-
ctus excitat. Scriptum tale est:

QVæ uera sunt, præsertim si non sint periculosæ & am-
biguis explicata uerbis, ea uera esse confitebitur, nec
mouebimus certamina non necessaria.

Exordium libri usq; ad articulum, quid sit iustitia, rectum
est, neç disputatione indiget. Sed post titulum, Quid sit iustitia,
certo inest libro fraus & error. Revera enim hoc uult liber, homi-
nem iustum esse & acceptum Deo propter dilectionem, quo tan-
tudem dicitur, ac si diceretur, propter opera & uirtutes nostras
iustos nos fieri. Et necessarius articulus dissimulatur, imo aboletur,
scilicet, quod postquam inchoata est in homine dilectio, tamen
oporeat fidem & fiduciā in corde in hac uita niti Christo salua-
tor, & quod non propter mundiciem aut merita propria, sed
propter mediatorem Christum iusti ac Deo accepti simus.

Præterea inquit liber paulo post, postquam dilectione su-
mus iustificati, consecuti sumus æternam salutem propter hanc
dilectionem. Hic rursus de fide & de mediatore, quo fidem niti
oportet,

oportet, altum silentium est. Hæc omnia reuera & in fundamento nihil discrepant à Monachorum doctrina, quod homo iustus & Deo acceptus sit propter opera & uirtutes proprias, & idcirco habeat æternam salutem.

Postquam hoc positum est in libro fundamentum, ne aut videatur aut dicatur omissa esse fides, miscetur etiam in entio uocabuli fidei, sed non uero intellectu. Intexuntur enim ista uerba: Fide iustificamur, id est, fides est præparatio ad iusticiam, & homines deinceps uere sunt iusti dilectione, quasi non iustificetur homo coram Deo, cum fide & uera firmaç fiducia filij mediatoris accepta sit à Deo, sed sit dilectio uera iusticia & infusa iusticia, fides autem non sit uera & infusa iusticia.

Hanc esse ueram & Germanam sententiam libri, perspicuum est inde, quod ipse se declarat, cum inquit, fidem etiam posse esse sine dilectione. Item, Hominem postea uere iustum esse dilectione. Item in mentione iusticiæ infusæ nominant dilectionem, & aliud nihil. Deniq; hæc libri propria est sententia, quod homo sit iustus & Deo acceptus propter nouam illam dilectionem, hoc est, propter suas uirtutes & opera, & quod propterea consequatur æternam salutem.

Refutatio.

SI ergo hæc debet esse præcipua & principalis doctrina in Ecclesia, eripitur conscientijs & amouetur ex oculis doctrina de fide, de mediatore filio Dei, de certa firmaç consolatione in iudicio Dei, nimirum hæc doctrina & hæc consolatio, quod quanquam oporteat dilectionem & alias uirtutes in nobis esse, sicut & docuimus semper & adhuc docemus, tamen prælucere his uirtutibus in corde necesse est hanc fidem & hanc fiduciam, quod cum nostræ uirtutes sint prorsus imbecilles, Deus ex mera misericordia propter mediatorē nobis uelit esse propitiū & nos acceptare, & ita propter filium pronunciare iustos, si fide apprehenderimus ipsum, & uera fiducia illi adhæserimus.

Non est λογομαχία nobis de particula SOLA, sed dicimus & confitemur, oportere in nobis & alias uirtutes & bonum propositum inchoari & manere, tamen fiduciam non his, sed filio Dei oportet nisi, sicut dictum est, & reliquas uirtutes uelut obumbrare.

Sunt

Sunt enim reliquæ uirtutes omnes languidæ & imbecilles , & multum sordium atq; impuritatis remanet in cordibus hominum atq; in hac uita. Propterea necesse est, ut ad mediatorem confugiamus , & ex eo pendeamus , & gratuitam misericordiam imploremus per & propter hunc mediatorem, & per misericordiam, quæ propter hunc mediatorem nobis est promissa . Sic enim inquit Psalmus : Non iustificabitur in conspectu tuo omnis uiuens . Et Daniel inquit : Exaudiás nos non propter nostram iusticiam , sed propter tuam misericordiam & propter Dominum .

Hoc modo ad Deum accedere debemus afferentes fiduciam nitentem filio Dei , & statuentes, quod quanquam dilectio & aliae uirtutes sint in nobis & esse eas oporteat , tamen sint imbecilles & languidæ , & quod oporteat fiduciam in solo filio Dei fixam esse , neq; dilectio & consolatio in corde inchoari & consistere potest , nisi hæc fides & hæc fiducia præcedat . Hæc pijs & timentes Deum omnes in quotidiana inuocatione experuntur.

Et miramur ualde qua de causa aduersarij hanc manifestam & perspicuam ueritatem , quam in omnium piorum animis fulgere necesse est , ferre non possint , nimirum , quod hominem præter inchoatam languidam dilectionem & alias uirtutes hanc fiduciam nitentem filio Dei habere necesse sit . Estq; in libro hoc admodum incogitanter dictum , primo hominem uere iustificari dilectione , quasi homo non sit præcipue iustus & acceptus coram Deo fide propter mediatorem , sed sit præcipue iustus & acceptus Deo propter uirtutes proprias . Oportet cor perpetuo & omni tempore in hac uita hanc retinere fiduciam , quod filius Dei sit & maneat mediator , & interpellet pro nobis , sicut Paulus inquit : Per fidem in Christum pacem habemus cum Deo , Item , Per fidem habemus accessum ad Deum .

Non oportet nos dilectionem nostram pluris facere quam filium Dei , qui ut mediator patrem nobis placauit & reconciliavit , & sua iusticia tegit nostras imbecillitates . Cumq; de infusa iusticia dicitur , sicut ipsi nominant , minime hæc fides & hæc uiua fiducia excludi debet . Nam & hæc maximarum uirtutum una est , immo hæc fiducia excitat in corde consolationem , dilectionem , inuocationem & uitam , sicut scriptum est ad Galatas 2 . Quod uiuo , per

fidem uiuio. Item, Rom. 1. Iustus fide sua uiuit. Item ad Coloss. 2: Sepulti estis una cum Christo per baptismum, & uiuiscati estis per fidem, ut Deus sit in uobis efficax.

Et hæc ipsa doctrina plana & explicata est, & cognitum necessaria p̄ijs omnibus in quotidiana inuocatione, sicut inquit Paulus, Nihil mihi conscient sum, sed in hoc non iustificatus sum, hoc est, oportet in homine esse bonam conscientiam, dilectionem & alias necessarias uirtutes, tamen agnoscere & statuere nos oportet, quod illæ ipsæ uirtutes sint imbecilles, & multum adhuc sit reliquum in nobis imbecillitatum, & quod oporteat accedere fiduciam nitentem filio Dei, qua demum sumus iusti.

Hæc doctrina est immutabilis ueritas Euangelij, & facilis ac plana, & in omni inuocatione quotidie considerari hanc oportet. Nam cum orandum est, non sat̄ est ut te intuearis & requiras in te dilectionem & alias uirtutes, et si illas in nobis esse oportet, sed praeter has languidas uirtutes oportet in nobis esse hanc ueram consolacionem, nimirum fiduciam defixam in mediatorem, quod Deus certo propter ipsum uelit nos acceptare, & gemitus ac clamores nostros exaudire, neq; repellere nos à se se atq; abijcere. Et hanc fiduciam oportet esse defixam & firmatam in filium Dei, & minime in nostram propriam mundiciem, et si has uirtutes inchoari necesse est in nobis, sicut & statim excitantur cum tali fide & inuocatione.

Suntq; & manent istæ sententiae immutabiliter & in æternum ueræ, qui non diligit manet in morte. Item, Fides sine operibus est mortua. Sicut enim saepè iam dictum est, Oportet in corde esse bonum propositum, dilectionem, spem & alias uirtutes, sed non solas, uerum omnibus his fidem seu fiduciam, de qua dictum est, prælucere oportet.

Sed liber ita dilectionem nominat, ut de hac fide & fiducia fileat prorsus, & semet ipsum interpretatur, quod loquatur de fide, quæ tantum sit noticia doctrinæ, à qua dilectio possit abesse. Hæc reprehensio tanti momenti est, ut dissimilari nullo modo possit. Continet enim fundamentum doctrinæ Euangelicæ & consolacionem præcipuam ac maxime necessariam.

Inquit liber, Fidem nihilo minus esse ueram fidem, etiam si quis perseverat in manifestis peccatis, modo retineat noticiam ueræ doctrinæ.

Cum itaq; liber suam fidem & eorum, qui perseverant in peccatis contra conscientiam, & manifestis, & Diabolorum fidem statuat

tuat esse fidem eandem, satis euidenter appetet, quod fidem tantum
statuat esse noticiam historiae & præparationem. Si iudicant idem
donum esse fidem in adultero & fidem in Paulo, manifestum est
de iustificatione aliter loqui & sentire librum, quam nostræ Ecclesiæ
sentient & loquuntur. Et hæc libri sententia est, sicut expositum est.
Sed paulò ante inquit liber, Fidem considerere promissioni & miseri-
cordiæ Dei. Talis fides minimè existit in adulteris & in Diabolis. Ita
secum pugnat liber, & oportebit pios & doctos viros errores & so-
phisticen libri proferre & confutare: quæ res & ipsi Imperatori &
Principibus Germaniæ, qui librum receperint, non est futura glo-
riosæ. Fides in adultero longè alia res est, quam fides & fiducia in
Paulo. Et ut crasso exemplo res declaretur, Fides in adultero est mu-
tilum aliquid, quia articulum de remissione peccatorum adulteri,
quantum ad se, non credit: propertea additio in libro, quod uera si-
des sit in illis etiam, qui se polluunt manifestis peccatis, merum so-
phisma est, quod nihil ad rem facit.

Johannes Bugenhagen D.

Caspar Cruciger D.

Georgius Maior D.

Philippus Melanthon.

Ad illa igitur superiora tam multa scripta, qui-
bus sententiam suam de libro Augustano & consilijs illis
Theologi, & liberrimè & planissimè ediderunt, & ve-
ritatis corruptelas disertè demonstrarunt, hoc quod iam
mox exposuimus ante publicationem libri ultimum ac-
cessit, quo ad obiectiones atq[ue] notationes quasdam, ut dixi-
mus, responderunt. Ac cætera quidem qualia sunt, confide-
rabunt qui legent. Ex hoc vero ultimo Flacius aduersus
Ecclesiastras atrocissimas accusationes detexuit, neq[ue]
quibus doctrinam veritatis corruptam à nostris esse de-
monstraret, argumenta alia habuit, sed ex hoc solo scripto
aduersus doctrinam Ecclesiarum nostrarum ante hoc tem-

pus scholiteis suas deduxit vniuersas (cum reliqua, quibus
hoc genus vtitur eiusmodi sint, vt ipsa se euertant, neq;
de ijs moneri attineat) Nam & de particula SOLA
non esse pugnandum, & fidem praecipue iustificare non
solam, a nostris doceri ex hoc scripto credi postulauit,
calumnia manifesta, Quodq; nesciat, quando aut vbi com-
positum sit, alicubi in conuentu Misnensi, alicubi in Pe-
genisi corruptam doctrinam Iustificationis assenerat. Sed
libro tamen proximè à se cōtra nostros edito & 5. Sub-
scriptoribus, hoc scriptum Pegenibus tractationibus
ascribit. Hac igitur de causa & hoc scriptum inferendum
& indicatione peculiari excitandam attentionem legen-
tium putauimus, vt maiore cum diligentia consideretur, an
teterrimarum accusationum suarum, non dico iustas, sed
omnino aliquas causas Flacius habuerit, qui ne diverticu-
lum quidem hoc sibi reliquit, vt dicere posset, se totum
scriptum non vidisse. Narrat enim ipse in libello cum 5.
Subscriptoribus, hoc scriptum se, in manus sibi traditum
à Phillipo Melanthone, quem Principem Adiaphori-
stam uocat, accepisse, qui petierit, vt describi curaret. Et
ibi quidem falso Pegauense consilium appellat, cum eo
tempore ne suspicio quidem ullius cum Episcopis con-
gressus, esse potuerit, quiullo tempore fieret, Sed ad ca-
lumniam confirmandam magis idoneum fuit in Pega-
uienses tractationes hoc scriptum transferri & his affingi,
vt omnes intelligunt. Quod si nontotum vidisset Flacius,

& re

et re incompta tantum crimen Philip. Melanthoni et Ecclesijs harum terrarum inferre ausus fuisset, malicia ea esset temeritatis scelerate. Nunc cum totum vedit et habet Flacius, et excerptas callidè sententias per calumnias exagitans, dissimulat atq[ue] occultat reliqua, Sycophantia est et falsarius. Sed de Flacio statuat unusquisque quod res docet, et probat causa. Itaque nos ad narrationem reuertamur.

Cum ita per duos iam Menses exerceretur illis actionibus multiplicititer Princeps Elector Mauricius et varijs multorum conatibus tentaretur atq[ue] torqueretur, Tandem publicatio libri secuta est, quae res et priores labores ei renouauit, et nouis eum et aliquanto grauioribus difficultatibus obiecit, de quibus nunc deinceps ordine exponemus.

Idibus Maij, quae est Mensis 15. dies, conuocatis tempore pomeridiano ordinibus et ciuitatibus Imperialibus Cæsarea Maiestas, assidente fratre Rege, et c. per Archiducem Austriæ Maximilianum et c. significari eis curauit, se de Interiecti temporis libro rationes suas, et quantopere consultum rebus communibus cupiat scripto quodam comprehendendi curasse, id ut ordines recitari audirent, et huic obedientes se praestarent. Postea recitata Cæsaris de libro relatio fuit, quam propositionem vocant, sed liber ipse tum minimè est recitatus, qua recitatione absoluta, confidentibus in solijs suis Cæsare et Rege, Prin-

Principes Electores consurgentes, prope Cæsaris solium ad fenestram vicinam concesserunt, neq; ex Consiliariis quenquam adhibuerunt. Cæteri Principes qui tum præsentes erant, & absentium Legati similiter unum in locum ibi concesserunt, neq; ex his etiam ullus Consiliarium aliquem sibi accersuit. Idem fecerunt & ciuitatum Legati, atq; ita per unius fermè horæ spacium deliberatum, & sententiæ ex illis tribus consilijs communicatione facta collatæ, & tandem per Electorem Moguntinum in hanc fermè sententiam Cæsari responsum fuit: Electores, Principes, & cæteros ordines, de quibus Cæsar. Maiestas referri curasset, recitare audiuisse, & inde eos benigniss. animum & paternam curam atq; affectionem, qua esset erga nationem Germanicam, intellexisse, pro quibus ei subiectis. gratias agerent, Cumq; quid de intericto temporis libro fieri vellet, ostendisset, Electores, Principes, & ordines cæteros hac in parte obedientes se præstituros, & vt scire possent, qualia illius libri consulta essent, orare eos, vt describendi huius potestas ipsis benignè concedatur, &c. Ad hæc Cæsar per Archiducem significari curauit, se Electorum, Principum & ordinum responsionem benignè accipere, & vt ordines librum describi curarent, se non repugnare. Ita sequentibus diebus liber ille in Senatu Imperij recitatus tantum & descriptus fuit, neq; de hoc quicquam deliberatum, aut illa sententia rogatae fuere.

Narra-

Narravit autem postea suis Illustriss. Princeps Ele-
ctor Mauricius, se post recitationem factam relationis
Cæsareæ, antè quam Moguntinus responderet, Collegis
suis in communi deliberatione illa significasse, se de libro
recipiendo assentiri non posse, sed ad regionum suarum or-
dines, certis de causis, quæ Cæsari notæ essent, de hoc re-
ferri oportere. Postquam autem vinceretur cæterorum
sententijs, se ad Collegas suos his verbis usum. Ergò quæ
meæ res flagitant, cras Cæsari ipse indicabo, atq; ita postea
Moguntini responseñionem secutam eam quam exposuimus.
Quæ omnia & de scripto Mauricij ad Cæsarem infra cog-
noscentur planius. Idem in Principum consilio factum
fuisse alij questi sunt, ut illa Moguntini de improviso re-
sponsio magis assentatio quædam, quam eorum quæ in con-
sultationibus illis facta essent, plana relatio fuerit.

Publicato libro magna diuersitatis voluntatum,
& sententiarum distractio inter Augustane professionis
de religione consortes extitit, alijs prorsus hunc detre-
stantibus, alijs amplius deliberandum censemtibus, alijs,
qui minus attenti & sagaces essent, sine dubitatione ap-
probantibus omnia, alijs quædam tantum admittentibus.
Meminerant multi quid de Ratiſponensi libro à Luthero
factum esset, et de quatuor conditionibus, quas tum ille tu-
lerat duas in Augustano expositas videbant, coniugium
Sacerdotum, & Sacramentū Cœne integrum. Corruptelæ
autem libri neq; omnes, neq; statim, neq; ab omnibus de-

prehendi poterant, & erant qui disputatione, eandem de ius-
tificatione doctrinā in hoc esse, quam nostrae Ecclesiæ pro-
fiterentur, nōnulli iudicij imbecillitate labebantur, præser-
tim accedente metu à potentia Cæsaris, qui iudicium per-
turbare solet, sæpe etiam euertere. Si qui verò assentatio-
nibus in re tanta indulgendum sibi putarunt, de ijs honestè
dici nihil potest. Quare & consultationes tum atq; delibera-
tiones cum Theologis suscepτæ atq; initæ multiplices &
variae fuere, & quæsitiū atq; sciscitatū apud doctos, à mul-
tis diuersorum ordinum, gentium, dignitatum hominibus,
publico & priuato nomine, qualis ille liber esset, & apud
Philippum Melanthonem in primis, qui scribendis hac de-
re responsis obruebatur, in quibus colligendis non paruum
operæ preciū facturos existimamus, si qui susciperent, &
propter variam & multiplicem instructionem multis le-
ctionem illorum profuturam esse, in quo si à communicati-
onibus aliorū adiuuabimur, quas & nūc simul expetimus,
nostra opera utilitati publicæ nequaq; est defutura, Cap-
tus etiam Elector Princeps IoanFridericus, &c. Philip-
pi Melanthon. sententia de libro illo sciscitatusfuit. Sed
de alijs dicere nihil attinet. In præsentia itaq; de Mauricij
Principis actionibus narrationem persequamur.

Qua igitur die de libro referri Imperator curauerat,
& cum ordinibus ille vt communicaretur, permiserat, quæ
fuit Iduum, id est 15. Maij, vt diximus, postridie huius
omino de ijs, quæ res ipsius flagitabat Princ. Elect. Maur.
ad Cæsa-

ad Cæsarem referre expetebat, sed & deliberandum ei illa
die de modo fuit, et à rege, ut tum audiretur impetrare, nō
potuit, Tertia autem post, id est 17. Maij, accidit vt Im-
perator cum Principibus aliquot ex vrbe expatiaretur, &
valde vesperi reueteretur, Ita usq; ad 18. rem differre
coactus fuit, atq; hac die Imperator Principem Electorem
Mauricium ipse audiuit. Habebat Imperator secum Epis-
copum Attrebatensem & Seldium Iuriscons. Princeps
Mauricius, ex equestri ordine Præfectum vnum, & Iu-
risconsultum Fachium. Tum igitur Mauricius scriptum
quoddam, quod subiecimus, Cæsari in Palatio obtulit,
cum oratione huius fermè sententiae:

Imperatorem sine dubio reuocare sibi in memoriam posse,
qua ratione, & quibus conditionibus, negotium de Concilio, &
quomodo intericto tempore dum Conciliū decretis de re constitua-
tur, Sacri Rom. Imperij ordines pia inter se pace & quiete frui pos-
sent, hæc scilicet negotia, quibus conditionibus ipse Mauricius, ad
promissiones benignissimas partim sibi partim subditis ante hæc
tempora, Ratisponæ, & alias, de religione aliquoties factas, Impes-
ratori subiectissime permiserit, Imperatorem abic; dubio recordari.
Cumq; nuper liber, qui quid intericto tempore, dum Conciliū co-
geretur fieri oporteret, complecteretur, ad legendum ei traditus, &
simul à duobus Principibus, qui ab Imperatore mandata illa acce-
pissent, significatum ipsi fuisset, isto modo inter ordines concordiam
instaurari & conlensionem fieri posse, & quod communiter illa for-
mula uniuersis proponeretur, & æque ab uniuersis ordinibus serua-
ri deberet. Tum igitur & quid illis Principibus duobus responderit
non ignorari, & quid postea cùm Imperator ipse de eadem re secum
ageret in præsentia Regis & duorum aliorum Principum, tum etiam
quid illis præsentibus responderit, Imperatorem similiter reuocare
sibi in memoriam posse. Audiisse autem se, quid Imperator quar-
to die ante ad uniuersos Imperij ordines de illo libro referri curasset,
& ad illam relationem, quid nomine & loco uniuersorum ordinum

responsum fuisset, atq; tum quidem necessitatem sibi allatam, quæ flagitasset, ut statim illō tempore & loco de suis rationib; Imperatoris significaret, Imperatoris tamen dignitatis ratione habita, & ne speciem res haberet, quod in præsentia ordinum, exemplo malo, decreta conuellere, aut mouere aliquid uellet, & difficultates introducere, ideo se id facere omisisse, & quæ res ipsius flagitarent, scripto comprehendendisse, quod scriptum subiectissime tum Cæsari in manus traditum, & simul petitum fuit subiectissime, ne Imperator aliter existimare uellet, quam summa necessitate Principe Mauricium ad hanc rem adigi, & Imperator pro ihs, ut spem fecisset, & quæ promisisset benignissimè Ratisponæ, quasq; promissiones ab eo tempore & sibi & subditis suis aliquoties repetiuisset atq; renouasset, pro ihs igitur ut quam benignissime se exhiberet. Quicquid enim **PIE ET CVM BONA CONSCIENTIA** & salua dignitate sua facere posset, in ihs omnibus uelle se Imperatori obnoxiam obedientiam præstare.

Scripti autem, quod tum obtulit, sententia hæc est, quod quam simplicissimè de Germanico interpretantes, post exordium præfationis honoris & obedientiae debitæ, atq; officiorum delationem vfitatam ita sequitur.

BEnignissime Domine, uestra Cæs. Mai. in memoriam sibi benignè reuocare potest, qua ratione ego huic, de cōcilio negotiū, & quomodo interim dum concilij decretis aliquid constitutatur, Imperij ordines pie, tranquille & pacifice inter se uiuere possent, ad spem & pollicitationes partim mihi à maiestate uestra, partim subditis meis de religione perbenigne, & ante hæc tempora Ratisponæ, & alias, aliquoties factas, subiectissime permiserim. Cumq; postea consulta de ihs qui interiecho tempore dum concilium cogere tur, seruanda essent, mihi ad legendum tradita fuere, & simul à duobus Principibus significatum fuit, hoc modo inter ordines concordiam instaurari & confessionem fieri posse, dum Concilio, cuius modo mentio facta est, de rebus decerneretur, quodq; ab utrisq; partibus illa formula recipi communi consensu deberet, similiter meminisse C. M. V. potest, quale responsum ego præsente Romano Rege & duobus alijs Principibus tam meo quam subditorum meorum nomine tum dederim, & potuisse facile cogitare, si

care, si illa ab universis ordinibus consentientibus sententijs recepta
fuisse (neç enim aliter quam tum dicebantur, quam de omni utriusq[ue]
partis consensu accipiebam) etiam si meo loco refragari conatus
fuisse, parum tamen loci hoc habiturum. Postquam uero intellexi
ex ihs, de quibus ante diem ab hoc quartum acerbe relatum fuit,
quod ea non communiter utriusq[ue] partibus, sed alteri tantum ad
seruandum imponerentur, neç ego illud scriptum, quale nunc est,
& sicut à fide dignis hominibus ad me delatum est, aliquot in locis
immutatum, recitari adhuc audiuerim, ideo responsioni ei, qualis à
domino & amico meo Archiepiscopo & Electore Moguntino data
est, tam penitus & præcise assentiri non potui. Sed benevolentiae
ipsius, & cæteris collegis meis, tum statim de rationibus contra
hanc meis significauit, cumq[ue] hoc nihil proficeretur, tandem collegis
meis edixi, causam mihi afferri, ut de animo meo, & quid res meæ
hac in parte flagitarent, Cæsareæ Maiestati uestræ peculiariter indi-
carem, quod & tum statim facere cupiebam, nisi (in gratificandi
M. V. studio, ne in præsentia & conspectu multorum aliquid mo-
ueretur) in hunc diem usq[ue] id differri commodius existimatsem.
Itaq[ue] facere non possum, quin C. M. V. coactus summa necessitate,
significem, non tantum mihi hoc meo loco grauissimum esse, sed
& ad subditos meos (quibus ego ante hoc tempus, fretus à C. M.
V. spe facta & pollicitationibus ihs de religione, quarum supra
mentionem fecimus, multiplicia promissa & dedi & dare coactus
fui, quod idem & à V. M. etiam ipsa aliquo modo factum est) ex-
culari prorsus non posse, ut meam fidem ad seruandam formulam,
de qua relatum, cuiusq[ue] iam saepe mentio facta fuit, sine discrimine &
exceptione obligem, ante quam eam & legerim & scire possim, quo
nunc sit directa, & qualis nunc sit, & quid in hac mutatum, quid
non sit. Præsertim tali conditione lata, ut altera tantum pars illa
oneretur, alteri prorsus ab hac parcatur. Vereor etiam si ita fiat, &
tali modo res agatur, ne ad id, cuius causa suscepta res est, nimirum
ut piè, tranquillè & placidè inter nos uiuatur, non omnino sit pro-
futura. Nihilo tamen minus exemplo huius imperato cum meis
fidelibus subditis illam perpendam, & quicquid ego & ipsi PIE
ET BONA CVM CONSCIENTIA ullo modo facere
possumus, in eo & eum meo loco præstabo, & similiter apud
subditos meam diligentiam adhibeo, ut V. C. M. re ipsa experiaz-
tur, me in omnibus ihs, quæ ad piam & Christianam concordiam,
pacem & quietem, & ad C. M. V. obnoxiam obedientiam præ-

standam, facere posse videbuntur, in ijs inquam, haud libenter me, ut aliquid in me requiri posset, passurum esse. Quenadmodum enim hactenus feci, ita deinceps etiam C. M. V. omni tempore omnia debita officia, & obedientiam cum omni subiectione praestare conabor. Prescriptum Augustæ 16. Maij, Anno M.D.XLVIII.

V. C. M.

subditus

Mauricius Dux Saxo-
niæ Elector.

Ita igitur Princeps Mauricius Elector contra re-
sponcionem datam à Moguntino, & Augustanum li-
brum, oratione & scripto sententiam suam & Volunta-
tem testatam fecit. Hoc verò scriptum cum eius sen-
tentiae verbis, quibus dictum est, Cæsari fuisset à Principe
oblatum, Imperatore cum Attrebensi & Seldio delibe-
rata responderi iussit in hunc modum :

Cognoscere se, Principem Electorem superiores tractationes, & responcionem Imperatori ab ipso in præsentia Regis & duorum Electorum, datam, inducere, pro quibus agat, & scripti cuiusdam modo exhibiti mentionem facere, sc̄q; nonnihil relatione tali quodq; a cæteris ordinibus Princeps Elector secessio-
nem moliretur, offendit. His tamen missis, quicquid fiat, & quale-
cunq; hoc sit, cum de scripto quodam oblato Princeps Elector re-
ulerit, de quo causa ipsius cognoscatur, in quo fortassis pluribus il-
la agatur, uelle Imperatorem id scriptum cognoscere & perpendere,
& sic postea de sententia sua significare.

Ad hæc, pro responsione data Princeps Elector gratias egit,
& petiit ab Imperatore, ut scriptum traditum diligenter considera-
ret, tum Imperatorem animaduersurum, offerri à se obedientia suæ
omne studium, quantum & ad se & ad subditos suos attineret, in ijs,
quæ PIE ET SALVA CVM DIGNITATE ET
BONA CONSCIENTIA facere, & fieri omnino possent,
sc̄q; subiectissimo animo hanc spem concipere, Imperatorem pro
aliquoties

aliquoties repetitis promissionibus suis omnia benignissime facturum esse.

His responsum est. Imperatorem responsioni datae suae nihil addere. Hoc ita 15. Calend. Iun. ut diximus, in Palatio Cœfæris acta sunt in præsentia tantum eorum, quos supra nominamus.

Septima die post, id est 9. Calend. Iun. quæ est 24. Maij, Imperator in præsentia Regis Ferdinandi & Episcopi Attrebensis per Oratorem Seldium significari Principi Elect. Mauricio curauit hæc fermè: Principem Electorem Mauricium aliquoties & ipsum & per alios petijisse, ut ad suos redeundi benignè ei potestas fieret, Imperatorem verò facile cogitare posse, graue hoc ei esse tam diu eum à regionibus & subditis suis abesse. Sed cum aliter fieri non potuerit, & Sacri Romani Imperij negotia hoc flagitarint, ut tam diu detineretur, non potuisse se eum dimittere. Nunc verò Imperatorem ferre posse, ut in suas regiones ille se recipiat, & consiliarios ut suo loco relinquat, à quibus opera conferatur ad negotia quæ restent conficienda, in primis Burgundiacum, & ad Imperatoris hæreditarias regiones pertinentia, & contributionis de qua Imperator ægisset. Cum verò scriptum de interiecti temporis libro Princeps Elect. ipsi obtulerit, Imperatorem id legisse, & hoc se aliqua ex parte grauiter ferre, Principem Mauricium à reliquis Electoribus, Principibus, ordinibus, & ciuitatibus sejunctionem moliri. Et cupere Imperatorem, ne discedat ab alijs Principibus, & ut cum subditis suis agat, quo illi similiter ad

præ-

præscriptum libri de intericto tempore congruenter viuant. Quibus respondit Mauricius Elector, manere se in sententia priore, quam & Ferdinando Regi declararit, nec se quicquam re non prius cum regionum suarum ordinibus communicata, decernere posse. Præstiturum verò se Imperatori in omnibus, quæ fieri possint, obnoxiam obedientiam, eamque diligentiam apud subditos suos adhiturum esse, NE IN VLLA RE, QVÆ SALVÆ AD DEVVM PIETATE præstari possit, ab alijs se sciungant. His tum Cæsar acquieuit, & de bellicis quibusdam negotijs mandata dedit.

Post hæc Princeps Mauricius, Augusta discedens ad suos reuertitur, Quodque in consilio iam de conuocandis regionum suarum ordinibus, ad rem deliberandam versatur (id quod omnino fieri oportebat) & quod librum Augustanum aliquot iam in locis mutatum audiisset, Ideo antequam conuentum indiceret post superiora omnia Theologorum responsa, librum ita ut publicatus fuerat, ad Collegium Theologicum Academiæ nostræ mittit, & iudicium & sententias huius de singulis capitibus denuo in suos usus & suæ conscientiæ causa, & quod de eo ad suæ ditionis subditos ex promisso Imperatoris facto referre statuerat, exquirit. Ita denuo Theologi responsones suas de singulis scripto comprehendunt, quod confectum fuit 16.Iunij (quam diem precedente tertio Augustæ illa reformationis, de qua diximus formula, Pontificijs à Cæsare proposita

proposita & publicè recitata fuit) *Habuit hoc tantum
breues & ad ipsum Principem, qui has requirebat, dire-
ctas notationes atq; admonitiones de ijs, in quibus concedi
nihil posset, ita ut moneretur Princeps rursus, de quibus
evidentia Veritatis cogat eum refragari Imperatoris auto-
ritati, quæq; cùm ad ipsum Principem, tñm ad omnes per-
tinerent: quæ Verò propter obscuritatem aut perplexita-
tem in Principem conferre nollent, sed de quibus explica-
tionem accuratam & dextram suo ipsi loco & periculo
præstare vellent, Habetur & de hoc scripto Epistola D.
Crucigeri, quo cur hoc modo Scriptum compositum fuerit
moderatus exponit, quam inseruimus.*

E R V D I T I O N E E T V I R T V T E P R A E-
stanti viro M. Andreæ Kegel Filio suo carissimo.

Adfert ad uos M. Burcardus responsonem nostram ad li-
brum propositum Augustæ & publicatum , quæ etiæ est
mollior, quām scimus plerosq; uelle , tamen pro ratione &
temporis & hominum, quibus hæc nunc scribuntur , puto satiæ gra-
uiter responsum esse. Laudamus alios fortiores , sicut in ipsa Eccles-
ia Augustana audimus Musculum acriter contradicere , quod non
dubium est, iam fieri ubiq; ab omnibus pijs concionatoribus. Sed //
in scripto tali alijs consilium datur, quos neq; necesse est de omnibus //
quoquo modo disputabilibus materijs pugnare, & cōstat nō omnes //
esse pari animorum robore. Satis magna pericula ostenduntur, quæ
ut Deus gubernet pro sua misericordia, & seruet inter nos & in his
regionibus semen sanctum, ipsum oremus. Spero nostros constan-
tes fore, quos tandem necesse est constituere , utrum pacem an uer-
itatem malint. Sumus euocati ad conuentum Misnensem , indis-
cretum ad 1. diem Iulij. Bene uale. Nam ut breuior sim, facit
δ γραμματοφόρος, qui coram omnia narrare poterit , quæ hic sci-
mus. Die 19. Iunij.

Caspar Cruciger.

Y

Etsi aus

*Etsi autem scriptum hoc expressum postea typis
& editum fuit, & quidem primo omnium, tamen quod
narrationis series & continuatio omnino postulet, subjici
hoc loco curauimus, quod tale est:*

NOTATIONES DE CORR VPTELIS
*libri Interim scriptæ à Theologis Vuitebergen-
sibus, Anno 1548. Mense Iunio.*

PRÆFATIO recens præposita libro nobis nondum est exhibita. Ideò iam pronunciare, qualis ea sit, non possumus. Veruntamen audimus esse scriptum, ualde prægrauans nos, in quo quidem si dicuntur ex sententiæ, quibus & condemnantur Ecclesiæ nostræ, & postulatur comprobatio, seu receptio libri huius tanq; confessio, quod Ecclesiæ nostræ docuerint haec tenus falsa, quodq; petulanter accenderint dissidia: necessitas assertur omnibus recte sentientibus in nostris Ecclesijs opponendi ueram responsionem. Nam si post agnitionem Euangeliū ueritatem nosmetipſos hoc præiudicio scientes condemnaremus, ac insuper ad eiusdem ueritatis agnitione persecutionē nos obligaremus, esset hæc prorsus irremissibilis blasphemia. Qua ne polluamur aut implicemur, Deus clementer ac benigne prohibeat. Etsi autem proponuntur minæ bellorum ac uastationum, tamen anteferre & pluris facere debemus mandatum Dei, de non abiſcienda ueritate Euangeliū. Secundo. Doctrina de filio Dei & remissione peccatorum, est peculiare decretum diuinæ Maiestatis, quod Deus inenarrabili bonitate patefecit, & uile singulos homines eiusdem doctrinæ conseruationem adiuuare, ut hac commonefacti & ipsum uere inuocent, & salutem sempiternam consequantur. At Diabolus inde usq; à lapsu & receptione Adæ assiduis conatibus multiplices insidias ac fraudes expertus est, extinguendæ aut obscurandæ huius doctrinæ causa. Quod horribiliter ostendunt exempla. Quapropter summa uigilantia & acertimo studio cauere debemus, ne abducantur à uera doctrina, quemadmodum Deus ipse sè nos præmonet ac hortatur. Tertio. Consideretur & hoc: Si in harum regionum Ecclesijs restituerentur aut reciperentur manifesti errores in doctrina & cultus idolatrici, quantum tristissim

tum tristissimorum scandalorum ea res in Ecclesijs nostris esset parva
tura? Nam & plurimi p[ro]ij homines, ingenti moerore conficerentur,
& inuocatio uera impediretur &c. Hae grauiissimæ maximisq[ue]
momenti causæ exuscitent & exacuant curam atq[ue] sollicitudinem dis-
ligenter considerandi & prouidendi, quid in tanta deliberatione
statuendum sit. Nos quidem nec petulantia, nec curiositate, nec
superbia seu contumacia ulla repugnamus, ut à quibusdam falso
in nos confertur. Deus καρδιῶνών & introspectiens omnium ho-
minum corda nouit nos ex animo pacis esse cupidos, eamq[ue] nobis-
metipsis & nostra quoq[ue] causa, serio ac uehementer expetere. Sed
adigit nos ad confessionem ueræ doctrinæ, quæ sonat in Ecclesijs
nostris, seuerissimum & indispensabile Dei mandatum de non ab-
iicienda nec persequenda agnita Euangelij ueritate. Itaq[ue] euen-
tum & pericula nostra Deo commendamus.

Ac postquam nunc experientia conuincit, ac res ipsa loqui-
tur, Episcopos & horum satellites Romano Pontifici adiunctos nul-
lam conciliationem aut moderationem controuersiarum admittere
uelle, ideoq[ue] certum sit de doctrina atq[ue] ceremonijs quibusdam
mansuras esse dissensiones atq[ue] discordias, & Episcopos illos nolle
nobis ordinare ministros Euangelij & Sacramentorum: Certe multo
satius esset, nos interim domi fouere ac tueri tranquillitatem atq[ue]
coniunctionem nostrarum Ecclesiarum, quam tentandis nouis mu-
tationibus præbere causas & occasions domesticis tumultibus, in-
testinis discordijs, & tristibus scandalis inter nos, præsertim cum
constet fore, ut in multis regionibus & urbibus hic liber non reci-
piatur nec approbetur.

Cum autem dissimilitudo quedam sit partium & articulo-
rum in libro, quorum alij ueri alij falsi sunt, alij loquuntur de præciz-
p[re]uis capitibus seu articulis fidei, quos singuli homines tenere ac in-
telligere debent, alij uero de cæteris materijs non perinde necessarijs:
ordine de singulis articulis sententiam & iudicium nostrum ex-
ponemus, quæq[ue] uera esse iudicamus, ea nequaquam calumniose &
sophisticè deprauabimus aut impugnabimus, sed plane ac simpliciter
huiusmodi esse fatebimus. Contra, quæ falsa quæq[ue] corruptelis
implicita esse deprehendemus, ea minime decet nos amplecti & ap-
probare.

Initium libri de hominis creatione & lapsu, de peccato Ori-
ginis,

ginis, de liberatione seu reparatione per Christum, uera continet, & non reprehendenda. Postea uero pagina libri quarta in Articulo de Iustificatione reperitur haec corruptela, quod liber clare ponit, dilectionem esse iusticiam: Quae sententia & in pagellis sequentibus repetitur atq[ue] declaratur hs uerbis, de quibus c erto potest intelligi, hunc librum dissentire a uera doctrina, quae Dei benignitate traditur in Ecclesijs nostris, quod uidelicet homo sit iustus seu acceptus coram Deo fide propter Mediatorem Christum.

*Safja Jns:
sentia Con:
lata in
libro.*

Et quanquam liber dicit, per fidem peruenire homines ad iusticiam, tamen re ipsa sentit liber, fidem tantum esse præparacionem, ut deinde homo uere sit iustus dilectione: quemadmodum ipse liber expresse ac aperte loquitur, postea hominem reuera iustum esse per dilectionem. Qui ut amplius euoluat atq[ue] declarat se, dicit ueram fidem existere etiam in homine indulgente peccatis contra conscientiam, & non habente initia dilectionis. Item addit, propter dilectionem homines esse haeredes æternæ uitæ. Quorum omnium in fundamento, & re ipsa una est sententia, haec uidelicet: Hominem esse iustum, id est acceptum, & placere Deo propter dilectionem suam, & opera propria: sicut ante hanc ætatem Monachi docuerunt. Ita silentio supprimitur seu potius obruitur, in hoc Article, maxime necessaria doctrina de Fide, nempe, quod, etiam si necesse sit in nobis existere dilectionem ac iusticiam bonæ conscientiæ, tamen iusti simus, id est, accepti coram Deo, propter redemptorem & saluatorem Christum, hac fide seu fiducia ipsum intuente, & quod nequaquam placeamus propter propriam mundiciem seu punitatem. Hic ipse Articulus Dei beneficio in Ecclesijs nostris ita illustratus est, ut minime dubitemus, esse ualde multos homines, a quibus recte ac dextre intelligatur, quiq[ue] iudicare de hoc libro uere ac eruditæ posint.

Nos etiam fatemur, ac fideliter docemus, oportere contritionem, conuersionem ad Deum, dilectionem, bonum propositum & iusticiam bonæ conscientiæ in cordibus existere. Nam necesse est ueritatem huius dicti manere immotam, Qui non diligit, manet in morte. Necessario igitur concurrere ac simul existere debent multæ necessariæ uirtutes, Fides, dilectio, spes, bona conscientia, bonum propositum. Quemadmodum haec Dei beneficio in Ecclesijs nostris publice traduntur & explicantur copiose. Veruntamen supra & præter has uirtutes oportet adesse fiduciam amplectentem filium Dei, de qua dictum est, & hanc fidem prælucere, ac reliquias

quas uirtutes semper obumbrare oportet. Omnes enim uirtutes in nobis imperfectae sunt ac languidae, & in hac mortali uita plurimum impuritatis & sordium in cordibus humanis remanet. Ideo necesse est nos ad Mediatorem confugere, hunc apprehendere, per hunc gratiam seu misericordiam quærere. Ut testatur uox Psalmi, Non iustificabitur in conspectu tuo omnis uiuens. Et precatio Danielis, Exaudi nos non propter iusticias nostras, sed per misericordiam tuam propter Dominum &c.

Sic igitur nos quoque debemus ad Deum accedere afferentes hanc fiduciam acquiescentem in filio Dei, & scientes, etiam si dilectio ac cæteræ uirtutes in nobis inchoatae sunt, & inchoari necessario debent, esse tamen eas nimis imbecilles atque languidas, & fidem seu fiduciam filio Dei nisi debere. Et quando de iusticia, ut illi nominant, infusa seu inhærente dicitur, non debet excludi haec fides & uiua seu uiuistica fiducia, cum sit una ex summis & summe necessariis uirtutibus. Imo, haec ipsa fiducia parit & exuscitat consolationem, dilectionem, inuocationem, & uitam in cordibus, ut scriptum est Gala, 2: Quod autem nunc uiuo, in fide uiuo filij Dei. Ac ne quidem existere in corde, aut manere, seu retineri possunt dilectio & consolatio, nisi haec fides atque fiducia præcedat, seu præluceat.

Incogitanter itaque dictum est in libro: Hominem postea uere iustum fieri dilectione: cum tamen illa iusticia, qua Deus nos gratias recipit propter Mediatorem, & qua infirmitas nostra tegitur a Mediatore, uelut umbraculo, anteferenda sit in infinitum nostræ dilectioni. Certe in ueris patioribus ac periculis, cum seruis animi mortibus sit inuocatio, non querimus nostram dilectionem ac propriam mundiciem. Sed cohorescimus potius ad conspectum magnitudinis misericordiarum & peccatorum nostrorum, adeoque cogimur, querentes consolationem, confugere ad unicum propiciatorem, ingenti misericordia & admiranda sapientia diuinitus nobis proposatum. De qua uiuistica consolatione Paulus inquit: Iustificati fide pacem habemus.

Ac quod haec ipsa doctrina sit immutabilis uox & perpetua sententia Euangeli, sonantis in Ecclesia inde usque a restituione Adæ, totius Propheticæ & Apostolicæ scripturæ consensus euidenter conuincit, Ideoque S. Paulus proponit nobis uelut ob oculos exemplum Abrähæ, illustrans enarratione sua dictum. Credidit Abraham Deo, & imputatum est ei ad iusticiam, hoc est, Etsi Abraham habet multas excellentes uirtutes, tamen coram Deo iustus &

acceptus est fide, qua credit se recipi à Deo reconciliato & propicio iuxta promissionem suam. Etsi autem hæc doctrina lux omnibus æstatibus subinde obscurata est, mansit tamen apud pios & eruditos in Ecclesia, & semper manebit, ut singulorum piorum, & exercitia spiritualia intelligentium quotidiana experientia testatur. Proinde corruptela est in libro, quod ponit dilectionem esse ueram iusticiam, & singit fidem tantum noticiam, qualis est in Diabolis: & addit, Hominem esse hæredem uitæ æternæ propter dilectionem. Ita deducit hominem ad conspectum suarum uirtutum, & obruit silentio hanc consolationem, qua iubemur credere, quod Deus omnes agentes poenitentiam & acquiescentes fiducia filij Dei, per hanc fidem certo recipiat, & acceptet ad uitam æternam. Quod uero dicunt aliqui, Librum à nobis non intelligi: hoc quale sit, illi dirident, qui de libro scribent prolixius & accuratius, tunc, postquam publicatus in lucem prodierit. Nam quantumuis hic subtiliter excusat, collectis ac excerptis hinc & inde particulis quibusdam, tam subinde dissentit à se, ac passim libimet ipsi contradicit.

Cum ergo hunc Articulum, de Iusticia & acceptatione hominis coram Deo, singuli homines debeant quam rectissimum cogitum habere, & ut filio Dei tribuatur debitus honos, & ut habeant conscientiae ueram & firmam consolationem, singulis hominibus cum doctis tūm indoctis est opera danda, ut diuinitus pastefacta Euangeliæ doctrina depulsi tenebris conseruetur incorrupta. Propterea non possumus suadere, ut liber à quoquam, hac in parte, recipiatur. Et quia constat nulli creaturæ siue in cœlo siue in terra licere admirandum Dei consilium reuelatum in Euangelio mutare, nos quoq[ue] deinceps, Deo iuuante, fideliter proponemus & declarabimus eandem doctrinam de fide & bonis operibus, quam in his Ecclesijs iam multos annos docuimus & illustrauimus. Est enim in scriptis diuinitus traditis clarissime comprehensa & expressa.

DE ECCLESIA ET EPISCOPIS.

AB undecima librī pagina usq[ue] ad decimam octauam disputatur quid sit Ecclesia, declamatitur item de ordine ac potestate Episcoporum. Cui disputationi passim insuta seu intexta

XV

Intexta sunt quædam membra & capita, quæ optimo iure possent ab eruditis impugnari & exagitari. Sed cum sermo disputationis huius, propemodum ad finem usq[ue] illius Articuli, constet nimis generalibus & ambiguis seu flexiloquis dictis, non suadetur, ut benignissimus dominus noster de hoc articulo contentiose pugnet. Verum est, Ecclesiam esse congregationem recte credentium, nec esse faciendas seunctiones ab Ecclesia, sed reliquum est certamen de hac quæstione: Qui nam sint recte credentes? Ac quoniam crimen seunctionis seu dissensionis ab Ecclesia insidiose ac inuidiose exaggeratur ad nos cōtumeliose prægrauidos, uicissim nobis affertur necessitas opponendi hanc ueram responsonem, quam & liber Augustanus admittit: Est immutabile Dei mandatum, ut Doctores seu ministri Ecclesiæ improbent ac taxent falsam doctrinam, & impios cultus. Iam, cum defensores falsorum dogmatum & cultuum, nolunt cedere ueritati, ac sequuntur inde distinctiones & dissidia, constat non miseros & pios homines, qui ueritatem profitentur aut approbant, sed patronos impietatis & persecutores ueritatis illos, in necessarijs præsertim & magni momenti controversijs, reos & supplicijs dignos esse coram Deo. Hæc luce meridianâ clariora sunt. Notum enim est omnibus perspicuum Pauli dictum: Si uel Angelus de cœlo aliud Euangeliū docuerit, Anathema sit.

Quod autem multi magni errores, & abusus adhuc hodie defendantur à Pontifice Romano & huius factione, manifestum est. Quia liber ipse reprehendit errores quosdam, quos recentes Synodi, Tridentina & Bononiensis, stabilire seu confirmare coenatae sunt. Hæc sufficere iudicamus, hoc quidem loco & tempore, ad excusandas nostras Ecclesiæ. Præterea oramus benignissimum dominum nostrum, & ordines harum regionum laude dignissimos, ut, Si requisiuerint ac postularint obedientiam Episcopi, rationibus atq[ue] consilijs prudenter initis ita cum his agatur, ne persequantur ueritatem, neue Ceremonias Idolatricas in his terris restituant.

Postremo, mouemur necessarijs causis, ut hoc etiam significandum iudicemus: Etsi non imponimus cuiquam tantum oneris, ut exponat se periculis propter obscuras disputationes, insidiose huic articulo inuolutas seu intextas, properea quod nec omnes eæ pariter necessariæ sunt, & dijudicatio controversiarum quarundam indiget firmis atq[ue] probatis testimonij Ecclesiæ ueteris, quæ conquirere

quārere seu proferre non cuiusuis est labor: Tamen hoc reseruari integrum, liberumq; cupimus & nobis meti ipsi & alijs, ut unusquisq; proprio periculo suo, de his & alijs controvērsijs atq; disputationibus piam & utilem explicationem instituere ac in sua confessione differere possit. Quod enim liber in hac parte & hoc loco declamat de Concilijs, & potestate interpretationis, de his materijs permulta restant diligenter excutienda & explicanda. Deus, immensa bonitate testimonijs editis, patet factiones proposuit de essentia & uoluntate sua, Has audire, ac firma assensione amplecti debemus, nec ut in humana politia seu ciuilli gubernatione, certae personæ tribuere autoritatem & potestatem interpretationes suo arbitrio adiiciendi.

DE SACRAMENTIS.

DE Baptismo nihil est certaminis, cum nostræ quidem Ecclesiæ de Baptismo infantium, & cæteris articulis coniunctis, pie ac utiliter pugnauerint, ac monstrauerint uera ac firma fundamenta, quibus multiplicia Anabaptistarum deliria refutantur, ita ut profuerint hi labores nostrorum certaminum ad piam & salutarem explicationem seu declarationem multorum Articulorum doctrinæ.

DE CONFIRMATIONE ET Vnctione.

NE quidem de Confirmatione ac Vnctione suademos, ut contentiose pugnetur, praeterquam quod ad reprehensionem invocationis sanctorum, & aliorum manifestorum abusum attinet, de quibus paulo post dicturi sumus. Ac quanquam uehementer nobis displiceret tantopere prædicari hos humanos ritus, Confirmationem ac unctionem, ut cæteris Sacramentis uel annumerentur uel comparentur, alligata ad usurpationem earum spiritus sancti efficacia, cum quidem manifestum sit, in speciem duntaxat hos fucosos colores atq; prætextus utriq; ceremoniæ illini & affingi: Præcidemus tamen disputationem de his ritibus hoc loco, reseruantes eam integrum, ac relinquentes propriæ cuiusc; confessioni. Cæterum nequaquam probare possumus horrendas illas blasphemias, ut Pastores, seu Ministri nostrarum Ecclesiarum, adigantur ad recipiendas uel administrandas tales unctiones & Magicas consecrationes,

De qui-

De quibus falsa præconia extant in Pontificalibus & Agendis, quod administratione horum rituum spiritus sanctus, remissio peccatorum, & alia diuina beneficia, protectio denique ac defensio aduersus diabolum detur atque conferatur hominibus, quodque ad salutem cum animalium tum corporum mirifice conducant.

DE POENITENTIA.

DE Poenitentia norunt omnes sani, doctrinam Monachorum ante hanc ætatem, in hoc articulo potissimum fuisse plenam horrendæ coecitatis & errorum insignium, Nec potuisse hos ullam certam & firmam consolationem conscientijs ostendere. Imo nullum prorsus reliquissimum consolationi locum contraria doctrina proposita & inculcata, quæ præciperet, dubitandum esse de remissione peccatorum, & in hac dubitatione perseverandum. Ad hæc onerarunt Monachi conscientias impossibili enumeratione singulorum delictorum, & implicuerunt laqueis errorum multiplicium de satisfactionibus, imposturas denique indulgentiarum, religiosarum peregrinationum & infinitarum superstitionum iudicem artifices impudenter architectati seu commenti sunt. Hi tanti errores ac abusus præbuerunt primam occasionem & causam his certaminibus atque dissidijs, quæ de doctrina religionis mota & excitata sunt. Quia pios & doctos concionatores coegit officij ratio, tam crassos errores, tamque tetras blasphemias taxare ac reprehendere. Hac itaque occasione doctrina de poenitentia, Dei benignitate & auxilio, ex ipsis fundamentis atque fontibus, adeo illustrata est, ut omnes sani fateantur, hanc ipsam piam explicationem in Ecclesijs nostris, cum ueram esse ac consolatione plenam, tum ad ueram inuocationem Dei, & agnitionem Euangelij plurimum conducere.

DE CONFESSIONE,

Confessio quoque in nostris Ecclesijs diligenter est retenta, sic tam men, ut accederet pia declaratio, qua inuitarentur homines ad querendam seu petendam absolutionem. Nos enim ob multas grauiissimas causas iudicamus necessarium esse, ut conservetur ministerium absolutionis priuatæ, Quod quidem insigne testimonium est, peccata remitti in Ecclesia, & lapsos post Baptismum posse recipi. Est & hoc laude dignum, si sit communis confessio & humiliatio, qua petentes absolutionem significant & profiteantur, quod agnoscant se peccatores & reos esse coram Deo, Veruntamen

Communis
Confessio

interea nolumus conscientijs hoc periculose & minimè necessari-
um onus imponi, uidelicet, opinionem de necessitate enumeratio-
nis peccatorum in specie. Quia uero in hoc articulo de singulorum
conscientijs agitur, nos quidem non suademus, ut alij hanc partem
assensione sua comprobent.

DE SATISFACTIONE.

DE Satisfactione minus horridè & absurdè loquitur liber,
quam olim docuerunt Monachi. Vtitur autem sermonibus
propter generalitatem ambiguis, & indigentibus multa de-
claratione. Propterea & hunc Articulum relinquimus propriæ cus-
iusq; confessioni & enarrationi.

DE COENA DOMINI.

DE Sacramento Corporis & Sanguinis Christi, publica Eccles-
iarum nostrarum doctrina non contradicit libro, sed si re-
quiratur uberior declaratio huius articuli a quoquam, illi
per nos integrum ac liberum est in sua confessione hanc instituere.

DE ORDINATIONE MI- nistrorum.

Ordinationem ministrorum Ecclesiæ non displicet nobis inter
Sacraenta numerari, modo recte ac pie usurpetur. Certe
optaremus eam ubiq; locorum & regionum magna diligen-
tia administrari, ac ita quidem, ne retineretur tantum externus ritus
ordinationis, tanquam ociosa ceremonia seu spectaculum quoddam,
sed ut accederent examina, in quibus ordinandi diligenter audire-
tur ac fideliter erudirentur, Item ut ad ritum externum adiunge-
rentur ueræ & ardentes precationes, Deniq; ut postea quoq; assida
fieret inspectio, & diligens exploratio doctrinæ ac morum ordinati
ministri.

DE CONIVGIO.

DE Coniugio necessarius est hic Articulus, ut in diuortijs per-
sonæ innocentij concedatur contrahere aliud coniugium.
Quare non est probandus locus in libro determinas modum
seu metas diuortij, tantum societate conuictus & thalamij coniugalis
dirempta.

DE

DE MISSA.

LIber fatetur Missam non mereri remissionem peccatorum : Hoc est omnino uerum. Quod autem præterea citantes ex ue-
tuſis & nouis scriptoribus Ecclesiasticis, multa dicta de Sacriſ-
ficio congerunt, ad confirmandas & stabiliendas suas Missas priua-
tas : abutuntur dictis admodum generalibus, quibus nequaquam
difficile foret opponi ex Augustino & alijs firma & perspicua testi-
monia, seu fundamenta, unde planum fieret, generalia illa dicta mi-
nime patrocinari priuatis Missis & Sacrificio ipsorum.

Etsi enim scriptores Missam nominant Sacrificium, tamen
ipſi ita hoc interpretantur atq; declarant, loqui se non de Sacrificio
propiciatorio, seu meritorio remissionis peccatorum, nec de tali ob-
latione, in qua sacrificulus offerat æterno Patri Filium : Est enim hoc
proprium solius filij Dei opus & officium, sese offerre æterno Patri,
iuxta textum Ebreos 9 : Hic per proprium sanguinem intrauit semel
in sancta Sanctorum æternam redemptionem inueniens, stat perpe-
tuo coram æterno Patre Filius, ut propiciator, & pro nobis inter-
pellat seu deprecatur in illo arcano consilio diuinitatis, quod ueris-
sime est sanctum Sanctorum : sed loqui se de sacrificio humano seu
Eucharistico, uidelicet, q; Missa sit gratiarum actio, & recordatio talis,
in qua fide petitur & accipitur remissio parta seu donata, per & pro-
pter filium Dei, & quod hæ petitiones ac gratiarum actiones exer-
cendæ seu usurpandæ sint in cōmunione, seu distributione publica
cœnæ, quemadmodum in uerbis Euangeliū mandatum & institu-
tum est. Ceremonia enim per se, sine his motibus cordis fide, in-
vocatione & gratiarum actione, non est sacrificium. Hæc satis sit
in præsentia respondisse de dictis ueterum scriptorum Ecclesiastico-
rum, de quibus offerimus nos ad copiosorem declarationem quo-
cunq; tempore. Cæterum quia totius Ecclesiæ permagni inter-
est hanc causam recte explicari, & Missa multipli prophanatione
ad ingentes abusus est translata, propter quos haud dubie Deus pu-
nit mundum tot insignibus calamitatib: ut scriptum est : Qui sumit
indigne, reus est corporis & sanguinis Christi: Propterea cum pro-
pter gloriam Dei, tūm ob salutem hominum debebat à singulis in
hac controuersia uero & uigilanti studio & inquiri ueritas, & eiuldem
inuentæ ac patefactæ conseruatio fideliter adiuuari. Eſq; hic
Articulus annumerandus illis, quos in genere ad omnes homines,
tām indoctos quām doctos, pertinere diximus. Idcirco ut breui-

Nter respondeatur ad quæstionem, Vtrum restituendæ sint priuatae Missæ, hoc est, quæ seorsim celebrantur absq; communicantibus, Vtemur hac responsione: Nos fideliter suadere, ne restituantur in Ecclesijs nostris Missæ sine communicantibus. Et ratio maxime perspicua est: Non est instituendus ullus cultus in Ecclesia non expresse ordinatus & præceptus in uerbo Dei. Iam usus Sacramenti sic , & non aliter, institutus est, ut fiat distributio & sumptio, iuxta ordinationem filij Dei : Accipite, manducate, Hoc facite in mei recordationem &c. Et hic mos , aliquot seculis post Apostolos retentus, in usu fuit priuatae ac ueteri Ecclesiæ.

Quare primus hic & uetusissimus ritus, congruens cum uerbis & institutione Christi, certò pius , ac studiose obseruandus est, nec debent institui uel adiungi alia opera non ordinata , nec præcepta in uerbis Euangeli. Quid , quod nec olim ubiq; locorum quotidie Missæ celebratae sunt ? Sed Alexandriæ, ut in ampla urbe, communio ter intra unius septimanæ spaciū celebrari solita est, uerbi causa, die Dominica, feria quarta, & sexta, In alijs uero ciuitatibus multis, tantum diebus Dominicis & Festis. Haec uetus & præclara consuetudo adhuc in nostris Ecclesijs , dei beneficio , seruatur cum summa reuerentia, sic ut ordine fiant conciones, lectiones, prestationes & gratiarum actiones. At si aliud opus , restitutis Missis priuatis, inueheretur in Ecclesijs nostras, tam triste scandalum uulneratum esset multorum animos, qui prorsus à communione deterrentur. Præter hæc, plura intolleranda huic Articulo de Missa inuoluta seu adiuncta sunt, ut impius Canon , inuocatio Sanctorum, & Missæ quæ pro mortuis celebrantur. Nam Canon expresse dicit , hoc opus à sacrificulo fieri ad redemptionem animarum &c. Ex his uerbis omnes indocti hanc arripuerunt & imbibierunt persuasionem, quod opus Missatoris mereatur remissionē peccatorum . Quæ tamen opinio repugnat etiam libri Augustani sententiae. Leguntur & alia absurdissime dicta in Canone, ut cum sacrificulus orat, recipi à Deo hanc oblationem , quemadmodum placuit oblatio Abel: cum tamen intelligat offerri filium Dei. Et in summa , Tantum est horribilium abusuum & profanationum in Papistica consuetudine , ut toto pectore contremiscamus, quoties de his uerba facienda sunt. Ac petimus, ne quisquam oneretur hac impia restitutione,

*Error
papalis.*

DE

DE INVOCATIONE SANCTO^{RUM}.

INuocatio inuisibilis & absentis naturae, tribuit ei quem inuocat hunc honorem, quod introspiciat singulorum hominum corda, quodq[ue] ueros gemitus à simulatis discernere ac dñjudicare pos sit. Talis honor tantum competit atq[ue] debetur naturae diuinæ & omnipotenti, Ergo inuocatio Sanctorum est Idolatrica. Quod autem ueritatis eludendæ causa finixerunt, Deum peculiari retielatione gemitus & preces inuocantium patefacere Sanctis, qui ex hac uita discesserunt: impudens est nec ullis innixa fundamentis oratio, cui nos quidem opponimus hoc grauissimum dictum: Dominum Deum tuum adorabis &c. Quod præterea Sanctos inuocari dicunt, tanq[ue] ministros & intercessores: ne hæc quidem uel iusta uel idonea est excusatio, Nam Inuocatio per se testatur omnipotentiam tribui naturæ inuisibili, ad quam sit compellatio. Deinde, Non sunt querendi aut constituendi alij mediatores & intercessores, præter filium Dei. Tertio, Toti mundo notissimum est, Sanctos non solum cultos esse honoribus, qui Mediatori debentur, sed humana superstitionem multo procelisse longius, nominatim petendo à singulis, tanquam opitulatoribus, certa beneficia. Hæc tetra Idolatria stabiliretur ac confirmaretur, si semina, & formæ inuocatiōnum retinerentur, de quibus Liber meminit. Quarto, Non est inuehendus ullus cultus in Ecclesiam non institutus expresso uerbo Dei, Sed cultus sanctorum nullo mandato diuino comprobatur, ut manifestum est. Quinto, Corda hominum nec possunt nec debent inuocare, tantisper dum ignorant utrum Deo placeat inuocationis forma quam sibi delegerunt. Nullum autem proferri potest testimonium ex uerbo Dei, quod doceat hac forma inuocacionis utendum esse: Imo extant severissimæ prohibiciones, quæ docent unicum Deum, æternum patrem Domini nostri I E S V CHRISTI cum coæterno filio & Spíritu sancto, inuocandum esse, & quidem mentione ac fiducia mediatoris, Et constat manere firmissimum nec in omnem æternitatem labefactari posse dictum, Quicquid petieritis Patrem in nomine meo, dabit uobis. Hic unus filius nobis propositus est, & constitutus, ut sit mediator, propiciator & deprecator.

N Aduersus hæc narrat liber, non tantum de intercessione, sed etiam de meritis sanctorum, quod magis adhuc reprehensionem meretur. Hoc uero quam impudens est mendacium, quod refert Iacobum Patriarcham docuisse liberos suos inuocare Abraham, Isaac & ipsum, Sycophanticè detorquendo dictum Genesis 48. Inuocabitur super eos nomen meum & nomina patrum meorum, ubi hæc sunt uerba textus, ipsi nominabuntur filii mei, & Isaac, & Abraham, patrum meorum, quasi dicat, Testificor ipsis, inter filios & posteros meos, hæredes fore politiae mihi, Isaac & Abraham promissæ, seu certo habituros sedem Ecclesiæ & politicum regimenter, ac multos ex ipsis futuros hæredes æternæ salutis. Hac uera & nativa sententia reiecta liber falsam & alienam comminiscitur de inuocatione, &c. Eodem artificio multa alia scripturæ dicta absurdis interpretationibus in libro deprauantur. Hæc cum ita se habeant, manifestum est neminem debere sua suffragatione seu assensione comprobare hunc articulum libri, in quo sanctorum inuocatio præcipitur, & confirmatur. Ceterum habere cognitam historiam totius Ecclesiæ ab initio usque ad finem, multipliciter conduit in omnes partes, ut hinc testimonija sustmantur, Deum perpetuo seruare suam Ecclesiam, & ut eidem agantur gratiae, quod sele patefecit in ueris sanctorum historijs, Item, ut erudiamus & confirmemus nosmetipso intuendis seu recordandis exemplis sanctorum. Ad hos usus uere sanctorum historiæ commemorari solent apud nos in concionibus & populo proponi, Quod etiam deinceps à nobis non negligetur.

DE MISSIS FVNEBRIBV.

Missa funebres, seu quæ pro mortuis celebrantur, sunt cere moniae communissimæ in Monasterijs, & alijs templis omnium fere regionum, propterea quod quæstuosæ sunt, Ac constat introductis missis funebribus agminatim multos errores simul in mundum irrepisse, Quos enumerare iam prolixum foret. Est autem per se profanatio quædam sacramenti, applicare id pro mortuis, cum coena sit instituta ad excitandam & confirmandam fidem in uiuentibus, Item, ad recordationem. Iam mortui non adsunt, ut unâ recordentur. Vanissimum uero est ac nullis prorsus innixum fundamentis, quod dicunt sacrificulum hac ceremonia mortuis mereri, &c.

Quare

Quare nec hic articulus libri ullo modo recipi aut approbari potest. Porro, dictum citatum ex Dionysio de sepultura, ne uero quidem mentionem facit Missæ, ut nec exempla quorundam, qui pro mortuis orarunt, patrocinantur Missis funebrisbus. Hæc de hoc loco in præsentia monuisse sufficiat.

DE CEREMONIIS.

IN nostris Ecclesijs retentæ sunt præcipuae ceremoniæ conducedentes ad bonum ordinem, ut celebratio diei dominicæ & solennium festorum, usitato ordine lectionum & cantionum in paucis mutato. Has elegantes ceremonias studebimus & in posterum conservare. Ac si in huiusmodi rebus Adiaphoris, seu indifferentibus & medijs, bono concilio & graui deliberatione eorum, quibus commendata est Ecclesiarum gubernatio proponentur ac constituentur, ea quæ ad similem formam rituum & honestatem disciplinæ pertinere ac conducere uidebuntur, summa uoluntate adiuuabimus & concordia seu similitudinis rituum, & honestæ disciplinæ conservationem. Nolumus enim rixari de huiusmodi rebus Adiaphoris, quod ad externum usum harum attinet, quemadmodum non offendimur, cum hic carnibus, ille piscibus uesci mauult. Verum tamen hoc acerrimo studio interim prouidere oportet, ne doctrina de discriminе uerorum Dei cultuum, ac huiusmodi indifferentium, ut nominant, & non necessariarum rerum, deleatur, sicut ante hanc ætatem ferè fuit extincta prorsus. Qua de re Augustinus suo seculo, & ante centum annos Gerson, & recentioribus adhuc temporibus ante quinquaginta annos, VVesselus Basilæ, VVesalia Moguntiae, & alibi alijs, grauiter questi sunt. Quantumuis enim subinde taxentur errores in maxima multitudine coetus illius, qui nominatur Ecclesia, tamen in aliquibus manet agnitus Dei uera, inuocatio uera, & intellectus coelestis doctrinæ sincerior ac purior, quam in collusione illa magnæ multitudinis. Estq; severa Dei uoluntas, ut omnes de ueris Dei cultibus fideliter erudiantur.

Cæterum quod ad Cantiones attinet de sanctis, iam ante dictum est, inuocationem non esse recipiendam. Et quia nos in nostris Ecclesijs non diuidimus nec mutilamus sacramentum, ideo omittendæ sunt etiam pompæ processionum, in quibus una pars cœnæ Domini circumgestatur. Ad hæc, uerissima est Regula, Sacra menta duntaxat suo in usu, ad quem expresso uerbo Dei sunt instituta,

instituta, uere Sacra menta esse, nec ullam ceremoniam habere rationem Sacramenti, cum transferatur ad aliud opus, extra & præter usum diuinitus institutum. Proinde spectacula Processionum, impiæ sunt, nec debent confirmari aut restituui ullo modo. Prærea, norunt ipsi aduersarij ueræ doctrinæ, Missas priuatas, iuocationem Sanctorum, Missas funebres, Pompas processionum, & plures alias similes obseruationes atq[ue] consuetudines, etiam si utcunq[ue] possent excusari, tamen nec necessarias, & periculosas esse, ac exemplo restitutionis horum rituum tum stabiliri ac confirmari tetros errores ac abusus apud alios, tum in nostras Ecclesiastis eosdem rursus inuehi seu introduci, Item, fore ut scandalis inde ortis ualde saudientur ac perturbentur animi multorum piorum, Deniq[ue] futurum esse, ut renouata persecutione multi ministri Ecclesia, & aliae personæ, uel in exilia pellantur, uel in uincula coniungantur, uel fortassis etiam interficiantur.

Cum igitur hæ regiones Dei beneficio iam mediocriter florent, amplius aliquanto quam cæteræ multis egregijs Dei donis ornatae, uidelicet Ecclesiarum consensu & tranquillitate, mediocri disciplina, iudicijs, legibus, rebus necessarijs ad uitium, studijs honestissimarum artium, nullo modo suadere possumus, ut hunc mediocrem statum nosmetipsi uiolando præsertim mandatum diuinum, perturbemus ac conuellamus. Et quia scriptum est, Quod est ex Deo, non abolebitur, euentus & experientia testabitur, etiam si mutationes Ecclesiarum in aliquibus locis & tentabuntur & inchoabuntur, tamen hanc ipsam doctrinam, quam profitemur, in alijs regionibus & Ecclesijs manu ram esse, ita ut liber, qui nunc nominatur, Interim, parum profuturus sit ad sarcendam seu constitutuendam concordiam. Quod uero bellum metui dicitur, huic terrori hanc moderatam & submissam responsonem opponimus: Potestas poterit ipsa secum perpendere ac statuere, quid pro defensione Ecclesiarum, ratione sui munieris ac officij, suscipere ac sustinere uel possit uel debeat. Nos quidem, ut homines priuati, Deo auante parati sumus & ad exilia & ad supplicia, si sit opus, perserenda.

Quod autem non lenioribus, quam de quibus commemorauimus, consilij sententias nostras moderati sumus, id nec petulantiae, nec superbiae aut contumaciae tribuatur, sed cogi seuerissimo Dei mandato, de non abscondenda nec persequenda agnita ueritate, iudicemur, Speramus quoq[ue] hoc ipso de scripto euidenter cognosci

Ad bellum
quo minav:
fui doctore

B:

cognosci posse, nos nec de dignitatibus, nec de opibus ullis pugnare, sed tantum de necessaria doctrina & ueris Dei cultibus dicere.

Ideoq; nec Magistratum nec reliquos ordines onerare uolumus disputationibus paulò subtilioribus aut obscurioribus, quarum fontes & fundamenta ne quidem possint ab omnibus intelligi aut perspicisci, sed cupimus hoc nobis & alijs, quorū functio seu uocatio est docere alios, reseruari, ac integrum liberumq; relinqui, ut de his materijs disputabilibus unusquisq; proprio periculo respondat in sua confessione. Nec tamen uolumus de ullo articulo quicq; quam noui, aut discrepans à sententijs Ecclesiarum nostrarum doceare, præter hanc unicam ueram doctrinam, quæ Dei beneficio in Ecclesijs harum regionum ab eruditis & pijs, uelut una uoce & uno consensu traditur, quæ ex scriptis Academiarum Lipsicæ & VVitebergensis alijs gentibus innotuit. Quod quidem doctrinæ genus esse perpetuum Catholice Ecclesiæ Christi intellectum & consensum, ab initio Ecclesiæ usq; hæc tempora, minime dubitamus. Porro testamur notationes has & significationes iudicij nostri de lib. Augustano, huc potissimum spectare, & hunc præcipue finem insueri, ne turbetur tranquillitas & coniunctio harum Ecclesiarum, sed ut consentientes in pia inuocatione Dei, & ueris Dei cultibus permaneant. Etenim cum conscientiæ scandalis uulnerantur, ualde languecit ac turbatur inuocatio, unde sequuntur multiplicia peccata, in primis uero contemptus, & indignatio, seu fremitus, aduersus omnes religiones; Quibus peccatis ne polluamur aut impliqueamur, Deus benignè ac clementer prohibeat.

Ac quia recens literis aliunde missis, certiores facti sumus, in præfatione libro præposita seuerissimè prohiberi, ne quis hunc librum Interim uel concionando uel docendo uel scribendo taxare aut reprehendere instituat: necessitas nobis affertur, qua deceat animi subiectione breuiter commemorandi ea, quæ sequuntur: nempe, nos ueram doctrinam Ecclesiarum nostrarum, quam tradidimus hactenus, nequaquam mutare uelle. Nec enim licet illi creaturæ mutare ueritatem diuinitus patefactam, Nec quisquam debet abijcere ueritatem agnitam. Quare cum liber qui nominatur INTEGRIM, in ijs Articulis, quos notationibus nostris perstrinximus, aduersetur ueræ doctrinæ, non possumus facere, ineuitabili necessitate adducti, quin & interrogati ueras de eo sententias dicamus, & ultrò pro officijs nostri ratione alios præmoneamus; Quorū utruncq;

A a

facturi

N

N

N

confessio
anima vera

*O Deus exaudi pre-
cos nostros.* facturi sumus, ea lenitate ac moderatione, quæ pietatem Christiæ nam cum primis decet. Itaq; pericula nostra omnipotenti & æterno Deo, Patri redemptoris ac liberatoris nostri, Domini Iesu Christi, commendabimus. Postremò cùm Deus inenarrabili bonitate sibi colligat æternam Ecclesiam, ut admirandum suum consilium hac de re longè superans omnium creaturarum captum, ut sapientiam, im- mēsa misericordia reuelauerit, toto pectore oramus, ut ipse hāc suam coelestem doctrinam perpetuo conseruare ac tueri, & in his quoq; rez gionibus semper æternam Ecclesiam sibi colligere, & ad hoc ipsum salutaria regimina concedere uelit. Die Junij 16.

D. Iohannes Bugenhagen Pastor.
D. Caspar Cruciger
Georgius Maior D.
Philippus Melanthon.
M. Sebastianus Froschelius.

Hoc scriptum cùm priuatum esset, & Principi tunc comparatum de priuata communicatione, peruenit in manus M. Andree Kegelij, (qui Doctoris Crucigeri Gener fuit) Ut Soceri Epistola testatur, itaq; factum, Ut postea typis Magdeburgi huius opera expressum, & cum præscripto nomine Philippi Melanthonis editum fuerit intra Mensem aut circiter ab eo tempore, quo fuerat compositum. Editionis curationē sibi alicubi Flacius falso Vendicat, sed vanitate & impudentia ipsa non inusitata. Alibi rursus idem futile & ignavum seu mers scriptum esse pronunciat, & tamē simul gloriosum hoc sibi esse postulat, qui editione huius, & quidem cum magno periculo suo, homines de corruptelis Veritatis doceri curauerit, quæ qualia sint, et si iam omnibus apparent, tamen infra & verba ipsius referemus, & de re pluribus monebimus. Quam vero celebra-

celebrationem ille mereatur, si verè sibi huius editionis operam tribuit, ex sequentibus cognoscetur. Qualecunq; igitur hoc scriptum sit, aut esse aestimetur, primum quidem hoc est omnium quod de libro Augustano in Germania editione publica diuulgatum est, & quid iij, qui omnia se vidisse credi volunt, ante hoc tempus viderint, ipsi scilicet optimè norunt, nos narrare non possumus. Nostrorum quidem rationes hæ, primæ ut diximus, per Germaniam sparsæ fuere, & ita cupidè vel auide potius exceptæ, ut paulò post denuo, & nomine quidem Theologorum Vuitebergensium exprimeretur.

Antequam autem, quæ fuerint editionē hac Philippo noua conflata pericula, recitemus, visum fuit monere lectorem, qua animi præsentia & constantia nostri hoc ipso tempore etiam reliquias Ecclesias Germaniæ, quibus liber Augustanus vastationem minitabatur, erexit ac confirmarint, & suæ confessionis exemplo, & corruptelarum in libro demonstratione, ut de toties obiecta nostris & expobata timiditate à Flacio, qualis illa fuerit, & quam verè tributa sit nostris, posteritas cognoscat & iudicet. Id vero de Epistolis ipsis, quæ scriptæ tunc ad Illustrissimos Principes & Ecclesias fuerunt, planum fiet, quarum duas tantum breuitatis causa inteximus, Vnam, qua respondetur Illustrissimo Principi Iohanni Marchioni Brandenburgensi, Alteram, quæ tradita fuit Reuerendo viro Doctori Iohanni Marbachio hic

missō ab Ecclesia Argentinensi, ad exploranda nostro-
rum Theologorum iudicia, cumq; his consensum constitu-
endum.

EPISTOLA SCRIPTA AD ILLV-
strissimum Principem Iohannem Marchio-
nem Brandenburgensem, &c.

Gratia & pax à Deo per unigenitum filium ipsius Dominum
nostrum Iesum Christum saluatorem et protectorem nostrum.
Illustrissime Princeps ac Domine Clementissime, Susceptas
Augustae cum C. V. tractationes & uehementes & periculosas, non
sine admiratione & dolore ingenti ex literis C. V. cognoui. Nun-
quam enim existimasse Imperatorem tam durum fese & incle-
mentem exhibitum fuisse erga C. V. ut laude dignum &
benemeritum Principem. Non possum non itaq; affici conditi-
one C. V. quæ certamen sustinuit tam asperum, & oro Deum,
ut C. V. spiritu suo sancto confirmet, & salutaribus consilijs
instruat ac regat, & benigne tueatur ac protegat. Ostendunt
haec actiones uehementer incitatum & inflammatum esse animum
Imperatoris contra doctrinam Ecclesiarum nostrarum. Et quan-
quam magna sunt & multiplicia peccata nostra, quibus has poe-
nas nobis attrahimus, tamen confido futurum certo, ut Deus
ueritatem doctrinæ suæ extingui non sinat.

Cum autem meum de libro Augustano iudicium & con-
silium qualecumq; V. C. expertat, clare exponam C. V. quod
ego, atq; in hac Academia alijs, consilium & sequamur ipsi &
dederimus alijs. Primo Pastores Ecclesiarum & Doctores su-
as responsones debent separare à responsonibus politicorum,
ita ut pñ & intelligentes pastores Ecclesiarum & doctores ex-
presso & clare affirment, se librum Augustanum neq; amplecti
nec probare uelle, neq; ulla re confirmare. Articulo iustificati-
onis enim certa fraus intexta est, quam etsi aliqui pingunt in-
terpretationibus, tamen prouoco ad iudicia piorum & docto-
rum, qui Sophistiken & oderunt & intelligunt. Præterea sta-
biliuntur in eo libro & errores & abusus manifesti,

Quantum

Quantum ad me etiam , ego Deo iuuante istam Sphingem
nunquam probabo , cuius rei causas habeo maximas & grauissimas , meç & hanc miseram atç ærumnosam uitam meam Deo
commendabo , siue capiar propterea , siue in exilium ejciar . Eſcę
interrogatio plana & soluta facilis , quid deceat in hoc caſu Paſto-
res Ecclesiarum & doctores facere . Sed ordinibus politicis quid
consuli debeat & poſſit , diſſimile eſt & uarium . Habet enim li-
ber quoſdam articulos uniuerſales , id eſt , tales quoſ intelligere
oportet Christianos omnes , & quid de ſingulis ſit ſentiendum
ſecum conſtituere , ſicut ſunt capita de iuſtificatione , Confessione ,
Milla , inuocatione Sanctorum , crassis abuſib⁹ Sacramenti in
circumgeſtatione , &c: Aliqui non ſunt uniuerſales , quoſ
noſſe & intelligere non poſſunt omnes , ſicut capita de potesta-
te interpretationis & de Synodis . Etiam non conſulo , ut de
Adiaphoris pugnetur , Item de authoritate Epifcoporum , ad
quaſ quod attinet , optarim & cuperem Epifcopos & retinere
ſuam autoritatem , & ſuo offiſio , ſicut præceptum eſt , recte
fungi .

Inter Magistratus uero & ordines politicos ijs , qui do-
ctrinam Christianam non intelligunt , uel authoritati doctrinæ
coeleſtis ſtudia & beneuolentiam hominum anteponunt , fruſtra
conſulitur . Si uero princeps in uniuerſalibus Libri articulis ,
quaे ſit ueritas , intelligit , & quod ueritati contraria ſint libri
decreta agnoscit , talis contra conſcientiam librum nullo modo
recipere aut probare debet . Existimo autem tempus iſum
ſuppeditaturum consilia. Ex ciuitatibus enim multæ libro non
aſſentientur , qui quidem iam à Constantiensibus & Lindaenſis-
bus reiectus eſt . Argentinæ etiam nihil haſtenus conclusum eſt ,
Et moram interuenturam ſpes eſt , propterea feſtinatione in re-
ſpondendo non eſſe opus existimo . Et puto , ſi Princeps , qui mo-
menta ueritatis in principalibus articulis recte intelligit , debita
ſubiectione declaret Imperatori , quaे in libro probare poſſit , quaे
non poſſit , & pollicetur præſtiturum ſe in rebus Adiaphoris obe-
dientiam , Imperatorem acquieturum eſſe . Qualem moderatio-
nem urbs Noriberga expectat , & huic petendæ tempus ſuppe-
ditabit occasiones & consilia .

Oportet & hoc conſiderari , quòd Magistratus , qui librum
Augustanum amplectitur , obligat ſe ad innocentes pastores &

multos alios persequendos, qui propter graues causas assentiri libro non possunt. Tales persecutiones non sunt adiuuandæ.

Quod etiam de defensione interrogor, in hac re disputacione non est opus. Sicut paterfamilias uxori & liberis debet defensionem quantum præstare potest, si à latronibus opprimatur in sua domo: Sic Magistratus Ecclesijs suis & insontibus subditis defensionem debet, quo ad illa possibilis est. Si sit impossibilis, quid hac interrogatione opus est? Textus enim inquit: Date Ezeleemosynam ex facultatibus, hoc est, quo ad potestis dare. Est autem Imperatoris potentia tanta, ut nostros Principes non existimem posse ei se se opponeat. Quare qui uult confiteri ueritatem, commendet se Deo, & cogitat quod scriptum est: Omnes capilli capitum uestrum numerati sunt.

Omnipotens æternus Deus Pater Domini & saluatoris nostri IESV CHRISTI. C. V. clementer regat, tueatur ac protegat. Datae Vitebergæ 31. die Iulij Anno 1548.

C. V.

Deditiss.

Philippus Melanthon.

EPISTOLA THEOLOGORVM VI
tebergensium ad Ministros Ecclesiæ Argentoratensis,
tradita cum Consilio quod sequitur Reuerendo
viro D. Iohanni Marbachio sa-
crae Theologiæ Doctori.

R Euerendi & doctissimi viri. Etsi ex literis nostris & delibera-
tione, quam antea misistis, intelleximus, uos corruptelas do-
ctrinæ constanter reijcere, quæ sunt in Sphyngi Augustana:
tamen & conspectu & oratione Collegiæ uestræ ualde delectati su-
mis, quod copiosius exposuit uestram & totius Ecclesiæ uestræ uo-
luntatem. Etsi autem multi sapientes viri in tanta distractione Ec-
clesiarum iudicant necessarium fuisse, ut uia aliqua concordiaæ quæ-
reretur: tamen res ostendit hæc remedia, quæ sunt in libro Augus-
tano, non esse idonea ad tollendos morbos Ecclesiæ. In quibus
dam magnis rebus manifestum est ibi tenebras induci ueritati, & staz-
liri

biliri non leues abusus. Scitis autem s̄apē in Ecclesia decursum esse ad tales fucosas compositiones, & quidem placere eas uiris politicis. Itaç non miremur nunc quoç multos adplaudere huic Libro. Sed nostri officij est retinere doctrinæ puritatem, quod & modeste & constanter facere decreuimus. Nec dubitamus Deo curæ fore Ecclesiam, & hospicia p̄is studijs alicubi concessiūrum esse. Lætamur autem iudicio uestro, quod consilium nostrum uos quoç probatis, & Deum æternum Patrem Domini nostri Iesu Christi, conditorem generis humani & Ecclesiæ suæ oramus, ut consensum in multis Ecclesijs tueatur, quæ uocem Euangelij incorruptam adhuc sonant, nec sinat aut uoluntates Doctorum distrahi, aut miseri corruptelas. Nos quoç, Deo iuuante, quantum poterimus, amiciciam nostram omnibus officijs tuebitur, καὶ Τὴν καλὴν ταφακατοθηκήν, ut Paulus nominat, doctrinām fideliter custodiemus. Meministis enim uocem diuinam: ἐάπ τις ἀγαπᾷ με, Τέρλόγρῳ με πησό, οὐδὲ πατήσ με ἀγαπασθ ἀντόμ, οὐδὲ πρόξ ἀντόμ ἐλευθόμεθα, οὐδὲ μονῆ μαζὶ ὀντῷ ποικομέρ. Bene & fœliciter ualete, Die Laurentij,
Anno 1548.

Sequitur consilium:

SCimus Dei beneficio discernenda esse Imperia politica ab Ecclesia Dei, tametsi semper oportet alicubi in Imperijs esse aliqua hospicia Ecclesiæ Dei, quia semper in genere humano necesse est alicubi sedem aliquam esse doctrinæ, unde exaudiatur uox Euangelij, ut colligatur hærētis filio Dei. Sed in hac postrema senecta mundi maiores fore dissipationes prædictum est. Ideo optandum est, ut quantum omnino fieri potest in Ecclesijs, in quibus studium est ueritatis, hi qui docent, ueram & unicam ac consentientem Euangelij uocem sonent, & sint custodes ueræ doctrinæ, & testes ad posteritatem, & relinquant unam & consentientem Confessionem ueram & congruentem cum testimonijis ueræ Ecclesiæ Catholicæ omnium temporum,

Et quanquam à politicis gubernatoribus nullam certam defensionem habent Ecclesiæ, tamen hi, qui docent, consensum in doctrina & mutuam benevolentiam tueantur, ubi cunq; sunt. Extant autem scripta nostra, quæ ostendunt, quid sentiamus. Symbola omnia, Apostolicum, Nicænum & Athanasianum fidelissimè retinemus. De Baptismo, de corona Domini, de poenitentia, de fide accipiente

cipiente remissionem peccatorum, de potestate Ecclesiastica, de Magistratibus politicis, extant sententiae nostrae in Confessione Augustana, & multis alijs scriptis consentientibus. Et doctrinam sonantem in Ecclesijs nostris annos uiginti & amplius nequaquam mutamus nec mutabimus.

Et si in hac dispersione politiarum Deus alicubi tamen alij quem cœtum recte docentium colliget, si qui nostrum superstites erunt, inter eos erimus hortatores quamprimum, ut ibi Confessio communis multorum docentium in ciuitatibus non gubernatorum politicorum, sed docentium nomine edatur cum subscriptiōnibus eruditorum, ut sit testimonium de doctrina ad posteros. In ea Confessione uos quoq; nobiscum coniungi optamus, & ante editionem uobis mittemus formam, ut uobiscum deliberetis.

Nec sollicitudine aliqua opus est de potestate Episcoporum aut de cæremonijs, quia Episcopi semper erunt hostes nostrarum Ecclesiarum, nisi totum librum Augustanum de Missâ, de inuocatione mortuorum, de circumgestatione &c. approbabimus. Et nostra deliberatio nihil eis largitur, si defendant tales ubusus.

De cœna Domini diximus aperte, & semper dicturi sumus, et si scimus, quād duriter id à multis accipiatur. Nullos ritus extra usum, ad quem instituti sunt, Sacraenta esse. Sed cur breuius in deliberatione illa de eo articulo dictum sit, haec causa est, quod etiam hi, qui uolunt uideri non alieni à nostris Ecclesijs, nolunt eam disputationem moueri, & unus ex uiciniis nostris saepe iam acerbè calumnatus est reprehensionem quorundam non leuium abusuum Sacramenti: Nec mitius de nobis loquuntur, quād apud dominum Iacobum de uestra Ecclesia quidam Aulicus Augustæ locus est.

Duximus & hoc uobis significandum esse, quid responderimus ihs, qui à nobis consilium de Libro petierunt. Ad omnes uno & eodem modo scripsimus ac suasimus, ut Pastores suam deliberationem omnino seiuengant à deliberatione politicorum gubernatorum, & respondeant plane & perspicue, se nequaquam mutatueros esse genus doctrinæ, quod in nostris Ecclesijs sonat, & se quidem non recipere Librum. Quia nostri officij est intelligere & uitare corruptelas. Sinant autem politicos gubernatores, quorum multi doctrinæ fontes ignorant, multi oderunt, respondere Imperatori, ut uolunt.

Ita Pastores periculis suæ conscientiæ liberantur, & minus fit mutationum

mutationum in Ecclesia, & nos nihil sediciose, nihil immoderatè facimus, & tamen retinemus Confessionem doctrinæ.

Quod datis operam, ut examen & petitionem absolutionis restituatis, piam uoluntatem uestram & consilium probamus. Etsi autem erunt, qui non uolunt obedire, tamen cum cæteris uolentibus obedire agatis. Et melius est, totam rem uoluntariam esse, quam adiungere uim politicam. Videlicet in quanta odia incurvant etiam fideles ministri Euangeliū, cum uim politicam exercent: Et hæc reuestra aliena est à nostro ministerio.

De publico ritu poenitentiae hoc seruamus, & aliquot exempla uidimus, cum is, qui lapsus est, redit ad Ecclesiam, & iam uel punitus est poena politica, uel alio iusto modo satisfecit Magistratu, audiuntur eius Confessio, petitio & promissio emendationis.

Deinde publicè in concione narratur populo tales redire ad Ecclesiam, & petere ueniam, quod offenderit Deum & Ecclesiam, & quia promittit emendationem, iam eum publicè recipiendum esse. Et de genere delicti commonefactio aliqua additur, & iubetur populus precari, ut Deus mitiget poenas.

Postea ad aram publicè interrogat Pastor hunc lapsum, An petat Absolutionem seriò, & an promittat emendationem, & an credat Absolutioni. Cumq; affirmat lapsus, sequitur breuis quærela de delicto, quod & Deum & Ecclesiam offenderit, & narrantur comminationes diuinæ de poena. Deinde additur doctrina de remissione & mitigatione poenarum.

Ac postremo pronunciat uerba Absolutionis: Ego Pastor iuxta mandatum Filij: Quorum remiseritis &c. remitto tibi peccata propter filium Dei, & annuncio tibi uocem Euangeliū, quæ affirmat uerilissime remitti peccata propter filium Dei, in nomine Patris, & Filii, & Spiritus sancti.

In hoc scripto, quod de coniungendis rursus Ecclesijs, quas libri Augustani promulgatio diuulserat, deg̃ confensu constituendo repetitione Confessionis Augustanae promittunt Ecclesiæ Argentinensi, paulò post constanter et piè præstiterunt, confessione retexta luculentius, cui repetitioni & ipsa Ecclesia Argentinensis, & plurimæ aliæ

Flaciana factio

tanto cum studio assensæ sunt & suffragatæ, ut non
obscure recolligere sese & componere rursus Ecclesiæ no-
stræ viderentur. Flaciana factio verò aliud egit nihil, ni-
si vt calumniando hos conatus nostrorū, & abieciendo re-
petitam formulam, coniunctionem & coalitum impedi-
ret, sicut supra ostensum est, & res docet, atq; comprobant
idem Flacij chartæ.

Nunc ad commemorationem eorum, quæ scripti,
cuius meminimus, editionem sunt consequita, reuertimur.

Itaq; cum Mense Augusto hoc quod paulo ante po-
suimus, scriptum typis expressum in Imperatoris manus
venisset, pristina abalienatio huius à Philippo Melanthono-
ne, de qua supra narravimus, noua hac accessione aucta
fuit. Nam editione scripti huius sic commotus fuit, vt pri-
die Calend. septemb. ex Urbe Spirensi ad Electorem Mau-
ricium de Philippo literas mitteret in hanc sententiam:

Non potuisse fe facere, quin ei de ea re, quam ægerrimo ani-
mo ferret, per literas significaret. A sive dignis hominibus ad se de-
latum esse, Philippum Melanthonem (à quo merito pro ratione
præsentium temporum, & pro ijs, quæ antea commisisset, aliud ex-
pectare debuisset) in maliciosis & uirulentis consilijs suis pertinaciter
perseuerare, & contra librum INTERIM varia, & quæ præ-
terea Imperatori contraria sint, multiplicia suscipere, idq; ut per-
mittatur, nullo modo sibi commodum esse, neq; se permitturum esse.
Ideo se mandare grauiter & omnino uelle, ne Princeps Elector
Philippum Melanthonem in ditionis suæ terris amplius alat, neue
degeret sinat, sed ab his relegatum exulare ut iubeat, & hac in re ut
considereret, Philippum absq; hoc unam præcipuam tubam fuisse ex
ijs, qui proximos motus, & seditionem aduersus se, uirulentis &
seditionis chartis suis excitassent atq; confirmassent, quodq; causæ
illi adhuc

illi ad hoc coniunctus reconciliationem à se nondum esset nactus.
Præterea illis diebus librum in manus suas peruenisse, quem ei una
mitteret, deç̄ hoc sibi significatum, In Academijs ipsius Vitte
bergensi & Lipsica illum & compositū & typis expressum esse, quod
si ita esset, non dubitare se Principe Mauricio neç̄ sciente neç̄ ap-
probante factum fuisse, Ideo se grauiter postulare, ut debitam hac in
parte attentionem & respectum adhibeat.

Hæc fermè sententia est literarum Cæsar. Liber
autem de quo agitur est scripti de Augustana formula
eius, quod iam proximum inseruimus, quem non fuisse lan-
guidum aut futilem Imperatori visum, literæ ipsius satis
docent. Princeps igitur Elector admodum conturbatus
tām seueris mandatis, & de Melanthone per quām solici-
tus, qua fide paulò ante Augustæ egit, eadem tum etiam
laborauit, ut periculum denuò auerteretur, & hunc vi-
rum sibi ille & Ecclesijs suis vt conseruaret.

Itaq; captata occasione post plusculos sane dies (in-
tercesserant enim iam duo Menses) rescribit Princ. Ele-
ctor Mauricius Imperatori, Pridie Calend. Nouembr.
hæc fermè: De Philippo Melanthone quæ Imperator scrip-
serit se dolente animo, hominis causa, accepisse, quodq; ad
reconciliationem huius attineret, in capitibus transactio-
nis factæ cum patruo eum comprehendendi, quibus in grati-
am recipientur vniuersi, quoru opera patruus usus fuerit,
vna cum subditis, quos habuerit vniuersis, præter eos, qui
nominatim ab ea reconciliatione excipientur, in quibus
Philippi nomen minime fuerit. Et verè se posse affirmare,
Philippum Melanthonem in negocijs ad Cæsarem perti-

nentibus, quantum ipse scire posset, & suo loco, & ad alios
eum se gessisse, ut qui tolli dissidia pie & recte compo-
tis rebus cuperet, & eius viri opera multum boni per re-
giones suas fieri, quem si his expellere deberet, posse
Imperatorem cogitare, quam ignominiosum hoc sibi &
odiosum tam apud suos quam ad externos esset futurum,
de quo & tandem maioris aliquid periculi existere posset.
Itaque se quam subiectissime orare, ut in consideratione
omnium, conceptam a Philippo Melanthone ab aliena-
tionem Imperator benignè deponeret, & tantisper Phi-
lippum Melanthonem suis regionibus sibi ut permitteret,
quam diu ille gloriam Dei, Christianam & piam con-
fessionem, & Imperatori debitam obedientiam prouehe-
re animaduenteretur, & sediciose nihil moueret aut mo-
liretur. Ad librum autem quod attineret, de eo se Regi
Ferdinando iamdudum significasse, quam significatio-
nem ille (ut acceperit a Legatis quos nuper ad Regem
misisset) porro cum Imperatore communicarit.

Hoc igitur illa editione, vel vtrahque etiam perfe-
ctum, ut & in tale discrimen Philip. Melanthon conij-
ceretur, & hæ terræ, ut opera huius viri ipsis tum eripe-
retur, periclitatæ fuerint, & Cæsar aduersus has ut gra-
uius irritaretur, & Illustriß. Princeps Mauricius in
maximas difficultates denuò conijceretur, cuius animi
constantia, nisi diuinitus conseruata fuisset, quid ex hac
resecuturum fuisset, vnicuique iam facile est videre. Huius
igitur

igitur facti gloriam si suam credi Flacius postulat, mi-
nimè ei inuidemus, quæ quam gloria sit, ipse viderit,
et si metuimus ne ipse se iniuria afficiat, & incogitanti-
am atq[ue] culpam alterius ad gloriam hanc suam transferat.
Si tamen omnino à Flacio hoc extitit, incogitantia illa
an fuerit, aut maliciosum consilium, his terris & D.
Philippo malum creare cupientis, ex eo statuatur, quod
hactenus aduersus utrosq[ue] facit Flacius, & multos iam
annos de se luculentè probat. De periculo autem suo quod
scribit Flacius, quo ille hæc scripta edi curauerit, simili-
ter res testatur. Fuit tum ille adhuc nobiscum in Collegio
publicè docentium, & communibus priuilegijs usus ita
est habitus, ut bonos & honestos par est, cum in eo mise-
rabiliter decepti fuerimus, & post semestre ille primum
hinc à nobis ad hostiles oppugnationes suas secesserit. Cæ-
sar is autem literæ de Philippo mandant, Flacium non
nominant. Quod igitur periculum narret, explicare non
possimus. Nos quidem tum verè illam viperam in sinu
nostro alebamus. Nam illud totum tempus, quod ad dis-
cessionem usq[ue] huius, de qua suo loco si videbitur, dicemus,
interiectum fuit, ita apud nos transegit, ut aduersus
Principem, has terras & Ecclesias, & Philippum inpri-
mis Melanthonem clandestina scripta componeret, quæ
fictis nominibus, quasi obnupti equi, in innocentissimos
homines, & in Collegio suo præcipuum, & de se, de bo-
nis literis, de veritate, de Ecclesia, præclarissime meri-

tum virum, ab ipso immittebantur, multos etiam optimos viros apud nos ita ut induceret, ut quorundam operam, quorundam studia sibi conciliaret, Qui & postea, cum quid ageret, animaduertere cepissent, & nunc multò etiam magis, molitiones ipsius, ut debent, execrantur, & de his suo loco testari poterunt, De quibus plura in praesentia non dicemus. De hoc vero scripto Philippi nomine edito, de quo haec haetenus retulimus, quid iniquiores iudicarint, ipsi norunt. Theologi notationem hanc tantum & indicationem haberi voluerunt, ut diximus, Principi priuatim praescriptam, et si quale sit legentes iudicabunt, & quale mox secutum sit, intra viginti dierum spacium in consultatione prouinciali & publica, paulò post exponetur. Nam quæ haetenus inserta sunt scripta de libro Augustano, priuata sunt omnia, quæ ad suam instructionem sibi Princeps postulauit. In quibus referendis ideo maiore diligentia utendum nobis putauimus, quod in primis illis & priuatis deliberationibus, maximè nostri cum aduersarijs collusi insimulentur. Ex his quidem, quæ missa fuere Augustam, libri Augustani promulgationem præcesserunt omnia, cum & in priuatis conflictibus de horum indicatione Princeps demonstratas libri corruptelas refutauit ac reiecit, & quibus assentiri posset ostendit, ne iudicetur vel superba contumacia, vel Imperatoris contemptu, vel peruerso patriæ nouis motibus inuolnendæ studio turbare aut elidere instituta de pace consilia. In

lia. In his ipsis autem notationibus, quod prestari necesse
erat, censuram usurparunt rebus & personis, quae instru-
endae erant conuenientem, præcisis disputationibus, quæ
materias argumenti obscurioris, difficilioris & amplioris
complexæ, ad Scholarum & Doctorum dijudicationem
pertinent, Quod & Principem oportebat doceri de illis,
quæ maximi momenti essent, ac præcipua & captui cum
ipsius tum illorum, quibus cum certamen fuit accompa-
data, quæq[ue] veritatis evidentia vel iuitis assensionem ex-
torquerent: & futurum sperabant, ut propter ostensam
ab Imperatore spem concordiae, de admonitione Principis
in proposita formula priusquam promulgaretur, emen-
darentur, quæ επανόρθωσι requirerent, siquidem talis de-
beret esse liber, quem omnes nostræ Ecclesiæ amplecte-
rentur: & persuasum habebant, si emendatio procederet,
hanc concessionem profuturam conseruandæ in nostris Ec-
clesijs puritati doctrinæ, iisdemq[ue] in eo statu, in quo sunt
confirmandis, Pontificijs Ecclesijs verò iugo traditionum
impiarum, cultibus Idolatricis, & erroribus in doctrina
liberandis, Vtrisq[ue] ad disciplinæ Ecclesiastice neruos &
vincula, quæ plus nimio laxata esse constat, arctius
astringenda: Si non procederet, satis factum tamen Im-
peratoris autoritati concessione earum rerum, quæ tribui
ipsi possint. Ex his fundamentis consultationes de Adia-
phoris domi profectæ sunt, in quibus post repetitas aliquo-
ties omnium mutationum dissuasiones definitum est diser-
tè &

te & explicatè à Theologis, quibus in rebus Princeps Imperatori cedere, & quatenus ac quousq; , & quos ritus quibus legibus & conditionibus veteris ac purioris Ecclesiæ exemplo admittere, quos ferre non posset, et si præstaret nulla prorsus mutatione Ecclesias turbari. Hæc igitur initia sunt & causæ deliberationum atq; tractationum, quæ deinceps describentur omnium. Atq; in his quidem initijs Princeps Mauricius Elector eum se præstitit, vt nihil videatur in illo statu Germaniæ cum aliqua specie libertatis coniunctæ cum reuerentia actum præterea. In Philippi autem Melanthonis & Collegarum responsionibus & consultis, an vel animi præsentia, vel Christiana constantia, vel explicationum dexteritas desiderari iure possit, legentium iudicijs ut cætera permittimus.

Ex his igitur constituantur, qualia sint quæ de inclito Principe Mauricio superiore anno Flacius cum quinq; Subscriptoribus vanis. edidit, assensum eum de libro Augustano recipiendo, & huius rei Principem conuinci ex actis Comitiorum Augustanorum, historia Sledani, & ipsa experientia, et si metuens mendacijs suis exprimere nomen Principis non audet, hæc enim verba sunt Flacij & Subscriptorum Flacianorum in latinum translata: Omnino verum est, & prorsus notum, dominos eorum locorum, in quibus maxima pars adiaphorismi elaborata est, aduersarijs promississe, quod totum librum INTE RIM recepturi essent, & in regionibus suis de hoc constituturi omnia,

omnia, quemadmodum hoc præter alia testimonia ex pu-
blica historia Sledani manifestum est. Hæc igitur sen-
tentia est verborum Flacianorum, in quibus et si Princi-
pis nomen dissimulatur, statim tamen subiiciuntur inco-
gitantissimè ea, quibus res sic explicatur, ut errari nullo
modo possit, & Principem Mauricium intelligi oportere
doceant, id quod ex ipso scripto Flaciano æstimari volu-
mus. Vbi igitur hoc Sledanus scribit definite de Mauri-
cio & explicatè? Qui scriptor et si sibi minimè cauit, mi-
nus tamen ille hac in parte incautè egit quam Flacius,
neq; enim omnes ordines librum recepisse scribit, & de
quorundam responsionibus memorat, quæ vnde manarint
ij nouerunt, qui usurparunt. At obijciat Flacius inter hos
non nominari Principem Mauricium, neq; de quibus nos
narravimus, quicquam esse in Sledano? Ad hoc vero aliter
iam respondendum. Nam ex ijs quæ ille autor scribit aut
non scribit, de innocentia, existimatione, fama bonorum,
& negociorum veritate in vniuersum, constitui atq; pro-
nunciari, non potest ferri.

Atq; hæc quidem quæ de Princ. Mauricio retuli-
mus, si sciuuit Sledanus & dissimulauit, an bonus vir ille
haberi possit, statuat qui volet. Si ignorauit, quod &
per se verisimile est, & ipsius existimationis causa crede-
re maluimus: Non igitur hæc vera non sunt, quia ipse
non scripsit, neq; hæc ferenda vlo modo argumentatio,
quanquam in ignoratione tali ad minimum cohibere se de-

C c buit, &

buit, & secundum Scepticorum verbum, ἐπέχει, atque ca-
uere ne suspectum faceret eum, de quo ei parum constaret,
& de quibus nihil cognouisset, de ipsis, ne quid suspiciose
scriberet, quae an impudentiae aut leuitatis, aut negligen-
tiae in querendo & inquirendo, aut aliam culpam habe-
ant, alij fortassis aliter iudicabunt. Et fuisse scriptorem
illum iniquiorem nostris commentarij eius produnt, siue
suo iudicio siue aliorum susurrationibus inductus, qui ex
his terris contra Patriam & Principem Patriæ, cuius be-
neficijs fruebantur, ipsum instruxerunt ut scriberet ea,
quibus de impijs hac in parte & nefarijs molitionibus
Princ. Mauricius insimularetur, vel suspectus saltem fie-
ret, & cum hoc Theologi etiam & Ecclesiæ nostræ odio-
sa & suspectæ redderentur, quæ paulo post exponemus.
Etsi igitur scriptor ipse minimè culpa vacat, tamen eo-
rum, qui talia ei suggererunt, hancq; impietatem usurpa-
runt, ut aduersus Patriam & Principem huius, vanita-
& malicie indulgerent, culpa maior est. Sed qua affe-
ctione ille erga hos aut illos fuerit, nihil refert, quid scrip-
serit, multum. Nisi enim vera sint quæ scribantur, igno-
miniam scriptor effugere non potest. Itaq; nequaquam pa-
tiemur Sledani Commentarios nobis opponi eo loco, ubi
contrarium docere possumus.

Experientiam autem si intelligi vult Flacius ea, quæ
in deliberationibus Theologorum & regionū harum acta
fuere, sequens narratio hanc explicabit. Quæ experientia

si cont-

si comperta fuit Flacio, sceleratissimus est omnium hominum, qui contraria ijs, quæ nouit, scribere ausus fuit: Sin minus nota habuit, impudentissimus & vanissimus, qui de incompertis & inexploratis experientiæ πληροφόρησιν sibi constituit.

Atq[ue] illum verè de his fundamentis & tota causa vel verè ignorasse omnia, vel cognoscere noluisse, demonstrat, hoc quod sic argumentatur: De Adiaphoris quibusdam libri Augustani recipiendis laborasse Mauricum, Ideo hunc totum librum recepisse, cùm quidem cuiusmodi hæc per se sit argumentatio, ne pueris quidem obscurum esse possit. Item ab Adiaphoris cœpisse Principem, ut hac occasione totus postea intruderetur. Flacij igitur actis & experientiæ huius hæc nostra acta & hanc nostram experientiam opponimus. Nam quæ præterea argumenta Flaciūs cum suis quinq[ue] adducit, quibus probet impietatem nostris admissam, sequens expositio refutabit vniuersa.

Ex quibus iam hoc etiam indicetur, quod gloriatur Flaciūs sua opera perfectum, & sibi atq[ue] complicibus suis acceptum ferendum hoc beneficium, quod libri illius impietas non sit in harum terrarum Ecclesias intrusa. Nam Principi Mauricio quod in Comitijs Augustanis affuerit cum illa faceret quæ exposuimus, & consilia huius quod gubernarit et si impudentissimus est & vanissimus & qui audet omnia, tamen hoc illum de se non affirmaturum existimamus, & si faceret, esset refutatio in promptu,

cum in Collegio ille tum nostro hic nobiscum degerit, ut diximus. Sed ad Theologorum consultationes adhibitus fortiter monuit, & consuluit, & responsa illa nostrorum hactenus exposita, ab his extudit? Doceat igitur si potest ubi & quando ipsi in vllis consultationibus locus fuerit, Item in conuentu hoc Misnensi an suggesserit quid fieri, quidue responderi debuerit, sed in re manifesta tantum verborum fieri non debuit. Quia tamen de Adiaphoris topics & quæsitum & deliberatum fuit, & hæc propter librum Augustanum tantopere oppugnanda sibi putarunt Flacius & Flaciani, Etsi iam ex hactenus narratis intelligentes vident omnia, Tamen explicandum de his aliquanto popularius, ut eius causæ quam decennium iam agit contra has terras & Ecclesias Flacius, & vñiuersitatem quædam ob oculos simpliciter ponatur, & quò tam frequentes actiones ille vniuersæ, de quibus nunc deinceps narrabitur, directæ fuerint de his inquam ut iam initio cognoscatur, res flagitat.

De libro igitur Augustano, postquam ut recipetur mandatum fuit, aut assentiri oportuit, aut præcise recusari, aut ad preces & supplicationes descendendum, quibus res auerteretur. Atq; assensio quidem impietatem in tali negocio habet manifestam: præcisa autem recusatio tota, An illo tempore & erga Imperatorem, Magistratum, qui opinione de libro optima, quam ex aliorum persuasione conceperat, concordiae causæ approbationem sese exigeat
re libri

ri libri ostendebat, An sineulla distinctione intollerando-
rum atq; impiorum, à reliquis quæ sine impietate recipi
possent, ab intelligente & considerato usurpari vel potue-
rit vel debuerit, iudicet qui volet. Nam et si quid aliqui
fecerint non ignoratur, tamen eorum, quorum fortitudo
opponitur actiones, deprecationibus, quāni recusationibus
nedum præcisionibus, similiores videri possunt, & quo
postea quorundam fortitudo reciderit, nō ignoratur. Quod
vero tertio loco de precibus & supplicationibus diximus,
id & per se liberalibus naturis graue, & vt semper alias
tūm illo maximè tempore incertum fuit & dubium, cum
persuasus esset Imperator talū precum iustas aut necessa-
rias causas nullas esse. Itaq; Illusterrimus Princeps Mau-
ricius in tanta & temporum & negociorum difficultate
medium quandam uiani ingressus videtur. Nam cum cau-
sas haberet & ad Deum pias, & ad homines honestissi-
mas & pulcrr. cur Imperatorem refragando aduersus
se & suos irritare non deberet, de quibus mox subijciemus
aliquid: Supplicationum autem humilitatem, quæ non re-
uerentiæ sed seruitutis essent abiecta, usurpare nō posset:
Fecit hoc, vt neq; sine discrimine promitteret, neq; præci-
se negaret. De ijs enim quæ impietatem habere & ipse
sua sponte intelligebat, & ab alijs docebatur, omnino di-
sertè & præcisè recusauit, Et ne ei qui istas res non intel-
ligeret, contumaciæ aut ferociæ vel alias etiam tetrores
suspitiones de se moueret, declarare voluit in ijs, quæ fieri

possent, quantum vellet & cuperet in pijs & honestis omnibus obsequi.

Explicat hoc toties inculcata conditio, QVIC
QVID PIE ET CVM BONA CONSCI-
ENTIA à se & suis fieri possit. Quid enim dicitur
aliud, quām quæ impia sint, & religionis veritatem &
conscientiam lēdant, in ijs se obsequi nihil neq; posse neq;
velle, & fuit de quibusdam disertè testatus, de quibus Im-
perator cognosceret, quod absq; vlla dubitatione aut con-
sultatione ampliore pro impijs illa haberet. In cæteris quæ
salua doctrina veritatis vel usurpari vel omitti possent,
in ijs se concessurum quātum per se fieri, & ipse facere &
à suis obtinere posset & deberet. Ita hoc res docet, de ijs
tantum à se Mauricium spem fecisse, quæ in libro Augu-
stano Verè essent Adiaphora, hæc enim tantum piè & cum
bona conscientia recipi possunt. Et omne negocium Princ.
Mauricio de Adiaphoris tantum fuisse, cùm & iam pri-
dem hæc ipsi ab annis iam quatuor negocium facerent, &
illa noua tum causa à Cæsare accederet. Sic igitur questi-
nes de Adiaphoris in his terris denuo extiterunt.

Atq; hoc omnino consilium Principis fuisse explicata
tur scripto ipsius quod infra in tractationibus Pegensi-
bus exponitur, & res demonstrat omnia ab hoc ita acta,
eoq; directa fuisse, vt Imperatori eam omnibus modis
præstaret fidem, quam deberet, & iuberetur diuinitus
Dei gloria salua præstare, ne quis vlla specie iuris se &
suos im-

suos impetrare posset. Fuitq; ipse in deliberationibus illis, ad
subditos suos, non tantum scriptis, & per alios, sed voce
etiam sua testatus, se nihil aliud spectare aut agere, quam
ut salua & integra doctrina, omnia ab his regionibus pe-
ricula auerterentur. Ita post hoc in omnibus, in quibus
salua veritate concedi posset obsequium, si quid accideret,
id nimis scire potuisset, non ex rebus Adiaphoris, &
in nullo discrimine positis existere, sed ob eas res suscipi,
quæ æternam veritatem, & religiosam fidem attinge-
rent, & in quibus animarum salus versaretur, in quibus
obsequi, obtemperare, concedere, nemo quicquam vñquam
posset. Et sicut ille in Comœdia ait: Omnia prius expe-
riunda esse sapienti, antequam ad arma descendatur: Ita
Princeps Mauricius non omnia, sed quæ ad Deum piè
bonaq; cum conscientia, & ad homines iustè fieri possent,
tentanda & subeunda sibi putauit vniuersa, antequam in
discrimen extremum non tantum vitæ & fortunarum se
& suos coniiceret, sed veritatis etiam deserendæ, aut ad
minimum necessariæ & immutabilis doctrinæ vox in his
regionibus ut conticesceret, causam à se introduceret aut
moueret. Itaq; de omnibus & interrogavit exquisitissi-
mè, & egit diligentissimè, quas res medias vel ipse iudi-
caret, vel ab alijs iudicari audiret, & quæ vere essent
tales, quid fieri, & quomodo fieri, quid non fieri posset &
deberet, & in ijs quæ fieri sine impietate possent, seruitu-
tem & ipse subire minimè detrectauit, & à suis idem fieri
expetiuit,

expetiuit, ne vlliis molitionis aut sequitiae aduersus se & suos prætextus esse vllis posset, præsertim cum absq; hoc quatuor iam continuos annos, de rebus adiaphoris in ditione sua constituendis laboraret, quemadmodum in præcedentis conuentus historia relatum fuit.

Hoc igitur factum Principis quale sit, An à pietate Christiana, sapientia, prudentia, alienum, aut aliud ab ipso fieri, in consideratione omnium, melius potuerit aut debuerit, suo loco quæretur: Interea omnibus bonis & intelligentibus rem iudicandum relinquimus, quemadmodum & hoc, utrum rectius, nihil prorsus cedere? aut veritatis retinendæ causa in omnibus, in quibus possis? Ipsum certè multis quasi clipeum obiectum fuisse constat, qui si Mauricius alius fuisset, non tam facile & salutem suam & veritatem conseruare potuissent. Sed in hac etiam parte bonum Principem extremorum temporum exagisio pressit.

Flacius tamen & Flaciani Illustriß. Principis Mauricij hanc, ut acta docent, fortem & piam reverentiam, & reverentem Cæsareæ Maiestatis fortitudinem & pietatem acerbissimè exagitarunt, Qui in gratiam hostium à Principe hoc sic factum scribunt, ut suspicione moueant, vel plane etiam hoc dicant, cum aduersarijs eum aduersus religionis veritatem clam conspirasse, qui & disertè scribunt, ut modo retulimus, hoc egisse Principem nostrum, ut prætextu adiaphorarum Cæremoniarum li-

rum libri Augustani impietas, et per ea quæ fieri possent,
ea quæ non nisi impie fieri possent, introducerentur, quam
sceleratam & diabolicā calumniam refutant luculentē quæ
haec tenus ex actis Augustanis retulimus, & magis etiam
refutabunt, quæ narrabūtur deinceps, quantis ille difficul-
tibus & periculis se liberare potuisset. Si hoc ei, cuius à
Flacianis insimulatur, facere libuisset. Neq; in doctrina il-
le vñq; quicq; quod mutari, aut in quo concedi voluerit aut
postularit, conuinci, ab omnium maleuolorum conatibus
poterit. Sed quod suis in primo cōuentu Lipsico, antequam
ad Augustana comitia proficisceretur promisit, de quo su-
pra est scriptum, id sanctissime ipsis & integerrimè per
omnem vitam præsttit. Itaq; illam insidiosissimam &
suspicioſissimam gratiæ mentionem suam Flaciani si de
studio obsequendi & obtemperandi Cæsarij in ijs, quæ pie
& honeste fieri possunt, intelligi vellent, negari hoc mini-
me deberet, neq; posset, quod Princeps ipse non tantum
hoc confessus, sed etiam professus ad suos semper fuerit.
Cum autem de obsequio ad impietatem, & fraude quæ ve-
ritati fieret, in collusione cum aduersarijs, qua sibi hos ad-
iungeret, hoc interpretentur, opponimus calumniæ horum
ea, quæ verissime dicta haec tenus sunt & dicentur deinc-
eps. Etsi mirantur huic generi non in mentem venire vel
potius hanc cogitationem illud non admittere, aut locum
ei facere velle, an Pontificij ita meriti de Principe Mau-
rio tum fuerint, vt in affectione singularis cuiusdam be-

D d neuolen-

neuolentie obsequi eis magnopere cupere potuerit, nedum
contra religionem, fidem, dignitatem, in horum gratiam
aliquid committere, ac non potius multa in ijs tum iure
oderit, quæ eum ad iustissimas vindictas animum & co-
gitationem intendere cogerent, quod & ipsum postea ex-
peditio contra illos suscepcta comprobauit, cum obtinere
ius suum aliter non posset, quam non illo ipso tempore eum
animo agitasse, quis est qui dubitare possit? de quo hoc
loco & à nobis plura dici non debent.

Hoc tantum ut & planum fiat & memoria teneat-
ur nobis laborandum, Principem Mauricum Elect. neq;
conciliationis studio cum Pontificijs, neq; consilio obsequijs,
impij aut turpis suscepisse quicq; sed & veritatis, ne huius
doctrina sibi & suis eriperetur, & sui populi, & harum
regionum salutis causa illam cōcessionem in ijs quæ piè &
honestè fieri possent instituisse, De quibus posteriorum erit
iudicium verius, obtrectatione & malevolentia liberatum.

Hæc igitur de Adiaphoris tractationum nouarum,
in his terris noua causa allata est ut diximus. Quibus ita
de Principis Mauricij consilijs & actionibus explicatis,
id quod fieri oportuit, Iam de Theologorum responsis &
sententijs, quæ ab illis se discriminant, exponendum.

Cum itaq; & obsequendum Imperatori, Princeps
Elector in Adiaphoris sibi statueret, & quæ verè talia
essent, & quomodo institui sine impietate possent, expli-
cari vellet, Theologorum officium bipartitum fuit, & de
mutatione,

mutatione, an tali tempore introducenda vlla in re esset aliqua, sententias dicere, & de Adiaphoris de quibus que- rebatur docere. In vtro igitur horum, Flacius aut Flacia- ni, aut si qui esse possunt his deteriores, vel homines vel Diaboli, culpam admisisse nostros demonstrauerint, cau- sam eos habuisse confitebimur, cur in Ecclesia tumultua- rentur. Mutatio ne introduceretur suaserunt (quod suprà inserta scripta luculenter testantur, & sequens narratio magis docebit) corruptelas libri fideliter demonstrarunt, doctrinæ veritatem explicarunt.

Cumq; consilium obsequendi Cæsari in omnibus, in quibus piè & bona conscientia posset, Princeps non depo- neret, & idem à suis quoq; vt fieret expeteret, & de Adi- aphoris in libro Augustano doceri se vellet, & secundum capitā huius de singulis quæreret, Theologi de Adiaphoris simili cum fide & diligentia docuerūt, & seruitutem quæ expers esset impietatis non detrectarunt. His intercessit Flacius Tribunus cum manu populari, & non tantum in aliena republica, sed etiam in Ecclesia, & rebus neq; ad se neq; ad eos, ad quos concesserat quicquam pertinentibus, curiosus esse cœpit, vt non tantum turbulentum, sed & αἴδοτεισπισκοπὸν se probaret, cum quidem in Ecclesia, ei nullus adhuc locus neq; vocatio esset, sed suum hic locum in Collegio Philosophico, sine vlla causa deseruisset. Hic igitur si omnino aliquid sibi de impeditis rebus aliquibus laudis vendicat, aliam sibi arrogare nullam potest, quam

D d 2 quod il-

quod illud Principis Mauricij consilium impedijt, quo de-
creuerat, ut in omnibus, in quibus piè & cù bona cōscien-
tia posset, Cæsari obsequeretur. Si eorū quæ impietatem in
libro Augustano complectuntur receptionem se impediisse
gloriatur, sceleratè mentitur Flacius. Nam talibus nullam
operam suam vñquam. Illustriß. Princeps condixit, sed
fortiter his & constanter contradixit, &, cùm antea in
conuentu Lipsensi de sententia & voluntate erga religio-
nem testatus fuit, tūm in Comitijs Augustanis, nisi quæ
pie & bona cum conscientia possent, recepturum se semper
recusauit, quemadmodum aëta docent, quæ hactenus ex-
posuimus, eaq; in re in maximas difficultates se coniecit,
etsi profecto ne hæc quidem consilia Principis Flacius re-
pressit, neq; huius clamoribus territum, eum qui sibi me-
tuere nesciret, consentaneum, sed tempora eum ab his ab-
duxerunt, quæ qualia secuta fuerint, & quibus negotijs
Principem implicarint notum est.

Ex his iam existit hæc altera quæstio inter theses
Flacianas, Cum auertere illam seruitutem non potuerunt,
ferre an fugere potius hanc, deserentes loca sua & has ter-
ras, debuerint? in quo rursus dijudicationem omnibus qui
in hæc nostra incident, permittimus, ne ipsi iudices simul
& actores videamus. Statuatur igitur, an propter illas
actiones desertionis atq; solitudinum in Ecclesijs harum
terrarum autores fieri, & ab eo Principe fugere debue-
rint, qui de religione sententiam & voluntatem his suam
ita de-

ita declarauerat, quod Papisticis abusibus & omnibus ijs,
quæ verbo Dei contraria & à religione Christiana aliena
essent, neq; deficiendo adhærere, aut illorum quicquam ad-
mittere vellet, & quibuscumq; rebus doctrinam verbi Dei
prouehere, & Ministros huius iuuare posset, ea pro viri-
bus fideliter, diligenter & benignè esset præstiturus, &
qui illo ipso tempore nihil aliud quam quod piè & cum bo-
na conscientia fieri posset, à suis postularet. De his igitur
pietas & sapientia, à qua nunquam abest humanitas, fa-
cile statuet, & differetur tamen à nobis etiam suo loco,
vt res flagitat, aliquid.

Quod si Flaciani interrogarentur, quæ mutatio sit
illa, de qua tot annis accusarunt has Ecclesias, quod sine
turpitudine sua dicere possent, profecto non essent habi-
turi. Si enim hoc actum à Principe Elect. Mauricio
responderetur, vt in vera & pura religionis doctrina mu-
taretur aliquid, mendacem maledicentiam refutarent ea
de quibus hac tenus narrauimus vniuersa, & cum ceteræ
contestationes, tum conditio QVÆ PIE & cum bo-
na conscientia, &c. Neq; in hac parte, vt lenius dicamus,
false & iniustæ accusationis crimen quisquam effugerit.
Sin religionis mutationem de ceremoniarum Adiaphora-
rum introductione interpretarentur, quid iudicij & intel-
ligentiæ haberent in rebus ad salutem æternam pertinenti-
bus, proderetur. Quale enim hoc fuerit, pronunciare quod
vel in ritibus per se religio veretur, vel conseruata do-

Et in æterna veritate, si abrogentur aut introducantur ritus
Adiaphori religionem mutari. Si talis rituum mutatio
religionem mutat, nihil est aut fuit his triginta annis re-
ligione nostra mutabilius, cum assertam hac in parte
Christianam libertatem, nostri omnes varie & multiplici-
ter usurparint.

Hæc est causa Flaciana uniuersa, de qua ut planius
dicatur, non verebimur etiam τεχνολογίως rem explicare.
Cum enim in omnibus causis de facto, verbo aut iure
quæri necesse sit, De facto nulla est nobis cum Flacianis
controversia, si quidem Adiaphora & Principem rece-
pisse & Theologos de his seruitutem non detrectasse dixe-
rint: Sed de hoc controversamur, an & Verè Adiaphora
sunt de quibus deliberatum quæc, recepta fuerint, & per se
Adiaphora, an illo tempore receptionis tanquam in fabulis
Poëticis formas mutantia corpora ex Adiaphoris impia,
metamorphosi quondam, facta sunt. Et hæc concessio, pri-
mum Principis, postea Theologorum, instante Princi-
pe, impietatem an habeat & doctrinam religionis violet,
aut prodat? Quibus igitur occasionibus atq; causis, &
qua deinceps ex necessitate, de his & receptione horum
quæsitus in his terris, & quando quæri ceptum fuerit,
hactenus narrata explicant. Nunc deinceps quid fa-
ctum & quo consilio factum sit, exponendum. Ita po-
stea etiam rectè an piè, vel perperam atq; impiè, à Prin-
cipe aut Theologis factum sit aliquid disputari poterit,
& an in

Et an in quibus concessum sit Adiaphora esse desierint,
Et in impietatem sint conuersa.

Hæc est summa Et hic status omnium quo Et directa sunt, Et his tanquam fundamentis inituntur, que sequuntur vniuersa, de quibus singulis suo loco ut res postulabit dicetur. Atq; ita nunc deinceps post longam quidem sed valde tamen necessariam prænarrationem hanc, ad conuentus Historiam accedamus.

Reuersus ex Comitijs Augustanis ab actionibus hæc tenus expositis Princeps Elector Mauricius, Mensis Junio, mox ad Cal. Jul. Conuentum indixit in Urbe Misena, ad quem literis conuocauit Principem Anhaltinum, Georgium, Et c. Et ex Theologis, qui ei adiungerentur D. Forsterum, qui tum in Ecclesia Merespurgensi docebat, Ex Academia Lipsica D. Doct. Ioannem Pfefferum, Ecclesiæ illius Pastorem Et Superintendentem. Ex nostra autem D.D. Casparum Crucigerum Et Georgium Maiorem, Et Philippum Melanthonem, præter hos Et Danielum Gresserum, Pastorem Et Superintendentem Dresensem. Sledanus huius Conuentus mentionem facit eiusmodi, ut vel ipse existimauit, vel alios existimare voluerit Theologos ad hunc nullos, sed politicos tantum ordinates conuocatos fuisse, quem de his rebus inquis exploratoribus usum nimis multa demonstrant.

Ex politicis autem conuocarat delectos, ex equestri ordine Et

Sledanus

XV
dine & oppidanis Magistratibus, qui sunt in his ordinib-
bus harum regionum præcipui. Quemadmodum autem
quidam ex veteribus dixit, Ex malis moribus bonas le-
ges natas esse: Ita ille Augustanus liber cum per se is esset
quem diximus, & miserias, curas, labores, difficultates,
aerumnas multiplices cum toti Germaniae, tum Principi
nostro & Theologis atq; ordinibus politicis haru terrarū
obijceret, præterquam tamen quod ille multorum pruden-
tiam, iudicium, cōstantiam quasi examinavit, multæ etiam
præclarissimæ & vtilissimæ explicationes doctrinæ Chri-
stianæ ut conscriberentur & confessiones ut ederentur
constantissimæ & pulcerrimæ ab omnibus ordinibus no-
stris in causa fuit, & insuper in nostris terris peculiariter
de Adiaphoris exquisitè ut disputarentur & explicaren-
tur omnia, quæ fieri potest, ut ad posteritatem etiam vti-
lem doctrinam suppeditent. Nam multi & ijs qui nostris
iniquissimi sunt, easq; actiones maxime execrātur, ex his,
inquam, quin multi quæ vtiliter de scriptis nostrorum ad
instructionem suam assumere possint reperiant, non dubi-
tamus. Ea quidem scripta quæ D. Philippus Melanthon
noster & ad nos & externos plurimos, occasione libri
illius multa composuit, quæq; ad varias multorum inter-
rogationes respondit, & nostris hominibus & posteritati
vsum minimè vulgarem allatura essent, si collecta exta-
rent, in qua re operam nostram vtilitati publicæ supra pro-
misimus. Atq; hæc quidem prima fuit, ut diximus, de
illo li-

illo libro publica in his terris consultatio, cumq; huius causa conuentum illum institutum suspicarentur omnes ante etiam quam consilium Principis Electoris ederetur, neq; ex vniuersa regione conuocati ordines fuissent, alij aliud sibi de illis institutis actionibus persuadebant, cum in difficultate illorum temporum & mutationis initij nequaquam adhuc coahuissent animi, & multi multa suspiciosè colligerent, & acerbè ominarentur. Itaq; factum fuit, vt non multò minor vel multò potius maior numerus esset eorum, qui diuersis ex locis ad curiosè explorandum quid ageretur & fieret, confluxerant, quam qui ad illam deliberationem fuerant accersiti, & oppidum vix capere tum posset vniuersos hospites. Sed curiosorum suspiciones, & sermones inquietorum, præclarè tum ab ijs quæ agebantur refutati fuere.

Cum igitur conuenissent ij qui literis conuocati in urbem Misenum tum fuerant Calendis Iulij, postera die quæ fuit 6. Nonarum huius, retulit ad eos Illustriß. Princip. Mauric. Elector hæc quæ de Germanico conuersa subiecimus.

NON POTVIMVS facere, quin vos præciuos quosdam in nostris regionibus & ætate grauissimos, ad nos accerseremus, ad rationes uestras de ijs quæ subiçimus cognoscendum. Quod igitur comparuistis, grata est nobis obedientia uestra, quam benigne agnoscimus. Neq; dubitamus plerosq; uestrum memoria tenere, quod negotium sanctæ & Christianæ religionis nostræ ante hæc tempora adhibito consilio præcipuum in regionibus nostris ægerimus, de nobis etiam memini-

mus, quod uobis & coeteris nostris submisse potentibus, de nobis significauerimus & benigne receperimus, facturos nos ut in nostra Christiana religione permanere uobis liceret, neç ab hac ut per uim depelleremini. Quod & imperatoris, nostrum omnium benignissimi domini, Cæfarea Maiestas, ergo nos & uos de sua sententia similiter benignissime declarauit, Nimirum quod nihil magis cuperet quam ut dissidia & controuersiae in religione pacificis & amicis tractationibus, uel alias ijs modis & eo ordine quo decet, & fieri fas est, pie componerentur, & ad Christianum consensum & concordiam res promoueretur & reduceretur, in qua benigna uolunta te & sententia adhuc permaneret. Et quanquam amicis tractationibus ab ipsa nihil haec tenus esset profectum, tamen uoluntatem aut consilium ipsius nunquam fuisse, neç nunc esse, ut Christianam religionem & uerbum Dei (sicut aliqui de nullorum argumentorum fundamentis ipsum insinuarent, & obtrectando publicè sparge rent) gladio seu armis deleret, Sed quod constituisset dijudicationem & disceptationem controuersiarum in religione: pro eo ut in consilio Imperij decretum esset: Oecumenico & Christiano concilio permittere, in quo ante omnia gloria Dei queratur & rei Christi anæ in meliorem statum pia redactio, quemadmodum & in Augustana confessione similiter ad concilium prouocatio fiat. Sicut haec in Imperatoris ipsis scriptis ad nos & uos missis continentur, quorum Imperator & Rex benignissime meminerunt. Postquam autem de concilio negotium ita se dedit ut non omnino procedat, neç si maximè procederet, tam celeriter peragi possit, hac de causa inclitæ mentionis Imperator ad ordines sacri imperij de consultis quibusdam seu constitutione certa referri curauit, quid interim usq; ad Oecumenici & Christiani conciliij dijudicationem, de religione fieri beat, & postulauit, ut Pontificij in sua religione permanerent, & qui nostræ religionis professione sint coniuncti, ij uel suam ad pontificiorum conforment, uel constitutionem propositam usq; ad generale concilium seruare uelint, quæ omnia copiosius in scripta Imperatoris relatione exponuntur.

Ad hæc significauimus Imperatori, quid nostrarum regiom num ordinibus promissemus, ipsum etiam admonuimus eorum quæ illis ipsis ordinibus nostris, & ad nos scripsisset.

Sed perrexit Imperator postulare à nobis ne illam Cæfaream constitutionem de Intericto tempore recipere recusaremus, considerantes quod reliqui Electores & Príncipes qui eandem nobiscum religionem

religionem profiterentur, pleriq; eam receperissent, & ne quid cauſationum afferre, aut impedimentorum commouere uellemus.

Nos uero perstitimus in eo, nos loco & nomine regionum nostrarum ordinum nihil in nos recipere, nec contra publice editas promissiones nostras et typis expressas quicquam facere posse. Et hoc toties ad Cæfaream & Regiam quoq; Maiestatem, atq; alios qui hac de re nobiscum egerunt, repetiuimus, ut tandem nobis Imperator hoc imposuerit & mandarit, ut cum subditis nostris agere, & operam dare uellemus, quo præscripto eorum, qui & à Cæsarea Maiestate ipsius, & communī ordinum Imperij consensu constituta essent (huius enim sententiæ uerbis de hac re utebantur) omnino se obedientes præstare, & quæ constituta essent seruare uellent.

Quod igitur Cæsareæ Maiestati recusare non possemus, quo minus postulata ipsius ad nostros subditos referremus, Ideo uos hac de causa conuocauimus & benignè cupimus, ut illum de intericto tempore librum in manus sumere, perlegere & perpendere uelitis, & de responsione inter uos ad ea quæ ab Imperatore postulantur eiusmodi constituere, qua & præclare instructi sitis, & Imperator intelligere possit nos et uos propensos esse ad obedientiam subiectissimè præstandam in omnibus. Q V AE AD P I A M E T }
CHRISTIANAM CONSENSSIONEM quietem pa- }
cem, & concordiam faciant, ET PIE ET BONA CVM }
CONSCIENTIA fieri possint,

Hæc cum ita de scripto recitata essent, liber vnde ordinibus conuocatis traditus est, Et petitum amplius fuit Principis verbis, vt ne Cæsari obedire atq; obsequi recusarent in omnibus, quæ vlo modo SALVÆ VERITATE VERBI DEI ET SINE LÆSIONE BONÆ Conscientiae fieri possent, idq; pacis & concordiae causa, et ad multiplicia pericula auertendum. Quæ uero à regula verbi Dei recederent, ea Theologi vt demonstrare uellent, nam Principem Electorem

nihil omnium quæ impietatem haberentadmittere velle,
¶c. Sed ordines statim Theologis librum proposuerunt,
cum obtestatione, ut pro ea fide quam veritati, Reipubli-
cæ & saluti communi deberent, quid ferri in hoc quid
non ferri posset fideliter docerent. Etsi autem pleriq;
ex his antè etiam librum viderant, tamen tum primum
ea quibus referri de libro recipiendo Imperator curau-
rat videre eis contigit, quæ relatio Cæsar is appellaba-
tur, & proenij loco libro est proposita. Itaq; in eo pri-
mum quid desideraretur, & notandum veniret consig-
natum fuit, postea de reliquis singulis denuo distributis
operis (neq; enim in illa temporis breuitate aliter fieri
potuit) nouam censuram conscrips erunt, & reliqui quidem
in cæteris notandis, D. autem Philipp. potissimum in
N
dogmaticis occupabatur, & explicandis ijs quæ de Iusti-
ficatione, de fide, & operibus perperam & insidiosè in li-
bro traderentur. Ita tum copiosior quam vñquam ante
indicatio omnium, quæ in illo libro necessario notanda
essent, composita fuit. Ea qualis sit cum extet typis expre-
ſanihil attinet dicere. Paulò enim post Conuentum, vix
Mense elapso, aut non multò longiore tempore, inscijs
nostris, Magdeburgi est edita, & sic edita, ut planum fiat
editores illos de ordine actionum illarum nihil cognouisse,
miscuerunt enim censuræ ea quæ contra doctrinam libri
tum scribi cœpere ut mox explicabitur, & quædam vel
incogitantia & errore, vel alijs de causis mutarunt,

propterea

Liber Interim, q̄ m̄ dr **Liber Augustan** Subit
Censuram.

1548

propterea recusum & illius pars fuit apud nos, sicut primū
scriptū illud ac breuius. Hac igitur de causa, & quod ex-
empla illius scripti nostrorū distracta sint, ea autē que ad-
huc extāt, à Flacianis in suspicione, odia & cōtemtū ad-
ducta sint, ut crediblē sie à plerisq; Flacianis abolita esse,
& à paucis ad lectionem cōmunicari, ideo illud scriptū ex
archetypis denuo exprimi, & nūc deinceps suo loco in-
seri cu rauimus, cōuersum in lingua latinam vt sequitur.

IV DICIVM DE LIBRO AVGVST A-
no, qui nominatur INTERIM, scriptum à
Theologis, qui conuenerant in Urbe.

Mysena, Anno 1548.

COMMEMORATIO EORVM QVÆ
liber Augustanus habet falsa & erronea,
in loco de Iustificatione.

Multa dicuntur in hoc Articulo non conterrenda. Et inter
cætera allegantur dicta aliquot illustria continentia dulcem
consolationem, quibus facentur autores libri, nos gratis
absq; meritis nostris iustificari. Et fidei etiam, quamquam post longum
interuallum, mentionem faciunt, addita hac expressa assigna-
tione fidem sine operibus mortuam esse. Dicunt & hoc, in renatis
& iustificatis, reliquias peccatorum & prauarum machinationum
esse, nec habere homines in hac uita iusticiam integrum sine peccato.
Compensari autem & adimpleri imperfectionem illam & infirmi-
tatem, plenitudine ac perfectione iusticie Domini nostri Iesu Christi.
Et ex uulneribus ac sanguine eius hauriendum & petendum esse, quò
se infirmitas nostra recreet ac sustentet. Dicunt hoc quoq; certò
& sine dubitatione credendum esse promissio. Hæc uero om-
nia in speciem splendide dicuntur ac prædicantur. Et spem aliqui-
bus faciunt totum illum Articulum iustificationis rectè expositum,

Ee 3

& nunc

842

& nunc integrè nobis concessum esse ab aduersarijs, sicuti non negamus aliter loquì eos, quàm multis iam seculis loqui consueuerunt. Multi etiam hoc futurum arbitrantur, ut concessò Articulo illo præcipuo, etiam mūltas alias huic aduersantes sententias & cultus Idolatricos abiijcant. Sed tamen attentius considerata hæc ostendent multa ualde necessaria consulto omissa esse, interfectis clausulis alijs ijsch uarijs, quæ & fermentum Pharisæicum redolent, & corruptelæ sunt, confirmantes hanc ipsam sententiam, quam abiici aliqui putant. Astutia autem & arte tanta hæc facta sunt, ut depræhendi astus difficulter possit, sed quomodo intelligi ænigmata debeant, partis aduersæ interpretationes insuaves demonstrant, quæ iam extant & sententiam eorum catholicam tumidè prædicant, non illa ratione, qua nos intelligere & interpretari titulum illum, & gloriam Catholicam cuperemus, sed ea omnipinò sententia, de qua haec tenus conatu & apparatu tanto pugnarunt. Id nisi obstaret, haud dubiè sequeretur multorum abusuum, q̄tios prædictant Catholicos, & postea in Libro recitant, efficax abiectio ac condemnatio.

Est autem statim sub initium huius Articuli admixta hæc corruptela, quod genuniam uoculæ Iustificationis significationem deprauant. More n. Hebræo propriè significat absoluere aliquem, ut iustificare impium, id est, absoluere reum & pronunciare iustum, id est, remittere alicui peccata, & recipere in gratiam. Estq; manifesta hæc significatio Isaiae 5: Iustificantes reum propter munera. Et Rom. 8: Quis accusabit electos, Deus est, qui iustificat. Quis condemnabit, Christus qui mortuus est, & quod magis est, etiam resuscitatus sedens ad dextram Dei, interpellat pro nobis. Nec difficile est, magnum aceruum testimoniorum ueteris & noui Testamenti proferre, quæ idem ostendunt. In Libro autem vox Iustificationis ad dilectionem detorquetur. Ac si sit Iustificatio impij, non solum quod remittuntur ei peccata, sed quod datur Spiritus sanctus, per quem charitas in corda effunditur, qua postea homo, quod bonum ac iustum est, appetat & operetur, & hac bona ac iusta uita, iustus, hoc est, Deo acceptus sit & placeat.

Adfirmamus autem & nos fide accipi Spiritum sanctum, quæ ipsa etiam opus est Spiritus sancti, & motus nouos à Spiritu sancto in cordibus effici non dubitamus, qui motus initia sunt obedientiae, gratitudinis & dilectionis erga Deum, pro inenarrabili illo & ardenti amore Dei erga nos, quem in reparatione nostri misso Filio & Spiritu sancto ostendit. Fatemur igitur hoc modo inchoari,

quod

quod nominat Iohannes appetere & operari bonum , & oportere
sequi bonos Sp̄iritus sancti fructus seu opera bona , etiam externa fi-
deliter docemus , quae quidem nouitas etiam crescere debet , quoti-
dianis exercitijs , & placet Deo , & multis admirandis præmijs or-
natur ac compensatur .

Sed tamen nouitas illa inchoata , quantacunq; est , nullo mo-
do est iustificatio peccatoris , de qua hoc in loco dicendum est . Ne-
quaquam enim est meritum uel causa , cuius tanta sit dignitas , ut pu-
ritate ipsius motus æternus Pater , immundiciem ac sordes nostras
nobis non imputet , aut nos pro iustis & placentibus ipsi recipiat .
Ista enim nouitate si niti mentes deberent , nunq; eis propter imper-
fectionem & immundiciem perpetuo in hac uita manentem (sicut
ipsi autores Libri postea fatentur , cùm inquirunt , hanc nouitatem
primitias Sp̄iritus nominari) certa esset spes uitæ & salutis æternæ .
Imo cùm certa sit & manifesta omnibus , moles illa sordium in
nobis , quibus imperfecta hæc & languida inchoatio nouitatis con-
sperfa & polluta est , cumq; certum & manifestum sit , nunquam in
hac uita legi Dei satisfieri , certior esset æterna nostri condemnatio ,
quàm uita & salus æterna , quia nondum habeamus iusticiam illam
& mundiciem , propter quam recipi nos isti docent . Sed peccato-
rum sordibus adhuc oppressi & inquinati sumus , ideoq; stipendium
peccati , quod est mors & condemnatio æterna , certo expectan-
dum esse .

Sequeretur & hoc , etiamsi Christus pro peccato fatisficerit ,
& propter obedientiam , passionem & satisfactionem , eius peccata
remissa sint . Tamen nondum nos iustos esse , hoc est , acceptos &
placentes Deo , quia uitæ non sit ea puritas , & sanctimonia , qualis
requiritur . Ita astutè iustificatio hoc in loco sic recitata est , ut no-
uitati tribuatur , & honos iustificationis non soli merito Christi , sed }
inchoatæ puritati & sanctimoniaz uitæ ascribatur . } ↗

Est autem summa & præcipua quæstio ac disputatio . Quare
Deo placeamus & accepti sumus , & quæ causa sit , propter quàm
recipit nos & iustos pronunciat , etiamsi sumus sordidi & legi Dei ,
non fatisfacimus . Hanc causam adfirmamus esse filium Dei Me-
diatorem , & ipsius obedientiam ac merita . }

Proxima quæstio est de modo adapplicationis , qua scilicet re
proposita beneficia adprehendamus , & nostra faciamus , ut fiducia
horum erigere & consolari nos possimus . Hunc modum adappli-
cationis dicimus nō posse intelligi de uitæ nostræ sanctimonia ac noui-
tate

*2px in:
Silia*
itate, quantacunq; sit eius inchoatio aut excellentia, sed fide id fieri docemus, quae hoc agnoscit, & Deo reuerenter tribuit, quod & misericors & uerax sit, & nititur haec fiducia non nouitate aut dignitate propria, sed sola misericordia gratuita.

Fides igitur erigit & consolatur corda, & hac sola praeluscente inuocatio, dilectio Dei, & tota nouitas inchoatur. Et quamquam hoc uerum est, oportere illam nouitatem inchoari, idq; hoc etiam modo ut aliqua sint externa opera iusta, Tamen haec inchoatio iusticie, ab altera illa personae iusticia discernenda est. Est enim duplex iusticia, Alia est iusticia personae coram Deo, quae est propter Mediatorem gratis placere Deo, & acceptum esse, ut persona sit haeres iusticie & uitae aeternae. Et tota est gratuita, sicut inquit Augustinus in Epistola 19. ad Hieronymum de Petro reprehensio a Paulo, quod sola gratia nolissent credentes se iustificari saluosq; fieri.

Alia est iusticia bonae conscientiae & externa, incurrens in oculos hominum, ut nos iustos esse agnoscant, de qua Iacobus loquitur, inquiens: Videntis ergo, quod ex operibus iustificatur homo, & de hac iusticia oportere Iacobum intelligi, Testatur etiam Augustinus in praefatis Psalmis 31. Hæc posterior non placet Deo, nisi propter præcedentem & præludentem alteram. Nec est iustificatio impij, de qua hoc in loco controuertitur. Illa enim impij iustificatio sit fide Mediatorem intuente & adpræhendente.

Cum igitur homo toto Vitæ tempore &c.

Horum uerborum haec est sententia, Primum nos iustos esse iusticia infusa seu inhærente, quam ipsi intelligunt esse charitatem seu dilectionem, quæ cum in hac uita sit imperfecta, Christum sua iusticia nobis succurrere, & plenitudine sua adimplere, quod imperfectioni nostri deest. Et per hunc nos perfectè iustos esse. Ita partituntur iustificationem in duas partes, primum in iusticiam iufusam seu inhærentem, quam ut diximus, intelligunt esse dilectionem, nouitatem & opera nostra. Deinde in iusticiam Christi adimplentem & perspicientem nostram imperfectionem.

Hæc falsa & mendacia sunt, certò enim statuimus, solum Mediatorem filium Dei, Dominum nostrum Iesum Christum esse iusticiam nostram, hoc est propter ipsum & per eum nos remissionem peccatorum iusticiam & uitam aeternam accipere credimus, gratis fide, non propter renouationem aut iusticiam iufusam de qua pontificij pugnant. Et hanc esse libri natuam sententiam, uerba sequentia

sequentia ostendunt, cum inquiunt: Ita concurrunt meritum Christi,
& iusticia infusa, ad quam renouamur dono charitatis.

Sequentia uerba probamus cum inquiunt: Meritum Christi causam esse iusticiæ infusæ, hoc est, ut ipsi interpretantur, dilectionis & nouitatis sequentis. Quod uero addunt Meritum Christi prodeesse primum ad hoc, ut dilectio & nouitas uitæ nobis infundatur, qua iustificemur. Et quod illud ipsum Christi meritum, imperfectiō nem iusticiæ nostræ adimpleat & compenset. Hæc omnia iterum dicimus falsa & mendacia esse, Quia nulla re nostra nos iustificari aut salvare certo statuimus, & omni iusticiæ nostræ anteferimus filium Dei, sedentem ad dexteram æterni Patris, traditum propter peccata nostra & resuscitatum propter iusticiam nostram. Et fide eius iustificari & salvare nos credimus.

Sub finem huius Articulū recte dictum est hoc, quod adfiram̄t, Christi merito conscientiam niti oportere. Sed dissimulare non possumus, desiderare nos in Libro hoc, quod in recitatione Articulū de Iustificatione hominis, profundissimum est silentium de fide accipiente iusticiam, de qua tamen accerrimè pugnat Paulus, ita ut penè post syllabas ac uoces singulas, eam repeatat. Ac mouet nobis suspicionem, non obscura significatio, quod & ipsum nomen fideli subtinetur. Et in dicto Rom. 5: Iustificati igitur fide, pacem habemus, de industria & quasi consulo omittitur: Id etsi libenter imputarem ei, qui descripsit exemplum Libri. Tamen alijs conlecturis non ambiguis confirmamur, singulari astu & industria hoc agi, ut tota de fide doctrina oculis & animis hominum excutiatur, cum tamen expressa in Iohanne asseueratio sit Baptistæ. Dedit eis potestatem filios Dei fieri, his, qui credunt in nomine eius.

Hæc uerba pugnant cum præcedentibus, ubi dixerunt, partim nos iusticia infusa, hoc est, fide & nouitate, partim Christi merito iustificari. Et apparet multos fuisse hoc ipso in loco artifices inter seipso dissidentes.

QVOD HOMINEM TRAHAT DEVS VOLENTEM, AC GRATIA SVA PRÆCVRRAT AC PRÆPARET. Recte dictum est.

Sed tamen non paruam nobis suspicionem mouet, quod toto hoc Iustificationis Articulo, ubi de poenitentia & contritione necesse est dici, ne uno quidem uerbo mentio sit legis, quæ est contio poenitentiae, arguens & ostendens peccata. Ac quod multo

enagis mirum est, toto Libro hac de re altissimum silentium est, & discriumen Legis & Euangelij magna arte subtileetur. Mouemur igitur, ut Antinomicos, Magistros Architectatum Libri, adiuvuisse suspicemur. Sed quia artifices Libri, ista præterierunt, reserimus nos ad scripta nostra, quæ Dei beneficio extant magno numero non inutiliter scripta.

Iterum hic apparet, quid nominent Iustificationem impij, uidelicet, non solam remissionem peccatorum gratuitam propter Christum, de qua pugnant & testificantur Pauli scripta, quia expressè dicunt, iustificari nos etiam donis & operibus, quæ sunt in nobis à Spiritu sancto. Crimen falsi admittunt depravato manifesto testimonio Pauli Rom. 5. quod sic recitant, Charitas Dei, qua nos Deum diligimus, effusa est in cordibus nostris. Et attexunt de suo hanc dilectionem, coniunctam cum fide & spe, uerè esse nostri Iustificationem. Manifestum est autem in loco illo, Paulum non loqui de dilectione nostra, qua nos Deum diligimus, sed qua ipse nos diligit, sicuti seipsum declarat Paulus, inquiens, Cōmendat Deus charitatem suam in nobis, quoniam cūm adhuc peccatores essemus, pro nobis mortuus est. Et Iohann. 4. scriptum est: In hoc est charitas, non quasi nos dilexerimus Deum, sed quoniam ipse dilexit nos, & misit Filium suum propiciationem pro peccatis nostris. Adfirmamus denuò iustificari nos, non dilectione aut nouitate nostra, sed sola illa fide & fiducia, quæ nūtitur promissione, offerente propter filium Dei Mediatorem, gratis absq; meritis nostris remissioni peccatorum, imputationem Iusticiæ, salutem & uitam æternam.

Postea uero cum post longum interuallum sit mentio fidei, non describitur alia nisi historiae fides, quæ scripta prophetica & Apostolica uera esse credit, qua à confusioneis ethnicis, Turcica Iudaica, & alijs scripta Prophetica & Apostolica abhincientibus, sciuncti sumus. Intelligunt igitur fidem mortuam de qua Iacobus scribit, quod & in Diabolis sit. Qui credunt & contremiscunt. Quod uero de uera & uiuifica fide Ecclesiæ nostræ dicunt, quod sit fiducia misericordiæ propter filium premissæ, Id authores libri de spe intelligunt, qua id quod credimus cum patientia & desyderio ardente expectamus. Hæ artificiose & astutæ cogitatæ mixturæ uitium, ad hunc finem directæ sunt, ut cum fidutiā misericordiæ & tam extinguerent nequeant, saltem aliqua ex parte obscurerent aut la⁺ befacent,

besaecent. Siue igitur scientes id faciant siue inscientes, Tamen gen
tuinam & naturam libri sententiam eo tendere manifestissimum est.

Et quanquam doctrina monachorum & decreta synodi Tridentinae de dubitatione damnantur in libro. Tamen de fiducia misericordiae adeo perplexe dicitur, ut ambiguum sit utram in partem autores libri propendeant. Et tamen non obscurè significatur, hunc esse scopum ultimum, ut fiducia illa temeraria esse iudicetur, cum tamen cultus sit, honorem DEO maximum & summum tribuens, & econtra temeritas sit omnium maxima & perniciossima fiducia operum & meritorum suorum niti ac confidere.

Iterum hic ostendunt quid nominent fidem, uidelicet non uiuam illam fiduciam bonitatis & misericordiae DEI promissae & promeritae per & propter mediatorem Christum, Sed fidem illam mortuam & solam historiae noticiam, & professionem articulorum fidei, Qualis fides & in Diabolis est & in multis impijs.

Appendicem illam, qua dicunt Fidem esse etiam in his qui non habent dilectionem & perseverant in peccatis, eatenus concedimus, quatenus de fide historica & diabolica intelligunt. De fide autem iustificante & intuente mediatorem Christum nequaquam concedimus, Sed Pauli dictum ad Timotheum retinemus. Habens fidem & bonam conscientiam, qua repulsa nonnulli circa fidem naufragium fecerunt. Certissimum enim est peccatis contra conscientiam contristari & excuti Spiritum Sanctum, Et fide excussa se qui peccat & conscientiam malam, p̄ij omnes intelligunt, post lapsum autem conscientia non pacatur nisi denuo fides & fiducia illa filij Dei per Spiritum Sanctum accensa & exuscitata fuerit, Sicut omnia haec, exemplum Davidis ostendit & dilucide monstrat.

Et si enim uirtutes distinctae sunt, fides, spes, dilectio, Tamen copula & connexio talis est, ut amissa alterutra harum, omnes simul amittantur, ubicumq; igitur non est dilectio, ibi certum est & fidem nullam, aut mortuam esse, Et uerissimum est quod dicitur: Fides sine operibus mortua est, Et, Qui non diliget manet in morte, Ergo non credit. Qui enim credit in me inquit Christus, etiam si moriens fuerit, uiuet, Simul igitur cum fide hoc fieri oportere dicimus, ut uiuiscetur cor & accendatur dilectio & reliqua nouitas.

Quae iam recensuimus uera sunt, præterquam quod addunt dilectione & operibus bonis nos iustificari. Quia proposicio uerissima est, Neminem sine dilectione & operibus benevoli saluari . Et tamen certissimum est, nos non iustificari

ficari aut saluari, per dilectionem aut opera bona, quia ita scriptum est, Actorum 10. Huic testimonium perhibent omnes prophetæ remissionem peccatorum accipere per nomen eius omnes, qui crescunt in eum.

Sub finem huius Articuli expressè tandem iusticia uera & perfectio omnis dilectioni tribuitur, & adfirmatur quod fons sit bonorum operum & causa & meritum æternæ salutis. Quanquam autem uerum est, quod Paulus inquit: Fides, Spes, Charitas, tria haec, Sed maior horum charitas, Nec dubium est in uita æterna cum exhibebitur id, quod fides & spes credidit & expectauit, dilectionem fore perfectam ac consummatam, & duraturam esse in tota æternitate, Tamen nostra dilectio nequaquam est causa salutis, quia Ioannes inquit: Non quod priores illum dilexerimus, Sed quod ipse prior dilexit nos & misit filium propitiationem pro peccatis nostris. Nec dilectio medium est adprehendens aut applicans nobis dilectionem DEI. Alioquin in hac uita nunquam acciperemus eam nec ad æternitatem illam perueniremus. Est autem medium adprehendens & applicans, ut testatur vox diuina, fides, quæ est fiducia misericordiae & dilectionis diuinæ, qua nos diligit. Et quanquam fide inchoatur in nobis dilectio & leticia in, Deo Tamen propter illam dilectionem, non sumus filii DEI aut haeredes uitæ æternæ, quia uniuersa vox diuina, id fidei tribuit. Nec fons est aut prima scaturigo dilectio, Sed ut eadem vox dinaria & ortodoxi scriptores, puriores ac celebriores, Augustinus & alij testantur, bonorum operum omnium prima scaturigo est fides, quæ ipsa etiam fons est & prima causa dilectionis. Cum enim cor fide erigitur, & sentit consolationem propositam, in filio mediaatore Domino nostro Iesu Christo, quod per & propter ipsum, inenarrabili amore nostri pro nobis traditum, æternus pater nobis propicius sit, nos recipiat & iustos pronunciet, tum primum pax & leticia conscientiae sequitur, & cor uicissim DEV M diligere incipit, quæ dilectio est obedientia, secundum omnia mandata Dei nobis tradita, cum leticia in DEO. Hos gradus recitat Paulus ad Timotheum 1. cap. 1. Inquiens finis præcepti est charitas, ex puro corde, conscientia bona & fide non ficta. Quo in loco non loquitur Paulus, de spuma illa fidei innatante linguae ut de Historiæ noticia, Sed de uera luce fidei, fulgente in cordibus & uiuificante ea.

Hæc

Hæc uero omnia, non dicimus propterea, ut quemadmo-
dum per calumniam maleuoli de nobis uociferantur, stultam & im-
piam securitatem confirmemus, quam multi etiam inter nos se-
cure ruentes in scelerib[us] libenter intelligerent, somniantes satis esse
illos clamores & uociferationes de fide, etiamsi cor nec dolores nec
consolationem ullam sentiat, nec dilectionem Dei aut caetera opera
bona inchoet, Nequaquam enim dilectionem & opera bona exclu-
dimus aut abijcimus, sed inchoari oportere fideliter docemus, & in
inuocatione omni, toto pectore cum Ecclesia petimus. Auge in nobis
quæsumus domine fidem rectam, spem firmam, charitatemq[ue] per-
fectam, & Sancti Spiritus lucem in cordibus nostris semper accende,
pugnamus autem de solo illo, quod iam saepe repetiuimus, etiamsi
inchoatae sint uitrites illæ omnes, ita etiam ut Abrahæ excellentiam
profectu subsequantur aut imitentur, uel etiam superent, Tamen
oportere his omnibus prelucere flamمام illam seu lucem fidei, in-
tuentis mediatorem, propter quem solum æterno patri placeamus
& accepti simus gratis, non propter ullam dignitatem aut opus no-
strum. Ac propterea de hac iusticia soli fidei pugnamus, ut in
ueris doloribus conscientiae firmam consolationem habere possint,
& cum fiducia & læticia aliqua promissæ misericordiæ possint confi-
dere, ut in neutrū extremorum prolabantur, in superbiam sele
admirantem & extollentem aut desperationem quæ est mortis æ-
ternæ incium. Hæc fides si non tota extincta est in libro Au-
gustano, certe horribiliter obscurata & labefactata est. Suntq[ue] econtra
encomijs nimis, & non ueris laudata dilectio & opera bona, quæ
consolatione erigere & confirmare corda trepidantia non possunt.

Non est igitur λογομαχία hæc controuersia, Sed disputatio
necessaria, ut filio DEI honos suus tribuatur, & ut conscientijs
consolatio firma & spes uitæ æternæ certa tradatur & relinquat-
tur.

Hoc in loco opera supererrogationis magnificè predicanter,
tantum hoc consilio, ut superstitiones Monachorum & alijs cultus
idolatrici stabiliantur & denuo reuocentur. Est enim horribile mene-
daciū doctrina monachorum, quod dicunt posse hominem alia//
maiora & meliora opera facere, quām quæ à DEO ipso præcepta//
sunt in decalogo. Cum enim certum sit, Præceptis decalogi in hac in-//
firmitate naturæ hominum nunquam satisfieri, nec prestari posse
perfectam illam & integrum obedientiam, qualem Deus postulat,
Quæ tamen amētia est singere, prestari posse alia meliora & excellenti-

ne quoq[ue] ex:
cludi, y bona
opera.

ora opera non præcepta, quæ sunt meritum iusticæ & salutis æternæ, sicut audacter finxerunt & docuerunt monachi, & opera quæ nominarunt supererogationis, adpliearunt & uendiderunt alijs, additis diplomatisbus, promittentibus remissionem peccatorum & salutem æternam? Id qualis furor sit, confyderetur in exemplo, Seruare castitatem perpetuam & intemeratam, non est uirium humanarum opus, sed ut testatur Christus Matth. 19. Singulare Dei donum est paucis concessum ac datum.

Quod item gloriantur relinquere aut uendere facultates & sequi Christum, esse opus supererogationis & indebitum ut nominant, Id etiam horribile mendacium est. Comprehenditur enim in secundo præcepto recte intellecto, & suas metas habet, quia præcipitur, ut cum opus est, non solum desertione facultatum, sed uitæ etiam & corporis periculo uerbi Dei confessionem ac fidem ostendamus ac testissemur, sicut precepit Christus inquiens, Qui coniugem & liberos, domum & agros pluris facit quam me, hic non est me dignus.

Quod item allegant Davidem saltantem ante arcam fœderis, id est opus confessionis & gratiarum actionis, non supererogationis.

Deinde quod de se Paulus scribit, se gratis seruiuisse docendo, nec petiuisse didactra aut stipendia debita, id totum opus est liberi spiritus & dilectionis proprium, quod fecit ut ipse testatur propter pseudoapostolos. Nec existimauit Paulus hoc opus pecuniarèm cultum esse, qui sit meritum uitæ æternæ, sicuti Monachi suis electijs operibus & exercitijs somnia illa adsingunt, De quibus omnibus pronunciat CHRISTVS severissime, inquiens: Frustra colunt me mandatis hominum. Item Marci 7. Benè prophetauit de uobis hypocritis Esaïas, sicut scriptum est. Populus hic labijs me honorat, Cor autem eorum longe est à me, Frustrâ autem me colunt, docentes doctrinas & præcepta hominum. Relinquentes enim mandatum dei, tenetis traditiones hominum.

Hæc pars recta est, & ijs quæ de iustificatione præmissa sunt, contraria. Tollit enim & decretum concilij Tridentini de dubitatione, quo statuuntur hominem non posse certum esse de salute æternæ & doctrinam scholasticam ac Monasticam quam taxari & rejici necesse est.

DE ECCLESIA ET EIVS

Signis.

HIC Articulus in genere quidem non est impius si recte accipiatur: Verum in generali illa formula sermonis, qua Ecclesiae tribuunt potestatem sanciendi Canones, aliquid incommodi est.

Cæterum hic considerandum, qui sint uere Ecclesia, quam describunt. Vtrum hi qui puram Euangelij doctrinam, & rectum Sacramentorum usum à Christo traditum retinent: An uero illi qui meritis & operibus humanis iustificationem tribuunt, cibis & coniugio interdicunt, denique à Prophetarum & Apostolorum doctrina discedunt, & institutum cœnæ dominicæ, à Christo usum mutant, & in abusum ordinationi Christi contrarium converunt.

Considerandum item est diligenter, quinam Ecclesiæ unitatem sciderint, & Schismata in Ecclesiam inuexerint doctrinis & cultibus nouis falsisque præter & contra uerbum Dei singendis, qualia sunt, inuocations sanctorum, Theatrica missæ celebrations, concursus ad statuas, peregrinationes, ordines Monastici, & id genus alia.

Videndum & hoc, ubi & apud quos continua propagatio ueræ doctrinæ & uerorum cultum Dei, fuerit ac manserit. Quæ omnia si attentius considerentur, facile ostendent, quæ uera Catholica & Apostolica sit Ecclesia, quæ minus. Ac licet forte illi, apud quos hi, quos diximus, errores & abusus uigent, multitudine ac potentia cæteros qui ueram doctrinam retinent, longe uincant: Non ideo tamen sequitur eisdem ueram & catholicam Ecclesiam Christi esse. Christus enim suum cætum non multitudine, sed paxicitate definit, cum inquit: Noli timere pusille grec.

DE ECCLESIAE POTES TATE,

Ministris, & summo Pontifice.

HIc omniū maximè odiosus est articulus. Nec ut existimamus alius est, de quo plus laborant, cum in hoc uno quasi nero, ipsis ferè sint omnia. Sed multa sunt, quæ in eo desideramus.

DE

DE CORRUPTELIS IN HOC

Articulo.

APrimum quidem et si in multis de Ecclesia aliter & com-
modius loquuntur, quam antea: tamen in hoc delinquent,
quod omnia ualde generaliter dicuntur, & ihs in uolucris uer-
borum, quae etiam si nos recipiamus, illi tamen quo quis postea tem-
pore ad suam causam, ut sit in cothurnis, aptare, & ad multos abu-
sus stabilendos transferre possunt. Hoc enim agunt, ut ruptas
aranearum telas, in quibus muscae aliquot irretitae haerent, quocunq;
modo sarcire queant. Quancq; enim aliqua non male posita sunt ab
illis, cum definiunt Ecclesiam, quod sit Christi fidelium congrega-
tio, quomodo inuisibilis, itemq; uisibilis sit, quod quantum ad ex-
ternam uitae societatem boni in ea pariter & mali sint, quod suis sit
distincta notis, quod habeat uerbum Dei, uerum Sacramentorum
usum, claves ligandi ac soluendi, potestatem excommunicandi, ius
ordinandi ministros.

Inter cetera tamen & hoc assuunt, quod penes Ecclesiam fues-
erit & sit authoritas Canonis scripturarum. Quod quidem per se
si commode accipiatur, non male dicitur: Ab aduersariis tamen
contra Augustini sententiam eo detorquetur, ut dicant Ecclesiam sus-
hra scripturam, potestatem eminentiorem habere, & autoritatem
mutandi scripturae instituta. Hoc fundamento postea suas in Sacra-
mento factas mutationes pingunt, & eodem detorquent, quae dicun-
tur de traditis per manum, unde probationes exempli causa sumunt de
Baptismo parvulorum, qui cum per se satis in ipsa Dei institutione
fundatus sit, hi tamen inter tradita per manus, recensent, ut una
quasi fidelia, quod aiunt, simul dealbent suos quosdam ritus non ge-
nuinos, quos scripture non agnoscit, imo potius damnat. Hoc ip-
sum sibi uult, quod de Elicitis ex scriptura & reuelatis narrant.

Ad hæc tribuunt prælati ius condendi Canones, quod ta-
men urbanus papa ipse restrinxit, Quæst. 25. C. 1. Sunt quidam,
&c. Verum idem, hoc pacto sine restrictione positum, admittere
periculosem esset. Ut enim maximè possemus illud postea com-
moda interpretatione mitigare; huc tamen potissimum spectat, ut
hoc nomine quicquid uspiam est uitiosorum Canonum refineatur,
& pro inobedientibus habeantur, quicunq; illis non obsequuntur.
Omnium uero periculosisimum est, quod authoritas inter-
noscenda

pretandi scripturas promiscuè nulloq; delectu, omnibus Episcopis
datur, Cum tamen sit in confessio, quod Episcoporum in cog-
noscenda scriptura sacra passim sit studium, & quod plerumq; ex-
plicandæ scripturæ partes, tam in concilijs quam alibi dentur in-
doctiss. Monachis, & quicquid hi pro stabiliendis ipsorum idolis
sомнiant, id pro inspiratione Spiritus sancti & legitima scripturarū
interpretatione haberī uolunt. Quod si quis cautum esse dicat,
ne quid huius fiat, hac forma uerborum, qua præcipitur, ut hac
tota potestate utantur ad ædificationem & non ad destructionem:
Respondemus hanc ipsam formam uerborum, ad. huc ambiguam
esse, nec dum constare, quod secundum ipsos sit destruere, quid
redificare. Deniq; huc tota res redit, ut homines à certa & manifesta
scriptura, ad incertas iutiles & non parum periculosas traditiones,
que in se nec finem nec modum habent ullum, traducantur.

Insuper hoc peculiare donum interpretandi scripturas, certis//
locis & personis, ordinaria quadam successione, affixum esse uolunt;
Cum tamen hoc donum sit singulare spiritus sancti lumen, singulis
tam ueteris quam noui testamenti temporibus, in certis & paucis
quibusdam hominibus diuinitus excitatum & accensum, cuius sœpe
& plurimum ij, qui ordinariam successionem tenuerunt, expertes,
imo hostes; fuerunt, quod exempla multorum prophetarum Eliae,
Elisei, Esaiae, Amos, & aliorum ostendunt.

Multí item Apostolorum ex tribu Naphtalim & Zabulon
erant, alieni ab ordinaria successione, qui tamen Pontificum scriba-
rum & pharisæorum, ad gubernacula Ecclesiæ sedentium falsas do-
ctrinæ interpretationes & Idola mandato Dei taxarunt & damna-
runt. Fuit & Augustinus egregia scripturæ interpretandæ intel-
ligentia præ multis sui seculi doctòribus prædictus. Nec ignotum est,
quid de Paphnutio & Hieronymo, quorum sententiæ in concilijs
prælatae sunt, Panormitanus scribat. Ut nihil hic dicamus de hoc
donorum genere, quod non paucis nostro tempore Spiritus sancti
beneficio collatum in multis scripturæ ac doctrinæ coelestis partibus
illustrandis sese abundè exeruit, quod tamen bonum, mundus pro
sua ingratitudine, magno suo cum malo, turpiter negligit, contemnit
& repellit.

Nec uero tam huius doni uim & usum, qui in uera scripturæ
intelligentia & sobria explicacione consistit, querunt aduersarij, quā
huius prætextu potestatem eiusmodi, qua liceat ipsis authoritate re-
gia uel prætoria pronunciare, ubi scripturæ sententiam sequi, ubi

rursus hac posthabita ipsorum traditiones & placita retinere & anteferre oporteat, quemadmodum accidit in concilio Constantiensi.

Quod si itaq; hic articulus simpliciter recipiatur, nullus deinceps in Concilio & alibi locus erit disputationi, Sed per omnia illorum qui sunt in officio sententijs & suffragijs propter ordinem parentum erit. Atq; hoc modo simul e medio tollentur omnia alia salutaria remedia, quibus nec licitum, nec integrum, nec tutum erit cuiquam uti.

Etsi autem fieri potest, ut autores huius articuli melius forte sentiant & spectent aliud, quam quod in praesentia a nobis dictum est: tamen ad fidem nostram pertinet indicare pericula, quae sub istis uerborum inuolucris latent, quibus ne impliceatur, cautio est, si doctrinam & Ecclesiam uolumus esse saluam.

Quod uero ad summum Pontificem ac ceteros Episcopos & Iurisdictionem ipsorum attinet, non opus est hic commemorare abusus & errores, in quibus & olim fuerunt, & hodie contra conscientiam perseverant, cum quidem ista dudum cum ex ipsorum libris cum hominibus sermonibus manifesta sint & notoria.

Manifestum est autem toties non esse professo, si illi nobis uerae doctrinæ puritatem, & legitimum Sacramentorum usum concedant, nec impijs suis traditionibus conscientias nostras onerent, nec propter Euangelij doctrinam nos persequantur, &c. quod illis uicissim Iurisdictionem, ordinationem & dignitatem ipsorum restituere, & obedientiam qualis debetur, non grauatim præstare uelimus, quodq; Collegia uetera & conseruata cupiamus, & eam rem loco nostro simus adiuturi quantum in nobis est.

Cum uero illi nullam emendationem, ac ne hanc quidem, quam INTERIM ipsum prætendit, admittant, sed in semel suscepta abusuum defensione pertinaciter & obstinate perseverent, at nunc etiam recentibus exemplis ostendant, quod recuperata Iurisdictione sint abusuri ad restitutionem Idolorum & persecutio-nes piorum, qui agnitam ueritatem abnegare nolent: Ideo etiam atq; etiam uidendum nostro Principi, quid futurum sit, si eadem fiant in his terris, Quæ cum Dei beneficio multis eximis Dei donis, doctrinæ ecclesis puritate & Ecclesijs, Scholis, iudicis, urbis, politijs, disciplina & legibus bene constitutus florent, Et Metallorum, mercium, morum atq; omnium rerum necessiarum ubere

ubere prouentu ornatissimarum, hominumq[ue] inter se & erga Magistratus, studijs ac benevolentia coniunctissimæ sint; quis non uidet, quantum malorum, dissidiorum, odiorum, aduersationum, distractiōnum, uastationum, detrimentorum, scandalorum, in politijs, Ecclesijs, urbis, oppidis, legibus, iudicijs, & omnium ordinum & ætatum hominibus, inde exoriturum sit: quanta sit sequutura ueritatis coelestis iactura: quantum periculi conscientijs euenturum: quam graue sit teneram ætatem uix eruptam ex faucibus inferni in priores tenebras reiçere: Ac etiamsi forte promittant Episco-pi, se libro Augustano obtemperaturos esse, tamen quis non uidet, quam multa hoc ipso in libro desiderentur. Non aliam enim nisi suam, id est, abusum & impietatis plenam ordinationem Ministrorum usurpati, & in uerae doctrinæ iustam ac debitam explorationem Ministrorum, imo & curam conferuandæ purioris doctrinæ neglecturi essent. Neglecta uero doctrina, aut certe fucatis coloribus (quod nunc facit Suffraganeus Moguntinus) adulterata, facilimè paulatim ruerent & cetera. Tantum situm est in pureitate doctrinæ, ut sine hac & Ceremoniæ obsint, & Sacra menta ipsa in abusum transferantur. Nec consentaneum uidetur, Episcopos in Iurisdictione à placitis suis uel latum unguem discessuros esse. Quare etiam atq[ue] etiam consulo opus est, ne quid illis hac in re, nisi praecedat declaratio ac Reformatio sufficiens, largiamur,

Non uolumus autem disputare de primatu supremi Episcopi, unde & quomodo cœperit, & quantum inde ad Ecclesiam malit/ redundarit, & quam perperam ad eum stabiendum prærogativa Petri adducatur. Quod si esset ille talis, qui non iure diuino se orbis uenditaret, ac intra suos fines contineret, prout in concilio Nicæno sanctum fuit, & Hieronymus ad Euagrium, & Epistola ad Titum scribit, & qualis Cypriani & Augustini temporibus in usu fuit, sic hi qui obrepserunt abusus (quod tamen uix sperare licet) pia Synodo corrigan tur, deniq[ue] tota isthac potestas ad concordiam in doctrina & pietate fouendam referatur. Talem nimirum si darent nobis primatum, non modo non repudiandus, sed etiam prouehendus uideretur. Cupimus enim, quantum in nobis est, politiā Ecclesiasticā, quam optimam & rectissimē constitutam uidere, & hoc fine Episcopis suam Iurisdictionem libenter concesserimus. Verum hoc statu rerum reddere Iurisdictionem nimis foret periculosum. Hoc enim prætextu, nec præsentem statum, qui plenus turpitudinis

est, & manifestorum flagitorum, mutaturi, nec perniciosos abusus
quocunq; modo inuestos abiecturi essent.

DE SACRAMENTIS IN genere.

Nolumus de Sacramentorum numero rixari, Tantum hoc
monemus, uidendum esse, quæ uera & à Deo instituta Sa-
cramenta sint, quæ uero ab hominibus excogitata. Sacra-
menta enim propriè dicitur & sunt externæ & uisibiles Ceremoniae
ab ipso Deo præceptæ ac institutæ, annexam habentes promissio-
nem gratiæ & remissionis peccatorum, per quas beneficia Domini
nostrí Iesu Christi nobis applicantur, per quas & Spiritus sanctus,
non secus ac per uerbum efficax est in credentibus. Tales actiones
sunt Baptismus, Coena Domini, Poenitentia & Absolutio. Reli-
qua quæ nec expressum mandatum Christi, nec promissionem gra-
tiæ, & remissionis peccatorum adiunctam habent, propriè loquen-
do non sunt Sacramenta. Si quis tamen uocabulum Sacramenti
largo modo accipere uelit, multo plura erunt, mysticum aliquid sig-
nificantia, quæ Sacramenta appellari poterunt, quemadmodum &
à ueteribus factum est.

DE BAPTISMO.

SVb hoc titulo ponuntur inter cætera hæc uerba: Mandato Do-
mini, In nomine Patris, & Filii, & Spiritus sancti baptizare iu-
bentis, quoties confertur Baptismus, & fides accipientis, si adul-
eus sit: pro infantibus uero, cum suscipientium eos, & pro ipsis con-
sistentium, tum totius Ecclesiæ fides, & fungentis Ministri uerbum,
innititur, quatenus hic ait: Ego baptizo te in nomine Patris, & Filii,
& Spiritus sancti.

Hæc posterior pars falsa est. Quia infantes non fide suscipi-
entium patronorum aut Ecclesiæ, Sed mandato & institutione Dei
baptizantur, & Spiritus Sanctus in Baptismo efficit motus in infan-
tibus pro ipsis modulo, ut timoris, fidei, dilectionis erga Deum,
sicut certere est in exemplo Iohannis Baptistæ. Sine regeneratione
enim quæ sit per Spiritum sanctum nemo Saluator.

Hoc fatemur autem, inuocationem & preces Ministri &
eorum qui Baptismo assistunt, non irritam, sed utilem & necessa-
riam esse, &c. Reliqua quæ ibi de Baptismo, sequuntur, non incom-
moda sunt.

DE CON-

DE CONFIRMATIONE.

Quanquam Acta Apostolorum referunt, impositione manuum, qua Apostoli usi sunt, Spiritum sanctum uisibiliter datum esse baptizatis (quod singulare fuit primitiæ Ecclesiæ miraculum) unde postea ritus confirmationis defluxit; & alicubi recte usurpatus fuit, nec adhuc male examinis causa, adhibita manus // impositione & solenni petitione gratiae Spiritus sancti, usurpari posset; Non tamen est traditio Catholica, quæ uel à Christo tradita, uel à tota Ecclesia uniuersim & semper obseruata fuerit, quemadmodum hoc inter cætera etiam liquet ex C. Quando de consue. & ibi per Panormitanum. Tum neç mandatum certum, neç promissionem habet, Nam dicta, quæ in libro ad eam comprobandum falso accommodantur, non de Confirmatione, sed de donatione Spiritus sancti, ad omnes pios omnibus temporibus pertinente, loquuntur. Nihil minus igitur quam pro ritu Catholico & Sacramento haberendum est hoc ineptum & ociosum Spectaculum, quod umbratiles Episcopoi inde fabricarunt. Verum ita demum Confirmatione foret utilis Ceremonia & consuetudo, si baptizati & Catechumeni posteaquam adoleuissent de doctrina interrogati, explorati confessionem ederent, & suam Ecclesiæ Christi fidem & obedientiam testamat facerent, & abiecta superstitione iuxta ritum Apostolicum, cum manuum impositione, pro ipsorum constantia & incrementis fidei, uota & preces, fierent, omisis & exclusis abusibus, qui accesserunt, praesertim opinione necessitatis ad salutem.

DE SACRAMENTO POENITENTIAE.

ENTRAM Numeratio peccatorum à Deo non est præcepta, cum sit impossibilis, iuxta dictum: Delicta quis intelligit? Remissio enim non ex enumeratione delictorum, sed ex promissione & absolutione pendet. Hoc autem iustum est, ut petiturus absolutionem à Christo institutam, fateatur coram Deo & ministro Ecclesiæ suum reatum, & si sentiat conscientiam suam aliquibus enormibus peccatis præcipue grauari, non inutile est ea in sinum Ministri deposnere, ut melior sit occasio eius commonefaciendi & consolandi: Sit igitur usitatum est in nostris Ecclesijs, neminem, sine edita prius con-

fessione reatus & petita Absolutione, ad sacram communionem admitti.

Ingens autem discriminis est inter officium iudicis forensis & ministri Ecclesiae impertientis mandato Dei absolutionem. Nec uerum est quod liber contendit: Sacerdotem non posse quenquam absoluere sine cognitione. Differunt enim iurisdictio ad publica & notoria crimina pertinens, & ministerium, habens mandatum, ut annunciet remissionem peccatorum omnium tam notorum quam ignoritorum.

Resipiscentes item dignos poenitentiae fructus facere debere, minime dubium est ex scriptura. Sed tales fructus esse satisfactioes, quae peccatorum causas extirpent, & reliquias peccati me deantur, ut liber loquitur, falsum est. Nam ut Ambrosius inquit: Sola mors Christi satisfactio est pro peccatis. Quid uero fuerit in ueteri Ecclesia satisfactio, & quis eis in publica poenitentia usus, prolixum esset hoc loco commemorare, id est satis antea ex scriptis nostrorum & ueterum notum est.

DE SACRAMENTO CORPORIS ET Sanguinis Domini nostri Iesu Christi.

Creditur, docetur, & sit a nobis in hisce regionibus iuxta uerbum & institutionem Domini nostri Iesu Christi, & secundum doctrinam, ac ritum ueræ Catholicae Ecclesiae Christi. Quare de eo non addimus hoc loco plura.

DE VNCTIONE.

Quod ad hanc attinet, uerum quidem est, Apostolos mandato Domini infirmos oleo unxisse, & alijs item modis, ut impositione manum, sanasse, idemque S. Iacobum usus passe, quanquam paulo post ea res intercidit: nec inficias imus utile esse, ut presbyteri ad agrotos accedant, cum illis orent, & morituros Deo commendent. Attamen hic ritus unctionis extremæ, quialis ante haec tempora fuit, non pro traditione Catholica aut Sacramento habendus est. Non enim a Christo expresso mandato sancta est, nec a uera Catholica Ecclesia ubique & semper obseruata fuit, nec ueteres probati scriptores eius, quantum quidem nos scimus, memines-

meminerunt. Præterea in forma uerborum (quæ sic habet : Per istam unctionem remittat tibi Dominus , quicquid per oculos , nares , labia , aures , pedes , deliquisti) remissio peccatorum huic unctioni tribuitur . Denicē inuocatione sanctorum mortuorum hæc ceremonia uiiciata est .

DE ORDINATIONE MINISTRORUM.

DE hac respondemus , quod supra in articulo de potestate Ecclesie diximus , & optamus , ut recte & piē seruetur , nec tantum ociosum spectaculum sit , sed ut illorum qui ordinantur diligens exploratio & institutio fiat , & serias preces Ecclesia adiungat , ac morum & doctrinæ accurata inspectio ratioq; habeatur , ut uocati sanam doctrinæ uocem sonent , Sacra menta secundum institutionem Christi administrent , & uitam honestè instituant .

DE SACRAMENTO MATRIMONII.

IN hoc Articulo duo potissimum desideramus . Primum quod in casu adulterij aut desertionis personæ innocentii admittitur libertas aliud coniugium contrahendi . Alterum est , quod matrimonium & sponsalia sine consensu parentum facta ; rata habentur .

Nota est autem constitudo , quæ mandato Illustrissimis Principis nostri in Consistorijs & alibi in horum casuum dijudicatione observuantur , quod scilicet causæ diuortij in iudicijs diligentissime cognoscuntur , & omnes pacis ac reconciliationis viæ tentantur . Quod si ea non procedit , persona innocens libera pronunciatur , & ei conceditur , ut pro sua conscientia pie rursus contrahat . Deinde nec liberis permittitur , ut sine parentum consensu matrimonia contrahantur , sicut tamē hac cautione , ne parentes sua potestate abutantur , sicut de his omnibus exstat ordinatio Cellæsis , autoritate Illustrissimi principis nostri promulgata , iuri diuino , naturali & ciuii conformis , quod si igitur hæc duo membra ex sententia libri recipienda sunt , receptarum constitutionum ac iudiciorum in Consistorijs nostris & conscienciarum multiplices turbationes & labyrinthi sequentur ,

DE

Personæ immo:
causæ confor:
bat itorum
matrimoniorum
Conjugij
parantum

DE SACRIFICIO MISSÆ.

INitium huius articuli falsum est & impium, Non enim ex natura uerae religionis origo est, sed Deus ipse immensa misericordia & doctrinam de fæse & ueros cultus, quibus coli uult, sua uoce illustribus testimonij, generi humano patefecit & mandatis ad ditis atque comminationibus commendauit. Non enim ex sele genuit Adam, sed ipso Deo dictante accepit doctrinam & sacrificia sua. Absque hoc si esset, nihil different ab eo genere operum, de quibus ait Dominus: Frustra colunt me mandatis hominum, Sed absit ut in hunc ordinem cogamus Adami & Abeli sacrificia, quæ uere fuerunt testimonia fidei ipsorum, quibus professi sunt se credere inuenturum semen, quod futurum esset uictima pro genere humano. Quod autem & gentibus postea sacrificia usitata fuerunt, non natura duce didicerunt, sed imitatione primorum patrum, quorum sacrificia amissa doctrina sine fide & notitia seminis promissi retinuerunt, & multis modis depravauerunt.

In sequentibus, quod unicum sacrificium Christi agnoscunt, quo expiata sunt peccata mundi, & homines Deo reconciliati, non peccant. Sed statim rursus ueris falsa miscent, cum dicunt, reliqua omnia sacrificia (intelligunt autem suam Missam) unici huius sacrificij Christi applicationes esse. Nequaquam enim per Missam aut opus sacrificuli, sed fide in usu cænæ à filio Dei institutæ, applicatur nobis sacrificium & mors filij Dei, cum scriptum sit: Iustus fide sua uiuit.

Ab hoc autem loco & deinceps usque ad paginam B b ingezunt errorem de tribus legibus, quarum cuique sua sacrificia assignant. Nam legi naturæ sua fuisse sacrificia asserunt. Deinde legem Mosi similiter oblationes quasdam externas instituisse. Tandem uero Christum nouam legem mundo attulisse, in qua Christus tum sumnum illud & maximum sacrificium, per semetipsum obtulerit, tum Missæ oblationem lege perpetua nouæ legis sacerdotibus traxiderit.

Hinc manifestè appetat, quo prætextu suam Missam nobis obtrudere conentur, hoc nimirum furo, quod dicunt Christum suam legem nouo sacerdotio & peculiari sacrificio ornasse & instruisse. Ac sacerdotes quidem huius nouæ legis esse Apostolos, & horum successores, ad hoc peculiariter consecratos. Sacrificium uero ipsum esse hoc Sacramentum corporis & sanguinis Christi, cuius duplarem

duplicem usum instituerit & commendarit; Primum scilicet sumpti-
onem, cum inquit: Accipite, Edite, (ubi tamen alteram sumptio-
nis partem, de industria omittunt) Deinde oblationem, cuius ob-
lationis ministerium Apostolis tradiderit, his uerbis, cum inquit:
Hoc facite in mei commemorationem.

Etsi igitur recte fatentur, sacrificium Christi quo semel
in cruce defunctus est, unicum esse satisfactionem pro peccatis,
quale non aliud sit in mundo, ideoque missam non esse sacrificium
propiciatorium, sed memoriam duntaxat illius cruentae victimae in
cruce oblatae, in quo minimè errant: Nondum tamen inde consici-
tur Christum in nouo Testamento aliud Sacerdotium & sacrificium
præter εὐχαριστίαν & ministerium in Ecclesia instituisse. Nam
ministerij in Ecclesia instituti partes aliae non sunt, nisi doctrinam &
Sacramenta alijs impartiri, nec administratio aut sumptio ministri
eiusmodi opus est, quod Ecclesia & alijs applicari possit, Sed est
officium, in quo minister seruit alijs exhibens Sacramentum, quod
quisque fide percipiens, ipse sibi beneficia filij Dei accommodat & ap-
plicat, quae quidem est uera & salutaris commemoratio mortis
Christi, non in opere Sacerdotis, sed in ipsa sumptione & usu cre-
dentiis consistens, de qua loquitur & Canon De consecrat. C. V.
Cum frangitur hostia, cum sanguis de Calice in ora fidelium fundi-
tur, quid aliud quam Dominici corporis in cruce immolatio, eiusque
sanguinis de latere effusio designatur? Hæc commemoratio cuiuscumque
sumentis, gratiarum actio & inuocatio, est sacrificium εὐχαριστίας,
& non oblatio illa sacrificuli denuo Christum offerentis, quam uult
liber. Quarè iniuria fit patribus cum dicta ipsorum, quæ de Sa-
crificio loquuntur, ad opus sacerdotis in Missa detorquentur. Etsi
enim mentionem faciunt sacrificij & oblationis, tamen ita explicant,
ut certum sit ipsos non de sacrificio θλαστικῷ merente remissionem
peccatorum, nec de oblatione, sistente Christum patri, loqui. Hoc
enim est solius filij Dei, seipsum offerre patri, ut Ebre. 9, dicitur.
Hic per proprium sanguinem introiit semel in sancta sanctorum, &
in illo arcano consilio diuinitatis stans coram patre, ut ἡμέτερη γέγονη
μετίτηται, perpetuo interpellat pro nobis. De Sacrificio autem homi-
num piorum dicunt patres quod sit εὐχαριστία, & (ut ipsi nomi-
nant) commemoratum, hoc est, in quo quisque uera fide bene-
ficia morte filij Dei parta, petit & accipit, & pro ijs gratias agit. Atque
haec inuocatio & gratiarum actio semper in coena Domini et sumpti-

one legítima facienda est. Ipsi uero Ceremonia per se sine fide & his fidei exercitijs Sacrificium non est.

Planè falso etiam & veteratoriè ad tuendum Missæ Sacrificium Malachiae sententia detorta est. Malachias enim non de Sacrificio Missæ uaticinatur, sed de Sacrificio Euangeli, per totum orbem in nouo testamento promulgando. Quò etiam Apostoli & Patres respexerunt, Cum prædicationem Euangeli nominant Sacrificium. Rom. 15. Ut sim Minister Christi Iesu in Gentibus sacrificans Euangelium Dei, ut fiat oblatio Gentium Deo accepta & sanctificata in Spiritu sancto. Sic & Epiphanius ait: Sacrificantes Euangelium per orbem terrarum. Nec Tertullianus aduersus Marcionem lib. 3. dictum Malachiae aliter accipit, quām de prædicatione Euangeli, & non de sacrificio Missæ, in quam sententiam liber illud citat.

Hic iterum se produnt, ut & infra de Communione, se in Missa, sua oblatione & opere Christum patrī sistere & offerre, quod tamen nullius hominis, sed solius filij Dei opus est, ut supra ex 9. cap. ad Ebr. ostensum est. Nequaquam igitur Deo Christum per nostrum opus offerimus, sed oramus eum, ut propter uictimam Filium Mediatorem nos recipiat & saluet.

Quod reliquum est de Inuocatione Sanctorum, & Memoria mortuorum, alio scripto sententiam nostram exposuimus, quam hic compendio ut sit in conspectu subiiciemus.

DE INVOCATIONE SANCTORUM.

INUOCATIO REI INVISIBILIS, QUÆ A CONSPECTU ABEST NOSTRO, TRIBUIT EIDEM OMNIPOTENTIAM, QUOD HOMINUM GEMITUS & CORDA INTROSPICIAS, COGNOSCAT & JUDICET.

HIC HONOS SOLI DEO COMPETIT.

ERGO

INUOCATIO SANCTORUM EST IMPIA.

Quod autem singunt aduersarij Deum Sanctis singulari modo notas facere posse preces nostras, frivolum est, & hominum figuramentis opponimus grauissimum, & expressum mandatum Dei: Dominum Deum tuum adorabis, & illi soli seruies.

Nec sufficiens est oratio quorundam: Sanctos inuocari saltem ut Ministros & Intercessores. Quia ipsa inuocatio ad inuisibilem creaturam directa, per se testimonium est, tribui ei omnipotenti.

II. Non

*frivola pa.
picolam
fancititia*

II. Non alij præter Christum Mediatores & Intercessores adiuocandi sunt.

III. Constat Sanctos non solum ut Mediatores, uerum etiam ut opitulatores & tutelares Deos cultos esse. Hæc Idolatria confirmatur, admissa forma precationis, de qua dicit liber.

IV. Nullus cultus in Ecclesia instituendus est sine expresso mandato Dei. Nullum autem mandatum de iuocandis Sanctis esse, manifestum est.

V. Nulla potest nec debet fieri precatio, de qua dubitat conscientia, an Deo placeat. Incerta autem est iuocatio ad homines facta, cum sine uerbo Dei fiat. Contra uero rata sunt mandata de solo Deo per Mediatorem iuocando. Ac firmissime tenenda est regula: Quicquid petieritis patrem in nomine meo, dabit uobis.

Cum his manifeste pugnant ea quæ habet liber, qui non tantum de Intercessione Sanctorum multa dicit, sed etiam de meritis Sanctorum, quod magis reprehensione dignum est. Ac præcipue impudens mendacium est, quod ait Patriarcham Iacob in hac religione nepotes suos eruditisse, de suo & Patrum suorum nomine iuocando. Et corrumptum dictum Genes. 48. Vocetur nomen meum in eis, & nomen Patrum meorum, hoc est, Promissiones mihi & Patribus meis factæ iure hæreditario ad hos duos quoque pertinebunt, ut sint & ipsi pars Ecclesiæ & politiæ ac hæredes foederis & salutis promissa. Hac uera & nativa loci illius Tententia neglecta falsam assidunt assertores Inuocationis Sanctorum. Quare certum est, piros approbare non debere nec posse hanc partem libri, in qua Inuocatio Sanctorum præcipitur & stabilitur.

Sed Historiam Ecclesiæ inde usque ab initio nosse, propter multas causas utile est, ut in conspectu sint testimonia, quomodo uocata & condita sit Ecclesia, quomodo seruetur, & ut Deo gratiæ agantur, quod tradidit doctrinam, & misit Doctores sanctos, & in eis testimonia de se ostendit. Item, ut Sanctorum exemplis doceamur & confirmemur. Hoc fine Sanctorum Historias populo sæpe publicè proponimus & deinceps proponemus.

DE MISSA PRO MORTVIS.

Missa pro mortuis in Monasterijs & templis alijs, apud omnes fere Gentes, usitatisimæ sunt. Faciunt enim ad quæstum, & multi errores cum hac consuetudine Missas celebrandi pro mortuis simul in mundum irrepserunt, quos nunc longum esset

gum esset recensere. Est autem depravatio Sacramenti, applicari id pro mortuis. Nam Sacramentum institutum est, ut uiuentium fides eo exuscitur & confirmetur, item ad recordationem, &c. Mortui autem non intersunt. Et mendacium est, Sacrificulum eis aliquid mereri per hanc ceremoniam. Quarè & hic libri articulus nullo modo recipiendus est. Ac dictum quod citatur ex Dionysio de funerum ritu, prorsus non loquitur de Missa. Nihil item facit ad Missam, quod aliqui pro mortuis orarunt. Atq; de his quidem in praesentia satis.

DE CANONE IN MISSA.

*Error ter
fer mis-
falis.*

CVM sit res magni momenti, & omnes homines ueritatem propter gloriam Dei & suam salutem serio querere & conservare debeant, nec ullum in Ecclesia constitueret, & usurpare cultum non expressum uerbo Dei, dolendum est nihilominus in & cum Missis Pontificijs multa tetra, quæ sequuntur, portenta contra & praeter uerbum ac mandatum Dei in Ecclesiam irrupisse, quæ his postremis temporibus luce uerbi diuinæ detecta & ostensa sunt. Nam in Minore & Maiore Canone, oblationi panis & uini, & quidem nondum consecrati, affingitur, quod per hanc remissio peccatorum contingat, sicut uerba in utroq; Canone expresse habent. "Suscipe sancte pater, omnipotens æterne Deus, hanc immaculatam hostiam, quam ego indignus famulus tuus offero tibi Deo meo uiuo & uero, pro intumerabilibus peccatis meis, & offenditionibus & negligentijs, & pro omnibus circumstantibus, Sed & pro omnibus fidelibus uiuus atq; defunctis, ut mihi & illis proficiat ad salutem æternam, &c. Quæ quidem uerba in omnibus celebrandarum Missarum formulis reperiuntur.

Item in Maiore Canone, antequam adhuc facta est panis & uini consecratio, haec uerba fiunt: Vti accepta habeas & benedicas haec **P** dona, haec **P** munera, haec sancta **P** sacrificia illibata, quæ tibi offerimus pro tua Ecclesia sancta Catholica. Et post: Pro quibus tibi offerimus, uel qui tibi offerunt hoc Sacrificium laus, pro se suisq; omnibus, pro redemptione animarum suarum.

Addiderunt & characteres, qui ad uerba eius loci nihil prorsus congruunt. Vnde in multorum simplicium animis haest opinio, illorum characterum uicem consecrationem fieri, aut ad eam necessariam requiri, &c.

Item.

Item. Hanc igitur oblationem seruitutis nostræ, &c. & cunctæ familiæ tuæ quæsumus Domine, ut placatus accipias. &c. Hæc & similia uerba prodigiosa pronunciantur de pane & uino nondum consecrato.

Deinde post consecrationem sequuntur hæc uerba: Hostiam puram, hostiam sanctam, hostiam immaculatam, panem sanctum uitæ æternæ, & calicem salutis perpetuæ: super quæ propiciatio ac sereno uultu respicere digneris, & accepta habere, sicut accepta habere dignatus es munera pueri tui iusti Abel, & sacrificium Patriarchæ Abrahæ, &c. Quæ uerba re ipsa hoc uolunt, Sacrificulum orare Deum, ut filium suum non fecus ac Abeli & Melchisedecis sacrificium gratum habeat.

Item in fine inquit Sacrificulus: Sacrificium quod oculis tuæ Maiestatis indignus obtuli, sit tibi acceptabile, mihiq; & omnibus, pro quibus obtuli, sit te miserante propitiabile, &c.

Talibus & multis alijs manifestis & execrandis blasphemis plenus est Canon, quarum nullam mentionem facit Suffraganeus in suis concionibus de Missa, sed arte dissimulat, interea plausibilia quædam laudans, ut: Gloria in excelsis. Kyrie, eleison, &c. Item preces pro omnibus statibus faciendas, &c. Quæ quidem per se nobis & nota & usitata sunt, uerum de illis, quæ diximus, de quibus maximè agitur, & quorū manifesta est profanitas & impietas, alatum ibi silentium.

At decernit liber, ne quid omnino in Canone mutetur. Quod decretum si recipimus, assentienter erit omnibus istis portentis, quomodo cuncti pingantur. Ac si Canonis interpretatione aliqua singularis ad populum seorsim recitanda, sicut promittit liber, attexetur, Sacrificulus in Missa recitatione Canonis Deum horribili afficiet contumelia, & eam blasphemiam alia interpretatione ad populum fucabit, atq; ita ex eodem ore simul frigidum & calidum, maledictiones & benedictiones efflabit.

Manifestum est etiam usum Missæ, qui obtinuit hactenus, olim in Ecclesia Catholica non ubiq; fuisse eundem. Et euidenter est diuersitas Canonis, quem Græcae & aliae Ecclesiæ non habent per omnia similem. Præterea alia prorsus est forma Missæ Isidori in Ecclesia Toletana in Hispania: alia item in ipsa Italia Ecclesiæ Mediolanensis. Et Gregorius Augustino Cantuariensi, cum constitueret Ecclesiam in Anglia, liberum permisit, ut quam uellet for-

rnam eligeret. Testatur etiam Gregorius, paulò ante sua tempora Canonem scriptum esse. Nec parua reperitur in antiquis codicibus in Canone dissimilitudo, & appetat, subinde alios plura attexuisse. Ac manifeste fatetur autor libri rationalis diuinorum, Petrum & ceteros Apostolos ad communionem nihil amplius, quam orationem Dominicam, & uerba consecrationis recitasse, id est uestibus usitatis induitos. Ibidemque, & in Decretis Canonicis, & in hortulis animae (ut uocant) explicatur, quid quisque Pontificum addiderit, in quibus ipsis permagna est uarietas. Adeoque totus Canon est quiddam ex dissimilibus & inter se non cohaerentibus partibus consarcinatum.

Quod ad nostras Ecclesiás attinet, Missam celebramus debita reuerentia, & uestitu ac ornatu decenti, adhibitis p̄ijs cantionibus & lectionibus die Dominicō & diebus festis, quotiescunq; ad sunt communicantes. Ac promittimus nos etiam alijs in septimana diebus, pro locorum & oppidorum ratione missam celebrare, ad eamque rem certos dies, ubi cunq; aderunt communicantes, destinare uelle.

DE CEREMONIIS.

IN nostris Ecclesijs præcipuae Ceremoniae, quæ sunt utiles Ecclesiæ, ut dies Dominicus, Festa, cum usitatis lectionibus & cantionibus, non multum immutatae sunt, ac deinceps quoque eas studiose retinebimus. Quod si in rebus istis Adiaphoris bono consilio eorum, quibus gubernatio Ecclesiārum commissa est, aliquid deliberatum fuerit, quod ad concinnitatem aliquam rituum, & ad bonam disciplinam faciat, in hoc concordie & bono ordini non derimus. Nam de rebus per se medijs non uolumus quicquam rixari, quod ad externum attinet usum. Neque nos turbat uel carnium uel piscium esus.

Non tamen concedendum est, ut doctrina de discrimine uerorum & necessariorum cultuum Dei, & talium rerum mediārum non necessariorum, extinguitur & obruatur; Sicut Augustinus suo tempore, & Gerson ante annos centum ualde questi sunt.

Etsi enim in maxima parte Ecclesiæ semper errores sunt; Tamen in aliquibus manet recta Dei agnitus & inuocatione uera, ac plus lucis doctrinæ celestis, quam in promiscua multitudine. Ac uult Deus, ut de ueris ac necessarijs cultibus Dei, quilibet fideliter eruditur.

Quod autem ad cantiones attinet de sanctis, dictum est ante, inuocationem non esse recipiendam,

Item,

Item, Cum in nostris Ecclesijs retineamus integrī Sacramen-
ti uerum usum, nec diuellamus partes, processiones, in quibus al-
tera pars circumgestatur, prorsus omittendæ sunt.

Adhac uerissimum est, Sacra menta tantum in suo usu, qui
in uerbo institutus est, uera esse Sacra menta, non cùm ad actiones
alienas & diuersas extra finem institutum transferuntur. Ideò specta-
cula circumgestationis in processionibus impia sunt, nec stabiliri aut
restitui debent.

Præterea etiam ipsis aduersarijs notum est, Priuatas missas,
inuocationem Sanctorum, Sacrificia pro mortuis, processionē, & id
genus alia, etiamsi excusari possent, minime tamen necessaria, & ual-
de periculosa esse, & rem pessimū exempli & scandali esse, talia in
hacce Ecclesijs reuocare, quo multi deteriores fierent, pī uero con-
turbarentur, multis etiam persecutionibus causa præberetur, ut fa-
cerdotes & alijs in exilium pellerentur, & ad carceres & fortassis etiam
ad neces raperentur.

Quod ad Agendam, cùm in ueteri multi sint abusus, & in
nostris Ecclesijs iam aliquot annos pia forma sit usurpata, iudicamus
nostram & retainendam, & auctam typis rursus excudendam esse.
Utq; in administratione Sacramentorum & uerbi utamur lingua
ueracula utilissimum est, adeoq; ex sententia Canonum C. Quoni-
am in plerisq; locis de offi. iud. ordi. &c.

Cæterum ornatus Ecclesiasticus retinetur magna ex parte in
Ecclesijs nostris. Ac sicutib; forte hic intercidit, facile ad usum conue-
nientem reuocari potest.

Eodem modo & cantiones pīae de tempore & festis retinen-
tur, & offerimus nos quicquid statutum fuerit, quod ad bonum or-
dinem & decorum in publicis congressibus, & ad honesta exempla
faciat, libenter admissuros & executuros esse. Scit enim D E V S
δ καρδιογνώσκε, nos nihil magis in uita exoptare, quam Deo
placentem, pium, & salutarem politiarum & Ecclesiarum statum.

Vigiliæ reuera fuerunt excubiae, quæ siebat ad corpora mor-
tuorum, in quibus consolationis & exhortationis causa lectiones &
cantiones ex Sacris literis de resurrectione mortuorum propositæ
sunt. Quæ res postea in abusum cessit, & ad hominum mortuorum
redemptionem promerendam perperam translata est.

Ad memoriam mortuorum celebrandam magis prodest
uita Christiana, & beneficentia erga alios, monumenta publica, an-
nua Eleemosynarum, quas morientes pauperibus legarunt, distri-
butio,

uñ lingua
verna cula
in missa,
accōns

Vigilia
abūjus

*Preces pro
mortuis
fiunt.*

butio, in qua pro donis à Deo collatis per multos (quod de Eleemosynis Paulus scribit) Deo gratiae agantur. Omnia uero optima memoria haec est de qua scriptura inquit: In memoria aeterna erunt iusti. Preces etiam pro mortuis in agone fieri oportere, omnino censemus, quemadmodum & ecclesia canit. Deus uita uiuentium spes morientium, salusque omnium in te sperantium, miserere omnium ex hac luce migrantium. Idem cuiuscumque in extremo agone clementer misereatur.

Simil autem de Ihs, qui in uera fide ex hac uita decedunt, certa extat promissio ab ipso Domino nostro Iesu Christo tradita & confirmata. Ioan 5. Amen amen dico uobis: Qui sermonem meum audit, & credit ei qui misit me, habet uitam aeternam, & in condemnationem non ueniet, sed transibit à morte in uitam. Hanc certam consolationem nobis eripi non sinamus, sed ea tum in nostra, tum amicorum morte nos certo sustenteremus, sicut & D. Paulus ad Thes. monet. Nec consultum est, ut nos ab his firmissimis & immotis testimonij diutinis, ad incertas disputationes & opiniones abduci, & in extremo uitae articulo labyrinthis inextricabilibus implicari nos patiamur. Sed nostras & aliorum mentes ueris consolationibus & uera invocatione Dei erigamus & obfirmemus. Econtra de non credentibus tristissima sententia lata est, Ioan. 3. Qui non credit iam iudicatus est, & manet super eum ira Dei. A qua tu nos filii Dei in aeternum seruabis,

non invocauimus
Janiti

Festa, quorum mentionem facit liber, in nostris Ecclesijs ferent omnia retinentur, sed non hoc fine, ut sanctos inuocemus, & ipsorum orationibus ac meritis iuuari nos petamus. Sed ut Deo gratias agamus, quod per eos propagarit & sparserit suam doctrinam, & proposuerit eos Ecclesiae suae dilectionis, constantiae, fidei, spei, patientiae & aliarum uirtutum exempla, Pro qua re Deo gratias agimus, & petimus ut idem nobis adsit, faciat nos uasa misericordiae suae.

Dies Rogationum cum spectaculis processionum, in Ecclesijs nostris abrogati sunt. Verum preces & Litanie singulis totius anni septimanis sollicitè sunt.

*superstitio
papistica*

Benedictiones aquæ, Salis, herbarum, placentarum, & alias rum creaturarum, cum his tribuatur potentia diuina fugandi Daemones, delendi peccata & tuendæ salutis: non possunt sine profanatione nominis diuini, & sine superstitione seruari. Sed ut Deo gratias agamus pro cibo & caeteris rebus, quibus ad sustentationem corporis indigemus, summe necessarium & à Deo mandatum est.

De

De eu carnium, politicus magistratus statuet: Ita tamen ne
affingatur opinio cultus, & ne conscientijs laquei iniijciantur, sicut &
Panormitanus in talibus traditionibus suadet: Cum olim, De Cleri-
cis coniugatis.

Coniugium sacerdotum & sumptio utriuscq; speciei in Sacrae
mento, adeo euidenter diuinis testimonijs confirmata sunt, ut de his
ambigi non possit. Nec nos ista permissione aliqua humana, sed
authoritate & instituto DEI retinemus, & contraria improba-
mus.

Ac mirum est in his duobus articulis, qui à patribus consen-
tientibus suffragijs traditi & recepti sunt, antiquitatis testimonia non
admitti: cum tamen aduersarij ipsi ex patrum malè intellectis &
citatis testimonijs suos de sacrificio errores, Missam, oblationem pro
mortuis, inuocationem sanctorum, purgatorium &c. euincere uelint:
Et contrà Patres ipsi suis scriptis plus fidei haberi non uelint, quam
quatenus cum scriptura sancta consentiunt, sicut hac de re extant
Cypriani & Augustini sententiae memorabiles Decretis Canonicis
insertae: præsertim Dist. Nona. C. Noli meis. August. lib. 3. De
Trinit.

Ad constituendam & firmandam disciplinam Ecclesiæ, utile
esset ueram & Christianam excommunicationem sanciri: Quemad-
modum & poenitentia publica iam apud nos in usu esse coepit.

Atq; hæc quidem summa est sententiae nostræ, quam in
præsentia rogati de consultatione libri Augustini pro ratione officij
nostrî breuiter, quantum quidem ex uerbo Dei edocti sumus, an-
imo bono ac pio edendam esse putauimus. In qua certis & grauibus
de causis non de omnibus litigare & pugnare uoluimus. Sed in hac
temporis angustia nostro loco tantum de necessarijs monere, & ijs
quorum interest de hoc negocio diligentius cogitandi causam præ-
bere uoluimus. Ac oramus Deum, ut hæc tanta res, in qua non
tantum pax & tranquillitas politiarum, Sed multo magis salus ani-
marum in multis regionibus, & gloria Dei, agitur ac uertitur,
pro dignitate & magnitudine satis expendatur.

Dominus noster Iesus Christus illuminet omnium homi-
num summorum & infirmorum corda, & faxit, ut quicquid hu-
ius sit, ad Dei gloriam, Ecclesiæ utilitatem & animarum salutem
Potissimum dirigatur, Amen.

Hæc indicatio ad postulata supra exposita directa
sic fuit, ut in primis de præcipuis capitibus doctrinæ sig-
nificaretur, De iustificatione, potestate Ecclesiastica, Sa-
cramentis, Missa, Canone, invocatione Sanctorum, exe-
quijs mortualibus, consecrationibus creaturarum & cete-
ris Ceremonijs, neq; quicq; à scientibus quidem, omitte-
retur, quod ad auertendum falsam doctrinam, & abusus
reprimendos valeret. Et quæ impietatem haberent omni-
no, disertè, perspicuè, fideliter exponeretur. In rebus ve-
rò non necessarijs hoc præstitum, ut neq; certamina su-
peruacanea temere mouerentur, neq; animorum acerbitas
augeretur, neq; difficultates nouæ introducerentur, sed
quæ ad non intollerandam concordiam atq; consensionem
prodesse possent, ad ea quasi iter monstraretur quod ingre-
di liceret. Itaq; de Adiaphoris sic responderunt ut pro-
mitterent à se de ijs quæ exempli boni essent & ad disci-
plinam. Ecclesiasticam facerent omnibus, quod an fieri
ita aut non fieri debuerit, alibi queretur. Dissimulare
tamen non possumus reprehendi à Flacio & quinq; sub-
scriptoribus, cum in alijs scriptis nostrorum, tum in hoc
ipso, quod contra ea capita, quæ in libro INTERIM
articulum de Iustificatione præcedunt, nihil disputatione,
neq; de ijs controversiam esse scripserint, ex quo illi mul-
tas tetradas suspiciones & insimulationes deducunt. E si
autem omnes intelligunt, qui rem considerat, qualis hæc sit
Flaciana criminatio, Tamen Vuimariensis de libro IN-

Vuimariensis
cenfura de lib.
INTERIM

TERIM

TE RIM censura, quæ viginti diebus, aut circiter,
post hanc nostrorum scripta est, & Superintendentium
omnium ditionis illius subscriptionibus approbata, hæc
igitur hoc idem facit, Nam ea similiter non dannat pri-
mos tres articulos. Ieiuna igitur & incogitans malicia
notetur, quæ in alijs accusat, quod suos usurpare non me-
minit. Hoc igitur scriptum Theologorum cum Uni-
uersi qui ad illas deliberationes ex ordinibus conuenerant,
consentientibus voluntatibus & sententijs approbarent,
& subeunda potius omnia sibi statuerent quam quæ impia
esse docerentur & intelligerent, ea vlo modo ut recipie-
rent, atq; cum Theologis de retinenda veritate doctrine
consensione præclarissima se coniungerent, Tum igitur
Uniuersæ deinceps deliberationes de eo fuere, quid ad Cæ-
sarem faciendum, & hunc responderi deberet, ac visum
primum conscribendam à Theologis summam quandam
omnium capitum Uniuersæ doctrinæ Ecclesiarum nostra-
rura, quæ ad Cæsarem mitteretur, de qua cognosceretur
in quibus hæc à libro recederet aut non recederet, Cui
communiter Theologi & ordines Politici subscriberent,
quam operam, cum peteretur, Theologi in se receperunt.
Sed de subscriptione monuerunt ut sequitur quæ scripto
compræhensa ordinibus tradiderunt.

Concionatorum munus hoc tantum est quid uerum sit fideliter demonstrare. Muneris enim nostri non est insuper uel
Principes uel subditos confessionis nostræ periculis onerare,
Sed de his unumquenq; apud se statuere oportet. Quod si com-
muniter

Concionatoria
officium.

muniter cum regionum ordinibus subscriberemus, haberet res hanc speciem, quasi uellemus ipsos ad nos defendendum obligare, id quod minime agimus, sed petimus ut ordines ipsi constituant, quid usq; ad extrema omnia & immutabiliter retinere uelint, & sua pericula ipsi ut considerent. Nos his Ecclesijs, largiente gratiam Deo, sive liter & concorditer operam nostram dabimus quam diu nos ferent, neq; causas à nobis dissidijs aut dissipationibus suppeditabimus, pericula nostra Deo permittentes.

His igitur actum à Theologis hoc fuit, quod semper alias, vt ipsi suo periculo rem agerent, non alios inuoluerent. Sed cum ordines in sententia permanerent, & vt doctrinæ summa conscriberetur postularent, ita deinceps Theologi ad rem accesserunt, & proemiolum pri- mū, quod tractationi præmitteretur, compositum, Postea D. Philip. Melanthon à capite de Iustificatione rem exorsus (nam quæ ante hoc caput in libro Augustano sunt, non oppugnantur) usq; ad caput de bonis operibus progressus fuit, & utramq; doctrinam perspicue & dilucide explicatam scripto comprehendit, atq; ibi opera hæc impedita aliorum diuersis consilijs substituit, quæ qualia fuerint, mox exponetur, quod antequam faciamus, prius hoc loco hanc in opera mandata Theologorum inchoationem, hoc loco subiiciemus, cum improbitas & Sycophantica malicia Flacianæ factionis caput de Iustificatione à Theologis in conuentu Misneri deprauatum, impudenter scribere ausa fuerit, & magnos labores à Theologis breui tempore exhaustos multipliciter suspectos fecerit. In quo tamen lectores moneri oportet, esse hæc sic scripta,

scripta, ut libro Augustano opponerentur, & ubi in hoc
vera falsis miscerentur, demonstraretur. Itaque pluribus in
locis verba libri inserta usurpantur, in primis mentio uito
in loco necessitatis operum ad salutem, quae formula ver-
borum nostris Ecclesijs alioquin in uisu non est, nec fuit,
ut quid in illis & quo sensu ferri aut non ferri possit, ex-
plicetur, quae collatione facta ab intelligentibus facile de-
prehendentur. Doctorem Crucigerum multi ex nobis sci-
unt, paulo ante mortem de hac explicatione articuli Iusti-
ficationis in eam differuisse sententiam, ut affirmarit,
credere se vix cocciniorem aliam & illustriorem, & ver-
bis expositam significantioribus ac magis proprijs linguae
patriae, in recentibus nostrorum scriptis reperiri, seq; in ea
iam morti propinquum cum efficaci sensu vividae ac verae
laetiae in Dei misericordia morte unigeniti filij Iesu Christi
declarata suauiter acquiescere. Estque ex hac descripta,
sed paulo breuius, illa ipsa doctrinæ nostræ formula, quæ
Episcopis Pegauiae vivo adhuc Doctore Crucigero à
Theologis proposita, & horum fuit assensione approbata,
ut infra dicetur. Sed Flaciana improbitas & hanc est im-
pudenter calumniata, & de Pegauiensibus tractationi-
bus, deg; corrupto in ea collatione Articulo iustificatio-
nis mendacia sparsit horrenda. Inchoatio autem illa ex-
plicationis doctrinæ hec est, ut ex archetypis conuerti-
mus:

Flaciana
improbitas

DE IUSTIFICATIONE HOMINIS
coram Deo gratuita & noua obedientia, doctrina
nostrarum Ecclesiarum scripto repetita à
Theologis in Urbe Mysena, Anno
M. D. XLVIII.

ET si Deus certis & illustribus testimonij resuscitatione mortuorum & alijs miraculis saepè repetitis sese patefecit, Et misericordia generi humano uocem doctrinæ, legis & Euangeliū certam & illustrem immensa bonitate tradidit. Tamen inde usq; ab inicio generis humani, semper fuerunt diuersæ eæc; dissimiles de Deo, & de doctrina coelesti opiniones, & tristia de his certamina, nec dubium est, duraturam esse hanc dissimilitudinem, donec in nouissimo die DEVS ad iudicium manifestò ueniat.

Nos autem cum uocem illam doctrinæ quæ iam annos amplius 5500. in Ecclesia subinde sonuit, ueram & diuinam uocem esse certò statuamus, & sciamus mandatum omnium summum & maximum esse, ut doctrinam traditam ac comprehensam scriptis Prophetarum & Apostolorum discamus & conseruemus, qua sola uoce & non aliter DEVM æternam Ecclesiam sibi in genere humano subinde colligere certissimum est, ideo cum iussi sumus expōnere, quæ sit de præcipuis eius doctrinæ articulis, nostra & Ecclesiarum nostrarum sententia, hanc ueram simplicem ac perspicuum assēderationem nostram saepè alias exhibitam, breuiter repetimus.

Primum omnium testamur certò nos credere ac statuere, scripta Prophetica & Apostolica conseruata in Ecclesia mirabili & inenarrabili bonitate Dei, uera & certa esse, Et Deum in scriptis illis, sese & uoluntatem suam generi humano, immensa misericordia patefecisse, & sola hac uoce & non aliter æternam sibi Ecclesiam subinde colligere.

Illa igitur scripta Prophetica & Apostolica testamur nos sive inde dubitata amplecti, Et quidem illum ipsum perpetuum, consensum scriptorum Propheticorum amplecti nos fatemur. Qui est expressus in Symbolis Apostolico, Nicæno & Athanasiano, & in concilijs probatis, Nicæno, Constantinopolitano, Ephesino & Chalcedonensi, Nec dubitamus consensum illum expressum

expressum in Symbolis & Conciliis illis purioribus habere testimonia Prophetica & Apostolica, & esse consentientem, ac perpetuam Catholicæ Ecclesiæ Dei uocem, amplectentis doctrinam coelestem incorruptam.

Fatemur hoc quoque semper esse & fuisse Ecclesiam Dei visibillem, inde usque ab initio generis humani, postquam Adam conditus & post lapsum receptus est. Et in hac uera & perpetua Ecclesia Dei subinde uocem uniuersæ doctrinæ coelestis, Legis & Evangelij fuisse & sonasse, & deinceps etiam mansuram esse, usque ad finem mundi non dubitamus.

Est autem Ecclesia Dei coetus uisibilis amplectentium uocem Evangelij incorruptam & recte utentium Sacramentis, in quo coetu Filius Dei per ministerium Evangelij & Sacramentorum uerè est efficax, & multos ad uitam æternam regenerat. In quo coetutamen multi non sunt Sancti, sed de uera doctrina consentientes.

Hæc uera Ecclesia omnibus temporibus, ab alijs omnibus Gentibus & fallis religionibus omnium Gentium distincta fuit, his signis infallibilibus: conseruatione & professione doctrinæ uniuersæ à Deo traditæ, legitimo usu Sacramentorum. Et obedientia debita ministerio Evangelij, quod semper in Ecclesia fuit ac conservatum est.

Cumque nunc loqui nos oporteat de Ecclesia quæ uoce Evangelij inde usque collecta est, postquam filius Dei apparuit, & in cruce uictima factus, mortuus, sepultus & resuscitatus est. Testamur nos tanquam uocem diuinam amplecti doctrinam, quam Filius Dei ex sinu æterni Patris protulit, comprehensam & sparsam toto orbe terrarum, uoce & scriptis Apostolorum. Ac diserte repetimus quod paulò ante sumus testati, amplecti nos consensem illum perpetuum Prophetarum & Apostolorum expressum in Symbolis Apostolico, Nicæno & Athanasiano, & Conciliis probatis & orthodoxis, quæ antea commemorauimus. Ac Symbola illa toto pectore credimus, & fideliter enarramus.

Cumque in scriptis illis Propheticis & Apostolicis & Symbolis receptis perspicua ueritas, de rebus necessarijs, de peccato, de fide, de accipiente remissionem peccatorum, de Ecclesia, de usu Sacramentorum, & alijs necessarijs doctrinæ partibus comprehensa sit, sententiam Ecclesiarum nostrarum fideliter recitabimus. Nec dubitamus uocem doctrinæ sonantem in Ecclesijs nostris, & explicatam à multis

à multis uiris honestissimis, pietate & doctrina excellentibus, consensum esse unicum & uerissimum catholicæ Ecclesiæ DEI, & omnium uerè Deum inuocantium, Et hanc uocem nostram gloriæ Dei seruire, & omnibus pijs salutarem esse certò & sine ulla dubitatione statuimus.

De nobis etiam & de uoluntatibus nostris disertè testamur, nulla nos noua dogmata tradituros esse, nec uocem doctrinæ aliam amplexuros, quam unicam illam & æternam uocem sonantem in Euangelio Domini nostri Iesu Christi, & expressam in Symbolis & traditam in Ecclesia Catholica omnium temporum, & in ea à pijs & intelligentibus receptam & explicatam. Et Deum æternum Patrem Domini nostri Iesu Christi toto pectore oramus, ut regat, gubernet ac seruet nos, ut uera & salutaria doceamus, & Catholicæ Ecclesiæ eius ciues in tota æternitate simus.

Nunc dicemus de articulo Iustificationis, nam quæ hunc antecedunt in libro Cæsaris, non controuertuntur.

DE IVSTIFICATIONE HOMINIS peccatoris coram Deo.

Postquam dictum est, mirabili & inenarrabili consilio Dei, Filium Dei Dominum nostrum Iesum Christum, constitutum esse, ut sit Mediator, Iustificator & Saluator, quodq; propter hunc remissio peccatorum, iustificatio & reconciliatio, Spiritus sanctus & uita æterna certò nobis donentur, Porro etiam exponendum est, quomodo ingentia illa bona ac beneficia consequamur, Hanc adapplicationis rationem isto modo tradimus.

Etsi Deus iustificat hominem non propter sua aliqua opes rum suorum merita, sed immensa misericordia gratis absq; meritis nostris, ne nostra sit gloriatio, sed Christi, cuius solius merito accipimus remissionem peccatorum, & pronunciamur iusti, hoc est, accepti & placentes Deo, Tamen non est in homine efficax tanquam in trunko nihil agente, Sed ita hominem trahit ac conuertit, ut in adultis & doctrinam intelligentibus, aliquam uelit esse uoluntatis actionem, quæ suam efficaciam comitetur.

Certissimum enim est, non accipere beneficia Christi eum, qui nondum perterrefactus est aliqua agnitione iræ Dei aduerlus peccatum, quicq; dolores nullos propter peccatum sensit, omnia enim hæc in uoluntate & corde necesse est præexistere, & ab ipso Deo

agnito peccato
in necessaria

Deo feriente corda & uoluntates iræ suæ sensu, efficiuntur. Cum enim peccatum causa sit immediata inimicitia inter Deum & homines, Nemo ad thronum gratiae accedere & petere reconciliacionem potest, nisi aliquo dolore propter peccatum adficiatur, & poenitentia non simulata ad Deum à peccato conuertatur. Ideo Baptista tanta severitate concionem poenitentiae, toto tempore ministerij sui ursit, clamitans, Agite poenitentiam, quoniam approspinquat regnum cœlorum.

Ac sine ulla dubitatione uerissimum est, oportere aliquam esse contritionem, seu sensum dolorum, agnita ira & iudicio Dei aduersus peccatum. Nam inanente securitate contemnente Deum, & furenter in sceleribus perseverante, certum est nullam esse nec conuersionem nec peccatorum remissionem.

Ideo inquit Isaías; ubi habitabit Dominus? In spiritu contracto & tremente sermones meos. Et Moses, Deus tuus ignis consumens est, id est, uerè & horribiliter irascens peccatis, sicuti hanc suam iram & iudicium statim post lapsum primorum parentum & uoce sua & poenis horribilibus omnium temporum ostendit, ac declarauit. Et postea uocem legis admirandis & terribilibus testimonijs in monte Syna repetiuit, ut esset ira & iudicij sui æternum testimonium, ut doceret mortem & alias calamitates mortem co-mitantes, commonefactiones esse & testimonia sui iudicij. Et uult in Ecclesia usq[ue] ad diem nouissimum, hac sua uoce & Spiritu sancto perpetuo argui peccatum in cordibus, sicut scriptum est, Spiritus sanctus arguet mundum de peccato, quod non credunt in me, Ioan. 16.

Non solum autem iræ testimonia illustria Deus ostendit, sed etiam edita promissione perspicua de Filio suo misericordiam inenarrabilem patefecit. De hac promissione misericordiae gratuitæ æterna & immota eius uoluntas est confirmata iuramento ipsius, & Filij sui morte, sanguine & gloriofa resurrectione & alijs miraculis, ut certo statuamus, uelle se propter hunc Filium remittere peccata & per eum dare Spiritum sanctum, iusticiam & uitam æternam omnibus ad Filium fide confugientibus, & in doloribus illis ac sensu iræ suæ uoce huius promissionis se sustentantibus, & statuentibus, quod propter Mediatorrem illum ac propiciatorem proposatum certo detur remissio peccatorum, reconciliatio cum Deo, Spiritus sanctus, iusticia & uita æterna, gratis fide, absq[ue] operum nostrorum meritis, aut dignitate nostra.

K k

Hæc de

*confititio san-
cti doloris*

Hæc de promissione voluntas certa & indubitata est. Ac fides illa quam postulat promissio, est assentiri omni uerbo Dei, & in hoc promissioni gratiae, quæ expressa est in symbolo his uerbis, credo remissionem peccatorum. Et est fiducia acquiescens in hac promissione & credens non solum alijs, sed sibi quoque certò remissionem peccatorum dari & ad applicari.

fides in Diabolis ē horribilis & fœtida
Est uero cætui Ecclesiæ permixti sunt homines innumerablebiles socij confessionis & doctrinæ eiusdem, qui se credere gloriose facitant, Tamen cum perseverent in sceleribus contra conscientiam, manifestum est somnium fidei & mendacium esse, quodcumque eiusmodi homines tumidè prædicant. Nam qui sunt tales, non credunt sibi remissionem peccatorum dari, nec expetunt nec accipiunt promissionem, & fugientes Deum & frementes aduersus eum consolatiōnem fidei nullam sentiunt, nec exercitia ulla inuocationis intelligunt. Nec dubium est fidem in diabolis, de qua dicitur Dæmones credunt & contremiscunt, esse horribilem sensum iræ Dei & fremescunt aduersus Deum, Et discrimine multiplici distinctam esse ab alia illa iustifica & iustificante fide, quæ promissionem Euangeliū amplexitur, & est sensus consolationis & læticiae in Deo, de qua expressa & illustrata sunt Pauli testimonia Rom. 4. ubi multis argumentis ostendit, loqui se de fide adprehendente promissionem, non de sola noticia, qualis est in diabolis aut hominibus perseverantibus in furoribus contra conscientiam. Est igitur fides illa (ut diximus) assentiri omni uerbo Dei nobis tradito & in hoc promissioni gratiae, Et est fiducia promissæ misericordiæ, qua cor propter mediatorem & per eum liberatur ex doloribus inferorum & accedit ad Deum & inueniat eum, clamans Abba pater, & hac uera consolatione acquiescit per filium dato Spíritu Sancto.

De hac fide loquitur Elaias, & Paulus Rom. 10. Verba Elaiæ allegans, Qui credit in eum non confundetur. Estque uerissimum non posse corda ullo alio modo ad Deum accedere aut remissionem peccatorum accipere nisi in solo illo & unico nomine filij Dei, sicut scriptum est, Nemo uenit ad Patrem nisi per Filium.

Spiritus autem Sanctus hoc ipso modo & non aliter in corda effunditur, cum in uera conuersione audita & accepta uoce Euangeliū sese erigunt ac consolantur, Sicut inquit Paulus Gala. 3. Ut promissionem Spíritus accipiamus per fidem. Et datur Spiritus Sanctus ideo, ut in accendenda consolatione & uita noua sit efficax & uirtutes necessarias

necessarias inchoet & confirmet, quales sunt, fides & i[n]uocatio accessdens ad Deum, timor Dei, Dilectio, bonum propositum, spes & aliae similes, Tales autem qui sunt domicilia Spiritus Sancti, & in quibus accensa est fides & fiducia filij Dei, dilectio, spes & aliae uirtutes, haeredes sunt uitae æternæ propter solum mediato[rem] filium Dei & per eum, gratis, non propter accensam & inchoatā à Spiritu Sancto nouitatem, Sicut eripscit inquit Paulus, donum Dei est uita æterna per Christum Iesum Dominum nostrum.

Cumq[ue] inde usq[ue] ab initio generis humani, postquam recessi sunt Adam & Eva immensa bonitate Dei, collecta sit & conseruata uera Dei Ecclesia, cui uocem promissionis de uenturo mediatore tradidit, etiam hanc ipsam sententiam & doctrinam nostram de remissione peccatorum gratuita, in ea sonuisse & conseruatam esse nullum est dubium.

Etsi uero in magna generis humani parte hic intellectus promissionis sapientissime obscuratus est, quorum alij proprijs operibus ac meritis remissionem peccatorum quaesuerunt, alij perpetuis dubitationum fluctibus oppressi perierunt, quales fuerunt apud ethnamicam multitudinem innumerabiles, apud quos memoria promissionis tamdem prorsus extincta & amissa est, Tamen Deus immensa bonitate intellectum promissionis perspicuum & illustrem scriptis Prophetarum & Apostolorum tradi & conseruari uoluit, & hunc in Ecclesia sapè repetitum ipse illustrauit, ne in genere humano noticia & honos filij sui prorsus extingueretur, & ut æternam Ecclesiam sibi in genere humano colligeret, & subinde multis uitæ & salutis æternæ haeredes faceret.

Adfirmamus igitur falsum esse & mendacium horribile, quod dicunt aduersarij, dubitandum esse an habeas remissionem peccatorum, & in hac dubitatione perseuerandum esse. Est enim mandatum omnium summum & immutabile hoc preceptum, ut filio Dei & promissioni gratiae credamus, & fide eam amplectamur, Sicut inquit Paulus: Ideo ex fide gratis ut sit firma promissio. Et Ioannes, Qui non credit DEO mendacem eum facit. Et consideretur seueritas uerborum Ioannis, quod tanquam fulmine horribili uocem illam damnat, quæ dicit, non credendum sed dubitandum esse de remissione. Est uero prius omnibus illa ipsa uox consolatio dulcissima, quod certò sciunt uelle Deum & seuerissimè precipere, ut quisq[ue] sibi dari remissionem peccatorum certò credat & in hac promissione acquiescat.

Quod uero obijcitur promissionem conditionalem esse, Et solum Deum intelligere qui sunt digni remissione, qui indigni, Id totum oritur ex profundissimis tenebris ignorantium quod sit discri- men legis & Euangelij.

Propter hanc ipsam causam factum est decretum admirabile maxime de mittendo filio, & edita per filium promissio gratiae, quia sumus indigni, Et uoluntatem erga nos benignissimam, ideo uoce promissionis Deus ostendit, ut in genere humano immensae illius misericordiae noticia & intellectus extaret, & ne dubitatione perpetua Ecclesia opprimeretur, quemadmodum opprimuntur ethnici, qui et si habent particulam legis de aliquibus externis officijs ciuilibus, Tamen prorsus ignorant filium Dei & Euangeliū, Et dubitant an curet eos Deus, an recipiat, exaudiat aut iuuet eos, Denique nihil intelligunt omnium eorum quae in genere humano a Deo geruntur in collectione & saluatione Ecclesie.

At in Ecclesia Dei utrumque conspici & intelligi oportet, & tanquam ueritas æterna & immota sine haesitatione illa recipi ac credi, Primum irasci Deum horribiliter omnibus ruentibus in scelera contra conscientiam, & perseverantibus in his, sine poenitentia & conuersione ad Deum, certò propositas esse poenas & exitium æternum. Et alterum, in uera conuersione uelle Deum & seuerissime preciperre, ut promissioni gratiae credamus & statuamus certò recipi nos, non propter dignitatem nostram, sed propter mediatorem gratis, & sic receptos placere Deo & habere remissionem peccatorum, iusticiam & uitam æternam, & certò exaudiri, & iuuari a Deo.

Ac quod iterum obijcitur mirandam hanc concionem esse, quia singuli apud se se intelligunt quanta moles dubitationum de Deo naturaliter sit in omnium animis & peccatoribus, uideri igitur immutabilem esse dubitationem, quia naturalis sit, ut nunc quidem nascimur. Sed respondeo, Concedo esse immutabilem in hac depravatione, sine uoce Euangeliū et sine auxiliō diuino. Manet enim tristis fuga et trepidatio et multiplex infirmitas in omnibus etiam summis hominibus, Estque infirmitas illa ac depravatio peccati originalis effectus proprius ac proximus.

Sed ut infirmitati ac depravationi naturali Deus mederetur, immensa bonitate promissionem gratiae tradidit, ut cogitatione eius omnes se erigerent ac sustentarent, et dubitationi eam opponerent et fiducia eius ad Deum accederent.

Quod autem Paulus inquit: Nihil mihi conscius sum, sed in hoc

in hoc non iustificatus sum, Id nequaquam confirmat dubitationem de remissione & reconciliatione cum Deo, Sed utrumq[ue] quod ante diximus ostendit. Conscientia non sit polluta delictis enormibus. Et tamen sciat reliquam esse tristem immundiciem & infirmitatem. Ideo statuat fiducia mediatoris se iustificari, hoc est, placere Deo, & ab eo recipi, sicut de hac ipsa consolatione rectissime inquit Augustinus, Totius fiduciae certitudo esse debet in precioso sanguine Christi.

Est & hæc ueritas æterna et immota, Quotiescumq[ue] cor accepta remissione peccatorum et reconciliatione cum Deo fide erigitur, Simul accipi et dari per fidem Spiritum Sanctum, et hunc in crescente efficacem esse in accendenda invocatione, dilectione, spe et alijs uirtutibus. Ac prorsus necessarium est simul lucere in conuerso bonum propositum seu προάγεσθω recte faciendi et bonam conscientiam, sicut inquit Paulus, Militia bonam militiam, retinens fidem et bonam conscientiam, Et Ioannes, Qui non diligit manet in morte.

Omnia hæc uerissima et indubitate sunt, Et tamen ut saepe iam diximus, necesse est simul intelligi reliquam esse in hac uita magnam et tristem καταξίαν et confusionem appetitionum pugnantium cum lege Dei, multiplicem ignorantiam, dubitationes de Deo diffidentiam et alia mala infinita, De quibus inquit Paulus Roman. 7. Video aliam legem in membris meis repugnantem legi mentis meæ. Et Psalmus, Non iustificabitur in conspectu tuo omnis uiuens. Et Daniel, Non in iustitia nostra sed in misericordia tua magna propter Dominum exaudí nos.

Ex illa igitur naturali infirmitate & immundicie, etiam in sanctis & renatis subinde oriuntur ingentia & multiplicia peccata ignorantiae, securitatis, diffidentiae & dubitationum de Deo, stultæ spes, fiducia iniusta propriæ sapientiae, iusticie, potentiae & rerum similium, deniq[ue] & alia innumerabilia peccata arcana & ignota maxima parti hominum.

Etsi igitur inchoari obedientiam oportet, Tamen non est cogitandum propterea hominem habere remissionem peccatorum, & mundiciem nouitatis tantam esse, ut umbraculo remissionis peccatorum & auxilio & intercessione mediatoris non indigeat, Imo sic agnoscendus est filius Dei, quod sit mediator & propitiator, perpetuo intercedens & interpellans pro nobis in arcano consilio diuinitatis, & horribilem æterni patris iram in se deriuans, ne in nos tota effundatur.

Nec satis dicitur, cum inquiunt reliquias peccati non impunari

tari à Deo, quia adfingant horribile mendacium, personam esse sine peccato. Hoc impudenti mendacio confirmatur falsa illa persuasio & fiducia iusticiæ propriæ seposito mediatore. Ideo distinctè hæc teneamus, Necessariam esse iusticiam bonæ conscientiæ & inchoatæ nouæ obedientiæ. Et tamen simul intelligamus, postulari etiam illam non simulacram humilitatem & confessionem sordium nostrarum agnoscentem & ueris gemitibus deplorantem reliquias peccatorum, & subiicientem se Deo, & in pœnis reuerentia debita ei obedientem, Sicut inquit Daniel: Tibi Domine iusticia, nobis autem confusio facie &c. His omnibus necessæ est prælucere hanc consolatiō nem, quod placeat persona et sit accepta Deo propter filium mediatorem, Estq; fides illa seu fiducia mediatorem in ueris doloribus conscientiæ intuens & adprehendens, perpetuum umbraculum, quo reliquæ uirtutes omnes, in illa magna infirmitate teguntur & obumbrantur.

Ideo cum disputat Paulus, Fide nos iustificari, gratis absq; operibus, perpetua & nativa eius sententia conſyderanda & retinenda est, nec adfingendæ sunt interpretationes alienæ à Paulo, Fidem tantum preparationem esse seu confessionem ut loquitur, ut postea alia re persona iusta sit, uidelicet iusticia infusa, dilectione, spe & alijs uirtutibus, quas dicunt fide accipi.

Huic corruptelæ opponamus perspicuum & irrefutabile uocis diuinæ testimonium, oportere filio Dei honorem suum tribui, & agnoscí, quod sit æternus ac perpetuus intercessor, mediator & saluator, Et necessariam esse hanc non simulatam reuerentiam & humiliatatem Deo debitam, ut agnoscant corda reliquam esse in nobis tristem molem peccatorum & hanc perpetua & indesinente remissione ac misericordia indigere, Et certo dari remissionem peccatorum & reconciliationem cum Deo omnibus, qui se recipi propter filium Dei gratis, absq; operibus suis statuunt. Hanc consolationem necessariam & dulcem esse pñs, necesse est fateri eos qui exercitia ueræ invocationis intelligunt & rectè instituti sunt. Omnes cum sumus in ueris doloribus experimur quantæ sint cordium trepidationes & querelæ, quod sentiunt & uident suam immundiciem & indignitatem. In illa lucta & trepidatione animorum non sunt ita docendi homines anxii ac pauefacti, ut existiment ideo se iustos esse, hoc est acceptos & placentes Deo, quia multum meritorum ad Deum adferant & mundi ac digni sint, Sed sic docendi sunt ut ad filium Dei configuant, & huic iuxta promissionem credant, Sicut inquit Daniel,

niel, Non in iusticia nostra, Sed in misericordia tua propter Dominum exaudi nos. Dominum nominat illum ipsum mediatorem & Messiam promissum. Estque haec uera sententia, perpetuus consensus Catholicæ Ecclesiæ Dei expressus in uoce diuina & in præcipuis scriptoribus, et his qui ueræ pietatis & inuocationis exercitia intelligunt, haud dubiè notus & gratus est. Ita Paulus exemplum Abrahæ universo generi humano proponit, ut in persona excellenti virtutibus summis hunc multiplicibus ostendat, quomodo fides omnibus imputetur ad iusticiam. Id exemplum Abrahæ eiusmodi est, ut impossibile sit intelligi iusticiam fidei tantum de præparatione ad iusticiam infusam seu inherenterem, qua persona postea placeat. Proponit & David exemplum, qui cum sit Rex & Propheta populi Dei, multis virtutibus & operibus bonis excellens, tamen testatur sibi remissionem peccatorum necessariam esse. Et ita se iustum esse, si peccata remittantur ei & tegantur, & haec remissio peccatorum accipitur fide.

Ac ut dictum est, nullum est dubium hunc promissionis intellectum, subinde in uera Ecclesia Dei notum fuisse. Et quanquam alicubi impropre & dissimiliter scriptores loquuti sunt, Tamen præcipui sic loquuntur in enarrationibus huic articuli, ut manifestum sit dulcem esse inter nos & ipsos consensum.

Augustinus in enarratione Psalmi 88. sic loquitur, In externum regnabit Christus in sanctis suis, Hoc dixit Deus, hoc promisit. Si parum est hoc turauit, Quia ergo non secundum merita nostra, sed secundum illius misericordiam firma est promissio, nemo debet cum trepidatione predicare de quo non potest dubitare.

Ex his omnibus perspicuum est oportere inchoari nouam obedientiam. Et tamen fidem & fiduciam nostram nisi perpetuo mediatore filio Dei, & hac se consolatione perpetuo erigere ac sustinere, quod propter hunc filium mediatorem, Deus nobis peccata remittat & nos recipiat. Hac fide amissa aut extincta impossibile est existere dilectionem aut inuocationem accedentem ad Deum, Quia fides illa intuens mediatorem fons est, & efficax causa, ueræ consolacionis, dilectionis, et inuocationis sicut dictum est, et nunquam est sine dilectione. Inchoatae uirtutes autem ac bona opera, in renat et iustificatis, etiam nominantur iusticia, sed non illo sensu quod propter eas persona remissionem peccatorum accipiat, aut quod in iudicio Dei prorsus munda et sine peccato sit, Sed hac ratione quod Deus immensa bonitate illa tenuia initia inchoatae obedientiae, contaminata

*inchoatae vir:
tutes*

taminata multis sordibus et infirmitate multiplici propter filium in
credentibus sibi placere adfirmet, eaçꝫ acceptet, De hac iusticia ope-
rum Ioannes loquitur cum inquit, Qui facit iusticiam iustus est. Estqꝫ
uerissimum ubicunqꝫ opera cum Deo pugnant, ibi esse contemptum
Dei, et nullam cordis ad Deum conuersationem factam esse, Qualis
arbor est, tales sunt et fructus, Sicut mox dicemus copiosius.

DE BONIS OPERIBVS.

DE hac quoqꝫ parte doctrinæ nostræ, prorsus non dubitamus
sententiam Ecclesiarum nostrarum consensum esse uniuersa-
lem uocis Diuinæ & Catholicæ Ecclesiæ Dei, cumqꝫ exten-
scripta nostra quæ ostendunt quid sentiamus, non est opus prolixa
commemoratione: Sed tamen ut certa aliqua norma sit & regula
huius partis perpetua, adfirmamus sola hæc opera bona & necessa-
ria esse, quæ præcepta sunt in Decalogo, cuius enarrationes passim
repetitæ sunt in scriptis Apostolicis. Hac norma discerni oportere
conscientiam bonam ac malam manifestum est. Ac sicuti antea
dictum est, seuerissimum Dei mandatum est, ut conscientiam bo-
nam retineamus, iuxta dictum Pauli, Militia bonam militiam, reti-
nens fidem & bonam conscientiam.

Persequentes igitur in sceleribus contra conscientiam, non
sunt conuersi ad Deum, & sunt hostes Dei, Et nisi conuertantur,
manet ira Dei super eos, hæc certissima sunt, sicut testantur dicta,
Galath. 5. De his prædixi uobis & adhuc prædico, quod qui
talia faciunt, regnum Dei non possidebunt. Et iuramentum diuini-
num, quod copulatiua oratio est complectetur utruncqꝫ, Quod ne-
cessaria sit conuersio, & quod remissio peccatorum fide accipienda
sit. Viuo ego dicit Dominus, nolo mortem peccatoris sed ut con-
uertatur & uiuat. Vbiqꝫ igitur nulla est conuersio, ibi etiam re-
missio & misericordia nulla est, Id norunt omnes rectè instituti, nec
hic prolixa declaratione opus est.

Est porro uerissimum & hoc alterum, Etiam hi qui uero
suerunt ad Deum conuersi & iustificati, cum ruunt in peccata con-
tra conscientiam, contristant & excutiant Spiritum sanctum, &
amittunt remissionem peccatorum, iusticiam & uitam æternam, &
denud rei sunt iræ Dei, & nisi iterum ad Deum conuertantur ru-
unt in mortem & poenas æternas, sicut periret Saul & alij innume-
rabiles. Estqꝫ hoc manifestè expressum, Rom. 8. Debitores estis
ut non

ut non secundum carnem uiuatis, si enim secundum carnem uiuetis, moriemini. Id est, si prauis cupiditatibus & inclinationibus contra conscientiam obtemperabitis, his polluti in poenas æternas ruetis.

Nec tantum sequuntur eiusmodi scelera contra conscientiam, poenæ æternæ post hanc uitam, sed etiam in hac uita atrocia delicta puniuntur atrocibus poenis, quibus & autores ipsi & cum his alij simul opprimuntur, sicut puniuntur adulterium & cædes Dauidis.

His causis consideratis potest intelligi, quod necessaria sunt bona opera. Quia sunt à Deo mandata, & cum his committitur contrarium, cum excutitur Spiritus sanctus, iusticia, & uita æterna. Et persona fit rea iræ & condemnationis æternæ. Placet autem obedientia inchoata seu opera bona in renatis, quia persona fide, propter Mediatorem se placere & acceptam esse statuit, Propter hunc ipsum Mediatorem acceptat etiam Deus opera personæ placentis et reconciliatae ipsi.

Suntq; uerissima utraq; hæc, Primo, Quod donum Dei gratuitum est, uita æterna propter Christum Iesum Dominum nostrum et per eum. Secundo, Quod soli illi hæredes sunt uitæ et salutis æternæ, qui ad Deum conuertuntur, Et fide remissionem peccatorum et Spiritum Sanctum accipiunt, Et tamen in his noua obedientia et bona opera adeo sunt necessaria, ut si nulla sit obedientia inchoatio, uel si oppositum detur, hoc est, si conscientia sciens ac uolens mandata Dei uiolet, certissimum sit nullam esse conuersiōnem, nec à tali beneficia promissa accipi. Necesse est autem ut beneficia proposita accipientur, Et sensus consolationis in ueris doloribus non est somnium aut res inefficax, sed uiuificatio talis quæ est liberatio à doloribus inferorum quos describit Ezechias inquiens Isaie 38. Tanquam Leo contriuit omnia ossa mea, Tu autem liberasti animam meam ab interitu, quia proiecisti post tergum tuum omnia peccata mea. De hac non simulata uiuificatione, loquitur et Paulus inquiens ad Corinthios, Superinduemur, si tamen non nudí reperiemur. Et Ioannes in Apocalypsi cap. 2. Esto fidelis usq; ad mortem & dabo tibi coronam uitæ. Hæc dicta omnia duo ostendunt quorum primum est, in hac uita oportere inicia uitæ & salutis æternæ inchoari, Alterum est, In his inicijs seu exordijs uitæ, ita perseuerandum esse, ne ante mortem corporalem amittantur aut excutiantur.

Ipsa etiam regeneratio & uita æterna per se est, noua lux,

Timor Dei, dilectio, læticia in Deo cum uirtutibus similibus iuxta dictum, Hæc est uita æterna ut agnoscant te solum uerum Deum & quem misisti Iesum esse Christum.

Vt igitur hanc lucem nouam agnoscantem filium Dei accentum esse in mentibus oportet. Ita uerissimum & certissimum est, opere simul inchoari & cæteras uirtutes, fidem, dilectionem, spem & alias, & has ad salutem esse necessarias nullum est dubium.

Hæc intelligi & iudicari possunt, à pijs querentibus consolationem & intelligentibus uerae conuersationis exercitia. Cumq; obedientia & bona opera sic inchoata placeant Deo, ut dictum est, habent etiam præmia huius uitæ spiritualia & corporalia, iuxta consilium Dei, sed præcipua differuntur ad uitam æternam.

*Monegij di:
enit bona
opra e,
meritum
et caam
vita æterna*

Nequaquam autem confirmamus aut probamus somnia Monachorum, cum singunt bona opera esse meritum & causam uitæ æternæ & quidem merita talia, quæ ad applicata & communicata alijs, etiam eos liberent & saluent. Quod enim supra diximus, uerissimum esse iudicamus, oportere omnes agita sua infirmitate ad filium Dei fide configere, & sic ad eum configentes, propter ipsius obedientiam ac meritum, iuxta promissionem, & diuitem super abundantiam gratiæ certò accipere remissionem peccatorum & uitam æternam, & hac se consolatione perpetua in ueris doloribus erigere ac sustentare. Et scit hæc fides in omni conuersione deberi Deo hanc summam obedientiam, ut promittenti & offerenti suam misericordiam & confirmanti eam iure iurando credamus, eumq; & iustum & ueracem esse statuamus. Et dubitationem ac desperationem illa ipsa fides tanquam peccatum omnium maximum, & contumeliosum aduersus Deum fugit ac detestatur.

Sunt & alia honorum operum præmia corporalia & encomia dulcissima, sœp̄ recitata scriptis propheticis & Apostolicis, quæ & in nostris scriptis alibi fideliter repetitum, & in omni tempore Deo iuuante repetitum sumus. Scimus enim uelle Deum ut ipsum & honorum corporalium authorem & datorem esse agnoscamus & prelucente fide & conscientia bona, ea petamus & expectemus.

De reliquis autem operibus non mandatis à Deo; quæ nominant Episcopi ac Monachi opera indebita, & tamen ea cultus Dei esse clamitant, nota sit regula ad quam pertinent, Frustra colunt me mandatis hominum. De his necesse est extare ac retineri ueras sentencias, ut intelligatur, qui sint ueri necessarij & Deo placentes cultus, qui non necessarij, displicentes Deo ac serio damnandi, ut postea copiosius exponemus.

His

His ita descriptis venit in mentem aliquibus consilium fore, si simpliciter absq; ullis disputationibus aut scriptis, quæ libro opponerentur ad Imperatorem supplices literæ mitterentur, quibus peteretur ne ad ullam mutationem doctrinæ aut Ceremoniarum Ecclesiæ nostræ adigerentur, neq; enim verisimile videri futurum, ut Cæsar oppositam libro confessionem approbaturus esset, sed postulaturum illum potius ut præscriptam à se & suis formulam, sequerentur, neq; eum formulas sibi præscribi aequo animo laturum, qui illo tempore alijs quod prescriberetur approbasset & mandasset, & simul informatum exemplum literarum ad Cesarem, quæ omnia ut melius cognoscantur, Theologorum de hac rescriptum ad politicos ordines subiecimus, cuius hæc est sententia.

Generosi, nobiles &c. Honesti prudentes & benevolentes domini &c. Etsi cœpimus explicationem doctrinæ scripto comprehendere, & caput de Iustificatione quam disertè & dilucide à nobis fieri potuit discripsimus, Tamen re amplius considerata, Primum commodius fore iudicatum est, ab Imperatore simpliciter absq; disputatione & contrarijs articulis submisæ peti, ut has Ecclesiæ in præsenti statu manere sinat, quale aliquid ciuitates &c. aliquot subiecte responderunt, & uenit in mentem nobis de tali quodam exemplo literarum, quale uobis hic una tradimus, non tamen hoc consilio, ut de hæc re à nobis præscriptum uobis uelimus, Sed hæc omnia uos ipsi ut consideretis, & ipsi de re statuatis. Facile autem cogitari potest Imperatorem petitionem si sine articulis oppositis fiat benignius accepturum.

Deinde de omnibus capitibus ex fundamentis differere longi sane operis res est.

Tertio, Si de omnibus capitibus disputari deberet, esset ea noua confessio futura, de qua prius peculiari & magna deliberatione opus esset,

esset, quo usqe procedi oporteret, & in quibus ad extremum usqe durandum, ad eamqe deliberationem plures ordines assumendi essent.

Ad nos autem quod attinet, sententiam nostram uobis explicitamus, hoc nos maximè uelle, has Ecclesias in præsenti statu manere, nam mutatio magnas perturbationes & scandala allatura esse. Volumus etiam, largiente gratiam Deo, in doctrina consensum inter nos tueri, & in præsenti doctrina nostra, quæ uera & Christiana est, manere atqe potius feremus, quicquid diuinitus acciderit, quam ut ueteres & manifestos errores quos liber de interiecto tempore confirmat, instauremus. Et de doctrina si quid amplioris explicationis à nobis postulabitur, debita cum humilitate, quantum Deus gratiæ largietur, ex fundamentis & plena declarationes edemus.

Omnipotens Deus pater Saluatoris nostri Iesu Christi has regiones & Ecclesias benignè gubernet & custodiat.

Hoc consilium non improbatum fuit & de exemplo literarum ad Cæsarem collatæ sententiae, post multas tamen Theologorum & cæterorum ordinum inter se collationes & deliberationes, tandem mutato hoc etiam consilio, tertium secutum est, quo inter hos conuenit, ut Princeps Elector ipse Cæsari ordinum regionis nomine scriberet, & quid scribi cuperent simul significaretur, idque de exemplo epistolæ ad Cæsarem informatæ, totaque res in Principem conuersa & translata. Itaque ad ea de quibus à Principe Electore relatum fuerat, responsum committere est eo scripto, quod subiecimus, in quod & cætera pleraque Epistola quam ad Cæsarem informatam fuisse diximus, sunt transcripta. Sed scripti sententia hæc est quod & ipsum à Theologis est compositum.

Illustrissime Princeps &c. De quibus Imperator &c. uestræ Celsit. mandauit, ut ad nos referretur, ea subiecte accepimus, etiam de

etiam de religione consulta legimus & perpendimus, Sed uestra
Cels, sibi in memoriam reuocare potest, benignam promissionem
his regionibus ante haec tempora factam, religionis præsentem sta-
tum usq; ad liberum & Christianum Concilium mutatum non iri,
Haecj promissio mandato V. C. de suggestis sacrarum concio-
num proclamata, & typis expressa, per orbem terrarum edita fuit.
Cuius tamen promissionis mentionem non faceremus, si de doctrinæ
dubitaremus, Sed cum sciamus doctrinam & ceremonias in ha-
rum terrarum Ecclesijs, uera & pia esse utraq;, petimus submissæ Im-
peratorem, promissionis eius cuius mentio facta est, admoneri.
Cumq; ad Imperatorem multi inconsentanei sermones de religio-
ne harum terrarum, contra quam res habet, afferantur, submissæ
petimus Imperatorem de ueritate doceri, Nimirum hoc certum
& uerum esse, doctrinam Ecclesiarum nostrarum priscam, ueram,
integral, & Christianam doctrinam esse, quam Deus per diuinæ
scripturas suas tradiderit, quæ comprehensa est Symbolo Aposto-
lico, Niceno, Athanasiano, & omnibus in capitib; religionis
cum uero intellectu, quem omnia sana Ecclesiæ Catholicæ mem-
bra omni tempore habuerunt, consentit. Et si res postulauerit de
singulis capitib; ex fundamentis docebitur.

Præterea manifestum est omnibus quid de Ceremonijs fiat,
hoc nimirum, singulis diebus dominicis & festis alijs Missa cantionis
bus usitat, & ornatu, & alijs honestis ceremonijs adhibitis celebra-
tur, & adest semper mediocris frequentia eorum qui communicati-
onem expetunt, qui iam antè & confesi de peccatis apud Sacerdos-
tem, & ab his absoluti fuerunt. Ad hanc & concio semper ad neces-
sariam populi instructionem habetur, & hortationes ad preces fiunt,
atq; hoc modo publicæ preces cum omni decentia celebrantur: Ita
Pomeridiano tempore uespertina sacra administratur, & tum quoq;
concio habetur, & cōmunes preces fiunt. Cæteris diebus hebdoma-
dos singulis cōuentus sacri in templis fiunt, tam à puerili ætate, quam
adultis, & accinuntur Psalmi, & aliqua capita ex nouo & ueteri testa-
mēto recitātur, & tum quoq; publicæ preces fiunt, in maioribus op-
pidis quotidie conciones habētur, in ceteris minoribus, & pagis, ali-
quot saltē diebus hebdomados, una cū litanij & publicis precibus.
In collegialibus & magnarū urbū tēplis aliquibus adhuc etiam horæ
Canonice accinuntur. Præterea puerilis ætas in Catechesi Christianæ
doctrinæ diligenter exercetur & in pagis singulis diebus dominicis Po-
meridiano tempore recitationes huius audiūtur, Sed in urbibus alia

N

inconsueta
nei.
Vera religio

magis idonea tempora ad hanc rem sunt constituta. Baptismus cum exorcismo & omni decentia administratur, & homines de Baptismo infantum recte sunt instituti, & multiplices Anabaptistarum errores utiliter refutati, ut Dei beneficio nostrae Ecclesiae erroribus illis non sunt polluae, neç factum fuit ut Anabaptistæ ferrentur.

Doctrina etiam de Sacramento Corporis & Sanguinis Christi, in nostris Ecclesijs magna cum contentione propugnata est & obtentum ueram adesse Christi præsentiam & exhiberi in Sacramento uerum Corpus & Sanginem Christi. Etiam confessio & priuata absolutionis conseruata est, quod multipliciter ualeat ad instructionem & consolationem. Audiuntur enim homines de singulis capitibus religionis quid intelligent, & de peccato, de remissione huic docentur, atq; insuper absoluuntur, & consolationem accipiunt, & Dei beneficio tota doctrina de poenitentia in nostris Ecclesijs benè est & lucide explicata, & integra conseruata. Manifesta etiā scelerata magistratu & cōfistorijs puniuntur, et si quis à talibus absoluitur, fit hoc ad exemplū ueteris formulæ poenitentiae publicæ. Festa laudabiliter pro ueteri more celebrantur, singula dominica, Natalis Domini, Stephani, Ioannis, Circūcisio, Epiphania, Conuersio Pauli, Purificatio Mariæ, Annūciatio, dies Coenæ domini, Passionis, Resurrectionis, cum serijs secundis & tertijs. Festa singulorum Apostolorum, Ascensio, Pentecoste cum secundis & tertijs serijs, Iohannis Baptistarum, Visitatio, Festum Magdalena, Festum Angelorum, AEgroti diligenter uisitantur & postquam de peccatis & incredulitate sua confessi sunt, absolutionem & Sacramentum corporis & sanguinis Christi accipiunt, & simul communiter pro ægrotante preces fiunt ab omnibus, qui tum adsunt. Sepulturæ honestæ sunt, est mediocris frequentia de ducentium funera, & usurpantur in his piæ cantiones & distribuuntur Eleemosynæ.

Cum igitur nihil dubitemus doctrinam in nostris Ecclesijs ueram esse, & cum intellectu ueteri & uero Catholice Ecclesie congruentem, & Ceremoniae quas exposuimus, non tantum pietatem Christianam habeant, sed speciosè etiam seruentur, Iamq; per annos triginta senes in hac instituti sint, & iuuenes in hac educati, qui hanc unicam invocationem Dei, tanquam lac à matribus acceperunt. Petimus subiectis imè, ut C. V. de hac nostra petitione ad Imperatorem nostrum optimum benigniss: Dominum referat, hoc nos Cæsaream Maiestatem ipsius subiectiss: & propter Deum orare, ne ijs qui de nobis aliter narrant locum relinquat, aut fidem habeat, Et harum

harum terrarum Ecclesias propter commemoratas iam causas, in quo nunc sunt statu benignissimè manere, neçq; quietem harum turbari ut patiatur, & benignè ut consideret quanta conscientiarum perturbatio, ueræ inuocationis impeditio, quæ discordia in his terris & Ecclesijs, & quam multa alia scandala, & quantæ dissipationes Ecclesiarum, talem mutationem essent secuturæ. Nam de V. C. non est dubium, adhibitum illam hunc respectum, ne ulla alia noua doctrina introducatur, & ne seditionis, infamantes, aut contumeliosi libri in his terris typis exprimitur, & nos similiter ipsi sic, Dei beneficio, animati sumus, ut in uera & Christiana doctrina, & uera Catholica Ecclesia Dei perpetuo manere cogitemus, sicut scriptum est Iohan. 13. Manete in me & ego manebo in uobis, neçq; ullam doctrinam quæ Symbolis & intellectui Catholice Ecclesiae contraria est recipere uelimus. Omni etiam tempore omnem debitam obedientiam Cæsariæ Majest: & V. C. obnoxie præstabilimus, Exceptamusq; ab Imperatore submisse, Cæsarcam Majestatem huius, cum subjectionem animi nostri senserit & percepitur, ihs qui fecus de nobis loquantur neçq; locum daturam neçq; fidem habituram, neçq; aduersus nos ut non benignè affecta sit, commoueri se passurum esse, Sed Cæsarem nobis & Dominum benignissimum futurum & permansurum, etiam benignissimè sibi in memoriam reuocaturum de quibus ante hæc tempora benignissimè nobis spem fecerit, & quæ scripsiterit. Speramus ab omnipotenti Deo negotium religionis, cui Christiana in meliorem formam redactione summe opus est, tandem aliquando ad liberi & Christiani conciliij cognitionem deuenturum, cuius pro nostra parte à multis iam annis cupidissimi fuimus & ad huc sumus, Inçq; hoc omnipotentem Deum Spiritum Sanctum suum largitum esse, ut falsa doctrina & abusus tollantur, & Ecclesia ad plam & pacificam consensionem, ad gloriam Dei & cognitionem ueritatis Christianæ reducatur, Id quod cupidissimis animis speramus, & Deum ut gratiam suam largiatur, Orare uolumus, & operam dare diligenter ut in Ecclesijs harum terrarum ab omnipotente Deo hoc oretur. Etiam pro Cæsarea & Regia Majest: & V. C. ut seriae preces siant, & apud populum, ad timorem Dei, disciplinam, et obedientiam semper ut hortationes siant. Cels. autem V. obnoxia opera nostra parata est.

Ex his planum fit, Theologos & quæ mala ex mutatione secutura essent, si qua suscipieretur, non minus in

*Manent in
vera et in:
fucata do:
crina.*

18
nus intelligisse quam alios, vel plane potius prædixisse ea
quæ acciderunt, & illis grauissimis de causis non tantum
ab hac toto peccatore abhorruisse, sed & submissè depre-
cando, & grauiter & vehementer dissuadendo, auertere
studuisse, quod ex sequentibus magis patebit. Principi
tamen alterum malum quod metuendum esset, si nullus
conatus quantumvis periculose, modo nō impiae mutatio-
nis susciperetur, maius etiam visum fuit, & ab hac parte
has terras grauius periclitari, neq; illo tempore aliter
iudicari potuit, itaq; multis ille serijs & grauibus admis-
tionibus, de ijs quæ tali tempore & in negocio tali con-
sideranda essent, ad Theologos & cæteros saepe usus est,
de quibus mox referetur, Quod autem scripto proximo
à concocationis ordinibus petitum fuit, ut Princeps ad Impe-
ratorem agere vellet, hoc ille iam dudum ita egerat, ut
nihil fieri maiore cum fide & diligentius vel etiam per-
tinacius potuerit, sicut docent ea quæ supra ex Augusto
cum Cæsare actionibus retulimus, Nam & Cæsar is
& suas promissiones, repetendo vere inculcarat, etiam
de Ceremonijs suorum ut acta docent in genere significa-
rat, Sed tam pertinaciter atq; minaciter, & ita pericu-
losè vngeleri assensionem, & sic agi omnia animaduerte-
rat, ut nihil aliud à diuina & humana sapientia ipsi
subijceretur, quam ut in omnibus quæ piè fieri possent
obedientiam promitteret, de quo alias disputabitur, quod
igitur Princeps quantum sibi cum Cæsare negotijs fuisset,
minime

minime esset oblitus, neq; per villas vllorum literas aut Legatos melius eam rem agi posse sciret, quam ipse circum egisset, & quin petitione tali nihil proficeretur dubitare non posset, his inquam de causis ab eo consilio nequamquam sibi recedendum iudicauit, quo piam, & quæ cum bona conscientia fieri posset, concessionem à se Cæsari promiserat, & eandem de suis quoq; spem fecerat, Ideo tum id de quo initio retulerat vrgere cœpit, ne in ijs quæ salua veritate & sine lœsione bonæ conscientiæ fieri possent, concedere recusarent, præsertim cum hoc etiam ipsum vt à suis obtineret laboraturum se, quod aëta Augustana docent, recepisset, itaq; secundum hæc vt Cæsari responderetur postulauit. Sed cum ex vniuersa ditione ordines non essent conuocati, vt diximus, dele-eti ij, qui tum conuenerat statuendum sibi de re quæ ad vniuersos pertineret non censuerunt, & res amplius de- liberanda visa, neq; de responso quod Cæsari daretur in præsentia constitui potuit, atq; ita Conuentus dimissus est cum durasset fermè octiduum.

De illo autem breuiori scripto contra librum Au- gustanum ante hunc Conuentum proxime & Vuiteber- gæ composito, & altero copiosiore, quo de eodem libro in hoc Conuentu Theologi responderunt, de his igitur vtrisq; quid iudicet Flacius cognoscatur, & ne quid fin- gi existimetur de libro Flacij Germanico locum, quod supra nos facturos promisimus, conuersum subiecimus.

M m

Sic igi-

Sic igitur ille, ut conuertimus, de Adiaphoristis scribit,
quod librum Imperatoris de interie^cto tempore cum illo
primo ignauo atq^{ue} inerte scripto rationum de hoc suarum,
Carolonicianis Epistolis, & alijs futilibus scriptis, quæ
Anno XLVII. & in initio XLVIII. Augustam ad
Comitia miserint, his igitur quod librum illum in Ec-
clesiam Dei illexerint atq^{ue} introduixerint. Sed contra il-
lum librum, quod postea prorsus nihil typis expressum edi-
derint, & addit, Nam illa duo scripta rationum ipsorum
quæ typis expressa sunt, & inscientibus ipsis & contra
voluntatem ipsorum, ego exprimenda curaui cum meo
magno periculo, cum adhuc Vuitebergæ essem, idq^{ue} mi-
seris Christianis ad institutionem. Hoc igitur Flacij iu-
dicium extat de scriptis, quæ hactenus inseruimus vni-
uersis. Sed illa duo scripta qualia sint, cum extent vtragi,
non videtur faciendum ut à nobis disputetur in præsen-
tia, sed lectoribus iudicium permittimus. Prima qui-
dem hæc sunt, quæ de his rebus legit Germania, & fie-
ri potest ut non tantum nostri homines, sed posteritas
etiam de his ut melius sentiat. Malicie tamen & im-
probitatis hac in parte incogitantiam indicandam obiter
putauimus, Scribit enim vtrumq^{ue}, & inertia & futilia
illa scripta esse, & se ideo ea contra autorum volunta-
tem edi curasse, ut de corruptelis libri Augustani quam
plurimi docerentur, Si enim futilia scripta sunt quid ex-
plicare illa, aut docere vtiliter legentes potuere, sūt do-

Etrinam

etrinam & explicationem utilem complectuntur, quo-
modo futilia & putida appellabuntur? Hæc igitur ipsa
se arguunt, neq; de his plura vt dicatur res meretur.

Nunc ad narrationem de ijs tractationibus, quæ
Conuentum Misnensem proximæ seculæ fuere accedamus.

**DE IIS, QVÆ A THE-
OLOGIS NOSTRIS CVM
MISNENSI ET NEVPUVRGEN-**
*si Episcopo Pegauiae acta fuere 23. Au-
gusti Anno XLVIII.*

CVM in Conuentu Misnensi ea quæ descripsimus
acta fuissent, paulo post diuulgatis rebus, Impera-
tor per literas postulata sua de libro ad Principem repe-
tit, & moras quas necteret Mauricius Elector, & qui-
bus declarationem sententia, ac voluntatis suæ ac suorum
duceret, suspectas esse, & speciem tergiuersationis vel
potius detrectationis habere, & publicè nocere pluri-
mum, quod exemplo ipsius, in quod ordines cæteri intue-
rentur precipue, & quo sese ac cessationes suas, & cun-
ctationes tuerentur atq; excusarent, impediretur consen-
sionis concordia, de qua tantopere laborasset Imperator,
& infringenter paulatim ac conuelleretur autoritas de-
cretorum Imperij atq; ipsius Imperatoris, & præberetur

occasio nouis conſpirationibus, quod ex Principe Mauri-
cio nouis ſpebus pendere plurimos non eſſet obſcurum,
harum Imperatorem non fore ſpectatorem diutius. De
eadem re Rex admonet.

Episcopus etiam Moguntinus ad noſtrum Princi-
pem, propemodum minaciter ſcribere illo tempore ausus
fuit, quem tali reſponſo compescuit Mauricius Elector,
vt poſthac ei moleſtus non eſſet amplius. Non autem hi
tantum, ſed & eiusdem religionis profeſſione noſtris con-
iuncti aliqui hac eadem de re non minus vrgere, & de
periculis inculcare non dubitarunt, & extant Epistolæ
præcipuis Principibus contra Theologos noſtrós ſcriptæ
inclementiſſimè & atrocissimè.

Illuſtrissimus igitur Princeps Mauricius Elect.
cum, vt ſimpliciter dicamus, pertinaciam Imperatoris
in vrgendo de receptione libri & coram Auguſtæ expe-
ratus eſſet, & abſens in dies fermè ſingulos magis expe-
retur, & quo res tenderent intelligeret, vel potius non
intelligere non poſſet, collationem fecit denuo eius mali
quod impenderet, ſi nullum obſequendi ſtudium appare-
ret, curam incōmodis ijs, quæ mutatio in Adiaphoris, re-
tentia doctriñæ veritate ſecum traheſeret, atq; conſideratis
denuo omnibus, multo etiam magis in conſilio ſibi per-
uerandum iudicauit, quo conſtituerat in omnibus quæ pie
& cum bona conſciencia fieri poſſent Cæſari obſequi, vt
quicquid periculi & malorum poſtea ſecuturum eſſet, de
eo con-

eo constare posset omnibus, vel manibus etiam, ut dici-
tur, comprehendendi, non attracta sibi & suis non necessa-
rijs de causis, sed propter æternæ & immutabilis verita-
tis in religione Christiana professionem & usum, & fi-
dem Deo & hominibus debitam. Eaq[ue] in re suæ pro sub-
ditis curæ & solicitudinis documentum dedit egregium,
cum eo loci res ipsius essent illo tempore, ut defensionem
bis aduersus externam potentiam præstare, aut arcere
conatu omnis coactionis à suis minimè posse videretur.

Quod igitur & ante hac, & multo etiam magis
de scripto in Conventu Misniensi à Theologis composito
didicisset Princeps, quæ in libro vitiosa essent, & quæ
& quomodo fieri possent, idq[ue] à Theologis tum demon-
stratum ab ordinibus approbatum cognouisset, de his qui-
dem quæ Adiaphora sunt obsequendum sibi iamdudum
statuerat ut diximus. Impietatem autem quæ complecta-
bantnr, ea an tolli & emendari possent sollicitè cogita-
bat. Hanc ob causam cum respondendum omnino esset
Cæsari quid uellent aut nollent facere, neq[ue] de responsi-
one in Conventu habito constitui potuisset, & huius cau-
sa mox vniuersi ordines conuocandi essent, explorandas
prius voluntates suorum etiam Episcoporum putauit, qui-
bus cum absq[ue] hoc ut ageretur propter mandata Imper-
atoris de restituenda his Iurisdictione res flagitabant, de
quo in fine narrationis de his tractationibus contra Fla-
cianas insectationes docebimus.

Re igitur deliberata, ad Episcopos harum regio-
num agi ita voluit, ut exploraretur, an apud hos obtine-
ri posset, ut quæ vitiosa in libro essent emendarentur,
et de Adiaphoris constitueretur, quibus confectis re-
sponsio ad Imperatorem expediretur. Itaq; de hac re post
solutum Conuentum Misnensem, ad Theologos quosdam
de Consilio suo, tractationum earum quæ cum Episcopis
fusci perentur, retulit, et à Principe Anhaltino pecu-
liariter postulatum, ut ante illas tractationes cum Neu-
purgense de corruptelis libri conferre studeret, Atq; hæc
omnia secreto deliberata fuere, neq; de his quicquam, ut
et de tractationibus sequentibus vniuersis, emanare vo-
luerunt, quod ipsum inquietorum hominum suspiciones
auxit, et calumnias confirmauit. Theologis autem et si
minimè erat difficile cogitare, quas suspiciones et quas
voce commotura res esset apud ignaros negociorum, si
cum Episcopis tractationes, fusci perentur, presertim de
quibus enunciare non liceret, et quæ secuta mox fuere
ea, illi et preuidebant et metuebant, tamen quod postu-
labatur commodè et honestis rationibus detrectare non
potuere, cum scriptura iubeat nos esse paratos debere ad
responsiones reddendas, de spe nostra singulis qui hoc pos-
cunt, cumq; ante illa tempora Colloquia cum aduersariis
multiplicia instituta nemine reprehendente meminissent,
et exemplorum antiquitatis hac in parte non essent igna-
ri, presertim cum Princeps summa contentione hoc
ageret,

ageret, quodq; maximum est omnium, nulla impia man-
data darentur. Sed Flacius postea & Flaciani quod
plausibilem hæc in primis ad vulgus, & ad seditionem
commouendam perdoneam exagitationem suppedita-
rent, neq; iræ neq; vocibus pepercerunt, neq; sibi neq; ma-
chinationibus suis defuere, sed in clementissimis interpre-
tationibus, & mendacissimis narrationibus rem inuolue-
runt, & calumniarum teterrimarum ingente quasi mole,
has tractationes ita obruerunt, vt nisi acta extarent
euolui res illæ & explicari non possent. Ad criminatio-
nes quidem atq; calumnias ipsorum infinitas, ne disputatio
quidem vlla suscipi potest. Itaq; discatur quid actum sit,
& quo concilio, Et sic de re unusquisq; statuat & pro-
nunciet, neq; enim ad calumnias tantas & tam multas
aliud fieri potest.

Cum igitur literis & petitionibus suis impetrasset
ab Episcopo Misniensi & Neupurgensi, Dux Mauricius
Elector, vt ad 10. Calend. Septemb. quæ est 23. Au-
gusti in oppido Pegensi se conuenturos condicerent. Ex
Theologis conuocauit isthuc Principem Georgium An-
haltinum, D. Caspa. Crucigerum, & Philip. Melan-
thonem, Sed D. Cruciger morbo impeditus adesse non
potuit. Itaq; adduxit secum Princ. Anhalt. huius loco
D. Forsterum, qui tum in Ecclesia Merespurgensi doce-
bat. Philippus Melanthon Paulum Eberum. Quibus ita
curatis delegit ex ordine equestri viros quatuor, &
vnus

Flacius
lupus ille
vorax cum
jins.

*vnum Iurisconsultum, et si & inter equestres unus Iuris-
consultus erat, quibus Legatis ad illas tractationes vte-
retrur. His igitur quinque viris quid mandatum sit ut
ad Episcopos & Theologos nostros, Principis nomine
agerent, scriptum docebit, quo, ut fieri solet, hos de ijs
quae fieri vellet instruxerat, hoc quod uniuersum negoci-
um explicetur, ex Germanico hoc loco ad verbum subie-
cimus.*

Nos Mauricius Dei benignitate Dux Saxoniae, Sacri R. Imp.
&c. Hos praefectos consiliarios & dilectos fideles nostros
uniuersos & singulos ablegauimus cum mandatis, ut ad 22.
Augusti in oppidum pegauium ueniant & postridie cum Illustri
Prin. D. Georgio Principe in Anhalt &c. Coadiutore in Ecclesiasti-
cis Merespurgi nostro dilecto propinquo, & cum doctissimis nostris
dilectis & fidelibus Domino Philippo Melanth. & D. Caspare Cru-
cigero Sacrae Theologiae Doctore, & postea cum nostris amicis E-
piscopo Misnensi & Neupergensi, de libro Interim colloquium in-
stituant.

Nostro propinquuo nostris uerbis amicitiae officia a nobis
deferant, & gratias agant quod benevolentia ipsius rogatu litera-
rum nostrarum eo se contulit, cum promissione debita, &c.

Et quia persuaderemus nobis benevolentiam ipsius ante diem
conuentus illius cum nostro amico Episcopo Neupurgensi collocu-
tum esse de ijs, quae in libro Intericti temporis uictiosa sint, & senten-
tiae & uoluntatis Episcopi declarationem quod accepit, debebunt
consiliarij nostri Philippum Melanth. & D. Crucigerum assumere,
& ex propinquuo nostro Anhaltino cognoscere, quid declarationis ad
indicata in libro uitia ab Episcopo percepit.

Et postea inter se communiter conferant & constituant, quae
uitia declaratione illa sublata, quae non sublata iudicent. Item de que-
bus capitibus tandem prorsus, aut modo quodam concedi, & con-
tra in quibus nullo modo concedi possit.

Vbi ita ea capita quae adhuc inexplicata sunt consignata fuer-
int, Tum noster propinquus Anhaltinus, nostri consiliarij, & cum
his Philip. Melanth. & D. Cruciger, de ijs cum amicis nostris utroque
Episcopo

Episcopo Misnensi & Neupurgensi, quos & ipsos ad diem postridis-
anam in oppidum Pegarum literis conuocauimus, inter se confe-
rent.

Primum gratias his agant, quod benevolentia ipsorum
pro eo ut scripsimus eo loci se contulerit, & simul amiciciae officia
ipsis à nobis deferant, cum promissione qua decet.

Postea de inexplicatis illis capitibus ampliorem sententiae ip-
sorum declarationem petant & querant, eamq; ex his cognoscant,
Et de quibus tum capitibus satisfactum nostris fuerit, & tantum ex-
plicationis acceperint, ut recipi ea, & cum Episcopis conueniri possit,
de ijs nimirum acquiescatur, & hæc similiter consignentur.

De quibus uero capitibus nulla eiusmodi explicatio fiet,
VT SINE OFFENSIONE DEI ET LAESIO-
NE CONSCIENTIARVM recipi & tolerari possint, Ad
ea Episcopis ex firmis fundamentis scripturae sacrae indicari oportet,
quare in ulla consentiri non possit, cum ampliore explicatione,
quæ pericula inde metuenda essent, si talis conatus susciperetur.

Possent & tum commonefieri, ut cogitarent etiam si capita
illa per se plana & sine uitio essent, tamen contrarium usum longo
iam tempore ita in his regionibus radices egisse, ut tam celeriter tol-
li illa aut mutari non possent. Tanto igitur grauius iam esse, & mi-
nus fieri posse, cum absurditas quorundam ante oculos sit & omni-
bus nota, Et si de explicatione res ita caderet, magnopere admonen-
di Episcopi essent de salute patriæ huius, & hoc agendum & oran-
dum, ut negotiū quale sit ipsi cōsiderare, & hoc cōsiderato, eas res ne
urgere uellent, quæ nullo modo perfici, necq; sine magnis turbis &
exitiosis motib. facile comoueri, ne dum obtineri possint. Sed po-
tius & suæ & communis quietis causa, atq; ad auertendas illas quæ
proponeretur difficultates, de capitibus ijs quorum mentio facta est,
ut in præsentiam patienter acquiescerent, & contenti essent eo, quod
ipsis Episcopalis potestas & autoritas in posterum cedi, & defensio
huius & protectio ipsis præstari deberet, **QVATENVS HAC**
ILLI AD PERSECUTIONEM CHRISTIA-
NAE DOCTRINAE ET VERI CVLTVS DEI
NON ESSENT ABVSURI, sicut & ab ipsorum be-
nevolentia hoc minime expectaretur, Et tum in capitibus de qui-
bus conuenisset omnem debitam obedientiam, aut reuerentiam ip-
sis præstitum iri.

N n

Quod

Quod si iam illi ad haec bonam spem de se facturi essent, postea amplius ab his peti posset, ut ipsi consilijs suis nos adiuuarent, in commune conferentes, qui Imperatori iterum responcionem de libro interiecti temporis poscentis hac in parte respondendum censerent, quo acquiescere ille posset, & haec regiones quiete manere.

Si uero prætensiū fortè essent Episcopi, se quidem suo loco propensos esse ad patienter ferendum, sed Imperatorem his non ac quieturum, &c.

Tum igitur ad ipsos hoc agendum, ut patriæ salutis causa, & ad auertendas multiplices difficultates & pericula, coniuncta nobis cum & cum ordinibus regionum nostrarum opera, ad Imperatorem scribant, & de difficultate, quidcū de illis capitibus apud subditos in his terris (quorum longe sit alia quam cæterarum regionum conditio) fieri non possit, subiectissimè significant, & de obsequendi in cæteris capitibus studio nostro testari uelint. Sin nulla responsio, quæ satisfacere aut recipi posset ab Episcopis, quorum mentio facta est, de capitibus uiciolis acciperetur, nec, quod expeti uoluimus, ut patienter acquiescerent, cætera impetrari ab his possent, Tum consiliarij nostri una cum propinquo nostro Anhaltino, Philip, Melan. & Doctore Cruciger, nihilo minus inter se conferant, & de rationibus cogitent, quas rationes suas scripto comprehendant, quomodo nos & regionum nostrarum ordines amplius nos in hac re gerere debamus.

In primis autem quid responderi Imperatori de hoc negocio debeat, ac Maiestatis huius abalienatio uitetur & auertatur, ne quid amplius ab hoc mandetur, Et tamen simul PIETATI ET CONSCIENTIAE caueatur.

Cumcū sæpe de una & eadem re plures rationes in mentem uenire soleant, quarum una sit altera modiior, melior, opportu-
nior, etiam si ad unum finem dirigantur uniuersæ, ideo, ut facilitius decernendi & delectus copia nobis suppeteret, commodum iudica-
remus propinquum nostrum Anhaltinum, Theologos, & consilia-
rios nostros, de hoc negocio non unum, sed plura consilia sua pro-
ponere, scripto comprehendere, & ad nos mittere.

Quantum nos iudicare possumus, de hoc cogitandum, ut Episcopi, Pastores in nostris regionibus ferant cum uxores habeant, & Sacramentum coenæ dominicæ integrum de institutione Christi Saluatoris nostri exhibeant.

Et ut

Et ut ordinent quos nos & regiones nostræ ad ipsos hac de causa miserimus, eosq; Sacerdotes creent, neq; obstat sibi pati^s antur, quod uxores habeant, & Sacramentum integrum præbeant.

Et qui non habent uxores, h̄ in ordinatione ad malum & iniquum uotum de celibatu ut ne adigantur, nisi hæc explicatio disser- te adhibeat, ubi se ex humana imbecillitate non idoneos ad celiba- tum senserint, promissione castitatis matrimonium contrahendi pos- testatem ipsis non præcidi.

Item qui ordinandi sint tempore ordinationis & in ritu hu- ius, ut ne adigantur ad usum Sacramenti Cœnæ mutilum, qui est sine poculo Domini, sed ut absq; tali communione ordinentur, aut Sacramentum ipsis integrum præbeatur.

Præterea non inconsultum nobis uidetur, & quod bene sine scandalo fieri posset, ut singulis diebus uel tribus saltem diebus hebdomadæ, in celebroribus & populosis urbibus, eæ cantiones acci- nerentur, quæ in missis de tempore accini solent, usq; ad consecra- tionem, & tum si essent communione usuri aliqui, adderetur etiam consecratio, si minus, omitteretur. Hoc utile esse posset iuuen- tuti & Scholasticis, ut hoc exercitio ad cultum Dei & recordationem huius adduceretur, & ut nostra fert opinio, plures futuri essent, qui communicatione uterentur quam nunc existimatur.

Et ad Carnium elūm quod attinet die quinta & sexta hebdo- mados, & iejunio quadragesimæ, ut tanquam de politici magistratus mandato denuo constitueretur, Ita tamen, ut discerneretur inter eos, qui iustas causas haberent cur carnibus uterentur, & ut conciona- tores de suggestis explicarent, non ut cultum Dei hunc introduci, aut legem ad salutem facientem statui, sed ut politicam constitutio- nem, in quibus rebus Magistratui constituere liceat, cum nullum extet in scriptura immutabile mandatum huic rei contrarium, sed res sit media & in nostra optione posita, simul indicantes, qui tales constitutiones transgrediarunt, eum quod obedientiæ Magistratui de- bitæ contrarium sit, facere, cui Deus obedientiam præstari præcepe- rit, & tale facinus Deo displicere.

Cum igitur non simus ita animati, ut nos aut nostri obstina- te & pertinaciter nostræ aut nostrorum laudis causa, & ad celebrati- onem comparandam, in nostra sententia permanere, & quam spe- ciem habere uidentur ea quæ aliqui faciunt, potius regionem bello inuadi, iuastari, & perdi uelimus, quam ulla in re, quæ tamen sine offensione Dei & læsione conscientiæ fieri possit, concedere.

Ideo consiliarij nostri propinquum nostrum Anhaltinum & ambo Theologos admoneant, ut considerent hoc consilio his terris opem ferri, & res impeditas harum explicari posse, & hanc ob causam nos petere & cupere, Benevolentia ipsius & ipsi ne à quibusdam pertinacibus, qui de quorum amissione periclitari possint non habent multa, quicquam se moueri, aut his se quicquam perturbari ut patientur, sed consulere ut uelint quo concedatur in ijs in quibus SINE VIOLATIONE MANIFESTAE ET SACRAE ET DIVINAE SCRIPTVRÆ id fieri possit.

Ita enim sumus animati, ut cupiamus dare Deo quæ DEI sunt, & Cæsari quæ Cæsarî, ut à Deo constituto magistratui, & concedere in omnibus, in quibus SINE OFFENSIONE DEI id fieri potest, & res potius ad concordiam quam dissidia dirigere, ut regiones nostræ fidelesq; subditæ incolumes, & tamen nihilominus uerbum Dei his conseruetur.

Item ut considerent, utrum melius sit, in omnibus, quæ ullo modo sine offensione Dei fieri possint, concedere, ut ea concessione fundamentum ueræ religionis, quod est pura doctrina de nostra iustificatione conseruetur, quam doctrinam omnipotens Deus nullo tempore, ut semen bonum, fructus expertem esse finet, An uero melius sit, pertinaciter ad ea quæ uolumus, & autoritatem nostram obtinendam, negocia hæc ita agere, ut belli fortunæ expellantur, quo tandem uniuersa religio (quod Deus benigne auertat) opprimi & extingui possit.

Atq; pro his ita se ut gerant ut potius ad gloriam Dei & avertendum exitium harum terrarum res deducatur, Id quod à benevolentia ipsius amanter expectamus, de cæteris benignè nobis persuademos, & erga benevolentiam ipsius amicè promerebimus, cæterorum autem benignè rationem habebimus. Hæc mandata, faciendæ fidei causa, nostro secreto signo obsignauimus, quæ data sunt Rosentalæ 19. Augusti Anno 48.

Mauri. Elector
manu prop. subs.

Hæc mandata fuere Princip. Mauricij, ex quibus studium pium huius & solitudinem de suis paternam non pror-

non prorsus inhumani & iniqui cognoscere poterunt.
Nunc ad hæc quid factum sit exponamus.

10. Calend. Septemb. quæ est 23. Augusti, cum conuenissent in Oppido Pegenſi Princeps Anhaltinus D. Forsterus, Philippus Melathon & Paulus Eberus, age= re cum his Consiliarij Electoris cœpere, secundum man= data præscripta, quæ ipsis exposuerunt, accumulantes, ut fit, suis & explicationibus & hortationibus. Et pri= mum cognouere ex Anhaltino, quod cum Neupurgense Episcopo collocutus fuisset, & quod ipsi duo de nulla re inter se decreuissent, sed Episcopum Neupurgensem de re amplius cogitandi ſpacium ſibi sumſiffe. Postea in quibus concedi posset, in quibus non posset, quæſitum fuit, & reſponſum à Theologis scripto huius ſententiae.

QVORVM CAPITVM VERAM SEN= tentiam verumq; vſum communiter vniuersos Chri= stianos conſeruare & retinere oporteat.

Multa ſunt in libro Interim, de quibus doctos ueras explicatiōnes tenere oportet, & ſuo periculo etiam alios illi, ſuo quicq; loco, docere debent. Etiam multæ crassæ & Ethnicæ Idolatriæ inſunt, quas & ipsis non oportet confirmari, tales ſunt conſecratio olei, & processionum Pompa cum Sacramento.

I. Maxime autem oportet, una cum Symbolis, huius capi= tis doctrinam diſertam & non obſcuratam in Ecclesia conſeruari & retineri, quomodo homo peccatorum remiſſionem conſequatur, & coram Deo iuſtus & uitæ æternæ hæres ſiat. Nam hoc caput in cor= pus Symboli inſertum eſt in uerbis quibus dicitur, Credo remiſſio= nem peccatorum.

Iam uero Maluenda aut alij in libro Interim quædam in hoc
N n 3 capite

capite assuerunt, quibus uera sententia & consolatio obscuratur, quod si quis etiam illas laciniias inter se confuere tentet, tamen sicut pugnancia, & inaequabiles sententiæ existent, quomodo & Sydonius ipse gloriatitur, non esse eam sententiam libri, quæ in nostris Ecclesijs docetur. Ideo ante hoc tempus de hoc capite submissæ monuimus, & adhuc iudicamus, necesse esse ueram sententiam in nostris Ecclesijs conseruari & retineri.

II. Secundo loco, totam doctrinam de poenitentia necesse est puram conseruari cum singulis partibus huius, itemque de confessione & satisfactione.

III. Tertium caput est de Missa priuata sine communicantibus, & de Canone, & Missis pro animabus.

Hi manifesti abusus nequaquam sunt confirmandi aut instaurandi. Et Canon manifestè pugnat cum doctrina de remissione peccatorum per fidem. Quod autem commodi usculis explicatiunculis res palliatur, is lulus talis est ut cum Iudei CHRISTI oculos obnubentes interrogabant eum, quis te percusserit? quod si Iaudandæ essent tales explicatiunculae, fortassis aliquanto magis scientias communisci possemus quam aduersarij, sicut omnes intelligentes deprehendunt, quod multas illi explicatiunculas suas ex nostris scriptis sint mutuati. Item ponamus hæc etiam recipi, & pastoribus proponi, tamen hæc à multis prijs & doctis Pastoribus non recipiuntur, grauis ea res esset futura.

IV. Postremo, Inuocatio sanctorum etiam non debet approbari, de quibus tamen sepe diximus, uelle nos historias sanctorum populo diligenter proponere, quæ ad multas res utiles sunt.

Hæc quatuor capita communem & publicum statum Ecclesiarum, & populum attingunt.

Quod uero toties monemur, ne quid contumaciter faciamus & salutem harum terrarum & hominum nostrorum consideremus, oramus propter Deum, ne existimemur h̄i esse, qui publicis & propriis nostris calamitatibus delectemur.

Quod si pax fieri potest his conditionibus, ut nos remoueamur aut tollamur, ludentibus animis cedemus, aut feremus quæcunq; erunt. Hactenus fidelem operam dedimus ad quarundam necessiarum rerum explicationem, Alij approbent, recipiant, respuident, pro sua quisq; intelligentia, arbitrio & rationibus, nos nemini quicquam prescribimus, sed nostram sententiam simpliciter edimus, & multas magnas controversias prætermittimus. Etiam haec res,

Urbani anni:
mo forant
quæcunq; pp
orans Dij
confessionem

res, de quibus loquimur, non sunt adeo obscuræ, unusquisq; doctrinæ Christianæ intelligens, quæ fundamenta sint uidere potest.

Hæc quatuor capita Theologi tum notarunt, in quibus concedi nihil posset, & de quibus tamen auditores quād doctores, id est, singulos Christianum nomen profidentes homines, respondere scire oporteat, de cæteris controversiæ ad doctos pertinent. Ad hæc igitur quatuor capita si assumantur duo, quæ permittit liber INTERNET RIM, de Sacramento Cœnæ integro, & coniugio Sacerdotum, fient sex capita, quibus obtentis, & quorum obtinendorum caussa, pleraq; quæ ab aduersarijs tum in libro Augustano postulata fuere, non intoleranda esse iudicatum fuit, præsertim cum superstitione & Idolatria de consecratione olei & artolatria, supra, diserta mentione, simul exclusa sint. Et quid D. Lutherus ad librum Ratiſponensem à se promiserit, & quid pactus fuerit minime ignoratur.

Ex scripto tamen quod proximè inferuimus, quæ in fine huius clausula extat his verbis: Et multas magnas controversias prætermittimus, eam Flacius & 5. subscriptores huius, argumentum haberi volunt, quod de libro Flaciano cognoscere poterit qui voluerit, ad quem lectores in præsentia remittimus. Sed quo sensu, quaque occasione illa inferantur, & iam duximus, & per se manifestum est, Nam cum scripti illius scopus sit, ut exponantur ea, quæ confessionem singulorum hominum attingunt, reliqua

qua quæ ad doctorum pertinent, hoc non comprehenduntur, & talia præteriri in præsentia ista clausula significat, Cum absq; hoc, & mandata scripta Principis, & hæc ipsa confessio de quatuor capitibus expositis, & quæ antè & post acta fuere vniuersa, impietatis crimen Flacianum luculentè refutent, sicut & reliqua quæ in libro illo partim falsa, partim depravata, calumniosissimè autem omnia collecta sunt, ut res arguet. Quæ autem præterea in libro Augustano nostri Theologi in tractationibus Pegensibus requisiuerint nunc subiiciemus.

Postridiè igitur quæ fuit 24. Augusti ad Episcopos de mandatis Princip. Electoris Consiliarij retulerunt, ut Colloquium inchoaretur, ibi tum Episcopi consignari sibi voluerunt ea capita ex libro INTERRIM, in quibus aliquid desideraretur, de quibus deinceps colloquerentur. Ita igitur à Theologis hæc ut de capitibus inexplicatis notatio proposita fuit.

De Iustificatione.

De potestate Ecclesiastica offertur obedientia, si curent & finant ueram doctrinam doceri, quod ut faciant optamus.

De Ordinatione dicatur qualis futura sit, ne præsens forma mutetur.

De Sacramentis.

De Baptismo.

De usu integræ Cœnæ dominicæ.

De Confirmatione concedi potest, si superstitione excludatur.

De Confessione potest commodius intelligi liber.

De extrema unctione, ne ipsis quidem Episcopi consecrabunt oleum, si considerauerint quales, sint consecrationes & quam absurdæ.

De

De Missa agendum ne præsens forma mutetur , cum omnia
substantialia contineat, consecrationem & exhibitionem corporis &
sanguinis Christi , Recordationem passionis domini , Gratiarum
actionem, petitio nē ut propter filium detur remissio peccatorū, Ap-
plicationē quæ fit fide. Hæc omnia cōpleteūt oblatio, quia oblatio ,
non est propriè externus aliquis gestus, sed hæc ipsa in corde recor-
datio, gratiarum actio, petitio ut propter filium detur remissio &
applicatio .

Ne onerentur Canone.

Nec onerentur Inuocatione Sanctorum.

In ritibus Adiaphoris eligantur utiles communi deliberati-
one.

Potest institui ut singulis Septimanis pluribus diebus cele-
bretur missa in oppidis, quum ibi adsunt communicaturi,

De esu carnium & ieuniis nihil litigamus.

Hæc simplex notatio, et si plura capita complecti-
tur, tamen res tota directa tum fuit ad ea, quæ publicum
statum Ecclesiarum attingunt, & communiter pertinent
ad scientiam & confessionem vniuersorum & singulo-
rum, de quo agebatur, cum Princeps sibi & populo con-
silium expeteret. Ea supra quatuor capitibus proponun-
tur, pœnitentia autem & satisfactio ad articulum Iusti-
ficationis referuntur, quo explicato nihil in his corrupte-
larum adhaerescere aut consistere potest. De confirma-
tione quomodo concedatur, & scriptum Misericordie docet
& magis explicabitur infra in Cellensis actionibus
& cæteris, De Baptismo & Cœna Domini mentio si-
militer de populari vñsu fit, Nam quæ ad disquisitiones
doctorum pertinent, de ijs tum non fuit disputatum, Et
Flacius tamen cum 5. subscriptoribus transsubstancia-

tionem à nostris approbatam scribere audet, cuius rei cum argumentum esse velint ea quæ scribuntur supra de Cœna in censura Misenensi, miramur hæc etiam illum non assūmisſe, Etsi hoc genus ita est incogitans, & vanum ac leue, ut in una & eadem resimul & superstitionis & profanitatis nostros insimulare, & contraria nobis tribuere non dubitet, cum hæc ipsa se refutent. Hanc notationem postea Consiliarij Legati Episcopis tradiderūt, de quibus collocutio fieret, quorumq; explicatio de instructione Principis quæreretur.

De capite Iustificationis ergo colloquij initium factum, & proposuerunt Theologi nostri doctrinam de hac scripto comprehensam, hoc modo ut sequitur.

CAPVT DE IV STIFICATIONE Hominis coram Deo ex formula Myſnica descriptum,
& Episcopis in congressu Pegauensi
propositum.

Quomodo homo coram Deo iustus fiat.

P ostquam dictum est, quod Filius Dei mirando & inscrutabilī consilio, Mediator & Saluator constitutus sit, & quod propter ipsum nobis certò donetur remissio peccatorum, Spíritus sanctus, Iustitia & uita æterna, postea sciendum est, quomodo hæc summa dona & beneficia accipiantur, & adplacentur, Nimirum hoc modo,

Etsi Deus non iustificat hominem propter merita operum suorum, Sed gratuita misericordia, sine nostris ullis meritis, ut non ea nostra, sed Christi sit gloria, cuius unius merito à peccatis liberamur & iustificamur, tamen in homine efficax est misericors D E V S non ut in trunco, Sed ita trahit, ut uoluntatis actionem in adultis accedere uelit,

Nam

Nam adulti non accipiunt beneficia Christi, nisi praeunte gratia, uoluntas & cor moueat, ut expauescat ad sensum irae Dei, & serio detestetur peccatum. Cum enim peccatum causa sit inimicitiae inter Deum & hominem ut Esaias inquit, nemini ad thronum Gratiae patet aditus, nisi serio dolore & uera poenitentia se a peccatis avertat. Quare & Baptista Domino uiam paraturus serio clamitat, Agite poenitentiam, appropinquat enim regnum coelorum.

Et nihil dubium est, prorsus oportere in conuersione existere contritionem & pauores irae Dei. Nec potest ulla conuersio esse aut accipi remissio peccatorum, quam diu manet securitas & propositum perseverandi in peccatis contra conscientiam, Ideo inquit Esaias: Vbi habitabit Dominus? In corde contrito & tremente sermones meos. Et in Mose scriptum est. Deus est ignis consumens, Hoc est Deus uere & horribiliter irascitur peccatis & hoc iudicium statim post lapsum uerbo suo & poenis declarauit, & legem postea additis certis testimonij tradidit, ut inde discamus, mortem, uastationes, & alias calamitates esse commonefactiones de ira Dei.

Vult etiam ministerio uerbi & Spiritus sancti in Ecclesia peccatum accusari in cordibus hominum, donec sub finem mundi fiet integrata liberatio, Sicut scriptum est, Spiritus sanctus arguet mundum de peccato.

Nec tantum iram suam patefecit. Sed immensa bonitate addidit Clementiss. promissionem, Nempe Euangeliū de filio Dei, Estq; hæc ipsius æterna & immota uoluntas iuramento, sanguine filij & eiusdem resurrectione ac multis miraculis confirmata, quod certò uelit remittere peccata, donare Spiritu sancto, recipere nos, renouare, & facere haeredes uitæ æternæ, propter filium, non propter merita aut propriam dignitatem, si in pauoribus istis & poenitentia uerè crediderimus, & confisi fuerimus propter filium Mediátorem nobis certò peccata remitti.

Hæc uera fides qua necesse est Deum rectè agnoscí, adseritur omnibus articulis Symboli, Et cum alijs omnibus articulis etiam huic credo remissionem peccatorum, Credo mihi nominatim non tantum alijs peccata remitti.

Etsi enim plurimi eorum, qui perseverantes in delictis contra conscientiam sunt socii confessionis doctrinæ, fidem iactitant, etiam nequaquam est uia & iustificans fides, Non enim credit sibi ipsi remissa esse peccata, nec accipit promissionem, non accedit ad DEVM, non est aliquis sensus consolationis, nulla inuocatio.

O o 2 Nec dū

Dīfl. inter fidem Diabolorū ad orrorū. Griffianorm

Nec dubium est, Fidem Diabolorum, qui horribiliter contremiscunt & expauescunt, iudicium Dei, longe aliam rem esse quam est haec uera fides, quae accipit promissionem, & benignissimam consolationem, sicut clare testatur Paulus Rom. 4. Se loqui de fide accipiente consolationem, quae non est tantum noticia ut in Diabolis, aut hominibus qui uiuunt in delictis contra conscientiam. Sed haec fides cum alijs articulis, credit remissionē peccatorū, accipit promissionem, & est in corde uera fiducia filij Dei. $\lambda\circ\gamma\mu$ dicentis consolationem in corde & excitantis cor ad inuocationem. De qua fide loquitur dictū Elaiæ, quod allegat Paul. Roma. 10. Omnis qui credit in illum non confundetur.

Ac certissimum est, non esse aliam uiam accedendi ad Deum, impetrandi remissionem peccatorum & reconciliationem, nisi hanc solam per filium Dei, Sicut scriptū est. Nemo uenit ad patrem nisi per filium.

Et ideo simul datur Spiritus Sanctus in corda nostra, cum promissionem diuinam ita fide accipimus & ea nos erigimus, ut expresse dicitur Gal. 3. ut promissionem Spiritus accipiamus fide.

Et tum quidem efficit Spiritus sanctus in corde firmam consolationem & uiuificat corda, excitat nouas & necessarias uirtutes, auget fidem, fiduciā, spem, accendit dilectionem, impellit cor ad ueram inuocationem, & ad bona opera, & illi qui sic acceperunt remissionem peccatorum, & Spiritū sanctum, iam sunt haeredes æternæ salutis, propter hunc saluatorem, sicut inquit Paulus: Donum Dei uita æterna, propter Christum Iesum Dominum nostrum.

Cumq; Deus immensa bonitate Adam & Eua in gratam receptis & tradita ipsis promissione deuenturo liberatore, Semper in genere humano sibi Ecclesiam collegerit & conseruauerit, Simul etiam hanc sententiam doctrinæ, de remissione peccatorum & fide & eius uerū intellectum omnibus temporibus conseruauit, quae quamquam in multis, qui peccatorum remissionem proprijs operibus mereri statuerunt & in dubitatione manserunt, sepe obscurata fuit, ut in Ethniciis, qui nè memoriam quidem ullam remissionis peccatorum retinuerunt, tamen hanc sententiam in scriptura clare expressit Deus, & subinde omnibus temporibus in Ecclesia declarati uoluit, ne agnitus & honos Filij extingueretur, sed ut ipse hoc modo Ecclesiam colligeret, & multos homines saluos faceret.

Et ut breuiter ac summatim dicam. Vtrumq; sciendum & credendum est omnibus hominibus, Quicunq; perseverant in delictis con-

Etis contra conscientiam certò statuat se habere Deum iratum, & nisi conuertatur, in xternas poenas ruiturum esse, E contra in conuersione, serìo uult & præcipit Deus, ut promissionem accipiamus fide & statuamus , Deum , non propter propriam dignitatem, sed propter filium Dei ἵκετηρι τῷ οὐρανῷ μετίτηρι nobis propitium esse, remittere peccata, uelle nos recipere , exaudire & iuuare.

Et quanquam in hac nostra infirmitate, adhuc harent multi fluctus dubitationum , tamen Deus ideo promissionem tradidit, ut ea erecti & confirmati uincamus dubitationes & ad Deum confugiamus .

Cum Paulus inquit: Nihil mihi conscius sum , sed in hoc non iustificatus sum . Non docet homines dubitare , sed utrumq; uult scire & certò statui. Conscientiam debere rectam esse , & multas esse in nobis infirmitates , & quanquam sine peccato non uiuamus , nihilominus tamen Deum placatum & propitium , habeamus propter dilectum filium , ac recte dicit Augustinus , totius fiduciae certitudo debet esse in præcioso sanguine Christi.

Estq; diuina & immota ueritas, quod accepta remissione peccatorū , in corde simul Spiritus sanctus inchoat ueram inuocationē, dilectionem, spem & alias uirutes, ac necesse est, simul adesse bonum propositum & bonam conscientiam, Sicut Paulus coniungit bonam conscientiam & fidem non fictam , Et Ioan. inquit: Qui non diligit manet in morte.

Verissima haec sunt, Et ut maximè dei gratia & auxilio sine scelere contra conscientiā & mortali peccato possemus uiuere, tamen hoc scire oportet, quod in hac infirmitate uitæ in homine multæ uictiosæ inclinationes maneant, & quod homo sine peccato non uiuat. Sicut inquit Paulus. Video aliam legem in membris meis repugnantem legi in mente. Et in Psalm. dicitur. Non iustificabitur in conspectu tuo omnis uiuens. Et Daniel inquit. Non propter iusticias nostras sed per misericordiam tuam propter Dominum exaudi nos.

Quare etiamsi noua obedientia inchoata est , & iusticia infusa est in homine, non tamen cogitandum est, quod propter eam persona habeat remissionem peccatorum , & eam mundiciem , cui nulla remissione peccatorum , & nullo Mediatore opus sit, Nam filius Dei est & manet perpetuus Mediator , & consistens in arcano consilio Dei intercedit pro nobis , ne severa & horribilis Dei iira aduersus peccata in nos effundatur.

Nec satis dicitur, cum dicitur Deum reliquam infirmitatem non uelle imputare & singitur persona esse sine peccato, & inducuntur homines in uanam fiduciam propriæ iusticiæ, Sed utrumq[ue] requiritur in nobis bona conscientia, inchoata obedientia & insula iusticia, & cum hac ista humilitas & fides, ut confiteamur nos habere adhuc peccata, & nos serio & uero dolore sentire & improbare nostra peccata, Confiteamur etiam nos, si iure suo & iusticiæ seueritate nobiscum agere Deus uelit, p[ro]penas meritas esse, & in illis DEO obtemperatu[re]s esse, ut Daniel inquit: Tibi Domine iusticia, nobis autem confusio facie[re], &c. Hanc uero necessariam consolationem simul adesse oportet, quod Deus certò ac uere personā nostram adoptauerit & ei propicius sit, propter Christum filium. Hanc fiduciam quæ intuetur Mediato[rem] in iudicio Dei, necesse est in huius uitæ infirmitate semper coeteris uirtutibus ita prælucere, ut iustus semper sua fide uiuat.

Quare cum ait Paulus: Fide iustificamur, non sic intelligenda est propositio, quod fides tantum sit præparatio, Sed Christo filio Dei suum honorem tribui oportet, quod sit & maneat perpetuus Mediator, In hac etiam humilitate nobis consistendum est, ut agnoscamus in nobis esse peccatum, & nos indigere gratia, & uere Deum nobis uelle propicium esse, si in hac humilitate credamus ei firmiter & hanc consolationem teneamus, ipsum nobis placatum & propicium esse propter filium.

Hanc uero consolationem omnibus p[ro]p[ter]is necessariam esse, sua quemq[ue] docet cordis experientia. In omni animi angustia & uera inuocatione, omnes gemimus & clamamus, Ah sum miser peccator, & indignus, quem Deus exaudiat. In hac consternatione homo non eo deduci debet ut fingat, se iam habere multas egregias nouas uirtutes, propter quas mundus sit & insons, nec amplius indigeat Dei misericordia aut peccatorum remissione. Sed confugere debet ad filium Dei, & sciat, se in eo iuxta promissionem deberet confidere, sicut Daniel inquit: Non propter iusticias nostras, Sed per misericordiam propter Dominum, i.e. propter promissum Salvatorem.

Ex his omnibus utrumq[ue] manifestum est. Verum esse quod in nobis nouam obedientiam & insulam iusticiam inchoari & esse oporteat, ac necesse sit, & tamen fidem & fiduciam semper fixam in filio Dei esse debere & teneri semper oportere hanc consolationem, quod Deo accepti simus propter filium.

Hac

Hac fide amissa, nulla potest esse dilectio, aut refugium ad Deum, nulla uera inuocatio. Sed hæc fides efficit consolationem Dilectionem, Inuocationē, ut dictum est, & non est sine dilectione.

Illæ etiam nouæ uirtutes & bona opera in illis, qui hoc modo reconciliati sunt, nominantur iusticia, ut supra de infusa iusticia dictum est, Quod non ita intelligi oportet, quod propter eas persona habeat remissionem peccatorum, aut quod persona in Iudicio Dei sit sine peccato, sed quod Deus hæc imbecillis & uincunq; inchoata obedientia in hac misera & fragili natura propter filium placet. De qua iusticia Iohannes loquitur: Qui facit iusticiam, iustus est. Ac uerum est, cum facta uel opera militant contra Deum, ibi esse Dei contemptum, & nullam conuersionem ad Deum in corde factam esse. Qualis enim arbor, tales sunt fructus, sicut postea uberioris dicendum.

De Bonis Operibus.

Porrò de bonis operibus hæc Regula certa est, ea demum opera bona & necessaria esse, quæ Deus præcepit, iuxta Decalogum & Decalogi declarationem in Apostolorum scriptis expressam, Hæc regula est norma discernendi bonam conscientiam & malam.

Et ut antea dictum est, seuerissimum Dei mandatum est, ut uiuamus cum testimonio bonæ conscientiæ, iuxta dictum: Milita bonam militiam, seruans fidem & bonam conscientiam, Qui autem persevererat in delictis contra conscientiam, non est conuersus ad Deum, sed est adhuc hostis Dei, & Dei ira manet super eum, nisi ad Deum conuertatur. Hoc certissimum est secundum dicta. Gal. 5. De his prædico uobis sicut prædixi: Qui talia agunt regnum Dei non consequentur. Et in iuramento suo Deus utruncq; complexus est quod & conuersio sit necessaria, & quod remissio peccatorum fide accipienda sit. Viuo ego, Nolo morte peccatoris, sed ut conuertatur & uiuat. Quare ubi nulla conuersio est, ibi nulla est gratia. Hoc omnes sani sciunt & intelligunt sine longa declaracione.

Porro, cum reconciliatus qui fuit in gratia Dei, ruit contra mandatum Dei in delicta contra conscientiam, is contristat Spiritum sanctum, amittit gratiam & iusticiam, fit rursum reus iræ Dei & nisi conuertatur, ruit in poenas æternas, ut Saul & plurimi alij. Hoc clarè & expresse dicitur Rom. 8. Debitores estis, ut non secundum carnem uiuatis, Si secundum carnem uiixeritis, moriemini, hoc

hoc est, Si prauis inclinationibus contra conscientiam indußeritis,
ruetis in poenas æternas.

Ac talia peccata non tantum æternas poenas merentur uitæ
futuræ, sed etiam multas horribiles poenas in hac uita & merentur
& attrahunt, quibus cum autor ipse ac patrator, tum alij homines
obruuntur, ut ostendunt pœnæ adulterij & homicidij Dauidis.

Propter has causas (ut quām breuissimè dicamus) facile pos-
test intelligi, Bona opera esse necessaria. Nam & Deus ea præcepit.
Et cum committuntur peccata, excutitur gratia & Spiritus sanctus,
& sequitur æterna condemnatio.

Bona uero opera in reconciliatis placent Deo ad eum
modum, quo supra dictum est: Ac uerum est nos simul filios Dei &
hæredes æternæ salutis effici propter Christum, quāmprimum ad
Deum conuertimur, accepta remissione peccatorum & Spiritu san-
cto per fidem. Et tamen noua obedientia seu bona opera adeo ne-
cessaria sunt, ut nisi in corde excitentur, appareat gratiam omnino
non acceptam esse.

Omnino autem accipi gratiam Dei oportet, & ea consolatio
non est inanis cogitatio, sed est uita & liberatio ex magna consterna-
tione, ut Rex Ezechias inquit: Esa. 38. Quasi Leo contriuit omnia
ossa mea, &c. post tergum proiecit omnia peccata mea.

Sic Paulus inquit: Superinduemur si tamen non nudí repe-
riemur. Et Apoc. 2. Sis fidelis usq; ad mortem & dabo tibi coronam
uitæ. Duo in his dictis compræhensa sunt. Primum initia æternæ
salutis in hac uita fieri oportere, Alterum ne ante exitum è uita des-
siciamus. Et ipsa regeneratio per se est noua lux, est timor Dei, dilec-
tio & lætitia in Deo & multarum uitæ copulatio, sicut dictum
sonat: Hæc est uita æterna ut cognoscant te uerum Deum, & me
Iesum Christum.

Sicut autem hanc ueram agnitionem in nobis lucere opor-
tet, ita uerissimum est has uitæ, fidem, dilectionem, spem & alias
ad salutem necessarias esse.

Hæc omnia intellectu facilia sunt uerè pijs, qui consolatio-
nem apud Deum querunt & experiuntur.

Cumq; uitæ & bona opera Deo placeant ut dictum est,
merentur etiam præmia spiritualia & corporalia in hac uita, secun-
dum consilium Dei & maiorem compensationem in uita æterna
iuxta promissionem. Et hoc ipso nequaquam confirmatur iste er-
ror, quod æternam salutem dignitate operum consequamur, aut
quod

quod alijs merita nostra communicare possimus. Sed fides agnoscit propriam imbecillitatem, & refugium habet ad Filium Dei, & accipit hanc æternam consolationem ex meritis ipsius & plenitudinem, secundum ineffabilem & immensam gratiam promissionis, & scit in conuersione semper Deo fidendum esse promittenti, & iurejurando confirmanti promissionem, & statuit desperationem, tanquam contumeliosam in Deum blasphemiam summum peccatum esse.

Porrò bona opera multis promissionibus & magnis laudibus in Scriptura ornantur, quod eruditii Concionatores suo loco semper uberioris declarabunt. Vult enim Deus etiam in donis temporalibus sese agnoscere & inuocari, & uult illam ipsam inuocationem fieri, fide & bona conscientia.

Quæ autem dicenda sunt de operibus non mandatis à Deo, de illis etiam distinctè, separatim & uberioris, quantum opus erit explicaturi sumus.

In hoc scriptum inquirentes Episcopi, cum reprehendere & improbare verè nihil possent, ne id tamen sine aliqua admonitione approbasse viderentur, Verba quædam excerpterunt, quæ disputationem de bonis operibus proximè præcedunt. Vbi sic legitur: Virtutes etiam & bona opera in talibus recōciliatis, iusticia appellantur (sicut supra de infusa iusticia dictum est) non tamen hoc sensu quod persona propter hæc remissionem peccatorum habeat, vel quod persona in iudicio Dei sine peccato sit, Sed quod Deo hæc inchoata & imbecillis obedientia in hac corrupta & immunda natura, propter filium in creditibus placeat, de quorum operum iusticia Iohannes loquitur, cum dicit: Qui iusticiam facit iustus est, & cætera, quæ supra videantur. In hac igitur periodo Episcopi hæc verba deleri voluerunt, Sed quod Deo hæc in-

choata & imbecillis obedientia in hac misera, corrupta, & immunda natura propter Filium in creditibus placeat, Et loco horum sic scribi, & reponi, Sed quod homo per Spiritum sanctum renouatus, hanc iusticiam opere efficer possit.

Theologi cum expositis causis, cur tolli ex suo scripto illa que notarentur non possent concedere perstiterunt in sententia Episcopi, & nisi ita fieret, se non posse nostra approbare. Ita haesit res exorta controversia. Quod tamen Episcopi cetera vniuersa, que de doctrina Ecclesiarum nostrarum in praecipuo capite religionis preclarè exposita essent concessissent, & ex hoc spes bona conciperetur de reliquorū explicazione, actum de eo fuit, an illa ab Episcopis proposita verba ferre possent Theologi, ut retentis suo loco, que eximi vellent Episcopi, haec quoq; Episcoporum verba insererentur in scriptum exhibitum, ut fieret periodus talis: Virtutes etiam & bona opera in talibus reconciliatis iusticia appellantur (sicut supra de infusa dictum est) non tamen hoc sensu, quod persona propter haec remissionem peccatorum habeat, vel quod persona in iudicio Dei sine peccato sit, sed quod homo per Spiritum sanctum renouatus hanc iusticiam operare efficere possit, & quod Deo haec inchoata & imbecillis obedientia in hac misera & corrupta & immunda natura, propter filium in creditibus placeat, de quorum operum iusticia Ioannes loquitur, cum dicit: Qui iusticiam facit, iustus est, &c.

Huic

Huic etiam cùm aduersarentur Theologi, cùm alijs
de causis, tūm præcipue quod talis insertio cohærentiam
verborum in contextu orationis turbaret & perspicuitati
eorum, quæ exposita essent officeret, admoniti fuerunt,
vt cogitarent, & vniuersam doctrinam iustificationis
per se ab Episcopis approbari, & hanc insertionem ma-
gis esse eorum, qui videri vellent corrigere posse aliquid,
quam qui quod corrigeretur, reperirent, neq; per se cor-
rectionem hanc esse, nam hoc loco, & tali modo, illam
insertionem nihil prorsus addere vel demere explicatæ
formulæ, aut veritati periculum, aut scandalo occasio-
nem afferre, & de corrigendi cupiditate, non necessita-
te, testari, quod qui cætera concederent, eos de hoc pugna-
re, omnes intelligerent quale esset. Item in hoc capite de
Iustificatione si hoc modo conueniretur, in promptu esse
cogitare quid de cæteris fieri posset, de quibus Princeps
mandasset. Nam omnino negotijs explicationem hoc mo-
do sperari posse. His igitur & similibus contentionibus,
ne suæ gloriæ aut existimationis, & omnino respectu ali-
quo, earum rerum quæ ad priuatos ipsos pertinerent, con-
tumaciter quicquam facere iudicarentur, quantumuis in-
uti hanc insertionem tolerarunt. Atq; ita hæc deinceps
in scriptum à nostris exhibitum assuta, neq; in toto
scripto preterea quicquam additum, detractum aut muta-
tum fuit. Ita igitur descriptum illum articulum, cum
Episcopi dicerent se approbare, & quod hoc modo cum

doctrina libri INTERIM illa Theologorum formula congrueret atq; concordaret, Tum Philippus Melanthon statim è uestigio contradixit, & Episcopis diserte indicauit, se minimè posse dicere, doctrinam de Iustificatione eam quæ formula de qua conuenisset comprehenderet, cum doctrina in libro INTERIM concordare.

Capite de Iustificatione hoc modo explicato, cum peterent Legati ab Episcopis, ut ad reliqua capita secundum supra expositam consignationem procederetur, impetrari hoc non potuit, neq; libuit Episcopis amplius de illo capite quicquam collationum admittere, hac potissimum de causa, quod in ipsorum potestate non esse positum dicerent, in libro INTERIM quicquam mutare, & se hoc tantum consilio, hanc collocutionem cum Theologis suscepisse, ut de sententia libri explicaretur, & falsæ perceptiones auerterentur, & quanq; à consiliarijs Legatis, de præscripto Principis, sic etiam admoniti fuere de multis causis, quibus merito moueri debuissent ut seclus facerent, & expositis rationibus quas difficultates & quæ pericula res complectentur, si differretur collatio significatum fuit, & petitum ut de reliquis capitibus yniuersis cum Theologis, saltem sineulla obligatione, colloquerentur, & sententiam suam ederent, dum de Cæsaris voluntate cognoscerent. Hæc igitur etsi ita monebantur, tamen sic quoq; causas afferebant cur obsequi non possent,

possent, has fermè posse conueniri de capitibus fermè
vniversis, excepta ordinatione & Missa, ad Missam au-
tem quod attinet, non posse se concedere in eo ne Canon
legeretur, & Canonis esse vsum perantiquum. De
ordinatione similiter se non posse facere, vt Sacerdotes
crearent eos qui vxores haberent, & in Sacramento Cœ-
næ poculo vterentur & ipsi & alijs exhiberent, nisi pe-
culiari concessione hoc ipsis à Romano Pontifice per-
mitteretur, vel, vt loqui solent indulgeretur, idq; Imper-
ratorem in se recepisse dicebant, quod à Pontifice impe-
traret, hanc se permissionem expectare, quam antequam
nanciserentur, nihil se concedere in hac parte posse, neq;
introducere ea quæ liber **INTERIM** præscribat.
Significabat tum etiam Neupurgensis, se nuper admo-
dum ad consiliarios Cæsaris scripsiſſe, & de permisſio-
nis illius impetratiōne solicite monuiffé. Cum igitur ten-
tatis omnibus non posset ab Episcopis obtineri, vt confe-
rendo procederent, petierunt Legati vt consilia sua con-
ferrent, quid respondendum Cæsari censerent. Tum Epi-
scopi consultum forè iudicarunt, vt Princeps Elector
scriberet, se cum Episcopis colloquii habuiffé, & cogno-
uiffe, quod in ordinatione haereretur, & indultū requiri,
vt Sacerdotes ipsis creare liceat eos qui uxores habent,
& in Sacramento Cœnæ, poculo & ipsi vtruntur, & alijs
hoc exhibent, ideoq; se subiectissimè petere, vt indultum
illud seu concessionem benignè impetret, & ne moram,

cuius causa inde extitisset, grauiter ferat, &c. Hæc qua-
lia sint omnes intelligunt. Interea consultum iudicarunt,
vt diceretur de Iustificatione, ita sicut conuenisset, &
constituerentur quæ possent, vt vespertinæ preces, & si-
milia. Hæc tum Legatis ita vt diximus ab Episcopis
seorsum responſa sunt, neq; his postremis actionibus The-
ologi interfuere. Legatis vero cum de Indulto res mini-
mè probaretur, & non tantum de ordinatione, sed etiam
de Missa nihil vellent Episcopi concedere, inculcantes
exemplum antiquitatis, & priscos patres Canonem &
alios ritus usurpare ante multa secula, &c. His igitur
de causis non faciendum visum fuit Legatis, vt Theologi
amplius cum Episcopis ad disputationem committeren-
tur, ne acerbiores res fierent.

Ita factum, vt collationem omnem detrectantibus
Episcopis, consultationes de expedienda ad Imperatorem
responsione abrumpi, & in proximè sequentes Conuen-
tus reiici necesse fuerit, quod concludi ante ampliorem
deliberationē de Adiaphoris nihil posset. Hæc acta fuere
25. Augusti, id est, postridiana die à tractatione proxi-
ma de capite Iustificationis, atq; ita postea discessum.

Ante tamen quam ad reliqua accedamus, de pro-
missione Iurisdictionis restituendæ Episcopis explican-
dum, et si res iam est explicata scripto mandatorum Prin-
cipis, quod in harum tractationum narratione supra infe-
riimus, ubi eiusmodi conditionibus, restitutioni huic ca-
uetur,

uetur, ut qui illis lectis, non acquiescat, ei satis fieri vlo
modo an possit, dubitemus. Sledanus quidem cùm cæte-
ris Principibus vniuersis, tūm nominatim Mauricio: nam
hunc solum nominat: tantum non vt probrum obijcit,
quod de restitutione bonorum & Iurisdictionis assensus
fuerit, vel potius Cæsari non reclamarit, nam hoc verbo
vtitur, qui scriptor, si bonorum restitutionem probrosam
voluit haberi, in quas difficultates se conijciat, manife-
stum est, nam erunt, quibus absurdia, nonnullis impia, qui-
busdam iniusta ea sententia videbitur, & quid ius diui-
num & humanum statuat, non ignoratur. Iurisdictionis
autem restitutionem si damnat, meminisse debuit con-
cessionis eius, quæ hic fit in confessione Augustana, quam
Sledanus, vt minimè dubitamus, piam & Christianam
indicanit. Ab his si recessisse Princip. Mauricium Ele-
ctorem comperisset Sledanus, causas habuisse, cur fa-
ctum huius improbaret. Sed Flacius & Flaciani multò
atrocius & impudentius loquuntur, hac cōcessione Veri-
tatem proditam, quod Iurisdictionis & ordinationis re-
stitutio Episcopis delata fuisset, cùm conditio supra expo-
sita habeat: QVATENVS HAC ILLI AD
PERSECUTIONEM CHRISTIANÆ
DOCTRINÆ ET VERI cultus Dei non sint
abusuri, Et vt ordinent eos, qui ex nostris Ecclesijs ad
ipsos mittantur, neq; obstatre sibi patientur, quod uxores
habeant & Sacramentum integrum exhibeant, Neq; in
ordina-

Flacius et
Flaciani inv.
pudenter.

ordinatione ad Sacramenti usum inutilem eos cogat, &c.
Celibes ad votum de Celibatu praestando ne cogant, neue
his matrimonium praecidant. Et exponentur infra eadem
conditiones à Theologis prescriptæ.

Sed aliqui callidiores vel diaconi cotegi obiecerunt,
lusum hunc esse & præstigias, quod in his conditionibus
ponantur ea quæ nunquam futura sint, aut fieri possint,
neq; enim Episcopos unq; tales conditiones admissuros
fuisse, Et has tamen conditiones ferri in Augustana con-
fessione, Apologia, Smalcaldicis articulis, & multis alijs
locis, ante illud tempus nemo grauiter tulerat, à Principi-
Mauricio fieri intolerandum iudicarunt. Etiam Paulina
præcepta qualem Pastorem Ecclesiæ esse oporteat, recitā-
tur, cum quam multi tales sint non sit obscurum. Neq; his
conditionibus nostrorum quicquam conceditur quod impri-
um sit aut concedi non debeat, sed officij sui Episcopi ad-
monentur, hoc si non faciunt, nihil ipsis est concessum.
Sed ad calumnias manifestas pluribus disputandum non
videtur, itaq; hoc modo indicatam rem esse in præsentia
satis est.

Hec tota cum Episcopis tractatio, ita mendacijs
& calumnijs obruta fuit, & à Flaciana factione, ut su-
periore anno Flacius & quinq; edito libello scribere ausi
fuerint, articulum de Iustificatione in his tractationibus
ita miserabiliter excarnificatum, ut quibus rota ossa fran-
guntur in supplicijs publicis, & ut magis odiosa res fie-
ret, il-

ret, illud scriptum quod Augustam missum ad obiectiones certas aduersariorum supra diximus, cuius initium: Quæ Vera sunt &c. Illud igitur ad has Pegenses tractationes transtulerunt. Item acerbissimè inculcant & suspicio-
sissimè de articulo Iustificationis cum Episcopis conueniri potuisse, quod hoc ut rem eiusmodi, quæ sine corruptela doctrinæ veritatis fieri nequeat, haberi velint, neq; re-
cordantur in Comitijs Ratisbonensibus Anni XL I. de
hoc capite non cum duobus Episcopis, sed cum vniuer-
sis aduersarijs nostris conueniri potuisse, ut notum est.
Sed quid factum sit optima cum fide exposuimus, &
quoniam Flacius cum suis quamq; scribit quendam, cuius
opera ad scriptiones in illis tractationibus exhibita fuerit,
excepisse & consignasse omnia, et si nomen huius neq; ta-
cere possunt, neq; exprimere audent, sed tres literas tan-
tum, ut in alijs etiam multis, malicia & leuitate ridicula
edunt, Iste igitur scriba & Gallus & Flacius & Flaci-
ani vniuersi si quid eorum quæ acta fuere de hoc articulo
a nobis callidè omissum deprehendunt proferant, & fidem
nostram accusari patiemur. Hoc quidem certum est, Fla-
cium hanc explicatissimam & rectissimam de Iustifica-
tionis doctrina formulam, notatimculis appositis penè
scurrilibus, & suspicionum falsarum ac violentarum,
quibus innexus est maximè, illitis ratiunculis, ita torsisse,
confregisse ac deformasse, ut sine ingenti commotione
anmorum & malitiæ nefariæ detestatione relegere ea
non potuerimus.

Q q

Eodem

8

Eodem attulerat Philippus catalogum argumentorum partim pro receptione libri, partim contra eundem in hunc usum collectorum, ut suos collegas in vera sententia instrueret & confirmaret. Ex qua declaratio incula, cum eius sollicitudo de tuenda veritate conspici, & præterea animaduerti possit, quam procul abhoruerit ab illis fucosis conciliationibus, quas liber Augustanus proponebat, & qua constantia confirmati animi in agnitione veritatis propugnatione perseuerare decreuerit, qua pie-tate solliciti de his Ecclesijs animi consilia conatus & studia direxerit omnia ad conseruandam doctrinæ veritatem, & prohibendam vastationem Ecclesiarum in his regionibus, Etiam illum catalogum hoc adscribere liquuit.

Tandem de summa rei singulis statuere necesse est. Imperator Carolus nouam formam uult constitueret, & constituit dissidentem à nostra in aliquibus articulis magni momenti. Vult uideri medium querere inter Papistica & Lutherana. Hanc formam uolumus ne amplecti & adiuuare: an uero ab ea nos seiungere?

Vt amplectamur, causæ hæ sunt:

I. Quia honestum est adiuuare communem concordiam, in qua principalia nobis conceduntur.

II. Quia honestum est adiuuare propagationem Euangeli ad exterias nationes. Et hoc sit in hac conciliatione.

III. Quia non est pugnandum de paruis rebus.

IV. Apostoli quædam concesserunt Iudeis, ut abstinere a sanguine & suffocato. Ergo & nos fratribus & cupientibus iuuare Ecclesiam aliqua concedamus. Et omnino speciosum est consilium τοῦ αὐτοκράτορος, quod uelit opem ferre Ecclesiae. Sed est reuera stabilitio Papatus καὶ ἀστόλα τηνίας.

Contra

Contra causæ dehortantes hæ sunt :

Qui non fuerit me confessus, nec confitebor eum.

Si quis aliud Euangelium docet, Anathema sit.

Fugite Idola.

Nolite iugum ducere cum gentibus.

Quæ est societas Deo & diabolo?

Si quis non diligit dominum Iesum, anathema sit.

Item, Blasphemia est agnitarum ueritatem perseguiri.

Iam oportebit exercere saeuiciam propter articulos concessos Imperatori.

Non communices alienis peccatis.

Si quis pastor non uolet inuocare sanctos, aut probare missas pro mortuis, aut circumgestare panem, expelletur.

Iam ad contraria.

I. Honestum est adiuuare concordiam communem, uerum est, sine ueritatis iniuria, sine turbatione nostrarum Ecclesiarum.

II. Honestum est adiuuare propagationem Euangeli, uerum est, si est propagatio Euangeli, & non stabilitio errorum.

III. Apostoli concederunt quædam, & nos concedimus multa. Sed dictum est : Fugite idola, & iniustam persecutionem.

Tota hæc fucosa conciliatio tantum est Canonorum stabilitio & impiorum cultuum, & approbatio saeuiciae in Belgico & aliibi, sive iam sive postea talem conciliationem facient principes. Sed tutius est abesse ab eorum consilijs, & retinere incorruptam ueritatem. Non possunt probare aduersarij, quod placeat D E Q Επικλησις θανόντωρ.

Hæc argumenta & in hoc conuentu & in præcedentibus etiam ac sequentibus tanquam consiliorum & actionum omnium normam sequuti Theologi, eodem Spiritu eodemq; conatu, nunquam inflexa sententia,

libri fraudulentis atq; insidiosis Sophismatibus

sunt aduersati, Sicut totæ series deliberationum & tractationum ostendit,

CONVENTVS TOR-
GENSIS HABITVS MEN-
SE OCTOBR I ANNO
M. D. XLVIII.

Perseuerante Principe Elect. Mauricio in sententia,
vt cederetur Imperatori in omnibus que piè. & cum
bona conscientia fieri possent, & quæ Adiaphora essent,
de ijs ne sine causa pugnaretur, &c. Delecti ex ordinis
bus in Conuentu Misnensi responsionem reiecerunt ad
vniversos ordines, quod de concessione eorum, quæ ad
vniversos pertinerent, statuendum sibi non iudicarent.
Itaq; soluto Conuentu illo, vniversorum ordinum conuoca-
tio instituenda fuit, in qua vt de responsione esset res
expeditior, illæ cum Episcopis interea tractationes su-
ceptæ fuere, & hoc modo explicatio quæsita rebus hæ-
rentibus, sed quantum profectum sit præcedens narratio
docuit.

Cum autem Imperator finem non faceret vrgendi
de libro, neq; hic tantum, sed alij etiam huins nomine, &
cum ex literis certorum hominum & scriptis multiplici-
bus, tūm alijs de argumentis intelligeretur, in maximis
periculis has terras versari, differri de responsione con-
sultatio amplius non potuit. Itaq; ad 18. Octobris, quæ
est 15. Calend. Nouemb. vniversos ordines ditionis suæ
Torgam conuocauit. Ex Theologis autem Principem

Anhal-

Anhaltinum Georgium, &c. & reliquos, qui in Misnen-
si Conuentu affuerant, qui & conuenerunt vniuersi, ex-
cepto D. D. Crucigero, qui decumbens in morbo trige-
sima die post (cum Cellae Mysorum deliberaretur de ijs,
que in hoc Conuentu inchoata sunt) ex hac vita, ad Con-
uentus aliquanto suauiores & minus obnoxios improbo-
rum obtrectationibus, euocatus est, pietate, sapientia,
doctrina vir præstantissimus. Qua calamitate post Lu-
theri mortem non accepit res Scholaistica & Ecclesia no-
stra maiorem. Cum ipso autem sanctissimo viro hoc etiam
nomine melius actum, quod eruptus morte vulnera colle-
garum non vidit, que Flaciana crudelitas his inflixit,
neq; condemnari teterrimis modis ex illis actionibus Ec-
clesias nostras audiuit. Indicata igitur die ad ordines
politicos Princeps Elector referri curauit, ut sequitur.

NO S PRINCEPS ELECTOR nuper aliquot ex
uobis ad secundam diem Mensis Iulij in urbem nostram
Misenam, literis conuocauimus, h[ab]et significauimus, quid
Cæsar[is], nostrum omnium benignissimi domini, Maiestas, nobis
imposuerit, de quo uobiscum ageremus. Illi uero cum hanc sibi po-
testatem sumere noluerint, ut uelstrorum uniuersorum nomine ali-
quid statuerent, causa nobis allata est, ut & huc uos literis conuoca-
remus, & uobis uniuersis illud ipsum proponeremus, quod cum
illis Misenæ conuocatis de scripto recitatum fuit, hoc modo scilicet:
Non potuimus facere, quin uos praecipuos quosdam in
nostris regionibus, & ætate grauius, ad nos accereremus, ad ratio-
nes &c.

Reliqua assumentur ex Historiola Conuentus Mi-
senensis. Talia fuerunt de quibus Misenæ relatum est.

Cum autem à tempore conuentus illius Misenæ habiti &

Doctor
Cruciger
mortuus

Cæsarea & Regia Maiestas aliquoties nobis Principi Elect. hoc in posuerint, ut non tantum secundum priora mandata uobiscum agamus, sed etiam ut obtineamus, quo Cæsariæ Maiestatis rationes, & consulta à uobis recipientur, cum expositione addita, quid, si recusatio usurparetur, sequi ex ea re posset. Hac de causa rem diligenter deliberare uelitis, & in hoc cum uestræ ipsorum cum communis uniuersorum regionis ordinum salutis rationem habere.

Nos Princeps El. etiam Cæsarem de ihs, quæ ad uos scripsit, & similiter quæ nos uobis promiserimus, & publico scripto in nostris regionibus edi curauerimus, quorum optimè recordamur, subiectissimè admonuimus, neç diligentiae operæ nostræ pepercimus.

Præcipuum caput de Iustificatione sic est conformatum, ut in nostris regionibus adhuc etiam deinceps sincerum doceri debeat.

Sacramentum autem Corporis & Sanguinis usus integer in præscriptis rationibus Cæsarîs permittitur.

Similiter Coniugium sacerdotum.

Tum iure nulla difficultas queritur in ihs rebus, quæ SINELAESI ONE CONSCIENTIAE, & uerbi diuini seruari possunt, præsertim cum constitutio imperatoria quædam ex hoc genere sine coactione proponat,

De Carnium usu abrogando tempore Quadragesimæ, quinta & sexta die hebdomados, ita cogitatum est, ut statuatur res esse ad politiæ constitutionem bonam utilis, & quæ tolerari possit.

Hæc omnia diligenter perpendere, neç ubi necessitas non flagitat, difficultates querere uelitis, sed uos in omnibus ihs, QVAE PIE ET CVM BONA CONSCIENTIA fieri possunt obsequentes præstare. Hoc modo uestræ ipsorum salutis, etiam quieti & paci regionum nostrarum consuluntur.

Hac relatione facta ordines ad Theologos rem deferriri voluerunt, & quod ab his responderetur, ex eo se deinceps, ubi cognouissent, de re proposita constituere velle. Itaq; dum de reliquis negocijs, quorum causa conuocati erant, agitur, in hoc ad religionem pertinente negotio,

gotio, hoc fit: Quinque ex nobilitate præcipui viri, assumis duobus Iurisconsultis, vt essent vniuersi septem, Higitur septem ex quibus maior pars adhuc in viuis est, in affectione & studio singulari erga patriam & solicitude de salute communi ad Theologos venerunt, Et repetentes primum commemoratione sua ea, quæ hactenus in periculosis & difficillimis consultationibus de libro **INTERIM** facta exposuimus, postea admonuerunt res eò loci esse, quæ grauissima his terris pericula minarentur, & difficultates in horas fermè singulas cresceret. Itaque cum obtestatione solicita & exquisita & difficultas quotidie crevit. Principis & patriæ & suo nomine petiuerunt id, quod neque tum primum petitum, & aliquoties, atque nimis quidem sepe, deinceps in alijs Conuentibus, vt infra cognoscetur, repetitum fuit, Nimirum vt publicæ & communis salutis caussa, sepositis omnibus affectibus indicare vellent tam difficulti tempore & statu, Quibus in rebus nihil prorsus concedi posset, sed usurpatione constantissimæ confessionis atque professionis, & conseruatione iniulata, vita & salus & regio cum incolis, extremis omnibus periculis exponenda essent, quarumque causa ipsi etiam Theologi extrema omnia subire vellent, & quibus in rebus **SALVA VERITATE ET SINE LÆSIONE** conscientiæ bonæ cōcedi posset, etc. Et vt expli- carent quæ essent illæ res Adiaphoræ quæ pacis caussa, & cōuenientiæ alicuius in externis rebus, ferri atque tolerari possent,

possent, de quibus semper nostræ partes studium suum detulissent, & Principis relatio concessionem non difficultatem postularet. Dominum enim nostrum Principem Eleetorem & regionis ordines yniuersos cupidissimos esse, ut secundum regulam Domini nostri Iesu Christi se gerant, præstantes Cæsari quæ sunt Cæsar, & Deo quæ sunt Dei. Inq; hoc conatu & studio paratos esse ad ferdum quæ Deus permiserit, quæcumq; erunt. Contrà verò etiam hoc se cauere cupere, ne non sufficientibus, neq; non necessarijs de causis miseri incolæ harum terrarū periculis corporis & fortunarum omnium exponantur, aut vox veræ doctrinæ in his prorsus conticescat, neue vlla in re, aliqua aduersus Cæsarem inobedientia horum notari posset, sed studium potius & conatus præstandi obedientiam debitam in omnibus probetur.

Atq; hæc omnia cum multò pluribus verbis expusissent & ~~negotiorum~~ exaggeratis omnibus vehementer dixissent, postea scriptum Theologis obtulerunt, quæ consignata erant, quæ salua veritate concedi posse viderentur, ijs qui professione non essent Theologi, & quæ Ecclesiastica constitutio institui posset, Quodq; non dubitate se dicere Theologos consilium expositum non improbare, vt in quibus SALVÆ VERITATE doctrinæ diuinæ cedi posset, in ijs cederetur, ne hanc spem res haberet quod nihil prorsus vlla in re concedi cogitaretur, eaq; re pericula his terris accerferentur.
Ideo

Ideò petiuerunt à Theologis officiose & amanter, vt perpenderent quæ scripto illo consignata essent, quod consuræ ipsorum subijceretur, & significarent, quid ex consignatis capitibus tolerandum aut intolerandum iudicarent, & si quid præterea in libro INTERIM animaduenterent, in quo, salua scripturæ veritate, Cæsa. Maiestati obsequi liceret, id etiam vt indicarent. De his igitur vt rationes suas Theologi exponerent, petitum fuit, vt q̄ conferentes operam suam, rem Vniuersam & ad gloriam Dei dirigere iuuarent, & vt quies & pax his regionibus conseruaretur, & hoc in primis periculum auerteretur, ne tota in his Christianæ religionis doctrina extingueretur. Quodq̄ tum de nescio quibus fœderibus rumores spargerentur, admoniti illi fuere, ne rumoribus illis quicquam, sed in præsenti deliberatione gloria tantum Dei se moueri paterentur.

Capita scripti ab illis septem oblati fuere.

De Iustificatione.

De authoritate Ecclesiæ.

De Ministris Ecclesiæ.

De Confirmatione.

Pœnitentia.

Vnctione extrema.

Ordinatione Ministrorum Ecclesiæ.

Missa.

Vigilijs.

Ferns.

Processionibus.

Esu Carnium.

R

De his

Duis omnibus capitibus definitè aliquid prescribitur, excepto capite de processionibus, de his enim tantum quærebatur, an & quomodo, & quæ processiones seruari possent, quid autem de reliquis præscriptum fuerit de responsione Theologorum, cognoscetur, ad quorum notationes, illud postea scriptum ab iis, qui primum obtulerant, correctum fuit, eamq; descriptionem infra suo loco subiiciemus.

Cum autem hoc loco eæ actiones describi incipiunt quæ maximè, vel crudelissimè potius à Flacio & Flaccianis oppugnatæ fuerunt, & quarum nomine nunc etiam, edito altero quasi anathematismo, nostræ Ecclesiæ atrociter, & ante quidem cognitionem causæ condemnantur, operæ precium facturos nos iudicauimus, si antequād quid Theologi ad illud scriptum responderint, describamus, omnia consilia & rationes uniuersas, quas secuti illi cedendum sibi in Adiaphoris putarint, & plerasq; quidem de scriptis antè editis repetentes, hoc loco exponamus, ut nihil ab his uspiam temerè & incitanter, multò minus assentatione turpi aut impia factum demonstretur, ex quibus quædam Epistolis quibusdam D. Phil. Melantho. quas infra alio loco legendas proponemus, copiosius explicantur.

Ad tām seueras igitur commonefactiones, & aliquoties quidem inculcatas, omnem curam & cogitationem suam in hanc rem converterunt, & maxima cum solicitudine

solicitudine non paucas horas & dies do hac delibera-
runt, atq; deliberationum illarum difficultatem auxit,
his etiam hoc, quod non plures ad has adhiberentur,
& sane horum paucitatem Flaciani postea quidem ita
notarunt, vt non obscuras significationes darent, se ideo
etiam illis actionibus iniquiores esse, quod ad eas non fu-
issent accersiti, & si qui hoc tantopere expetere potue-
runt ab ijs præsentibus, an nanari aliquid potuisset non
iniuria dubitari possit. Atq; utinam Flacij similes &
studiosi multi affuissent, sic enim impedita fuissent omnia
moderata consilia, neq; Ecclesiarum ab Adiaphoris tam
tetra distractio existere potuisset, quod nunc optare li-
cet, cum euentum illarum de libro INTERIM
tractationum cognouerimus, & pericula à nobis hac
in parte mirabiliter auersa experti sumus, illo autem
tempore haud scio an impium in Patriam hoc votum
fuisset.

Cum igitur nostri ex sacris literis Cæsari & Ma-
gistratui omnem legitimam obedientiam deberi intellige-
rent, hoc sibi agendum viderunt, vt & ipsi cupidè obedi-
rent, & alijs vt idem facerent, hortatores essent. Neq;
ullo modo sibi committendum esse, vt vlla in parte, inobe-
dientiae ab ipsis caussa introduceretur, & multò etiam
magis cauendum, ne ipsorum culpa & Principes nostri
& terræ atq; subditi horum, non necessarijs de causis vla-
la in damna aut pericula conijcerentur, quemque potius

exilia & morem ipsam minus intoleranda statuentes, quām tanti facinoris veram accusationem, Deinde in Iesu humanitatis hanc impietatem aduersus se quoq; & familias suas, uxores & liberos, quorum cura diuinus ipsis commendaretur, hanc impietatem atq; crudelitatem non usurpandam, vt temere, & sicut scriptura loquitur, tentantes Deum, extremis miserijs se obijcerent.

Contrà verò hoc etiam & considerarunt & intellexerunt, in his omnibus sibi ad Maiestatem summam æterni Dei multò magis respiciendum esse, & huius gloriam & animarum communem omnium, & ipsorum propriam salutem, tam longè esse præferenda cæteris, vt ne collatio quidem horum cum illis esse possit. Hoc igitur multò etiam magis egere, neq; quicquam vñquam vñpiam tergiuersantes, aut sententiam suam edere veriti, omnibus in Conuentibus & disputationibus nihil occultarunt eorum, quæ secundum scripturam bona cum conscientia recipi, aut consensu vlo approbari posse intelligerent, nihil quidem cuiquam præscribentes, quid facere deberet, sed indicantes ea, quæ fides & officium flagitaret, ad suam vnumquemq; conscientiam, & scripturæ expressa mandata, delegarunt.

Ad Adiaphora autem quod attinet, primum hoc & consideratum diligenter & monitum fideliter, non tantum non esse consultum mutari in hoc genere aut nvari ali-

uari aliquid tali tempore (quemadmodum præcedens naratio docuit, & demonstrabunt etiam sequentia) sed ideo etiam periculose esse talibus constitutionibus indulgere, quod facile inabusus conuerti soleant, Item, si ijs in locis, in quibus usurpari desyssent, denuò instauraretur ex genere Adiaphorarum cæremoniarum aliquid, etiam si verbo Dei minimè illæ contrariæ essent, tali tamen tempore, & his moribus, leuissimæ quæq; mutationes ut disputaciones multiplices, & periculosas commouerent, futurum esse, Quod si qui iam recipere quæ instaurarentur recusarent, aut ijs se opponerent, dissensionum hanc & scandalorum causam extitaram, &c.

His tamen, ab omni conatu ullius concessionis quo minus abducerentur, obſtiterunt, ea quæ contra in mentem venientia ordine subiecimus:

Primum, quod talibus conditionibus ante ea tempora semper de se promiserint nostri, salua & integra veritatis doctrina, concessionem in ceteris, In confessione Augustana, Apologia huius, tractationibus & scriptis alijs vniuersis. His igitur si contra veniretur, contumaciae hoc apud plerosq; & præfractionis insimulationem parituram ingentis, & promissiones nostrorum speciem tantum inanem habuisse, quippe qui ne in minimis quidem quicquam harum præstare se velle ostenderent. Hoc igitur, & abalienare posse à nobis multorum animos, qui de nobis & partibus nostris, minus honorifice essent

sensuri, & causam suppeditare posse, cur Ecclesiæ nostræ amplius vngerentur ad alia grauiora recipienda, quod fortassis absq; hoc, & si studium nostrum obsequendi in ijs, quæ fieri possent & deceret, cognoscetur, non esset futurum.

Adiaphora autem de quibus tum & deinceps quæ situm atq; concessum fuit, eiusmodi esse, ut pleraq; in multis Ecclesijs harum terrarum, quæ doctrinam & Sacra menta integra haberent, adhuc usurparentur, neq; vesus earum aliqua intermissione fuisset interruptus, quædam tamen aliquibus in Ecclesijs, paucis illis quidem, usurpari desijsse, eamq; dissimilitudinem multis offensionibus & difficultatibus causam hactenus prebuisse (de quibus supra in primo conuentu dictum est) Itaq; bac etiam de causa existimatum fuit, non fore incommodum, si ea Ecclesiæ, in quibus vesus talium desijset, ad cæterarum, in quibus adhuc retinerentur, exemplum, se componearent, & collapsa instaurarent, ut similitudo rituum fieret, de qua & ante bellum fuisset laboratum, ut diximus, ita tamen, ut de tota re pro eo ut opus esset, homines docerentur. Hoc modo spem posse concipi, ut sicut antea turbassent in nostris Ecclesijs Adiaphora nonnihil, ut diximus, ita deinceps similitudinis in his conciliationem ad meliorem statum, & conservationem puræ doctrinæ & purarum ceremoniarum usum suppeditatram. Posse etiam fieri, ut certa his de rebus vniuersis constitutio

stitutio non tantum his regionibus, sed etiam vicinis alijs
vñiui esset futura.

Item de Adiaphoris in Ecclesia ritibus recte constitutis, & in vnam certam & piam atq; decentem formam horum consentientibus Ecclesijs, tantò facilius ad posteros rem propagari posse. In confusione enim & dissimilitudine variorum rituum, si, qui hoc tempore Ecclesijs præsunt, decessissent, metui posse, ne tum deinceps multò maioribus cum periculis & detrimentis, similitudinis in ritibus conciliatio, susciperetur, etiam vniuersam tum doctrinam veritatis periclitari posse, quæ omnia in præsentia, Christo fauente, auerti possent. Ita enim de Adiaphoris constituendum, ut primum & ante omnia fundamentum & caput doctrinæ sacræ diligenter & disertè expositum proponeretur, & caueretur perspicuis & fidelibus cautionibus, & quasi sepimentis additis, eas Cæremonias, quæ ex genere ῥωπ ἀδιαφορῶν introducerentur, nequaquam ut ad salutem pertinentes, aut necessarias res imponi, &c. id quod supra & confessiones nostrorum testantur vniuersæ. Neq; amplius abusum, aut aliorū malorum pericula in constitutionibus de Adiaphoris metuenda, si fideles Sacerdotes & animarum pastores, populum de suggesto hæc cum fide & diligentia edoceant, sicut contra, vbi indiligentes illi sunt, neq; munus suum præstant, nihil proficitur vllis constitutionibus quantumuis bonis & salutaribus. In confusione verò sine

constitu-

constitutio quidem certa extet, ad quam respiciatur, quid expectari aut metui possit, nihil attinet explicari, cum quale sit, ab omnibus intelligatur.

Sic igitur existimatum fuit, futurum, ut boni & intelligentes Ecclesiarum pastores, ubi ita ut res flagitaret de omnibus edoceti essent, quid ageretur, quo consilio, & qua de causa, tum igitur, ut obsequi illi non grauarentur, sed promptos potius se exhibituri essent, si qui contra facerent, & his se opposentes contendendum sibi vel pugnandum etiam statuerent, argumentum hoc esse posse, tales quae Christiana libertas esset, ipsos non satis intelligere, nedum alios docere vnuquam potuisse. Si enim abrogare & omittere in hoc genere aliquid liberum esset, etiam constitui & introduci liberum esse, si res & causa flagitaret, & commodum atque utile indicaretur. Atque illa, quae a quibusdam Libertas appellatur: cum licentia sit & vox, constituendi in Ecclesia pro arbitrio cuiuscunq;, addendi & demandi constitutis, & de ritibus veteribus inculpatis abrogandi quod libeat, hanc igitur libertatem talem & priorum abusuum causam fuisse, & nostris temporibus multas difficultates & turbas peperisse.

Quare cum occasio tum denuo, et si tristior illa multo & magis misera, his rebus afferretur, cogitatum fuit in bonū hanc conuerti posse, si causa haec fieret, ut maturo consilio pia quadam constitutione certi aliqui & unius formæ

formæ ritus in quam Ecclesiæ consentirent, introduce-
rentur, quæ res magis ad tollenda scandalæ, quam, quod à
quibusdam metueretur, cōmouenda hæc, vsum viderentur
præstitura. Inquietorum enim & petulantium quorundam
caussa, qui externam tantum libertatem, vel aliud etiam
grauius quærerent, nihil vel suscipiendum vel omitten-
dum videri, tali præsertim in re & tali tempore Ecclesiæ
& Reipublicæ. Tales enim homines semper contrari-
um molituros, quicquid fieret aut constitueretur, id quod
nuper res docuit, etiam hac in parte. Nam qui atrocissi-
me superioribus annis se opposuere ijs, qui Magistratui
de rebus Adiaphoris constituenti non repugnandum cen-
serent, illi iam ipsi condemnationibus innocentissimorum
quorundam hominum, incognita causa, Principum no-
mina præscribunt, apud tales igitur, nouatio illa scanda-
lum acceptum potius quam datum habenda esset, vt qui
ipsi sibi scandalorum causas fingerent, & quærerent quo-
rum prætextu odia & dissidia spargere, & in Ecclesia
& Reipub. turbine possent. Quod si etiam bonos aliquos,
qui infirmiores essent, ea res offensura esset, qui de Chri-
stiana libertate non essent rectè edocti, facile tamen vo-
ce doctrinæ publicæ, & concionatorum explicationibus
omnis scandali periculum auerti posse, & bonos viros ta-
les si doctrinam sanam atq; integrum cognoscerent, vñsu
postea assueturos, vt ferrent cætera. Et multò minus
scandali hanc talem mutationem talibus hominibus alla-

turam credibile esse, quam peperisset apud multos superio-
ribus annis multarum non inutilium rerum temeraria mi-
nimeq; necessaria abrogatio, Quæ scandala potius ij qui
scandali nomen intenderent, in mentem sibi reuocare de-
berent, quām de eo scandalō disputare, quod moueretur si
ab ijs ritibus, quos pro suo arbitrio (etiam contra D.
Martini Lutheri sententiam & cōfessionem editam) alic-
qui constituerunt, recederetur, Quos ritus suos illi qui de
scandalo obijciunt, tam sancte, tantaq; obligatione seruan-
dos significant, ut si scripturæ decreta, & fidei capita
essent, quippe in quibus si minima in parte aliquid mute-
tur, maximum hoc scandalum haberí velint. Hæc non
est vera de Christiana libertate & scandalo doctrina, ve-
teres & inculpatos ritus, & à quibus nihil periculi esse
possit abrogare, nouationes superuacaneas & temerarias
introducere, ab aliorum formulis sine causa recedere,
discrepantiæ nulla necessaria de causa autores fieri, hæc
igitur docere liberum esse ita facere, neq; scandalum in
talibus esse, aut respectum vel considerationem huius in
bis moueri debere, Contra vero in ipsorum formula, si
quicquam ad discrepantiam tollendam, vel concordiae cau-
sa, mutetur, aut melius constituatur, si ex inculpatis ritu-
bus aliqui pacis & salutis publicæ causa instaurentur,
hæc igitur extrema scandala complecti, & minus libe-
rum esse quicquam horum facere, quām unum ex præci-
pitis mandatis Dei tollere aut violare, & corpora & vi-
tam,

tam, regiones & subditos, ac salutem publicam & pri-
uatam, omnibus potius periculis exponi debere, & qui
non ita faciant, eos à religione Christiana defecisse. Extan-
t & argumenta de quibus intelligi posset maximam
partem, tām nobilitatis quām cæterorum ordinum harum
terrarum expetere potius, vt de Adiaphoris constituere-
tur, & de certa atq; vna quadam forma huius conuenire-
tur, quām vt à scandalo apud hos periculum esset, cum in
Conuentuum prouincialium communib[us] deliberationibus
de hoc sēpe actum esse, vt fieret, & quæ difficultates ex
dissimilitudine atq; discrepantia rituum Consistorijs, &
nobilib[us] atq; plebeis obiecta fuerint, supra in primi Con-
uentus historiola exposuerimus. Itaq; nisi ab inquietorum
aliquorum concionibus de scandalo prætexendo moneren-
tur, à veri scandali metu nō magnū periculum esse ostendebant.
Cumq; in præsentia spes ostenderetur, si in Adia-
phoris, pro eo vt omnibus temporibus de se nostri promi-
sissent, non difficilimos se præbituri essent, eosq; se re ipsa
Imperatori & in vniuersum omnibus probarent, vt qui
conformandi sua cum alijs, conatus, in omnibus quæ fieri
deceret & possent, non detrectarent, hoc inquam si nostri
ita de se probarent, sperari tum posse crederetur in his
Ecclesijs Christianæ doctrinæ capita integra, & Docto-
res atq; Pastores harum his conseruari, & quæ in alijs lo-
cis confusiones essent, auerti posse. Hac igitur de causa
quoq; de scandali periculis, quod obtenderetur minus me-
tuendum visum.

Ad talem quendam modum de libertate Christiana
scandalo in his deliberationibus nostris cogitarunt, de
quibus etsi alius locus est disputandi, nunc tamen etiam
attungi haec indicatione tali oportuit.

Cum igitur Cæremoniæ nobis seruire debeant, qui-
bus ad Ecclesiæ salutem utamur, existimatum fuit, nunque
rectius in his quicquam recipi, concedi, usurpari posse,
quam si ad puræ doctrinæ conseruationem, & ut posteri-
tati haec explicatior traderetur usum res afferret, præser-
tim cum ante de hoc semper promissiones factæ essent, &
res apud nostros penè decreta.

Quod si nihil etiam his omnibus concessionibus
proficeretur, neque studij talis vlla ratio haberetur, Ita ta-
men omnia que fieri potuissent, & promissiones factas
præstari, & tanto meliore conscientia ad ferendum que-
cunque essent vniuersos instrui. Omnino enim in omnibus
que fieri possent, neque verbo Dei contraria sint, aut Chri-
stianam conscientiam laedant, Magistratui obedientiam
deberi, Et si quicunque Magistratus in oppido aut ditio-
ne aliqua, nedum Cæsarea Maiestas in Imperio Roma-
no, de Adiaphoris postularet aliquid, quod ad discre-
pantiam in hoc genere tollendam usum haberet: quo-
modo & Constantinus Imperator laudatissimus de die
Paschatis & alijs quibusdam conueniri postulauit: tum
igitur iure quantum sine lesione conscientiæ fieri posset,
obsequendum videri, quo & animi minus abalienaren-
tur, &

tur, & aliquorum etiam Christo lucri fierent, & nisi fieret, neq; necessariam & culpandam contumaciam eam haberi, qua difficultates eiusmodi conmouerentur, quibus doctrinæ veritati officeretur, & Ecclesiastice & Scholasticæ communitates dissiparentur, eò difficiliorem rei excusationem futuram, & animos atq; conscientias ad ferendam persecutionem moliores fore, & in tentationum motibus grauiter periclitaturas.

Itaq; hac in parte non ad se tantum respiciendum sibi Theologi putarunt, neq; aliorum imbecillitatem pro ea quam ipsi à se sperarent animi firmitate aestimari oportere, sed imbecillorum hac in parte rationem habendam, quales fieri posset, ut quam plurimi reperirentur inter eos, qui in præsentia quam fortissimi & constantissimi sibi vividerentur, cuius rei exemplum in Petro proponitur, cuius spiritus promptus, sed caro infirma representatur, & Paulus monet stantes ut caueant à lapsu. Theologi igitur si hoc etiam tempore, contra multiplices promissiones ante ea tempora factas, ad concedendum in Adiaphoris difficiles se exhibuti essent, constantiae opinionem in re aucupantes, tum igitur si quid violentiæ contra nostras Ecclesias susciperetur, & propter recusationem tantum concessionis in rebus Adiaphoris à muneribus suis Ecclesiasticis remouerentur, atq; ita vastitas in Ecclesijs fieret, fieri posse, ut multi miseri homines ita cederent, ut doctrina etiam de capitibus religionis collaboretur, tum

igitur hoc etiam securum, ut execrationes in hunc ordi-
nem ingentes effunderentur, qui sine causa, neq; necessi-
tate flagitante, in tātas difficultates & miseras ipsos in-
duxissent, & conscientias illaqueassent, peccatum fingen-
tes vbi nullum fuisset, & tali tempore postea ipsis non
affuissent. Illi etiam ipsi qui hac tenus acerbissimē Eccle-
sias nostras hac de re accusant, quiq; accusatoribus istis
fauent, & succenturiant, hi vniuersi absq; omni dubio, in
tali euentu negocij, nostros non minus accusassent clamor-
ibus suis, quod cum mitigare rem potuissent, facere id
noluissent. Atq; in horum consideratione fieri non potuit,
quin simul in mentem venerit esse hoc tentare Deum vi-
deri posse, si persecutio, cuius auertendae pij & honesti
conatus suscipi possent, vltrō accerteretur, aut saltem ijs
ipsis in rebus non concessum fuisset, à quibus quod præ-
texeretur violentis consilijs, duci potuisset. Neq; in ten-
tationibus aliter fieri posse, quam vt conscientia tum gra-
uiter perculsa trepidaret, quod non necessarijs de causis
aliquis, vt verbi causa, propter cantionem vnam, vestem
aut ritum Ecclesiasticum ἀδιαφορη in miserijs esset, &
alios in easdem conieciisset, Posse fieri vt qui tempore
consultationum talium concessiones omnes pertinacissimē
detrectarent, ij deinceps, aduersis rebus vrgentibus,
non tantum in Adiaphoris, sed fortassis multò maioribus
de rebus concederent.

Satis esse si necessarijs de causis, & cum piè decli-
nari res

nari res non potest, persecutionum miseria subeatur, & firmitas atque constantia tum usurpentur, quando & in quibus illa opus est, & usurpari oportet, & ad hanc apud alios ut hortationes fiant, & precibus suis a Deo quisque petat, huius enim hoc munus est, non humanae virtutis opus. Neque necessitate non flagitante, & ante tempus, sibi & alijs periculum tam corporis quam animae accersere debere, Quale est quod in Ecclesiastica historia legitur, accidisse cuidam horribile, qui cum bestijs obiectos propter professionem religionis Christianae aliquot, non inuadi a bestijs mirabiliter videret, quod Christianus etiam ipse esset, procurrit, antequam a quoque postularetur, & se quoque Christianum esse proclamauit, Itaque arreptus a Iudice obiectus bestijs & ipse fuit, que ei minimè ut ceteris pepercérunt, sed statim eum dilacerarunt, ut pena illa temeritatis declararetur, quod crucem ante tempus neque vocatus ultra sibi accersuisse, gloriam ea re aucupatus.

Quod si verò præter talem in Adiaphoris concessiōnem, amplius aliquid postularetur contrarium acceptae puritati doctrinæ, & ab institutione Christi alienum, quodque ad tetros abusus instaurandos faceret, tum implorandam opem cœlestis Patris, qui propter Filium Iesum Christum largiretur sanctum Spiritum, cuius gratia nobis & nostris adesset, & confirmaret animos uniuersorum, ad ferendum potius quicquid vel fortunis vel corporibus,

ribus, vel vitæ nostræ accideret, quam ab agnitione Domini nostri Iesu Christi & ineffabili dilectione huius ut disiungeremur, aut quicquam faceremus, aut approbaremus, verbo diuino contrarium quod esset, Quod idem & Princeps Elector, & regionum ordines vniuersi semper a se promiserunt.

Ita igitur res flagitare visa, ut & se & alios ad tales casus præpararent, & perpensis atq[ue] explicatis causis constitueretur, quæ nam illæ causæ essent, propter quas subire omnia oporteret, ne persecutionis tempore forte retrocederetur, & tum etiam in apicibus doctrinæ retinendis imbecillitas aliquos occuparet, vel ut maxime euasuros se aliqui sperarent, populus tamen misellus ne in miserijs talibus destitutus ab omni consolatione relinqueretur, &c.

His igitur & similibus de causis concessionem in Adiaphoris non detrectandam sibi existimarunt, neq[ue] committendum, ut contendenter aut pugnarent, quo minus Ecclesiæ illæ, in quibus ritus aliqui huius generis exoleuissent, illæ inquam, quo minus eos instaurarent, & ad eorum formulam, apud quos ritus illi adhuc vñâ cum doctrinæ veritate, & vero vñu Sacramentorum usurpantur, se componerent, cum & Christianæ doctrinæ veritas sincera & integra conseruaretur, & huius in posterum conseruandæ causa res susciperetur, & concordiae hoc modo constitutio, & multorum incommodorum, quæ in Ecclesiasti-

Ecclesiastica re hactenus extitissent auersio speraretur,
¶ ante id tempus de re decretum fuisset ¶ omni tempore
re à se nostri concessionem talem promisissent.

Atq; ita de Adiaphoris consultatio suscepta, de quibus quæ dicta hactenus sunt accipienda vniuersa, quo verbo significantur, ea quæ verbo Dei nō sunt contraria, nam huic contrarium quod est, id non est adiaphoron ¶ licet, sed impium ¶ prohibitū, ¶ quemadmodum queri potest quæ verè sint Adiaphora, ita ἀδιαφορα seu falsa Adiaphora appellari in Ecclesia ridiculum. Nam falsum ἀδιαφορό nullum esse potest, ¶ quod sic appellatur non est amplius ἀδιαφορό, sed impium ut diximus, qualia non tantum non instaurari, approbari, introduci, sed omni tempore abrogari, tolli, ¶ exterminari ex Ecclesia oportet, neq; quicquam vñquam vñspiam tale vel approbatum in his terris, vel postulatum ut approbaretur ab ullis fuit, Christo gratia.

Descripto igitur 18. Octobris oblati, Theologi notationes suas scripto consignarunt, quod de Germanico conuersum subiecimus.

DE AVTHORITATE ECCLESIAE.

Hoc caput in scriptis rationum nostrarum non magnopere oppugnatum est, cum quidem summa dignitas Pontificis hoc sit comprehensa. Non enim uoluimus autores esse ut de omnibus pugnaretur, sed quæ necessaria sunt in doctrina Christiana, & ad ierum cultum Dei pertinent, iti īs ueritatem sinceram retineri oportet. Itaq; nunc etiam hoc caput de authoritate Ecclesiae sine notatione nostra dimittere possemus, acquiescentes prioribus

T t declaratio-

declarationibus, quæ tamen correctio appendicis loco in scripto nobis oblato apponitur: Quod seruare uelimus omnia quæ patres seruarunt, etiam Adiaphora si sint, & in optione arbitraria posita: Hoc à nobis ut policeamur neç necessarium iudicamus, & nimis esset generale, cum paulò post sigilatum exprimantur ea capita de quibus promittitur. Et ex Adiaphoris multa à ueteribus usurpata fuere, quæ iam in usu esse desire, qualia sunt uota, Canones satisfactionum, & alia. Multi etiam contrarij ritus apud ueteres in usu fuere. Liber quoq; Augustanus ipse correctionem talem suam fecum affert, quo loco scribitur, Ecclesiam autoritatem habere ad ædificandum non ad destruendum. Rectius si sic diceretur, quæ adhuc in usu sunt ex genere adiaphorum apud alios, neç uerbo Dei contraria sunt, ea nos etiam seruabimus.

DE Episcopis & dignitatibus Ecclesiasticis Ut idonei homines illi sint ad curationes suas, optanda res esset, & placet nobis hoc caput, nosq; à nobis semper promisimus concessuros nos Episcopis libenter autoritatem & potestatem suam, & obedientiam debitam præstituros, si Ecclesias nostras non persequantur.

DE CONFIRMATIONE.

A Dhanc utilem Cærementiam instaurandam nostra sponte parati sumus.

De Pœnitentia, In nostris Ecclesijs doctrina prorsus pura, sincera & diserta est, eaq; seuerè & continenter doceri & conseruari debet, & cum primo articulo de iustificatione hæc congruit.

DE VNCTIONE.

De hac etiam non ualde pugnauimus, sed indicari simul debet de hoc ritu in nostris Ecclesijs, diligenter seruari, ut uisitentur ægroti, ut post confessionem factam Sacramentum coenæ cum his communicetur, ut hortationes, consolationes, apud hos stant, & hoc nos diligenter etiam facturos deinceps. Tam tetras autem in consecratione olei idolatrias reperimus, ut miraturi simus, si Christianus Episcopus aliquis hanc sit usurpaturus, Forma etiam uerborum in unctione, & Sanctorum inuocatio impia sunt, Per hanc unctionem remittuntur tibi peccata, &c,

DE

*Maria
Urbis*

DE ORDINATIONE Sacerdotum.

Hoc Caput ualde exaggerari cuperemus, nam ualde necessaria res est ordinatio, & celebratione dignissima, & deplorandum admodum à tot iam seculis tām negligenter hanc rem actam esse, quod neç examinatio seuera usurpata, neç institutio adhibita, & obligationibus insuper illicitis, una cum alijs abusibus aggrauata fuerit. Itaq; censemus, si de ordinatione aliquid addi placet, ut eiusmodi illa additio fiat, qua res ualde celebretur, etiam ut indices tur nos cupere, ut ab Episcopis ordinatio fieret, & uero studio illi in re uersarentur. Et satis fuerit in genere monere, de omissione iniustæ obligationis, & aliorum abusuum, de quib; cum Episcopis colloquiū līt instituendum.

DE MISSA.

In scripto oblato obscurius est quod scribitur, si non assint com-
municantes accini tamen uniuersa debere, &c. Nam si haec forte
sit uerborum sententia, etiam Canonem assumendum, & obla-
tionem faciendam esse, atq; hoc modo priuatæ missæ denuo intro-
ducantur, Intelligentes Pastores hoc non sunt facturi, & persecutio-
nes atq; dissipationes ex hac re existent, Neç ulla adhuc in missa in
uicinis terris & alijs, qui manifeste de libro recipiendo consenserunt,
mutatione suscepta est, ut ualde hoc graue sit nostrum Principem tan-
topere urgeri, ut in huius regionibus mutationis alicuius initium
fiat. Vtile etiam esset bonos aliquot & doctos uiros sine studio
partium ante de fundamentis huius rei inter se conferre & colloqui.
Priores disputationes plane fuere & faciles, Missam non esse sacrifici-
cium pro peccato, & conceditur in ipso libro. Postea tamen liber
hoc uult, sacrificium hanc esse oportere. Sed de sacrificio uera senten-
tia est ea, quæ in nostra communione representatur. Totam nimi-
tam actionem esse sacrificium laudis, ad quam haec pertinent uniu-
ersa, Commemoratio Historiæ, Gratiarum actio, præcationes ut
Deus nos benignè recipiat propter filium & propter sacrificium ab
hoc peractum, & tandem applicatio per fidem in communione, &
seria uoluntas atq; propositum agendi Deo gratias, obedientia uera.
Haec uniuersa sunt illud sacrificium, & non unica aliqua cærenonia,
nam tali opinione opus operatum denuo confirmatur, Et nostræ
rationes

rationes sic ferunt, plus hoc grauitatis habiturum, si unus aut duo etiam dies per Hebdomadam communioni constituerentur, quam si missa quae spectaculo tantum esset, caneretur. Talisq; constitutio eō etiam ualeret, ut in confessione hominis commodius audiri possent. Quod si noui aliquid constituere animus est, bonum esset cum præcipuis Pastoribus aliquot de re prius amicè conferri.

DE VIGILIIS.

SEpulturæ hoc tempore decenter & Christianum ad modum administrantur, tam cantionibus quam precationibus adhibitis, alicubi etiam conciones ad has habentur. Quod si communis de Vigilijs longis constitutio fieret, quæ per totam regionem & ab omnibus seruaretur, siue de integris siue de dimidijs præscriberetur, nouum illud onus esset tam pastoribus quam plebi futurum, & impedimentum esset allaturum alijs necessarijs operis, ut concionum & studiorum.

Notum etiam est ante hæc tempora maximas cærimonias fuisse pro mortuis, & plurimum his temporis impensum, cum huic opere cæteras omnes necessarias cedere oportuerit. Præterea facile talia in superstitionem abeunt, & si maximè hoc tempore uera de his sententia in nostris Ecclesijs teneretur, multiplicibus tamen sermonibus hæc res tam apud nostros homines, quam ad externos causam esset allatura, &c.

Quando tamen præcipuae dignitatis Dominus aliquis moritur, & ei forte præter iam usitatæ Cærimonias, amplius aliquid ut fiat constituere libeat, cantionibus, concionibus aut lectionibus &c. hoc etiam non improbabimus.

Bonum etiam esset communiter mandari de Eleemosynis in funeribus certis in locis præstandis, id quod multis in locis in usu est, & tales largitiones, quondam oblatio pro mortuis appellari consuevere.

De ferijs quod scribitur, ita illæ seruantur, & licet in his similitudo ut fiat conari.

Procesiones iudicamus impedimentum esse aliarum necessariarum operarum, & notum est multa turpia facinora in magnis processionibus perpetrata fuisse, & potentes quosdam Domini nos formosatæ Fæminas ex processionibus raptas abduxisse. Statim etiam cultus sanctorum simul introducitur. Contra autem uero studio in Ecclesijs ueræ querelæ & precatioñes una cum Litanijis seruar debent,

debent, Domine non secundum peccata nostra facias nobis, &c. Hæc quondam stationes fuere.

DE CARNIVM ESV.

DE Carnium esu uetatio benè ferri potest, & tamen simul & debet & potest de ueris Dei cultibus doctrina usurpari atque inculcari.

DE EXCOMMUNICATIONE & anathematismo.

Voniam uero postulatur, ut quid præterea ad consensum & statum meliorem utile iudicemus, significare uelimus. Utile & necessarium esse censemus in Consistorijs excommunicatione feuerè instaurari & conseruari, nimirum, ut Magistratus ciuilis suam opem conferens, excommunicatum ad honestas functiones seu curationes non admittat, neue in sodalitijs honestis locum huic esse sinat. Omnino enim hæc est uoluntas Dei, ut turpitudine puniatur. Et si Iudex punire negligit, immittuntur aliae magnæ paenæ totis regionibus & incolis, sicut scriptum est; Non parces eis &c.

In pagis quoque ad Pastores & Iudices cum feueritate hoc agendum ut Catechismum populo inculcent. Et ne libidines tolerantur, &c. In oppidis similiter his opus, & de Catechismo maior quædam diligentia in audienda iuuentute præstanta.

Censemus etiam, si hoc agitur, ut in cæremonijs, seriarum diebus, & cantionibus Ecclesiasticis similitudo constituantur, utile esse, ut Pastores conuocentur & Agenda communiter inspiciant, & inter se de his conueniant.

Cumque optandum sit in omnibus locis, si fieri posset, Ecclesiæ in ueritate doctrinæ, & cæremoniarum usurpatione conuenire, & particularitas & discrepancia quantum fieri potest fugienda, Ideo petimus ut consideretur quo modo cum uiciniis congruentia in hoc genere constitui possit, quantum quidem id fieri potest, ut in harum terrarum Ecclesijs tam in doctrina quam cæremonijs consensio sit ad gloriam Dei, pacem communem, & exemplum bonum externis nationibus, Ad quam rem gratiam suam Deus largatur.

Item ut uisitatio per superintendentes, & examinatione plebis suo tempore usurpentur.

Item de Synodis & examinatione Pastorum, ut constituantur.

Hæc de quibus admonuimus universa, & ad gloriam Dei facere, & ad pacem conferre, & re ipsa constitutioni Imperatoriae non esse contraria iudicamus. Et manifestum est multas disputationes pacis causa à nobis præteriri, & conseruationem à nobis quæri præcipuorum tantum, & maximè necessariorum capitum, Et cupe remus etiam ipsi pacem & concordiam esse, & his frui.

Hæc cum monuissent ad talem modū de scripto oblatō in rationibus suis Theologi, Postea illi 7. de quibus diximus ex his notationibus horum quædam in eo scripto, quod obtulerant mutarunt, quod retextum ab ipsis, hoc loco, ut supra promisimus nos facturos, subiecimus, ne quicquam desideretur, aut fides nostra vlla à parte accusari possit. Est igitur tale.

DE IVSTIFICATIONE.

HOc Caput maneat tale quemadmodum Pegauiae de hoc consuenit.

DE AVTHORITATE ECCLESIAE.

Quicquid uera & Christiana Ecclesia, quæ in Spiritu sancto congregatur, constituit & docet, & ueteres pīj doctores seruarunt, atq; apud alios in usu est, ex ihs rebus, quæ sine violatione Scripturæ seruari possunt aut omitti, ea ut in concionibus proponantur & usurpentur.

DE MINISTRIS ECCLESIAE.

VT deinceps docti homines ad præbendas in Collegijs Ecclesiasticis producantur & cooptentur, qui in sacris literis tantum profecerint, ut ad Episcopale munus, & curationem Archidiaconatus, & Iurisdictionem Ecclesiasticā, idonei sint, & his curationibus recte præesse possint. Neq; per ea statuta atq; consuetudines quæ in quibusdam collegialibus Ecclesijs sunt, de recipiendis tantum ad canoniciatus ihs, qui Qualificati appellantur, id est, dignitatis alicuius prærogatiuam & ornamentiū habent. Ex illis igitur statutis piorum hominum receptio, qui ad Episcopale munus gerendum

rendum idonei sunt , ne impediatur, præsertim cum talia statuta,
& consuetudines tales, etiam in Pontificio iure sublatæ sint & abro-
gatae. Et experientia docuit hac ipsa re factum esse, ut collegia illa ab
ociofis & indoctis hominibus occuparentur, & talibus ea ut com-
plerentur.

Similiter Pastores etiam Ecclesiarum, & administrî constitu-
antur eiusmodi, qui docti sint & idonei ad uerbum docendum,
quicq; populo piè præesse possint.

A talibus Episcopis qui Episcopale munus suum de manda-
to diuino administrant, & qui uerbum Dei recte docent, doceriq;
finunt, ordinari debent, & his subiçti , atq; obedientiam præstare,
cæteri uniuersi Ecclesiarum ministri , Qui securi faciunt, & in primis
eos sacerdotes qui in honeste uiuunt, aut falsam doctrinam usur-
pant, puniendi illi ius habeant, ordinato modo, nimirum, ut à mu-
neribus suis tales remoueant, tandem etiam ut excommunicent,

DE CONFIRMATIONE.

Vtiliter hoc institui existimaremus ætatem eam , quæ iam
Sacramento communicationis corporis & sanguinis Christi
ut uult incipere, aut Episcopis aut Pastoribus sub quibus
uiuit, audiri de fide sua , & hanc ut profiteretur atq; ederet , & quæ
testes Baptismi pro hac spopondissent , & renunciationem factam
Diabolo, ut confirmarent & quasi ratam facerent , atq; ita haec ætas
in fide sua confirmaretur impositione manuum & pñs precibus .

DE POENITENTIA.

DE hac diligenter ex suggestis sacris doceri , & ad populum de
hac hortationes fieri debent, Etiam ad preces ieunia & ele-
emosynas, item ad confessionem & absolutionem peten-
dam hortationes præstandæ, neq; ad Sacramentum corporis &
sanguinis Christi quisquam admittendus , qui non prius confessus
absolutionem acceperit .

DE VNCTIONE.

VNatio ex Euangeliō Marci 6. & Iacobi 5. seruari potest,
Cumq; nihil aliud haec sit , quam pro & super ægrotis pia-
rum precum & consolatoriæ ex sacris literis sententia-
rum recitatio, pro concionibus sacris, populus de hac ad talem mo-
dum doceri debet,

DE

DE ORDINATIONE SACERDOTUM.

Quia administrationis Ecclesiasticae munus habere volunt, iij ab Episcopis ordinationem petere, & ab his ordinationem accipere debebunt, ea quidem conditione, si ordinare eos uoluerint sine iniunctis obligationibus, & omisssis alijs abusibus, de quibus cum Episcopis colloquium instituetur. Item ne Ordinandos cogant ad usum Sacramenti coenæ mutilum, sed ipsorum arbitrio permittant, aut sine communicatione tali ordinationem accipere, aut cum usu Sacramenti integrum. Et omnino ut ordinatio etiam communicetur ihs, qui Sacramento integro & ipsi utuntur & alijs integrum exhibent.

Hoc si ab Episcopis obtineretur, olei usus in ordinationibus Episcoporum nihil mouere debebit, modo ne oleo tribuatur ulla efficacia doni aut gratiae diuinæ, quæ per hoc contingat.

DE MISSA.

TN oppidis singulis diebus Missæ fiant, & ad populum communicatio, quod si nulli sint qui communicent, ita tamen universa, quæ in Missa prie solent, accinenda, excepta consecratione. Hoc ita & in pagis & minoribus oppidulis feriarum diebus fieri debet, horæ etiam canonice in ihs oppidis in quibus antea hoc fieri consuevit, accinenda.

Legenda & luctoriæ de sanctis, item hymni & sequentiae de tempore & sanctis recognoscantur, & ex his quæ pura sunt utilia & consentanea scripturæ, ex Historiæ populo proponantur, exq; cantiones accinuntur. Usus etiam earum quæ Casulæ & Albae & Diaconorum & Chorales tunice appellantur, & reliqui ornatus Ecclesiastici, qui plerisq; in locis haec tenus non est abrogatus, retineantur. Similiter & aliae veteres & honestæ Ceremoniæ, quæ in usu sunt, cæra increpando, accensione candelarum in altari, & imago num usus &c. retineantur.

Honestum etiam & consultum existimatur, ut pastores Ecclesiarum & administrî tam in cultu quam moribus, & uita universa honestè se gerant, & sicut sacerdotes decet. Atq; inter se constituant assumpta opera & consilio uel Episcoporum uel consistoriorum, atq; præstent ut ex cultu inter Ecclesiæ ministros & cæteros ordines discerni possit, & Sacerdotum ordini reuerentia debita, sicut par est,

par est, præstetur. Et obseruare singuli pastores suos concionatores & Ecclesiæ ministros debent, etiam ad horum doctrinam & uitam attendere, & si quid fortè desideretur, Episcopo aut Consistorio significare, à quibus quod à recto recedit ut tollatur curari debet.

DE VIGILIIS.

CVm uigiliæ maiori ex parte puras & Christianas cantiones de resurrectione & alijs ex sacris literis habeant, deberent ille h̄s, qui hoc fortè peterent, concedi, & commoniefactionis causa de morte, & promissione resurrectionis certæ, & ad confirmationem atq; incrementa fidei nostræ usurpari. Cumq; responsoria quædam in illarum uigiliarum cantionibus non sint pura, recognoscenda illa essent, & ut scripturæ consentanea fierent, sananda.

DE FERIIS.

Dies Dominicæ & aliæ usitatæ feriæ præcipuorum festorum, Natiuitatis Christi, Paschatos, Pentecostes, cum bīdūis sequentibus, Circumcisionis, Epiphaniæ, Mariæ festa Euangelica, dies coenæ, dies Passionis, Apostolorum, Conuersionis Pauli, Ascensionis Domini, Ioannis Baptista, Magdalena, Decollationis Ioannis, Michaelis & Angelorum, & cæteræ in his terris usitatæ feriæ, concorditer seruentur piarum cantionum, concionum, & cæremoniârum usurpatione.

DE CARNIVM ESV.

Quinta & sexta die Hebdomados, in ieiunio etiam Quadragesimæ, à carnibus abstinentum, & hanc ut politicam constitutio-
nem seruandam, non quod cultus ille Dei sit, aut opus merito-
rum, & de hoc ut populo ex suggestis concionum sacrarum diser-
te significetur, deç̄ hoc ille ut doceatur. Ii tamen ne obligentur
quos necessitas excusat, quales sunt operarij graues, peregrinatores-
grauidæ, nutrices, pueri, & senes, ægroti.

Hoc scriptum ad tales modum retextum, cum
denuò Theologis offerretur, & ita an ferri posset quære-
retur, cum igitur Theologi, cum ab ijs, quæ ante respon-
derant non recederent, hæc ferme addiderunt, non scripto-

comprehendentes, sed etiam exponentes. Monuerunt autem necesse esse, ut Adiaphora de quorum receptione promitteretur, quantum fieri posset, singula & speciatim exprimerentur, Item de ordinationis capite ut cum Episcopis ageretur.

Item, cantiones Ecclesiasticæ, quæ apud veteres in usu fuissent, ut Hymni, Sequentiæ, &c. Ut emendantur quantum necesse esset & res flagitaret, similiter & historiæ & Legenda Sanctorum.

Item, de forma publicæ pœnitentiæ ut cogitaretur.

Et monendos Pastores ut diligenter hortentur populum ad preces, pœnitentiam, sobrietatem & ieiunia, confessionem & absolutionis petitionem, & Litaniæ crebro ut usurpentur.

Adhortandos etiam Pastores ad honestatem & modestiam in vita præstandam, & exemplo suo ut populum instruant. Et Superintendentes ut inspectioni suæ attributos Pastores moneant, ut suum quisque populum sæpe adhortetur ad desistendum à vicijs, & eos qui uitam degunt in peccatis & facinorosam, siue manifesta ea sint seu minus, primum ad se ut vocent solos, & hoc si nihil proficitur, postea in præsentia Diaconorum tales ad se accersant, eosque resipiscere iubeant, & vitam emendare, addita comminatione, nisi ita faciant, velle se ad Episcopum aut Consistorianomina horum deferre, & anathematismo & Christiana communitate excludere.

Explor-

Explorandum & de hoc diligentius an & quomo-
do cantiones in Missa usurpandæ sint, si nulli adfint qui
communicent.

Postremo, cum has res vniuersas, de quibus ad se
delatis, & antea scripto respondissent, atq; monuissent, &
tum coram id facerent, eiusmodi esse dicerent quibus iu-
sta deliberatione opus esset, neq; illo tempore, neg; à pau-
cis de his definiri posset, Monuerunt diligenter vt &
plus temporis talibus deliberationibus daretur, & cum
præcipuis Ecclesiarum pastoribus alijs de his rebus, vt
communicaretur.

Hæc cum ita acta fuissent, neg; ad ordines conuo-
catos de Theologorum rationibus, quod res adhuc hære-
ret, referre posset, de sententia Principis Electoris pri-
mum aliud tempus, & locus aliis, deliberationibus his
constitutus est, nimirum vt ad 16. diem Nouembris Cel-
læ Mysorum conuenirent ex Theologis illi vniuersi, qui
tum Torgæ conuenerant, postea ordinibus significatum,
de Theologorum sententia vt cognoscant alio tempore cu-
ratum iri, cum in præsentia quod de hac proponeretur
absolui non potuerit, & res amplius deliberanda fuerit,
atq; ita hic quoq; Conuentus dimissus fuit, & ordines
quod ad ipsos attineret, bac in parte, re infe-
cta, & adhuc etiam non minus quam.
Misenæ herente discessere.

ACTA CELLEÆ
MYSORVM MEN-
SE NOVEMBRI.

HIC Conuentus habitus est, ut communi consensu
constitueretur de ijs, quæ Adiaphora essent, &
quatenus ac quo vñsu, salua veritate, & sine lëfione con-
scientiae in nostris Ecclesijs institui atq; usurpari possent,
& si quæ præterea ad disciplinam Ecclesiasticam, & or-
dinem & decus facere videretur, ea vniuersa vt quadam
designatione scripto comprehendenterentur, de quibus dein-
ceps ad regionis ordines referretur, & re cõmuniter ap-
probata Cæsari responderetur, & rei Ecclesiasticæ in his
terrïs cõstitutio eiusmodi susciperetur, qua & concedere-
tur postulanti Imperatori in quibus sine impietate id fieri
posset, omnibus, & per se ordinu & disciplinæ consulere-
tur, & conatus legitimæ obedientiæ declararetur, atq;
auerterentur pericula, hisq; vniuersis conseruationi veri-
tatis doctrinæ seruiretur, ad quem finem ultimum omnia
directa, cuiusq; causa vniuersæ tractationes susceptæ fue-
runt. Quod cum in Conuento Torgensi à politicis ordinibus
agi ceptum esset, ad Theologos de hoc referentibus, neq;
perfici res tum potuisset, hic Conuentus Cellæ Mysoru ha-
bitus est, vt diximus, die 16. Nouembris. Conuenerunt
autem ibi omnes illi, qui Torgensibus actionibus interfue-
rant, & accersiti insuper fuere D. Bugenhagius Pome-
ranus,

ranus, D. Georgius Maior, & superintendens Fribur-
gensis & Pirnensis, & alij. Ex Academia etiā Lipsen-
si Ioachimus Camerarius eodem euocatus fuit. Ab his
igitur primum postulatum ut librum Agendorum, tem-
poribus ducis Henrici &c. compositum & propositum,
cuius supra aliquoties mentio facta est, hunc igitur ut
in manus sumerent, atq; considerarent quid adhuc addi-
piē & utiliter possit, aut in hoc per se mutari, corrigi,
moneri, atq; ita rei Ecclesiastice constitutionem descri-
berent, qua Adiaphora, sicut in Torgensibus deliberatio-
nibus Theologi monuerant, speciatim exprimerentur.

Atq; in hac parte quibus rationibus Theologi moti
fuerint, ut postulationibus de Adiaphoris non amplius
repugnarent, in Torgensis conuentus historia exposui-
mus, cum quidem hoc ipso tempore aliquanto maiore di-
ligentia considerarentur, quod & plus temporis ad deli-
berationes tales suppeteret, & cogitandi etiam menstru-
um iam spacium, quod à Torgensibus actionibus ad has
Cellenses tractationes intercesserat, accessisset. Agitur
autem his de Adiaphoris Theologorum responsionibus
vniversis hoc, ut doceatur quibus in rebus concedi possit,
& in quarum constantissima & confessione & conserua-
tione, subeunda sint extrema omnia, ut supra dictum est,
& haec tota res deliberationum atq; actionum omnium eo
dirigitur, ut doctrinæ veritas, & usus huius, concessi-
one tali his terris conseruetur, de quibus omnibus iam

diximus. Ad illa igitur postulata primum hoc scriptum
Theologi in Cellensi Conuentu composuerunt accommoda-
tum formæ rituum & Ceremoniarum, quæ temporibus
Ducis Henrici descripta fuit, quod ex germanico con-
uersum subiecimus.

AD POSTVLATA CONSILIA RIO-
rum Illustriss: Principis Mau: Elect: ha sunt Prin-
cipis Georgij Anhalt: & ceterorum Theolo-
gorum de agendis rationes.

DE BAPTISMO.

SAlis usus in baptisme concedi potest, modo non exorcisati sa-
lis, nam illi exorcismi salis blasphemie sunt horribiles, & magicæ
quædam, quales prohibentur in primo præcepto.

Præterea aliæ etiam orationes in Agendis Pontificijs ad
Baptismum usurpantur, quæ non sunt puræ. Optimæ tamen ora-
tiones ex latinis Agendis, iampridem sunt in usum apud nos Ger-
manico & patrio sermone translatae.

Ad Chrisma quod attinet, non potest hoc propter idolatri-
cas coniurationes, quibus uirtus atque efficacia sancti Spiritus & sa-
lutis, sine uerbo & mandato Dei, attribuitur, ad talem modum usur-
pari, Sed industoli usurpatio iam dudum in usu est. Cereus etiam
usurpari poscit, et si hic apud nos in usu non est. In nostris agendis ea
admonitio, quæ incipit dilecti in Christo audimus in hoc breui
Euangelio, &c. propter prolixitatem omitti potest. Altera admoni-
tio in his, cuius initium est, Mei & meæ, uos infantem hunc, &c. omis-
tenda est ideo, quod anachoriti & testes baptismi nimis grauiter &
rigide obligantur. Ad interrogations etiam quæ ad hos fiunt non
sola tantum affirmandi particula responderi debet, sed tota interro-
gatio repeti, nimirum ut dicatur ita, ego credo, ita, ego contradico.

Symbolum etiam Apostolorum integrum recitari debet.
Re peracta, sub finem talis hortatio fiat. Dilecti uos audiuitis iam
quid iste infans per os uestrum promiserit, nimirum de capitibus
fidei

fidei Christianæ, creatione, redemptione, & sanctificatione, quòd
hæc omnia credere & confiteri uelit. Secundo quod de institu-
tione & mandato Domini nostri Iesu Christi, laus Deo, Baptissatus
sit. Horum omnium uos testes estis. Quod si qua de re ad uos ali-
quando agetur, quæ ad horum commonefactionem, & ad institu-
tionem infantis faciant, in eo beneuolos uos exhibeat, à Domino
& Deo nostro mercedem expectantes.

Antequam subhiciamus cætera, hoc loco de Salis usi breui-
ter significandum putauimus, retentum hunc fuisse in Ecclesia Vu-
tebergensi D. Luthero permittente, & anno primum superiore, id
est L VIII. usurpari salem in baptismo apud nos delisse.

DE BAPTISATIONE, QVÆ FIT necessitate urgente:

MA neat formula in nostris agendis de hac præscripta, Oratio
ta men Dominica & capita Symboli Christiani nostri, ut
simul recitentur.

DE CONFIRMATIONE.

DE hac cum in Pontificum constitutionibus nihil puri sit, atq;
insuper hæc nudum tantum sit & inutile spectaculum apud
Pontificios, ideo peculiaris forma huius præscribenda, quæ
in Ecclesijs seruari possit.

Multæ bonæ causæ sunt, propter quas optandum confirmati-
onem non tantum, ut oociolum & nudum spectaculum, sed præces-
dente auditione de omnibus capitibus Christianæ doctrinæ, & cum
publica & diserta confessione fidei, & promissione in uera fide &
uera invocatione Dei, auxiliante Deo, perperuò manendi, & usur-
patione precum ex intimō pectore, grauiter & decenter seruari. Hoc
enim ad institutionem pueritiae, ad pietatem, disciplinam bonam,
& bonos mores faceret. Itaq; mandandum omnibus patribus fa-
miliis, ut liberos suos diligenter ad Catechesin doctrinæ Christia-
næ cogant, & in hac exerceri current, & eos qui decimum quar-
tum ætatis annum attigerunt, ad pastorem adducant, qui eis uel
dominicam uel aliam diem aliquam constituant, qua publicè ante
altare unum aut plures ex pueris aut puellis sit auditurus. Et tum
uel parentes uel alij ex cognatis puerum aut puellam ad altare ad-
ducant, qui puer aut puella ante hoc astans primum ipse ordine re-
citare debebit Symbolum Apostolorum, Decalogum, Orationem
Dominis

Dominicam, postea pastor, aut cui hoc mandabitur, ordine interroget doctrinam Catechismi.

De tribus personis in diuinitate.

De duabus naturis in Christo.

Quod sit discriminē inter Christianam & Ethnīcam inuocationem.

Quod sit discriminē inter legem & Euangēlium?

Quid sit peccatum, & de poenis peccati?

Quomodo remissio peccatorum impetratur, & quomodo coram Deo iusti simus?

Quae opera fieri à nobis oporteat?

Quae peccata gratiam expellant?

Quae sit efficacia seu uirtus Baptismi?

Quid præbeatur in Sacramento corporis et sanguinis Christi, & qua de causa perceptio illa fieri debeat, & quomodo cum fide fieri debeat?

Quid sit Christiana Ecclesia?

De his capitibus singuli uel à parentibus uel à iudicis magistris instituti esse debent. Post hanc auditionem factam, pastor puerum aut puellam ad constantiam in fide, precibus, & cæteris uirtutibus, cohortari debet.

Ad quam cohortationem puer aut puella hanc promissionem facere debet, talibus quibusdam uerbis, quæ pastor ei præeat.

Ago gratias Deo ex animo, quod me ad ueram agnitionem sui, & ad agnitionē unigeniti filij sui Iesu Christi Salvatoris nostri benigne uocauit, & membrum me fecit Ecclesie suæ, quam exaudire uult & salutem æternam ei largiri, eumq[ue] oro, ut mihi propter filium suum Iesum Christum, Spiritum Sanctum suum dare uelit, ut in recta & uera fide & uero timore Dei omni tempore & constanter uiuere et manere possim. Et promitto, estq[ue] hęc seria uoluntas & animi sententia atq[ue] propositum meum, adiuuante Deo, me in hac uera & Christiana fide, quam iam in recitatione capitū fidei confessus sum, omni tempore mansurum esse.

Post hanc orationem, Pastor in pueri aut puellæ caput manum imponat, & uniuersi qui assunt, serias preces pro Ecclesia Christiana in communī, & pro personis adductis facere debebunt, & poterit simul accinī; Veni Sancte Spiritus. Pastor autem talibus quibusdam uerbis pro puerō oret: O Domine Iesu Christe, fili Dei, qui dixisti: Quanto magis Pater Cœlestis Spiritum sanctum dabit potentibus, oramus te, misere-

te, miserere pueri huius, & cor & mentem huius Spiritu Sancto tuo semper regas, eiq[ue] ueram fidem & invocationem atq[ue] timorem Dei, dilectionem & spem, unā cum cæteris uirtutibus augeas, & menabrum utile Ecclesiæ tuæ facias, & ad æternam salutem perducas, ut te æterna gratiarum actione celebret.

Postea pueri aut puellæ, unā cum parentibus suis ad communionem accedant.

Numerum tamen antiorum non ita accipi uolumus, quasi ante etiam id tempus, & minore ætate cum sunt, pueros qui in Catechesi Christiana mediocriter sint instituti, ad confessionem & Sacramentum à parentibus suis adduci nolimus, Qui hoc potius operam dare debent, ut mature ad confessionem & Sacramenti usum liberos assuefiant, secundum dictum, Sinite pueros ad me uenire, quoniam talium est regnum coelorum. Confirmatio uero ea ætate fieri debet, quæ plus habet intelligentiæ, qua ætate fidem & promissiones suas melius intelligunt.

DE INTRODUCTIONE Puerarum.

QVæ à Ministro Ecclesiæ preces aut gratiarum actionem petunt, ijs opera talis negari non debet.

DE CONFESSIONE ET AB- solutione.

MAnent de quibus docetur & monetur in formula præscripta tempore Ducis Henrici, Modo ut Pastores admoneantur, ut in confessione audienda diligentiam adhibeant, neq[ue] obiter & strictim in re uersentur, & ad emendationem & studium Christianæ uitæ homines adhortentur & instent. Et usurpent unam de formulis absolutionis, quæ in agendis præscriptæ sunt, cumq[ue] absolutionis formulam recitant, ei qui confitentur, manum imponere ne omittant.

QVID AD AEGROOTOS FIERI, ET hi quomodo instrui & confirmari debeant.

Nihil mutetur in hac formula, saltem ut Sacerdotes pro conditiōne ægrotorum se gerant, & ad hos se accommodent.

DE VNCTIONE.

*Sapientia infi-
tatio fidei
agrotorum.* **V**isitatio ægrotorum diligenter apud nos & hoc modo presta-
tur, ut post Christianas admonitiones & consolationes fa-
etas audiatur confitentes, & communicent, & ut consola-
tionis causa absolutio aliquoties apud hos repetatur. Item ut apud
ægrotos & pro his seriæ preces siant à sacerdotibus & ægrotorum
parentibus aut liberis, qui ex animo orant. Hæc uniuersa & Deo
placent & ægrotis consolationi sunt, & non inania. Vnctio autem
ante hæc tempora cum inuocatione Sanctorum facta est. Item ad-
diderunt præterea hæc uerba, per istam unctionem expietur
quicquid deliquisti per usum, auditum. Item, & sit tibi hæc uns-
ætio olei sanctificati ad purificationem animæ & corporis, & ablu-
tio omnium culparum. Talia uerba manifestè sunt Euangeliô con-
traria, & omnibus pijs auditu horribilia. Cumq[ue] formulæ sint
multiplices, & Euangeliô manifestè contrariæ, planum fit, hunc
morem ab Apostolis non esse institutum.

Præter hæc omnia considerandum, quod fieri non possit
ut usurpetur, cum in consecratione olei tam horribiles uoces usur-
pentur, ut non existimemus aliquem Episcopum, qui Christianam
doctrinam considerare uoluerit, eiusmodi consecrationes adhibitu-
rum, ut Sancti Spiritus ei admisceri uirtutem, ut, uitæ æternæ par-
ticipes faciat. Item, ut sias in adoptionem carnis & Spiritus ijs, qui
ex te ungendi sunt in remissionem peccatorum. His uocibus ho-
nor proprius Deo, tribuitur oleo, nimirum quod filios Dei nos fa-
ciat, quod peccata tollat, quod participes faciat uitæ æternæ, Item
quod fuget dæmones. Hæ Idolatriæ uoces sunt, & seueris edictis
onibus prohibitæ in primo & secundo præcepto legis Dei, ideo ne-
mo has confirmare aut stabilire debet.

DE ADMINISTRATIONE SACRO- rum Publicorum in Templis Vrbium, & ubi Scholastici habentur.

DE VESPERTINIS PRE- cibus.

In his seruetur uetus consuetudo, modo & impie cantiones
omitantur & loco illarum piæ sumantur, Et quod ex biblijs
caput recitari solet, uel puer recitet, uel prouectiori ætate aliquis
de pastoris sententia.

DE

DE MISSA.

Primūm Sacerdos qui Missam celebraturus est, una cum administrō recitet, Confiteor, idest, piām & religiosam orationem flexis genibus ante altare.

POSTEA SEQUITVR.

Introitus.

Kyrie eleison.

Gloria in excelsis Deo.

Et in terra.

Collecta, latīnē aut Germanicē.

Epistola à celebrante Missam ad altare latīnē accinatur, postea Diaconus germanicē recitet ad populum.

Alleluia & Sequentia. Aut si dominicaliter canitur sine sequentia, accinatur loco sequentiae Canticum Germanicum.

Evangeliū ad altare accinatur latīnē.

Credo cum Symbolo Niceno.

Symboli canticum Germanicum, Wir gleuben &c.

Concio & Euangeliū germanicē de suggesto recitetur.

Post Concionem.

Brevis Canticum germanicum pro pace, aut alia.

Præfatio, latīnē, præsertim in præcipuis festis.

Sanctus.

Pater noster.

Brevis cohortatio ad populi cuius initium, Hoc tor uos &c.

Verba testamenti Germanicē, cum elevatione.

Communio.

Sub communione canatur Iesu Christus &c. & si multi communicantes sint Agnus Dei.

Collecta seu gratiarum actio, Germanicē, propter Ecclesiam.

Benedictus Germanicē.

ADMINISTRATIO SACRORVM in Pagis.

Post Concionem accinatur, Erhalt uns HERR bey deinem Wort &c.

Postea Pater noster , & hortatio recitetur cuius initium
hortor uos &c.

De reliquis fiat, quod supra præscriptum.

Si nulli assint qui communicent, Pastor post cantiones in-
dicatas recitet Epistolam Germanicè , & postea de Suggesto Euangeli-
um quod explicaturus est Germanicè de libro recitet.

In oppidis autem non tantum diebus dominicis commu-
Communi oec
pof fieri
interiectis
diebus hebdomadis
modis.
nio celebrari debet, sed etiam si assint qui communicent interiectis
diebus hebdomados, uno aut altero publica missa celebretur, concie-
one habita, eodem prorsus modo quo die dominica. Sin nulli
assint illis diebus qui communicent, tunc sicut cæteris diebus heb-
domados uel Psalmi uel aliae cantiones puræ accinantur latinè , &
ex ueteri & nouo testamento aliquid recitetur.

DE FESTIS.

DE his seruentur omnia quæ in hac Formula notata sunt. Hoc
loco Magistratus admonendus, ut diebus dominicis & aliorum
festorum, populus ad Conciones & ceremonias piæ cœ-
teras accedat & conueniat; & à compotationibus & alijs similibus
rebus abducatur, quod tum eo magis est futurum, si Magistratus
ipse hac in parte populo exemplo bono fuerit.

DE SEPVLTVRIS.

IN Torgensis actiōnibus Theologorum de his rationes sunt in-
dicatae.

DE ORNATV ECCLESIASTICO & Chorali tunica.

Ferre possunt Theologi, ut placeat ex dilectione Christiana, &
ad auertendum multiplices difficultates, hanc in omnibus Ecclesiasticis administrationibus & muncribus usurpari.

Quod ad cantiones, Agenda, Pontificalia & Missalia attinet,
uniusera & sigillatim sunt recognita, & quæ pura non sunt specia-
tim omnia consignata.

Præterea præsto est formula horarum Canonicarum & officiorum Ecclesiasticorum, quemadmodum hæc Meresburgi hactenius in usu sunt, & quid præterea in Ecclesijs collegialibus hac in parte constituendum sit, de eo cum Collegiorum illorum Dominis, amplius conferri opòrtebit, ut hoc modo utiliter aliquid etiam his in rebus constitui possit.

Ad or-

Ad ordinationem etiam quod attinet, quæ in hac pura non sunt similiter in ijs, quorum suprà mentio facta est, sunt consignata, & Theologorum de hac rationes antea una cum alijs Torgæ consiliarijs traditæ.

Omnis exorcismi & coniurationes creaturarum in Agedis ueteribus, qui tamen non sunt unius modi, & uniuersi inspecti, superstitionis sunt & impiorum, neq; in his quicquam emendare possumus. Cibus autem, ut cum precib. & gratiarum actione accipiatur, pietatis est Christianæ, & utilè, neq; debet neq; potest omitti.

DE SEPVLTVRA.

DE hac à Theologis in prioribus responsonibus Torgæ factis, indicatum,

CONCLVSIÖ.

Maneat ea quæ est in Agendis.

Quia verò in Conuentu Torgensi de forma quoq; publicæ penitentiæ monuerant Theologi ut diximus, ideo tum in Conuentu Cellensi, de hac tantum superioribus adiecerunt scriptum quod sequitur.

DE PVBLICA POENITENTIA.

Consistoria aut alijs, quib. ea res mandata est, in manifestis facinoribus, tierbi causa, libidinum, adulteriorum, sectarum à ueritate abducentium & cæteris, quæ huic iurisdictioni pertinenda incumbunt, ordine & modo procedere debent, & non obedientes post admonitionem factam excommunicatione punire.

Quia in parte Politicus Magistratus, qui & ipse est minister Dei, ad conservationem gloriæ Dei & disciplinæ honestæ, opem suam eo modo, quo decet conferre debet, ne excommunicatio in contemptum abeat, ideoq; excommunicatos à communii usu bonorum arceat, &c. Sed siue officium faciant consistoria, seu minus, Pastor Ecclesiæ cum ijs, qui in manifestis facinoribus uixerunt, si notoria ea criminâ sint, ita se gerat.

Et quanquam Pastor aliquis solus neminem excommunicare debet, muneris tamen huius est, ut facinorosum ad concionem adhortetur.

Talis si ad Pastorem uenit, siue excommunicatus fuerit, seu non excommunicatus, & absolutionem querit, Tum Pastor non statim neçq; facilè eum recipere debet, sine certarum quarundam rerum exploratione, Sed seuerè eum moneat de ira Dei aduersus peccatum, & ad ueram poenitentiam eum adhortetur, Eiçq; significet cum Ecclesiam scandalō conturbarit, publicè pro concione ueniam petendam esse. Hęc omnia ut ordine siant, Pastor ei diem constitutat, qua assumitis aliquot honestis uiris coram ipso appareat, tum Pastorem etiam ad se ex Senatu aliquot & Diaconos suos accersitum.

Ac primum si per Consistorium excommunicatus fuit, plaznum facere debet testimonij prolatis excommunicatione ab eosdem, postquam de meliore uita à se promiserit, eaçq; praestiterit, quæ imposita ei & imperata à Consistorio fuerint, solutum esse.

Deinde siue excommunicatus fuerit seu minus, antequam ad absolutionem admittatur, prius ad magistratum Politicum, & partem aduersam res ipsi sit composita, nam qui in contumacia aduersus magistratum & partem læsam perseverat, is non habet ueram poenitentiam & nulla resipiscientiae aut conuersionis initia.

Hęc omnia explorari prius oportet, ut ueræ conuersionis argumenta in illo facinoroso animaduerti possint.

Atcq; ita facinorosus ille ad constitutam diem coram Pastore se sistere & aliquot honestos uiros secum adducere debet, Pastor etiam ex Senatu aliquot & Diaconos suos sibi adiungere debet.

Et primum facinorosum illum Pastor interroget, an facinus à se commissum confiteatur.

Secundo, an peccati eum ex animo poeniteat.

Tertio, an absolutionem expetat.

Quarto, an serio constituerit adiuuante Deo uitam suam in melius instituere, & hoc an se facturum promittat.

Quinto, an ab Ecclesia ut sibi ignoscatur petiturus sit, quam scandalō à se dato grauiter conturbarit.

Ad has uniuersas interrogations, ubi ut decet responderit, eum exploratione opus de Consistorio, si fuit excommunicatus, Item an Magistratui & parti læsae satisficerit. De quo utroq; facinorosus testimonia proferre debet.

His uniuersis ita ordine & seuerè exploratis, Pastor in præsentia cæterorum, facinorosum pia oratione commonefaciat de ira Dei aduersus peccatum, & de æternis & temporalibus poenis, de scandalo, eumq; adhortetur ad seriam poenitentiam, & uerum dolosum

rem

rem animo concipiendum, atq; simul de remissione peccatorum ex gratia & merito Christi, Salvatoris nostri, & de fide sua atq; intellectu huius eum interroget.

Post cognitionem & explorationem talem Pastor manderet, ut facinorosus ad proximam aut alteram diem dominicam in templo ueniat, ubi post renunciationem publicam eum sit absolutus. Necq; absolutio diu differri, aut aliae multae & longae Ceremoniae hominibus imponi debent, quod fecerunt Canones poenitentiales, qui ueram Christi agnitionem deleuerunt, & conscientias horribiliter in dubitationes, tristiciam et desperationem induxerunt.

Ad illam igitur diem Dominicam, Pastor de suggesto sacro tale praeconium faciat, facinorosum istum ad se uenisse, & de peccato suo confessum atq; indicasse ex animo dolere, quod iram Dei prouocasset & scandalo Ecclesiam conturbasset, &c. quod relipiscendo ad Deum se conuertere uelit, & absolutionem humiliter petierit. Ad quae ipse Pastor, una cum alijs, explorauerit an facinorosus iste Confistorio, Magistratu, & partii laicæ cōposito negocio satisfecerit, de quo intelligeretur an haec seria esset conuersio, & compreserit de debita hominis obedientia. Tum simul & ad populum oratione Pastor habere debet, qua commonefaciat de ira Dei & de horribilibus poenis æternis & temporalibus propter peccatum, & publicas etiam poenas propter uniuscuiuscq; priuata peccata accumulari, quemadmodum Dauidis adulterium causam attulit, ut totum regnum puniretur. Et cum his simul doctrina de remissione peccatorum populo proponi debet, nimirum hanc esse seriam uoluntatem & mandatum Dei, ut ad illum nos conuertamus, & quod peccata propter filium suum certò sit remissurus. Et Deum haec utraq opera poenitentiam & fidem pro cultu præcipuo habere, qui à nobis ei præstari possit, & quod publicas atq; communes poenas ille leniat, si nos conuertamus, ut de Exemplo Ninives cognoscere licet. Postea facinorosi nomine Pastor petere debet, ut tota Ecclesia propter Deum ei ignoscere & pro eo orare uelit.

Hoc praeconio facto facinorosus ante altare in genua procombatur, ita tamen ut prius etiam priuatam confessionem usurparit, in qua de doctrina institutus & ante Deum absolutus fuerit. Et Pastor eum publicè iterum interroget, an facinus confiteatur & peccatorum eum an ex animo peniteat, & absolutionem an expetat? & serio apud se constituerit, adiuuante Deo uitam in melius instruere, & hoc publicè coram Deo & Ecclesia an promittat. Ad haec respondeat

respondeat, Ita Postea iterum pastor de ira Dei & remissione peccatorum breuiter admonere poterit, & deinceps facinorosum illum absoluat.

Formula autem absolutionis in Agendis bona est praescripta.

Post absolutionem is qui absolutus est ad communionem accedat, ut hoc genus ipsum initia cenuersionis suæ precibus & usu Sacramenti demonstret, & Ecclesia argumentum hoc ut videat eum qui absolutus fuit nunc deinceps membrum Ecclesiae denuolefactum. Et pro ratione locorum & causæ, quoquo tempore considerandum, quando pastori aut Superintendenti hanc operam mandari conueniat, & ex pastoribus singuli Superintendentes suis de re significant, ad quam significationem Superintendentis constitutæ, quomodo administrari negotium oporteat, & ex eo pastori mandet quid sit faciendum.

Quod si in pago talis casus accidat, pastor oppidanus ad mandatum Superintendentis secundum praescriptam formulam rem in pago administret, ut plebs etiam rustica exemplum videat & ad uitam in melius instituendum excitetur.

Hæc cum ita à Theologis perscripta oblata fuissent ijs, qui à Principe Electore cum mandatis istuc ablegati fuerant, responsionis loco hoc scriptum quod subiecimus redditum fuit 17. Nouembris, quo monetur & significatur ut sequitur.

Rationes scripto propositas cognouimus, ad quas celare uos noluimus, à tempore tractationum Torgensem multiplicia accidisse, de quibus intelligatur quantum benignissimi principiis nostri, uestra ipsorum, & communium regionis ordinum haec res intersit. Quapropter & grauibus de causis hæc est Principis nostri benignis, sententia, Ut quicquid in religione bona cum conscientia fieri possit quod uerbo Dei non sit contrarium, Id ut fiat, neç quicquam curetur etiam si qui securi censuerint, scripto de le receperint, aut aliud approbauerint.

Quod si enim hac in parte, ut desiderari aliquid posset committeretur, atç ita grauioris mali causa afferetur, nimirum ut uel religio plus quam hactenus persecutionis haberet, aut in his terris magis

magis impeditur, Concionatores & Ecclesiarum ministri per vim
nobis adimerentur, Monasteriorum redditus, quibus scholæ & uer-
bi ministri sustentantur, parcius communicarentur, aut auerteren-
tur, atq; hæ terræ alijs modis in Angustias, bella, & difficultates
conicerentur, una cum principe, nostro Domino benignissimo,
Tum igitur talia damna multo maiora, & pluris facienda essent,
quam si obedientia in ihs præstaretur, quæ piè & cum bona consci-
entia fieri possent. Huius legitimæ & debitæ obedientiæ non est
minor ratio habenda, quam eius, quod alij hanc male interpretari
possent, neq; hoc illi præponi debet, nam qui ita inducit animum
suum, eoq; dirigit sententiam, ut obedientiam præstare uelit, in om-
nibus quæ cum bona conscientia facere possit, is non curat quid alij
loquantur, neq; scire potest, quæ sint aliorum consilia, aut quo di-
rigantur.

Non iudicamus esse necesse, ut hoc loco commemoretur
benigniss. principem nostrum in his regionibus, post tam multipli-
cia & ab ipso principe & à consistorijs atq; alijs edita scripta, edita,
hortationes, tamen apud quosdam ut obediatur obtinere, non
potuisse, neq; adhuc obtinere, ut nihil dicamus de ihs quæ belli
tempore proximi deprehensa fuerunt. Ex his uero omnibus hoc
argumentando inferre possumus, ad uniuscuiusc rationes non
respiciendum, neq; approbationes quorumcunq; expectandas,
aut quid quisq; dicere possit uerendum. Nam qui recte agit nemis-
tem ueretur.

Et cum uos sine dubio negaturi non videamini Consulta
Cæsa. Maiestatis, quæ Interim cognominantur, multa in se cōtine-
re quæ scripturæ consentanea sint, & non falsa, Non dubitant ta-
men aliqui publicè pro concione dicere, nihil prorsus ueri aut boni
in illo libro esse, & quod aliquid huius recipiat aut seruet, de eo fu-
turm id quod Adamo accidit, qui uno tantum mortu de pomo
assumpto ira Dei se onerauerint, etiamsi totum pomum non come-
derit, Et quæ alia huius generis multa audiuntur similia, quæ sine
dubio ad Cæsarem deferuntur.

Etsi autem uos hæc altius considerare potestis quam à no-
bis commemorari necesse sit. Tamen & necessarium & consultum
iudicamus, Intelligi ab omnibus, & in primis à Cæs. Ma, uniuers-
sos nos harum terrarum incolas Ecclesiastici & politici ordinis, ad
quietem, pacem, concordiam, & obedientiam animis propensis
esse.

Y y

Hoc

Hoc igitur & nullo alio consilio ea de quibus nuper Torgæ colloquium fuit in manus resumpsimus, & amplius perpendimus atq; additionibus quibusdam breuibus auximus, quæ uobis hic una tradimus. Hæc uos cognoscatis, & quantum fieri potest ET VERBVM DEI sinit, ita corrigatis, ut Cæsa, Maiest, intel ligat, in ijs omnibus quæ cum bona conscientia & de uerbo DEI fieri possint, nihil in obediendi studio in uniuersis harum terrarum ordinibus desiderari. Atq; simul & periculorum magnitudinem, persecutiones, damna atq; detimenta, quæ nisi ita fiat, accidere possit ut non sint non secutura, consideretis, & de se & suis rebus de communی salute, hominum nostrorum, tam tenuium quam fortunatorum, summorum & infimorum, singuli cogitent, & hac consideratione minus aliorum iudiciis moueantur, ne dubitent omnia ea promouere quæ ad obedientiam, ut diximus, quietam pacem & concordiam faciant, imprimis autem Deo quæ sunt gloriola, quod idem inclitæ mentionis Dominus noster benignissimus una uobiscum ut operam det propensio est animo, neq; quicquam hac in parte quod Deo aut sanctiss. uerbo huius contrarium sit, ab ipso ut comittatur.

Hæc responsio est eorum qui à Principe Legati aderant, sed de rebus ad religionem pertinentibus quid perscripserint & quibus additionibus Torgæ proposita auxerint, infra cognoscetur, loco in his actis ultimo ubi scriptum ipsorum exponitur. Nam cum Theologi, quorum censuræ subiecerunt, de illo quedam monuerint, hoc loco, & antequam quid de subiectione horum mutarint, & qua in sententia Legati persistenterint, intelligi possit, non fuit referendum, quod & supra cum alijs fecimus. Ad hæc igitur responderunt Theologi die 18. Novembris ut sequitur.

Primum quod ad s̄pē repetitam adhortationem attinet, de pace & obedientia permittimus iudicium Deo, qui corda cognoscit omnium hominum. Hic scit de nulla re à nobis temere petu lanter,

Ianter , aut contumaciter pugnari , sed à nobis quoq; pacem quæsi,
& ad debitam obedientiam Cæsareæ Maiest. & benignissimo prin-
cipi nostro subiectissimè præstandam semper nos prompto animo
& fuisse & esse etiam nunc. Et Domini ipsi ex scriptis & consigna-
tionibus nostris deprehendunt et cognoscunt, quod receperimus de
concessione in omnibus rebus Adiaphoris, de quibus nos iudicare
potuimus, quod ad similitudinem in hoc genere & decentiam con-
stituendam faciant, ut de festis, cantionibus, ornatu seu cultu, lecti-
onibus, cibis, & multis alijs similibus.

Ad ceteros etiam Pastores & Concionatores hoc agimus
pro nostra parte, & quantum nos de rebus aliorum cognoscere
possimus, ut ad pacificas conciones usurpandas eos adducere stu-
deamus, & Dei beneficio in Ecclesijs harum terrarum mediocris
est disciplina & concordia, qui benignè etiam deinceps turbas &
discordias auertat.

Quod uero falsam doctrinam , & manifestè impias Ceres-
monias non recipimus, sciunt Domini ipsi esse hoc mandatum à
Deo, neq; probaturi essent si ueram Doctrinam mutaremus. Peti-
mus igitur, ne pro ijs habeamur quibus de non necessarijs rebus
pugnando benignissimum principem nostrum , has terras & nos-
metipso in difficultates , & miseras coniçere studium sit. Et quod
in hac doctrina & in his Ecclesijs manemus, ideo facimus ut seruia-
tur laudi & gloriæ Dei , & maiores dissipationes auertantur. Tum
fides operæ nostræ in plantatione doctrinæ necessariæ nota est,
ideoq; Ecclesiæ & scholæ in his terris Dei beneficio ad huc quidem
magis florent quam in alijs , & doloreremus ex animo si dissipationes
& discordia in his acciderent , quod subitis mutationibus facile fieri
posset. Neq; huic breui excusationi nostræ in præsentia addere ali-
quid uolumus.

Secundo loco de capitibus nobis traditis etiam breuiter re-
spondebimus. Et quanquam generaliter quædam dicuntur, in ca-
pite de autoritate Ecclesiæ , de ijs tamen non pugnabimus. Ap-
poni tamen necesse est haec uerba , que in Torgensisibus capitibus
continentur, sacræ scripturæ consentanea & non contraria.

De Baptismo manet quod propositum est & excusat nos
de Chrismate haec uerba ipsa, una cum alijs ueteribus pietatis Chris-
tianæ Ceremonijs, Nam quod saepe iam est indicatum, scitur illud
oleum à nobis non usurpari, & quod ab huius temporis Episcopis
propter impias & blasphemias consecrationes petere illud non
possimus,

De Confirmatione, Pœnitentia, Sacramento Corporis & Sanguinis Christi capita, maneant ut scripta sunt.

De unctione dictum est Episcoporum oleum à nobis non usurpari, precationes autem de quibus mentio sit in illo capite ita à nobis seruantur.

De Ordinatione Sacerdotum manifesta res est, quod sæpè obtulerimus Episcopis restitutionem potestatis huius, si ueram doctrinam non persequantur. Iam autem hoc etiam his temporibus manifestum, qui nunc sunt Episcopi eos persecutores huius esse, & haberi uelle, quod si igitur huius capituli sententia haec sit, ut horum temporum Episcopis subficiamur qui præcipiant nobis, & nos puniant ut libuerit. Item ut ordinatio ab his tantum accipiatur, magna fiet in harum terrarum Ecclesijs uastitas. Quod igitur hac in parte generaliter dicitur, id est explicandum. Et si sententia ea est ut tum ordinatio ab Episcopis accipiatur ubi Episcopos habuerimus, hoc est, ubi Episcopi de uera doctrina nobiscum consenserint, tum spaciatiim hoc in illo capite tali quodam modo exprimendum. Episcopi etiam ueræ doctrinæ, ueriq; usus Sacramentorum, ita ut Ecclesiæ nostræ in præsentia haec profitentur, conseruationem adiuuent. Et ordinandos iniustis obligationibus non onerent.

Quam diu autem Episcopi persecutores fuerint, & nos in his Ecclesijs manebimus, noti est committendum ut nostra culpa in Ecclesijs uastitas fiat, sed oportebit à nobis ipsis ordinationem administrari, quemadmodum Paulus præcipit Tito. Et manifestum est ex Cypriano, Hieronymo & Chrysostomo, Episcoporum & Presbyterorum gradum seu dignitatem unam & eandem esse, unde & Panormitanus in Cap. quanto de consuetudine, similiter sentit quod presbyteri olim ordinauerint presbyteros.

De Coniugio, Missa, Imaginibus, Cantionibus Ecclesiasticis maneant formula in Capitibus exposita.

De Vigilijs petimus ut acquiescatur ijs, quæ in tractationibus Torgensisibus de his notauiimus.

In capite de festis non sit mentio festi corporis Christi in Torgensisibus actionibus, præterea minimè conuenit hoc nostris Ecclesijs, in quibus est usus integri Sacramenti. Et in hac re præcipue & maximè considerandum hoc est, Sacraenta extra usum institutum nulla esse Sacraenta.

De Carnium esu maneant quæ de hoc capite præscripta sunt, atq; insuper rationes nostræ sic ferunt, ut ualde hoc utile fore existimemus.

existimemus, & rem esse Deo placentem, si Magistratus de hoc constituant, atq; ut præstetur severa operam det, ut luxus conuiuicium longorum & multorum ferculorum tollatur, & ad moderationem atq; temperantiam res redigatur, & propinicationum helluaciones atq; ingurgitationes petulantes ut puniantur. In primis autem ut uictetur ne quicquam commissationum talium uesperis feriarum dies präcedentibus agitur. Valde enim turpe est quando mane in templo ad concionem & preces ueniendum est, hominibus tūm à crapula caput adhuc infestari. Item ad particulam, Et hanc ut politican constitutionem seruandam: addantur hæc uerba, & à Magistratu ut res edicatur, qui & eos qui contumaciter contra fecerint puniendi ius habet.

Hoc est alterum scriptum quod à Theologis in Cellensi conuentu propositum fuit. Ad hoc alterum scriptum Theologorum responderunt Legati Principis in hunc modum. Acta autem sunt quæ sequuntur vsq; ad finem huius Conuentus Vniuersa, die 19. Nouembris. Sed responsio de qua diximus, hæc est.

Quod in consignatis rationibus nostris initio mentionem periculorum fecimus, quæ his terris impendeant, nullo alio consilio factum est, quam ut benignitas uestra, & uos cæteri, æque ut nos de illis scire possetis, & persuadebimus nobis, aliter quam pro eo consilio, quo factum à nobis est, uos non accepisse. Esse autem exceptis uobis aliquos quibus nihil fieri possit, quod placeat quantum uis bono consilio suscipiatur minimè est obscurum, quorum sermones & scriptiones ut ne curare uelitis orauimus, & nunc quoq; oramus.

Et quoniam hæc res à uobis & nobis similiter bona cum fide & ex animo agitur, nouit Deus nos scientes nihil nec querere neq; consulere, quod ulla ex parte Deo & gloriæ diuinæ atq; sanctissimo uerbo ipsius contrarium esse possit. Neq; dubitamus non minorem hanc spem & persuasionem de benignissimo principe nostro & nobis esse uestram, quam principis & nostra de uobis est.

Pro his igitur petimus nos doceri cum uos excusationem
Y y 3 hanc

hanc usurpetis non posse à uobis impias Ceremonias recipi, an à nostris illis consignatis rationibus causa aliqua uobis huius rei affectatur, de qua ubi edicti fuerimus, postea ut inter nos conueniat operam dabimus.

Caput de Ecclesiastic accipimus si in Spiritu sancto congregetur, nihil illam quod sacrae scripturæ contrarium sit, uel constituturam uel decreturam esse. Quod si iam eodem modo à uobis intelligitur, maneat hoc ita ut perscriptum est.

Ad Christma quod attinet petimus à uobis ut cogitare uelitis quomodo piae adhoc preces usurpari possint, & quae pietati non sint contraria ea ut concedantur. Postea cum Episcopis de re amplius conferendum.

Neçq; aliam esse sententiam nostram, quam ut Episcopii munere suo non aliter quam de mandato diuino fungantur ad ædificandum non ad destruendum, testantur uerba nostra in capite de autoritate Ecclesiæ. Ideo consultum iudicauimus, ut docti & pñ homines, siue ex nobilitate, siue plebeij sint, in collegia Canonicorum cooptentur, & inde Episcopii crentur, atq; de uestris rationibus, ut cum huius temporis Episcopis conferatur prima occasione opera dabitur. Hoc intellectu proposita capitis uerba seruari poterunt.

In Vigilijs cum multæ pulcræ cantiones sint, quæ de morte & uitæ huius miseria & breuitate, in primis autem de resurrectione homines utiliter admonere possint, doceri nos petimus quomodo haec uiuorum commonefactionis causa usurpari queant.

In mentione Festi Corporis Christi processiones & Theatricam circumgestationem nequaquam intelligi uolumus, nam haec minimè usurpanda.

Vt crapulationes, & propinuationum ingurgitatio praecidatur, ab editionibus & penitentiis, ne quid desiderari possit curabitur. Vos etiam curetis, ut saepius de suggestis sacris & grauiter contra has dicatur, & Sacerdotes ipsi ne has usurpent, neçq; in Causponas compotationum causa ueniant, quod in oppidis minoribus & pagis sœpè fieri solet.

Cum etiam communiter formulam precationis publicæ composueritis, unde & factum ut sacerdotibus mandaretur, eam ut recitarent, neçq; ab hac recederent. Et tamen ab aliquib; hoc ut faciant impetrari non possit. Hanc ob causam Benigniss. Princ. noster decreuit se non latrūm aliquem qui dieb. Dominicis illam formulam

lam populo præire noluerit. Petimus igitur à uobis ut operam de-
tis, ut illa de qua diximus formula, seruetur. Quod si qui ipsi causa
sibi futuri sunt, ut discedere iubeantur, nos extra culpam erimus.

Quod si iam post hanc declarationem à nobis factam, uestræ
de capitib, propositis sententiæ cum nostris consentiunt, petimus
nos & de hoc & cæteris quæ petimus doceri, etiam opera ut detur
quantum id fieri potest, ut cantiones quæ in missa usurpari solent in
maioribus oppidis singulis diebus accinantur.

Item ut cogitetur an fieri posse, ut Canon mundetur ad cau-
tionem de futuro tempore, quo de hoc agi posset.

*Hoc modo cum explicassent sententiam suam Le-
gati, & liberè atque solicite de omnibus interrogassent ut
doceri possent, iterum à Theologis responsum fuit, ut
sequitur.*

Quae oratio hodie habita fuit eam sic accipimus, exceptis
duobus, de Chrismate & Canone, conuenire inter nos de
cæteris capitibus omnibus.

Primum igitur petimus, ut pro eximia sapientia uestra con-
sideretis ipsi quām non difficiles se Pastores hoc tempore exhibue-
rint, sed faciles posse, & qui tantum concederint, quantum omnino
cum bona conscientia fieri potest, neglectis iniquis iudicijs & ob-
trestationibus, quas sequuturas esse intelligunt, & ut reprimantur
difficile esse futurum, & nihil tamen minus tantam concessionem
admisserunt, ut cognosceretur nos Cæsareæ Maiestati & benignissi-
mo Principi nostro in omnibus, in quibus fieri possit, obedientiam
præstare uelle. Nostra etiam sponte, non libenter aliquid in nobis
requiri pateremur, quod ad pacem faceret, quantum omnino à no-
bis fieri posset. Petimus igitur, ut Domini hac concessione qua in
omnem partem satisfactum, quamquam cum aliqua aggrauatione
ipsorum, contenti, simul considerare ut uelint, in religionis nego-
cijs moderatè agendum.

Secundo, quod ad duo capitâ attinet, de quibus amplius
queritur, scitis ipsi & in consecrationibus olei & Chrismatis, & in Ca-
none, tantæ tam & manifestæ impietatis uoces inesse, ut approbari
nullo

nullo modo possint. Ideo nos Pastores petimus, ut nostræ & cæterorum conscientiæ hac in parte parcatur, Necq; de verbis aut paruis rebus pugna est, In tanta enim re quæ ad cultum diuinum pertinet, alienæ à ueritate uoces, & quæ ad confirmationem maximorum errorum, qui manifestè primo & secundo præcepto & doctrinæ de gratia Christi & iustificatione contrarij sunt, faciant, admiseri misericordiæ debent. Nos uero ut formulam præscribamus cogitare ipsi potestis, quæ à nobis præscribantur non curari. Præterea per se hæc formulas præscribendi opera periculosa est, & hærent adhuc in Canonie aliquot ualde difficiles & maximi momenti disputationes. Itaq; si de hoc præscribi aliquid deberet, summè esset necessarium, aliquot ex utraq; parte pios & doctos uiros adhiberi. Imò hæc in concilio legitimo omnium grauissima disputatio est futura.

Terrio, non displicet nobis, ut de his Illustriss: Princeps Episcoporum rationes audiat, Nec nostras declarare rationes recusamus, copiosius & de Chrismate & Canone, si adhibebimur. De næq; quo ad possibile fuerit, saluti & tranquillitatì harum Ecclesiæ rum non deerimus.

Postremo petimus, ut pro eximia sapientia uestra ipsi consenseritis, in hoc negocio præcipitanter agi nihil posse, & subitas mutationes non tantum ad imperitos scandalum habere, sed piorum etiam & intelligentium animos his perturbari.

Hac responsione nostra uos in præsentia acquieturos confidimus.

Tum igitur Consiliarij qui Principis nomine ad illum Conuentum ablegati fuerunt, ex ijs quæ Torgæ acta fuere, & ex his Cellensibus tractationibus & collationibus sententiæ excepserunt quandam ritu designationem, de quibus postea in Conuentu prouinciali ad ordines ditionis, secundum ea quæ Torgæ hac in parte his responfa fuerunt, referretur.

Scriptum illud tale est.

CVM Romani Cæsaris nostrum omnium benignissimi domini Maiestas, uoluntatem & sententiam suam benignissimè declarat,

clararit, quod in sacro Romano Imperio quietem & pacem, etiam in religione quantum Deus ad eam rem gratiae concederet, consensionem & concordiam conciliari atque promoueri cupidus sit, ea re subiectissimis animis sumus delectati, Deo pro hac gratias agentes, & precibus nostris hanc ei commendantes, etiam nostro loco, in omnibus quibus id fieri potest, consilijs, opera & administratione nostra hanc rem cupide adiuuabimus.

Postquam uero Imperator Consulta quedam edidit, quid de religione interim dum oecumenicum liberum & Christianum concilium cogatur, fieri debeat, consulta illa cognouimus & diligenter perpendimus.

Et quantum ad doctrinam & sententiam illius Scripti de statu & conditione hominis ante & post lapsum, attinet, nulla pugna est, & illa ad talem quandam modum docenda.

Ad Caput de redemptione per Christum, & quomodo iustificetur homo coram Deo, quod attinet. Item de bonis operibus ut fructibus fidei, Non accipimus aliter quae ibi disputantur, quam per meritum, cruciatus, & mortem Salvatoris & Redemptoris nostri Domini Iesu Christi, absque ullo merito nostro, prorsus gratis nos iustificari, propicium Deum, remissionem peccatorum & salutem consequi nobiscque donari, & hoc nusquam apud ullam creaturam in celo aut terra nos uel querere debere uel reperire posse, preterquam in solo sanguine & uulneribus huius nostri unici Mediatoris & Salvatoris Iesu Christi si hoc credamus.

Talis fides erumpit & efficax est per caritatem honorum operum erga Deum & proximum. Hæc similiter ad talem modum, & quemadmodum cum Episcopis harum regionum de hoc conuenit & decretum est, doceri debent.

DE POTES TATE ET AVTORI tate Ecclesiæ

Quid uera & Christiana Ecclesia, quæ in Spiritu sancto congregatur, in reb. ad religionem pertinentib. decernit constituit & docet, ea doceri & in concionibus proponi debent, Sicut & quod sacræ Scripturæ contrarium sit, nihil illa constitutere debet aut potest.

Similiter & in adiaphoris seruari debent, quæ veteres p̄ij doctores

doctores seruarunt, & apud alteram partem in usu esse non desierunt.

DE MINISTRIS ECCLESIAE.

AD præbendas in collegijs Ecclesiasticis deinceps docti homines produci & cooptari debent, qui in sacris literis tantum profecerint, ut ad Episcopalia munera administranda & curationem archidiaconatus, & Ecclesiasticam iurisdictionem idonei sint, & his recte præesse possint.

Nec per ea statuta & consuetudines, quæ in quibusdam collegialib. Ecclesijs sunt de recipiendis tantum ad Canonicatus ihs, qui qualificati appellantur, id est dignitatis alicuius prærogativum aut ornamentum habent, Per hæc igitur statuta piorum hominum receptio, qui ad Episcopalia munera gerenda idonei sunt ne impeditatur. Præsertim cum talia statuta & consuetudines tales etiam in Pontificio iure sublatæ sint & abrogatae, & experientia docuerit hac ipsa re factum esse, ut Collegia illa oiosorum & indoctorum hominum plena fierent.

Similiter Pastores etiam Ecclesiarum & administrari constituantur eiusmodi, qui docti sint, & ad uerbum docendum, & populo ut piè presint, apti sint & idonei. Et primario & cæteris Episcopis, qui Episcopale munus suum de mandato diuino administrant, & hoc ad ædificandum non ad destruendum funguntur, subiecti atque obedientiam præstare debebunt, cæteri uniuersi Ecclesiarum ministri, qui & à talibus Episcopis post productionem à Patronis factam, ordinari debent, illosq; Ecclesiarum ministros, ubi dereliquerint, in primis sacerdotes eos qui inhonestè uiuunt, aut falsam doctrinam usurpant, puniendi ius habeant Episcopi ordinato modo, nimirum ut à muneribus suis tales remoueant & tandem etiam ut excommunicent.

DE BAPTISMO.

Baptismus infantum cum Exorcismo, contradictionibus seu renunciatione, aduocatione & confessione Χριστοῦ, qui testes Baptismi sunt, & compatres uocari solent, una cum alijs pietatis Christianæ ueteribus cæremonijs usurpari debet, atque ita de hoc docendum.

DE

DE CONFIRMATIONE.

Confirmatio doceri & seruari debet, in primis ut ætas adultior ab Episcopo suo, aut quib. ille hoc munus delegauerit, audiatur de fide sua, & hanc profiteatur, & quæ anadochi pro hac cum baptisarentur ipsos ponderunt, & renunciationem factam Dia-
bolo, ut confirmet & quasi ratam faciat, atq; hoc modo per gratiam diuinam in fide confirmetur & stabiliatur, atq; simul manuum im-
positio & piæ preces atq; ceremoniæ usurpentur.

DE POENITENTIA.

POENITENTIA, Confessio & Absolutio, & quæ his sunt coniuncta diligenter doceri & in sacris concionibus exponi debent. Ad populum etiam ad confessionem apud Sacerdotes facien-
dam, & ab hoc ut Vicario Dei absolutionem ut accipiat, hortatio-
nes præstandæ, simul & ad preces, ieiunia & Eleemosynas hortando
instari deberet. Nec ad communicationem corporis & sanguinis Christi quisquam admittendus, qui non prius & confessus ad
sacerdotem fuerit, & absolutionem ab hoc acceperit.

DE SACRAMENTO Altaris.

SACRAMENTUM Corporis & Sanguinis Christi, sicut hactenus in
His terris fieri consueuit, de institutione Christi exhiberi & acci-
pi debet, & ut modo dictum est, nemo ad hoc admitti, nisi con-
fessione ad Sacerdotem facta, & absolutione ab hoc accepta.

Etiam de hoc simul diligenter populus doceri & institui de-
bet, hoc Sacramento unum nos fieri cum Christo, ut capite, &
membris corporis huius, ita, ut in ipso ab omne bonum educamur
& alamur.

Item ut in communione cum sanctis crescamus & augesca-
mus, Nam & Paulus dicit: Multi nostrum unus panis sumus &
unum corpus.

Moneri etiam & doceri populus debet, Qui hoc Sacramen-
tum indigne accipit, eum sibi iudicium manducare & bibere, eaq;
de causa ut à peccatis in uita desistatur, & ad ueram poenitentiam,
preces faciendas, eleemosynas, temperantiam & alia quæ ad uitam
Christianam pertinent, hortationibus apud hunc instandum, Nam

Z z ij qui

qui uitam accipere & conservare uult, eum causas mortis uitare oportet, & medico, qui ad omnem uirtutem & bonitatem nos inuitat, & horum exemplum à se nobis præbuit, parere, eumq; sequi.

DE VNCTIONE.

Quanquam in his terris unctio multis iam annis in usu non fuit, cum tamen in Marco & Iacobo scriptum legatur. A^e postolos hac usos, ut cum Iacobus scribit, Si quis inter uos ægrotauerit accersat ad se presbyteros Ecclæ & orent super eum, ungentes eum oleo in nomine Domini, & oratio fidei saluabit ægrotum, & alleuaribit eum Dominus &c. Ideo hanc unctionem post hac ita ut Apostoli hac usi fuere usurpare liceat, & super ægrotō pīæ preces siant, & sententiae consolatoriæ ex sacris literis pronuntientur. Et populus ad tales modum de re doceatur, ut qualis sit recte accipiatur, omnisq; superstitionis & sinistra acceptio auertatur atq; caueatur.

DE ORDINATIONE MINISTRO- rum Ecclesiæ.

Ecclætarum ministri in posterum à talibus Episcopis qui munere suo ita ut supra dictum est funguntur, ubi à Patronis producti fuerint, pījs Ceremonijs ordinari debent. Nec ad Ecclesiastica munera, quisquam admittendus, nisi a Patronis ut dictum est productus, & ab Episcopis admissus fuerit, ne quis contra quam decet, ad Ecclesiastica munera se ingerat, aut non legitimo modo in haec collocari se patiatur,

Episcopi etiam in posterum illas quæ ad speciem tantum ihabentur examinationes, quibus fit ut multi indocti & nequaquam donei homines ad animarum curam & Ecclesiastica munera, cum nocente conscientiarum grauatione admittantur, tolli curabunt & omnino Episcopi ipsi assumpta opera & consilio piorum & doctorum hominum, qui simul adhibeantur, ordinando in primis eos qui à patronis ad munera Ecclesiastica indicantur & producuntur, seuere & diligenter audiant atq; examinent, ut & doctrina, inge-
nio, uita & moribus iij esse explorentur qui apti sunt & idonei ad gregem domini uerbo Dei recte pascendum, & doctrina & exemplo ei præesse, & muneri suo satisfacere possint.

DE

DE MATRIMONIO.

Matrimonium in his terris de institutione Christi omnibus ordinibus permittendum.

DE MISSA.

Missæ deinceps in his regionibus ita celebrauntur, ut & æra increpantur, & Candelæ, Vasa, Cantiones, ornatus, & ceremoniæ adhibeantur.

Sacerdotes, & administrari horum, in ihs locis ubi ministros rum tantum est, ut hoc fieri possit, cum usitato Ecclesijs ornatu de center ad altare accedant.

Initio recitantes confiteor, postea accinantur.

Introitus.

Kyrie eleison.

Gloria in excelsis Deo, Et in terra &c

Dominus uobiscum.

Collecta.

Epistola latinè sicut & hactenus commemorata uniuersa, Epistola autem cum latinè cantata est, postea Germanicè quoq; populo prælegatur.

Graduale.

Alleluia.

Sequentia, aut qui tractus appellantur, pro ratione temporis & festorum.

Evangeliū latinè accinatur, & populo de libro Germanicè recitur.

Credo in unum Deum Patrem, & reliqua quæ Symbolum complectitur uniuersa eo modo quo in collegialibus Ecclesijs fieri solet.

In Parochijs ubi non sunt collegiales Ecclesiæ pro Graduali germanicè cantiones ueteres usurpari possunt, fierijs natalicijs. Ein Kindlein so lobelich. Paschalibus. Christ ist erstanden. Pentecostes. Nun bitten wir den heiligen Geist. Et loco Symboli Germanica Paraphrasis accini potest, Wir gleuben all an einen etc.

Concio Euangeliū.

Dominus uobiscum,

Oremus

Offertorium,

Præfatio.

Sanctus.

Consecratio, Et

Pater noster Germanicæ.

Agnus Dei.

Communio quæ Sacramentum prebeatur.

Communicatio seu perceptio.

Collecta.

Benedictio.

DE IMAGINIBVS.

IMAGINES & picturæ cruciatuum Christi, & Sanctorum etiam, in templis conseruari debent, & populus docendus commonefactiones illas tantum esse, & his rebus ne diuinus aliquis cultus tribuatur. Non etiam ad imagines & picturas Sanctorum superstitionis concursus fieri aut permitti debent.

DE CANTIONIBVS ECclesiasticis.

HOræ Canonicae, quæ Psalmos pios complectuntur in Collegialibus & Oppidorum templis ijs, in quibus ante hoc tempus in usu fuere, accinantur, de tempore, Dominica, & alijs festis celebribus.

Ita etiam ueteres usitatæ cantiones de tempore & Festis precipuis retineantur.

Cantiones in sepulturis & post has, si qui sunt qui experti sunt, usurpentur, ad memoriam mortuorum & promissæ nobis & certæ resurrectionis.

DE FERIIIS.

Feriarum Catalogus hic esto.

Dies Dominicæ.

Nativitatis Domini.

S. Stephani.

S. Iohannis Euangelistæ.

Circumcisionis Domini.

Epiphaniæ seu trium Regum.

Paschatis

Pascatis cum bido sequente,
Ascensionis Domini.
Pentecostes cum bido sequenti.
Corporis Christi.
Festa uirginis Mariae.
Apostolorum.
S.Iohannis Baptista.
S.Mariæ Magdalena.
S.Michaelis & alia quædam festa quibus ecclesiastice tandem feriae seruantur, concionando missam & communionem celebrando, qualia sunt:
Conuercionis Pauli.
Decollationis Iohannis.
Quarta
Quinta { dies in Hebdomade pascatis diem præcedente.
Sexta

DE CARNIVM ESV.

QVINTA & sexta die Hebdomados, in ieunio etiam Quas dragelimæ, à carnis abstineatur, & hæc ut politica constitutio ad mandatum Cæsareæ Maiestatis seruetur, n̄ tam ne obligentur quos necessitas excusat, quales sunt operari græves, peregrinatores, grauidæ, puerperæ, ægrotantes, ætas senilis & puerilis.

DE VITÆ ET MORIBVS MINISTRORVM Ecclesiæ.

Honestum & consultum existimatur, ut Pastores Ecclesiarum, & administrati, tām in cultu quam uita & moribus, sicut Sacerdotes decet & honeste se gerant, Atq; inter se ipsi assunta opera & consilio Episcoporum aut Consistoriorum & cōstituant, & quæ statuta fuerint præstari current, ut in cultu inter Ecclesiæ ministros & politicos ordines discerni, & sacerdotum ordini reuerentia debita, sicut par est, præstari possit. Et obseruare singuli Pastores suos Concionatores & Ecclesiæ ministros debent, Etiam ad doctrinam horum & uitam attendere, & si quid desiderauerint, Episcopo aut consistorio significare, à quibus quod à recto recedit, ut tollatur curari debet.

Hæc

Hæc ad hunc modum à Consiliariis perscripta
actionum vniuersarum notatio, seruat ordinem capitum
qui est in libro Cæsaris, etiam verba huius alicubi, quæ
res, Flacianæ infamacioni causam præbuit, ut de quibus
in his scribitur Lipſicum INTERIM cognomina-
ret, nam in Conuentu Lipsensi ut infra cognoscetur de his
ad regionum harum ordines relatum fuit. Sed hanc
omnem actionem ideo suscep tam diximus, ut ex Theolo-
gis disceretur in quibus & quantum concedi posset ad ex-
tremum, quorum sententia cognita, ex hac ad ordines
Conuentu habito referretur, ut, ubi ordines de Theolo-
gorum sententia constituisserent, responsio tandem ad Cæ-
farem expediretur. Itaq; ut ordine de singulis Cæsari &
explicatè responderetur, quid nostræ Ecclesiæ admittere,
quid non possent, seriem capitum in libro Cæsaris sequi
huius scripti autoribus libuit. Etsi autem ubi à supra ex-
positis Theologorum formulis recessum fuerit ante oculos
est, Tamen hoc etiam conclusionis scriptum à Theologis
cum his offerretur admissum, cum illis tamen singulorum
rituum declarationibus, quas ipsi præmisissent, à quibus
etiam suam non discrepare sententiam, Consiliarij volue-
runt sicut collatio ostendit. Ita tamen ut loco eorum quæ
de Iustificatione & bonis operibus perscripta fuissent, po-
neretur formula scripti eius, de quo hac in parte conue-
nisset in tractationibus Pegauiensibus. Etsi postea cum
in Conuentu Lipsensi de his decretis ad ordines conuo-
catis re-

catos referretur, & proœmiolum his nouum præpositum,
& conclusio peculiaris addita est, reliqua vniuersa quod
ad sententiam attinet, verba etiam eadem, vix quatuor
aut quinqꝫ mutatis, retenta sunt, de quibus ex actis Con-
uentus illius infrà cognoscetur. Quæ igitur à Theolo-
gis concessa sunt, ea in his Cellensibus actionibus compre-
henduntur vniuersa, neqꝫ enim præter hæc quicquam à
Theologis amplius deinceps vel postulatum vel concessum
fuit, sed de ijs quæ hac tenus perscripta sunt explicatio-
nes tantum editæ querentibus, non etiam nulla castiga-
tius & planius exposita in sequentibus deprehendentur.
Quæ verò à Flacio & Flacianis in his accusata,
notata, & calumnijs depravata fuerint,
de ijs infrà dicetur.

IVTERPOCENSIA.

Post Cellenses actiones eas, quas exposuimus Princ.
Elect. Mauricius Contentum indixit, qui Lipsiæ
haberetur, in quo de ijs quæ Cellæ Myforum deliberata
essent ad ordines referetur (vt statim iam post hæc Iu-
terpocensia exponatur) Ante cuius diem res & tempora
ita tulere, vt cun' vicino Electore Brandenburgensi con-
ferre de quib[us]dam necesse haberet, Itaqꝫ conuenerunt
Iuterpoci ambo Electores 16. Decembris, Sed Prin-
ceps Elector Maur. euocauit ad se eodem Principem

A a a

Georg.

Georg. Anhaltinum, &c. ex Academia autem nostra
D. Philippum Melanthonem, Ex Lipsia D. Pfeffin-
gerum & Ioach. Camerarium, & præter hos Superinten-
dentem Dresdensem Daniellem Gresserum. Ibi cum ambo
Principes cum Episcopo Neuburgensi & Consiliariis pe-
culiariter & soli inter se consultassent neq; quisquam ex
Theologis ad villas in eo Conuentu Principum deliberatio-
ens adhiberetur: Postea à Principe Anhaltino & ijs quos
nominauimus, de Canone quæsitum est, qualis hic esset,
& an ita corrigi posset ut tolerabilis aliquis usus huius
fieret. Quid meminissent autem qui istuc euocati fuerant,
in Cellensibus tractationibus promissose se de Canone &
Chrismate, si id postularetur explicationem copiosiorem.
Ideo quod de Canone tum quæsitum iri existimarent,
ad eam rem se præparabant, & de Canone rationes suas
scripto comprehendebant, cumq; interrogati de emenda-
tione huius, ut diximus non posse aliquam suscipi dice-
rent, & de hoc se rationes suas copiosius explicaturos re-
ciperent, nihil postea de hoc aut alia re villa ad Theolo-
gos actum, tum quidem, amplius. Ut cognoscatur tamen
quæ nostrorum de Canone ratione fuerint, scriptum
quod in illo Conuentu à Theologis
ad hunc usum compositum fuit,
subiecimus.

REFV-

*REFUTATIO ET EXPLICATIO
Sophismatum recentiorum, quibus priuatarum Mis-
sarum & Canonis blasphemiae idolatricaæ
pinguntur.*

Ingens multitudo sacerdotum in toto orbe Christiano omnibus ferè seculis ueteribus & recentibus Ceremonias missæ seruauit, neç cogitans neç intelligens quid ageret, sed propter consuetudinem illa præscripta fecit, sicut pueri recitant dictata, sicut in suis sacrificijs fecerunt Sacerdotes, Leuitici & Ethnici. Cumq; talis plerunq; sit & fuerit & futura sit multitudo, facile intelligi potest sœpè magnam multitudinem in loco ordinario in Ecclesia magnis erroribus & peccatis pollutam esse. Nec excusanda est multitudo prætextu huius dicti. Ecclesia non errat. Aliquid uero docti sed tamen superstitioni missam cogitarunt esse sacrificium pro peccato, mereri facienti & alijs remissionem. Et sic multi docuerunt & cumularunt errores. Extant enim libri præcipiuorum scriptorum Thomæ Scoti & aliorum, qui testantur hanc fuisse doctrinam ordinariam temporum multorum, immò sic multæ precatioes & Canonis uerba loquuntur. Tantæ tenebrae cum essent, & multi tamen uenstris & quæstus causa sacrificarent, mota mentione abusuum Ecclesiasticorum etiam de hac profanatione Coræ dici necesse fuit, præsertim cum extet manifesta comminatio, Qui indignè sumit, reus erit corporis & sanguinis Domini.

Primum igitur Ethnica inscita & negligentia taxata est maxime multitudinis, quæ nec curat, nec scit, nec cogitat quid agat. Quid est enim indignius quam adferre tantam negligentiam ad illud mirandum opus, quod soluit Filius Dei pignus esse suæ præsentiae & suorum beneficiorum.

Deinde euidenter ostensum est, hoc opus non esse sacrificium pro peccato, hoc est, non mereri remissionem peccatorum facienti aut alijs. Quia tale sacrificium est unicum, obedientia filij Dei in passione sua tota & morte, sicut scriptum est: Vnica oblatione consummauit Santos.

Hæc sententia adeò euidenter uera est, ut omnes non profani & mediocriter instituti assentiantur. Et liber Augustanus mani estè hanc sententiam recipit. Quare fatendum est latè

grassari posse errores in Ecclesia , cùm hæc persuasio quæ uelut Idolum est, cām diu in magna parte hominum hæserit.

Sed non satis fuit abusus taxare, addi doctrinam & de uero usu necesse fuit.

Et hanc fideliter addidimus, secuti sumus narrationes in Euangelijs & antiquæ Ecclesiæ consuetudinem. Manifestum est institutam esse distributionem & sumptionem, & cum sumptio sit sacramentum, necessariò facienda est ad hunc finem principaliter, sicut de sacramentorum usu in adultis uniuersaliter sentit Ecclesia.

Mens sumentis intuens in hanc sumptionem moueatur, ut credat se recipi propter filium Dei & membrum fieri Filij Dei , quia hoc testimonio ostendit filius Dei nos sibi adiungi tanquam membra & nos ablui suo sanguine.

Non meretur tunc sumptio remissionem, nec prodest ipsa sumptio sine fide, & ut loquuntur ex opere operato. Sed multò antè sacrificium factum est ab ipso filio Dei, quod merebatur remissionem . Nunc testimonium exhibet in hoc ritu sicut & in uoce Euangelij aut in absolutione, quod credens recipi propter sacrificium ante à filio Dei factum uerè recipiari & uerè sis membrum. Et hanc sumptionem uult crebro fieri, ut sàpè commonescat firmius statuamus nos esse membra filij Dei.

Hoc modo sit applicatio promissionum propria fide, & consolatio est piæ menti gratissima, in qua consolatione simul Spiritus sanctus in corde est efficax, & accedit nos ut firmius statuamus nos exaudiri & ardenter inuocemus, &c.

Quod autem ad hunc finem principaliter instituta sit sumptio, manifestum est ex uerbis quæ iubent sumere, & simul admoment nos de remissione peccatorum, & nobis exhiberi seu applicari beneficia filij Dei testantur, hic est Sanguis noui Testamenti, qui pro uobis effunditur. In testamento nobis exhibentur bona. Et quidem institutio pariter pro tota Ecclesia facta est. Idem fructus est ministri sumentis & aliorum.

Accedunt autem ad hunc principalem finem aliij, Inuocatio, Gratiarum actio, Confessio. Nam hoc facto in publico coetu ostendis te esse socium huius Ecclesiæ, approbare hanc doctrinam, & eundem Deum inuocare. Ipsi etiam sumentes intelligent foedus inter se fieri & se obligari ad mutuam dilectionem, quia sunt eiusdem corporis membra.

Concur*

Concurrunt ergo hæc opera omnia, concio de beneficj̄ filij Dei, Consecratio continens recitationem uerborum Euangelij, quibus Coena instituitur, distributio & sumptio corporis & sanguinis Domini, Inuocatio seu oratio ad Deum, petens remissionem propter sacrificium proprium filij Dei, Fides applicans, Gratiarum actio in qua mens læta & accedens ad Deum inuocat eum, subiicit se ei, & celebrat eum uoce, confessione & moribus. Hoc modo de piè su-
mentib. loquitur Cipri. Pietas inter data & condonata se diuidens grātias agit, tām uberis beneficj̄ largitor. Id est, pietas intuetur data & condonata hoc est, confert inter se magnitudinem beneficiorum Dei, & magnitudinem nostrorum malorum mortis & peccati, & agit gratias.

Hæc opera omnia collectiuē uocat antiquitas sacrificium seu oblationem. Et quidem non intelligunt sacrificium pro peccato, sed ut nunc aliqui loquuntur, sacrificium commemorationis seu sacrificium laudis. Id est opus, in quo Deo tribuimus honorem propriū diuinitati, quo testamur, hunc esse Deum, quem sic colimus. Nam hæc est uera definitio sacrificij in genere. Et quanquam Scriptores ueteres saepe impropre loquuntur, tamen constat eos plae-
runq; totam actionem nominare sacrificium.

Ita monstratus est uerus usus coenæ Domini, & in concios-
nibus doctrina de uero usu Sacramenti & de sacrificio saepè repeti-
tur, ut auditores non solum intelligent, quid ibi agendum sit, sed
etiam rectè & piè utantur Sacramento. Id est, perant ibi consolati-
onem in uera poenitentia, & sibi applicent fide beneficia Christi, ac
simil sacrifcent, hoc est, inuocent & agant gratias.

Horum operum sacerdos est inchoator Ηγή Εξαρχος, Nomine uniuersæ Ecclesiæ agit gratias Deo, quod miserit filium & mirandum decretum de redemptione patefecerit &c. Postea & bo-
na petit propter filium nomine Ecclesiæ. Et populus audiens hanc publicam gratiarum actionem & petitionem adiungit sua uota. Hæc fiunt conuenientius, quam in latino aut Græco Canone, ubi præcipua pars precum consumitur in hac impia & Blasphema pe-
titione, ut minister dignè offerat. Imo petitur etiam ut hæc oblatio sit accepta quasi sacerdos petat pro filio Dei. Item multa miscen-
tur de sacrificio pro peccato. Item uix tenuiter aguntur gratiae pro
principali beneficio scilicet quod miserit filium. Et profecto Ca-
nones illi satis confusas & ieiunas recitationes continent, ut postea dicitur.

Cum igitur in nostris Ecclesijs omnia fiant in coena domini uera reverentia quæ sunt expressa in uerbis Euangelij, & quæ sunt de substantia Sacramenti & sacrificij, nec taxanda est consuetudo nostra nec debet mutari.

Sed hæc quæ hactenus recensuimus nequaquam satisfacunt aduersarijs, qui clamant nos horribili impietate mutilare diuinum ritum. Principalem partem operis omitti dicunt, πάρεγγον inquit facitis, ἐγγόν omittiis.

Tollitis ex Ecclesia Dei iuge sacrificium, de populi communione loquimini non de proprio sacerdotis opere, quod quidem est principalius, uidelicet, quod sacerdos dicit offerimus pro alijs. Hæc oblationem in qua applicari alijs merita filij Dei per sacerdotis opus dicunt, adeo necessariam esse Ecclesiae contendunt, ut sine ea negent populo prodesse Passionem Christi.

Ecli autem duæ quæstiones sunt, altera de oblatione simpli- citer, offerimus tibi filium: altera de applicatione: tamen hæc pos- terior de applicatione, nunc præcipuus est controuersiæ status, quia querunt sacrificium alijs profuturum seu applicandum. Et Canon dicit offerimus pro alijs.

Olim docuerunt Missam mereri remissionem alijs etiam nihil agentibus. Id cum nimis absurdum sit, detrahunt Missæ hanc personam, & induunt aliam priori uicinam. Sed quæ minus ag- nosci potest. Fit igitur hæc disputatio obscurior. Sed teneant pñ firma & perspicua fundamenta hæc.

Vnica oblatione filius Dei consummavit sanctos, Et ea ob- latio applicatur singulis propria fide & usu sacramentorum.

Hæc manifesta sunt, Iam si addunt. Sed non prodest Chri- sti sacrificium, nisi applicet sacerdos hac oblatione. Quid hoc aliud est, quam præter illud Christi sacrificium & hæc sacrificia sacerdo- tum necessaria esse nec una oblatione sanctificari electos.

Secundo sumptio singulorum instituta est, ut fide sua quisque sibi applicet. Non igitur applicat sacerdotis oblatio. Quid est enim propria sumptione opus, si applicatio fit alieno operi?

Tertio nihil addendum est uel detrahendum testamento filij Dei. Nulla sit autem mentio uel oblationis uel applicationis in ipso testamento ac potius contrarium præcipitur. Quia ita uult nos membra fieri cum ipsis sumimus. Non est igitur principalis pars huius ritus hæc applicatio, quam in oblatione fieri dicunt. Nam dicere

dicere principalem partem non esse institutam expresso uerbo & tam
men de παρέγγελτο tradi expressum uerbum, quanta erit absurditas.
Retineamus igitur quod institutum est, fiat applicatio, sed propria
fide & propria sumptione ut ratio Sacramentorum docet. Remoue-
atur opinio, sacrificium filij Dei inane esse, nisi simul accedant sacri-
ficia sacerdotum. Ne quidem Leuitica sacrificia hac opinione fa-
cienda erant, Sed erant, ut postea dicam, signa docentia bonos &
malos. Interea prius commonefacti his signis, applicabant sibi pro-
missiones propria fide & utebantur his spectaculis tanquam Sa-
cramentis.

Quarto certissimum est in nouo testamento, nullam cere-
moniam esse sacrificium, ut uulgo loquuntur ex opere operato.
Nam expressè dictum est. Veri adoratores adorabunt patrem in
Spiritū & ueritate. Ac ne quidem Leuitica Sacrificia uerē erant Sa-
crificia tantum ex opere operato. Et tamen cur fieri oportuerit à
bonis & malis postea dicitur. Non igitur ceremonia oblationis
sacrificium est. Quare nec applicat alijs merita Christi. Nec ueteres
scriptores, Ireneus & Augustinus cum oblationem nominant, de
applicatione eam intelligunt. Imo & Canon Græcus non appli-
cationem, Sed gratiarum actionem intelligit, cum oblationis men-
tionem facit.

Et considera quid sequatur, Si opus sacerdotis applicat.
Distrahitur fiducia in hæc duo in oblationem à filio Dei factam &
in sacerdotis sacrificium.

Nunc argumenta consideremus quæ uidentur nobis ad-
uersari.

Omnibus æstatibus inde usq; ab Abel fuit sacerdotium cer-
tum & eius sacerdotij certum sacrificium. Sint igitur & nunc certum
Sacerdotium & certum Sacrificium.

Etsi scimus discerni hic tempora, tamen seposita paulisper
hac explicacione quid fuerint Typi, Respondemus, Verum esse to-
tum argumentum dextre intellectū. Est enim unicum sacerdotium
perpetuum, & sunt in eo sacrificia uera, non typica, unius modi,
& Sacramentorum usus similis, etiam si picturæ in ipsis Sacramen-
tis differunt. Summus Sacerdos semper est filius Dei, Cæteri sa-
cerdotes quolibet tempore sunt doctores Euangelij & custodes ce-
remoniarum, ut singulis temporibus ordinatae sunt & uera Sacrifi-
cia offerunt cum Ecclesia, Inuocationem, Fidem, Gratiarum actio-
nem, Dilectionem, Confessionem & omnes uirtutes. Hæc conue-
niunt

nunt omnibus æstatibus. Sed quælibet ætas uideat quomodo & ad quem finem Ceremoniæ institutæ sunt.

Ceremoniæ Leuiticæ quia Deus politiam illam uoluit discerni ab alijs gentibus, Seruandæ erant à bonis & malis. Erant enim res politicæ eti typi & signa erant docendi causa & propter professionem instituta. Nec erant meritum aut applicatio beneficiorum Messiae per se, Sed quia in eo populo erat cura Ecclesiæ Dei, pñ commonefacti illis spectaculis fide sibi promissa beneficia Messiae applicabant. Ita isti ceremonijs utebantur ut nos sacramentis, i.e. promissionū testimonij, quæ exuscitare fidem debent.

Nostræ uero Ceremoniæ non sunt à bonis & à malis facienda, Sed uidendum quomodo sint ordinatae. Coenam legimus institutam esse, in qua fide propria & sumptione singuli sibi applicare beneficia filij Dei debent. Non legimus institutam applicationem alieno opere faciendam. Et ut dixi ne quidem Leuiticæ ceremoniæ erant meritum aut applicatio beneficij Messiae per se.

Et sciunt omnes recte instituti in doctrina Ecclesiæ prudenter de ceremonijs iudicandum esse, ne depraventur fallis opinionibus. Et κακοζηλιαι ceremoniarum Moysi multos deceperunt.

De Historia Melchisedeck respondemus etiam si conuiuum illud typus esset coenæ domini, tamen inde non sequi in hoc ritu meritum, aut hic applicationem seu oblationem pro alijs fieri oportere, Sed prior est imago distributioni seu sumptioni, præsertim cum in textu non sit uerbum offerendi, Sed protulit seu proposuit panem & uinum uti conuiuio.

Arbitramur & alios typos ad hanc sacratissimam coenam accommodari posse, ut adest Filius Dei in cœna Abrahæ, ita huic coenæ adest, & quidem nos efficit membra sua. Notum est autem prudenter faciendas esse tales accommodationes, ne quid ex typo extruatur quod sit alienum à re significata.

Erat Melchisedech uerus Ecclesiæ Dei pastor, & ueros cultus intelligebat, qui etiam si aliquo ritu gratias agebat, tamen id opus sciebat non mereri alijs remissionem, nec esse applicationem pro alijs, Sed esse gratiarum actionem & confessionem, qua ipse declarabat se eundem uerum Deum inuocare & colere quem inuocabat & colebat Abraham. Hi fines in sacrificijs, Inuocatio fidei ardens, Gratiarum actio, Confessio ueruth Deum monstrans aspiciantur, Et aggregatio ad Ecclesiam.

Remouetur

Remoueatur opinio gestum esse meritum, aut applicationem pro alijs. Sed fide sibi quisq; applicet promissiones. Dolendum est autem in mentione sacerdotij Melchisedek de pane & uino tam multa dici, omitti uero principale officium Sacerdotij, quod in textu recensetur, & in Epistola ad Ebraeos illustratur, uidelicet benedictionem. Ideo filius Dei est Sacerdos secundum ordinem Melchisedek, non secundum ordinem Leui, quia benedicit, sonat uocem reconciliationis diuinæ, & reddit iusticiam & uitam. Et in sacerdotio noui Testamenti hæc benedictio annunciatur & distribuitur, & summus Sacerdos ipse est efficax. Semper aliquem coetum sua potentia seruat & colligit, & in hoc coetu tueritur ministerium Euangeli, reddit iusticiam & uitam æternam ihesu, qui conuertuntur ad Deum, & ab his uult agnoscere & inuocari, uult fide accipi hæc beneficia. Harum maximarum rerum doctrina uel omittitur uel corrumptitur, cum laudes Ceremoniæ & typi cumulantur, sine doctrina de uero usu Sacramenti.

De Malachia cauillationem Sidonij mirati sumus, qui ait, Non posse dictum Malachiæ de sacrificijs cordis intelligi, quia tunc quoq; in omnibus gentibus offerebantur, sed de noua Ceremonia nondum nota gentib. Hoc Sophisma indignum est huius causæ magnitudine. Loquitur Malachias de Ecclesia colligenda ex gentib, ut loqui solent Prophetæ de futura gentium uocatione, & complectitur uocem Euangeli, ueram inuocationem & alios cultus. Hinc non potest effici oblationem in hoc ritu pro alijs applicandam esse.

In primis uero plausibile est, quod de iuge sacrificio obiectum. Fuit iuge Sacrificium in lege, ut esset quotidiani ministerij neruus. Sit igitur nunc quoq; tale Sacrificium. Respondemus. Non dubium esse, quia iuge sacrificio uerè & principaliter significetur proprium filij Dei sacrificium, Agnus crematus typus fuit mortis Filij Dei, Liba & uini effusio typus erant Euangeli & distributionis. Et uerum est in Ecclesia omnium temporum unicum esse iuge sacrificium, quod uerè fuit precium pro nobis, scilicet sacrificium proprium filij Dei, quod significatur sacrificijs quorumcunq; temporum. Nec tamen displicet nobis typum accommodare, & ad hanc totam actionem in coena Domini. Nam & ritus ipse est neruus publici ministerij, & oportet ibi fieri recordationem, hoc est, doceri Ecclesiam, & fieri ueram inuocationem & gratiarum actionem, confessionem. Et sit applicatio propria cuiuscq; fide & sumptione, Hæc omnia

B b b

sint

sint sane iuge sacrificium in Ecclesia, sed ita, ne proprium sacrificium filij Dei obsecuretur. Nec nos abolemus hoc iuge sacrificium, Sed il- lustramus & retinemus, Aduersarij uero & corruerunt antea & nunc abolent, Primum quia doctrinam de fide deleuerunt & de- lent, multas falsas & Pharisaicas opiniones in Ecclesiam inuixerunt & adhuc stabiliunt, defendunt quædam manifesta Idola, Sacrificium uero quæstus causa, & coenam Domini ad mortuos transferunt. Nunc etiam palam uaftitatem in Ecclesijs nostris faciunt, expellunt Pastores, ut iam in multis locis prorsus sit silentium in templis, & nullæ sint ceremoniæ. Hanc uaftationem res ipsa ostendit, simi- lem esse barbaricæ uaftationi, quam in templo Ierosolymorum fe- cit Antiochus.

Reliquum est ut dicamus de oblatione, uidelicet de hac pro- positione : Offerimus tibi Filium, uel ut nunc loquuntur, Sistimus tibi Filium. Nondum audiuiimus quomodo hanc Phrasin interpre- tentur. Sed si remota applicatione, sic intelligunt, offerimus tibi Fi- lium, id est, oramus te æterne Pater, propter Filium, non accusentur nostræ Ecclesiæ, quia & nos in hac tota actione mediatorem & Pontificem nostrum stantem coram Patre & pro nobis depreca- tem inuocamus & celebramus, & quidem his uerbis utimur, Ora- mus æternum Patrem, ut propter Filium quem Mediatorem consti- tuit, nos recipiat. Oramus te Filii Dei Domine Iesu Christe, qui es $\Delta\circ\gamma\Theta$ & imago æterni Patris, & natus es ex Maria uirgine, ac se- des ad dexteram æterni patris, & Mediator constitutus es, miserere nostri, & intercede pro nobis apud æternum Patrem tuum, & san- ctifica nos Spíritu sancto tuo, &c.

Definitio igitur querenda est in hac Phrasin, Offerimus tibi Fi- lium. Nam Ecclesia nequaquam offert eum, sicut ipse sese obtulit, ut Epistola ad Ebr̄eos loquitur, Filius seipsum obtulit Patri, ingre- diens in sancta sanctorum. Nouit Filius peccatum Patris, scit iram ad- uersus peccatum, scit mirandum decretum de reconciliacione & cau- fas intelligit. Hæc coram uidere est ingredi in sancta sanctorum, Deinde & in sese deriuat iram æterni Patris, & se subiicit eius uolun- tati, ut iusticiae diuinæ satisfiat. Hæc subiectio est sese offerre, ut in Psalmo scriptum est : In Capite libri scriptum est de me, ut faciam uoluntatem tuam, Ipsijs igitur Filij proprium fuit, sese in passione offerre. Nos tantum fiducia huius uitimæ petimus, ut propter eam recipiamur & exaudiamur.

Eodem

Eodem modo de uerbo sistendi dicimus. Filius Dei solus ingreditur in sancta sanctorum, id est, uidet arcanum consilium Patris, cum hoc deliberat Pater, hunc audit deprecantem. Nec ulla creatura adducit eum ad Patrem, Quare illi qui nunc dicunt, Se Filium Dei sistere coram Patre, quid uelint dicere interpretentur.

Græcus Canon uerecundior fuit, qui correctionem addit. Tu es προσφέρων καὶ προσφερόμενος, quasi dicat: Tu æ Maiestatis est ingredi in sancta sanctorum. Tu cernis uoluntatem æterni Patris, & es suminus Sacerdos & deprecator pro nobis in illo arcane consilio.

Præterea qui dicunt oblationem, non quidem mereri remissionem peccatorum, sed alia multa bona, Rursus faciunt Missam ualde uendibilem, Et non rectè transferunt eam à fine proprio ad alienos. Si quis diceret Baptismum ualere ad Lepram tollendam, Id prauaret Baptismum mutato fine. Ita huius actionis proprius finis est commonefacere nos de Testamento Filij Dei, & de promissione Euangeli propria, & de remissione peccatorum, ut fide erecti firmius statuamus nos recipi, fieri membra, ablui sanguine Filij Dei, inuocemus & agamus gratias Deo. Nec ad singendi sunt alijs fines, quod hoc opus sit meritum profuturū in mercatu aut nauigatione.

Retinemus igitur uerum Sacramenti usum, & ueros fines, & applicationem faciendam esse propria fide & sumptione docemus. Et accedit sacrificij ratio, ut dictum est, quia hic fit inuocatio, gratiarum actio, confessio. Et sic sensisse ueteres eruditiores adparet, qui alias ut de Sacramento, alias ut de sacrificio loquuntur. Verba in Canone Graeco & Latino de sumptione, loquuntur de hac actione, ut de Sacramento, deinde de gratiarum actione, ut de sacrificio.

Synodus Nicena, ut de Sacramento loquitur. Ait enim nobis esse testimonium resurrectionis, quia efficiamur membra resuscitati Filij Dei. Eodem modo loquitur Irenæus. Et Epiphanius: Virtus in pane est ad uiuificationem per fidem & spem.

Hæc describunt usum qui proprius est Sacramenti, Alibi uero ut de sacrificio dicitur, ut Augustinus. In ueteribus figuratio fuit. In hoc sacrificio gratiarum actio & commemoratio est. Ac manifestissimum est ueteres eruditiores non hoc uoluisse, mereri hunc ritum alijs remissionem, aut opus ipsum applicationem esse pro alijs, nec prodesse sacrificium proprium filij Dei, sine hoc opere Sacerdotis. Et hoc opus sacerdotis fieri oportere & necessarium

esse Ecclesiæ, etiam si nulli ad sint communicantes & crebrò iterantur
dū esse, ut multa bona mereatur Ecclesiæ. Etsi credibile est sic multos
semper sensisse, ut semper falsæ persuasions de Ceremonijs etiam in
Ecclesia in multis haerent, tamen pios & eruditos rectè intellexisse
usum Sacramenti adparet, & Sacrificium intellexisse gratiarum actionem, ut & Canō Græcus inquit, offerimus hanc λογικὴν λατεῖαν
pro Prophetis, A postolis &c. Ac profecto optaremus in hac
controversia audiri suffragationem eruditæ antiquitatis, non recentis
tum, qui persuasions à populo acceptas quoquo modo recitant.

Quod igitur aliqui dicunt, se consensum Catholicæ Ecclesiæ
nobis opponere. His respondemus, nos nequaquam dissentire ab
eruditioribus patribus, & retinere in Ecclesijs ea, quæ ad substantiam
huius ritus pertinent. Sed accesserunt persuasions aliae populi,
quæ postea uel superstitione, uel propter quæstum cumulatae sunt.

Hic etsi magna multitudo eas mordicus retinet, tamen non
sunt Catholicus consensus. Adebat Filius Dei operi quod instituit,
Videlicet, ut fiat distributio. De alijs operibus & quidem diuersis
quid dici poterit, uidelicet, Si cultus instituantur humano consilio.
Haec modestè recitauimus, non ut certamina augeamus, sed ut Ecclesijs
tot regionum consolemur, & excusemus & ostendamus nos re-
tinere integrum ritum & ueram doctrinam de usu, ne turbetur ea-
rum inuocatio, sed ut bona conscientia piè utantur Sacramento, &
fide non trepidante inuocent Deum, & agant gratias. Et fundamen-
ta manifesta & firma sunt: unica oblatione consummati sunt sancti.
Item in novo Testamento certissimum est, nullam ceremoniam seu
gestum, sacrificium esse solo gestu, seu ut uulgo loquuntur, ex opere
operator, sed uera inuocatio & gratiarum actio Ecclesiæ in ipso ritu
sit sacrificium Deo gratum. Hoc cum ita seruetur in Ecclesijs nostris,
oramus ne turbentur.

De Canone constat duas partes in eo præcipue reprehendi
quæ Canonis propriæ sunt.

Primum hanc, quod toties petit, ut Deus recipiat hanc ob-
lationem & quasi precatur pro filio Dei, imò orat perferri ab An-
geliis ad Deum hanc suam oblationem.

Deinde inquit: Offerimus pro alijs. Hæc est illa applicatio
quæ taxatur, Imò & meritum confirmat. Vult esse sacrificium pro
peccato, Nam his uerbis utitur pro redemptione animarum.
Item sit sacrificium propiciabile, Recipere igitur Canonem est con-
firmare

firmare opiniones de sacrificio pro peccato, uel certè illum cultum, in quo existimatur tale opus ad applicatio esse.

Quod uero dicitur haec lenienda esse interpretatione, & extare concinnam interpretationem, hic dicimus, In illo tam graui colloquio cum Deo, non turbandam esse inuocationem Sophisticis sermonibus.

In dubijs & figuratis interpretatio adhibenda est. Sed proprie & perspicue dicta aliter interpretari, est simile protestationi pugnanti cum facto, & est seipsum accusare, aut probare contradictoria.

Præterea mollior illa interpretatio quo usq; procedit, etsi fatetur hoc opus non mereri remissionem peccatorum, tamen alia absurdia retinet.

CONVENTVS LIPSENSIS SECUNDVS HABITVS MENSE DECEMBERI ANNO M. D. XLVIII.

1548

DE quo actum & deliberatum iam per semestre fuisse haetenus descripta docent: à Conuentu nimirum Misnensi usq; ad hoc tempus, ut constitueretur de responsione ad Cæsarem de libro INTERIM, id hoc primum Conuentu Lipsensi, qui tertius hac de re institutus fuit, perfectum est, Cum neq; tempus, neq; vlla rationes alleuationem aut mitigationem afferrent, aut harum consultationum necessitatem auerterent, frustra co[n]nante Principe Electore Mauricio, & suscipiente omnia quæ à pietate Christiana & humana sapientia ad consulendum tam difficilibus rebus suscipi possent. Fuerunt

B b b iij ad

ad hunc conuocati ordines vniuersi, etiam Episcopi ha-
rum regionum, Misniensis & Neupurgensis. Ex Theo-
logis autem ij, qui Interpoci conuenerant, vna cum Prin-
cipe Georgio Anhaltino, &c. Et quia indictus Con-
uentus erat ad 22. diem Decembris, pleriq; recta Inter-
poco Lipsiam proficisebantur, Ibi cum sollicitis animis
de communibus rebus religione, patria, publica ac priua-
ta salute, in tanta difficultate temporum & negotiorum,
ea tum fierent atq; agerentur communibus consilijs à
Principe & conuocatis, quæ nunc deinceps describentur,
Flacius in illis miserijs publicis, cum adhuc beneficio
Principis & Academiæ nostræ & publicis bonis harum
terrarum vniuersis vna nobiscum frueretur (degebat
enim adhuc in Collegio hic nostro) Tum igitur Flacius
per complices & emissarios suos hoc egit, ut has terras
& Principem harum, & Collegas & Praeceptores suos
Cainica impudentia & impietate afflictiores & miseri-
ores redderet, & Ecclesias trepidantes conuelleret atq;
dissiparet. Itaq; vt pasceret se & saginaret calamitatibus
publicis, συμφοραὶ γὰς ἐθνῶρ ἐνωχία φαύλωρ δαιμόνων, & ea
fecit quæ nota sunt, & postea quedam ex aëtis huins
Conuentus alieno tempore, & de rebus alienis, neg. ad
ipsum aut alios exterios quicquam pertinentia, typis expri-
menda curauit, eo studio eoq; consilio, quo res docet &
ipse probat quotidie. Que Flacius igitur & Flaciani de
his rebus suspiciofissimè & calumniosissimè & scurilitate
profana

*profana scripsérunt, ea cum nostris his editionibus con-
ferantur, quibus quæ à Theologis acta fuerint optima
cum fide & plenè, ac planè describuntur vniuersa.*

*Cum de Theologorum rationibus ad ordines in
Torgensi Conuentu referri non posset, ijs de causis quas
suprà exposuimus, & Cellæ primum perscripta illa capi-
ta fuerint, de quibus ex sententia horum ab ordinibus
deliberaretur, In hoc Conuentu Lipsensi id præstitum est,
de quo Torgæ ordinibus significatum fuit, vt de Theolo-
gorum rationibus ad hos referretur.*

*Primum igitur repetita fuit Torgensis ad ordines
Principis relatio & ijsdem prorsus verbis proposita,
quam, vt post tam longum interuallum, & quasi in epilo-
go huius partis, in memoriam reuocentur Principis Mau-
ricij actiones & consilia, hoc loco integrum ex superiori-
bus expositionibus nostris transscribendam curauimus,
cum etiam propter Flacianas calumnias διαθέσθαι τὰς,
quibus in primis huius Conuentus actiones obruuntur, ta-
lia hoc loco utiliter repeti iudicaremus. Relatum igitur
sic fuit:*

NOs Princeps Elector, nuper aliquot ex uobis ad secundam
diem Mensis Iulij in urbem nostram Misenam literis con-
uocauimus, ijsq; significauimus, quid Cæsaris, nostrum
omnium benignissimi domini, Maiestas nobis imposuerit, de
quo uobiscum ageremus. Illi uero cum hanc sibi potestatem su-
mire noluerint, ut uestrorum uniuersorum nomine aliquid statu-
erent, causa nobis allata est, ut & huc uos literis conuocaremus, &
uobis uniuersis illud ipsum proponeremus, quod tum illis Misenæ
conuocatis de scripto recitatum fuit, hoc modo scilicet.

Non

Non potuimus facere, quin uos præcipuos quosdam in nostris regionibus & ætate grauissimos ad nos accersemus, ad rationes uestras, de ijs quæ subiecimus cognoscendum. Neç dubitamus plerosq; uestrum memoria tenere, quod negocium sanctæ & Christianæ religionis nostræ ante hæc tempora, adhibito consilio præcipiorum in regionibus nostris egerimus, de nobis etiam minimus, quod uobis & cæteris nostris submissè petentibus, de nobis significauerimus & benignè receperimus, facturos nos, ut in nostra Christiana religione permanere uobis liceret, neç ab hac ut per uim depelleremini. Quod & Imperatoris, nostrum omnium benignissimi domini, Cælarea Maiestas erga nos & uos de sua sententia similiter benignissimè declarauit. Nimirum quod nihil magis cuperet, quā ut disidia & cōtrouersiæ in religione pacificis & amicis tractationib; uel aliás ijs modis & eo ordine, quo decet, et fieri fas est piè cōponeretur, & ad Christianū cōsensum & cōcordiā res promoveretur & reduceretur, in qua benigna uoluntate & sententia adhuc permaneret. Et quanç amicis tractationibus, ab ipsa nihil haētenus esset perfectum, tamen uoluntatem aut consilium ipsius nunquam fuisse, neç nunc esse, ut Christianam religionem & uerbum Dei, (sicut aliqui de nullorum argumentorum fundamentis ipsum insimularent, & obtrectando publicè spargerent) gladio seu armis desleret, Sed quòd constituisset dijivationem & disceptationem cōtrouersiarum in religione, pro eo ut in consilio Imperij decretum esset, Oecumenico & Christiano concilio permettere, in quo ante omnia gloria Dei queratur, & rei Christianæ in meliorem statum pia redactio, quemadmodum & in Augustana confessione similiiter ad consilium prouocatio fiat. Sicut hæc in Imperatoris ipsius scriptis ad nos & uos missis continentur, quorum Imperator & rex benignissimè meminerunt. Postquam autem de concilio negotium ita se dedit, ut non omnino procedat, neç si maximè procederet, tam celeriter peragi possit, hac de causa inclytæ mentionis Imperator ad ordines sacri Imperij de consultis quibusdam seu constitutione certa referri curauit, quid Interim usq; ad Oecumenici & Christiani conciliij dijivationem de religione fieri debeat, & postulauit, ut pontificij in sua religione permanerent, & qui nostræ religionis professione sint coniuncti, ij uel suam ad pontificiorum conforment, uel constitutionem propositam usq; ad generale consilium seruare uelint, quæ omnia copiosius in scripta Imperatoris relatione exponuntur.

Ad hæc

Ad hæc significauimus Imperatori, quid nostrarum regionum ordinibus promissemus, ipsum etiam admonuimus eorum, que illis ipsis ordinibus nostris, & ad nos scripsisset.

Sed perrexit Imperator postulare à nobis, ne illam Cæsaream constitutionem de intericto tempore recipere recusaremus, considerantes quod reliquì Electores & príncipes, qui eandem nobiscum religionem profiterentur, pleriqù eam recepissent, & ne quid causationum afferre, aut impedimentorum commouere uellemus.

Nos uero perstitimus in eo, nos loco & nomine regionum nostrarum ordinum nihil in nos recipere, neç contra publicè editas promissiones nostras & typis expressas, quicquam facere posse. Et hoc toties ad Cæsaream & Regiam quoç Maiestatem, atç alios qui hac de re nobiscum egerunt, repetiuimus, ut tandem nobis Imperator hoc imposuerit & mandarit, ut cum subditis nostris agere, & operam dare uellemus, quo præscripto eorum, quæ & à Cæsarea Maiestate ipsius, & communì ordinum Imperij consensu constituta essent (huius enim sententiae uerbis de hac re utebantur) omnino se obedientes præstare, & quæ constituta essent, seruare uellent.

Quod igitur Cæsareæ Maiestati recusare non possemus, quo minus postulata ipsius ad nostros subditos referremus, Ideo uos hac de causa conuocauimus, & benignè cupimus, ut illum de intericto tempore librum in manus sumere, perlegere & perpendere uelitis, & de responsione inter uos ad ea, quæ ab Imperatore postulantur, eiusmodi constituere, qua & præclarè instructi sitis, & Imperator intelligere possit, nos & uos propensos esse ad obedientiam subiectissimè præstandum in omnibus, QVAE AD PIAM ET CHRISTIANAM CONSENSSIONEM, quietem, pacem, & concordiam faciant, ET PIE ET BONA CVM CONSCIENTIA fieri possunt.

Cum autem à tempore Conuentus illius Misenæ habiti & Cæsarea & Regia Maiestas aliquoties nobis Príncipi Electori hoc imposuerint, ut non tantum secundum priora mandata uobiscum agamus, sed etiam ut obtineamus, quo Cæsareæ Maiestatis rationes & consulta à uobis recipiantur cum expositione addita, quid, si recusatio usurparetur, sequi ex ea re posset. Hac de causa rem diligenter deliberare uelitis, & in hoc cùm uestræ ipsorum, tūm communis uniuersorum regionis ordinum salutis rationem habere.

NOS PRINCEPS ELECTOR etiam
Cæsarem de ijs, quæ ad uos scripserit, & similiter quæ nos uo-
bis promiserimus, & publico scripto in nostris regionibus edi cu-
rauerimus, quorum optimè recordamur, subiectissimè admonue-
mus, necq; diligentia operæ nostræ pepercimus.

Præcipuum caput de Iustificatione sic est conformatum, ut
in nostris regionibus adhuc etiam deinceps sincerum doceri des-
beat.

Sacramenti autem Corporis & Sanguinis usus, integer in
præscriptis rationibus Cæsarî permittitur.

Similiter coniugium Sacerdotum.

Tum iure nulla difficultas queritur in ijs rebus, quæ sine
læsione conscientiæ & uerbi diuini seruari possunt, præsertim cum
constitutio Imperatoria quædam ex hoc genere sine coactione pro-
ponat.

De Carnium usu abrogando tempore quadragesimæ,
quinta & sexta die hebdomados, ita cogitatum est, ut statuatur
res esse ad politiæ constitutionem bonam utilis, & quæ tolerari
posse.

Hæc omnia diligenter perpendere, neq; ubi necessitas non
flagitat, difficultates querere uelitis, sed uos in omnibus ijs, QV AE
PIE ET CVM BONA CONSCIENTIA fieri pos-
sunt, obsequentes præstare. Hoc modo uestræ ipsorum saluti, eti-
am quieti & paci regionum nostrarum consulit.

*Hac relatione ad hunc modum iterum facta, cum
Theologorum rationes & sententiam ordines denuò expe-
terent, scriptum Cellense his propositum fuit, de cuius
capitibus deliberarent & iudicia sua ederent, sed vt ad
præsentem tractationem res accommodaretur, initium
mutatum, & in fine conclusio etiam peculiaris adiecta
fuit. Initium tale fuit:*

Nostræ rationes eò diriguntur, ut Romani Cæsarî, nostrum
omnium benignissimi Domini, Maiestati, legitima & debita obe-
dientia præstetur, & ita ut agatur, ut & Maiestas ipsius & omnes
in uniuersum intelligere possint, nostrum omnium animos ad qui-
tem

etem, pacem & concordiam propensos esse. Quod ut fiat, pro nostra fide consulimus. Etiam nostro loco, quantum omnino fieri potest, opera & hortationibus nostris hanc rem adiuuabimus. Nam quod aliqui sine ullarum probationum fundamentis de nobis loquuntur & scribunt, nostra concilia & actiones nequaquam ad illa dissidia aut implications negotiorum diriguntur, sed ad omnia illa, quae ad ea faciant, quorum iam mentionem fecimus. Huius rei Deum ipsum testem facimus, qui corda nouit omnium hominum, & res ipsa hoc demonstrabit atque comprobabit. Pro his igitur nostrae rationes sic ferunt, ut censeamus, Primum omnia illa, quae ueteres doctores seruarunt in rebus Adiaphoris, id est, medijs illis, quae sine uiolatione diuinæ scripturæ seruari possunt, & apud alteram partem adhuc in usu esse non desierunt, haec igitur deinceps etiam ut seruentur, & in his ne difficultas aut recusatio queratur aut praetendatur, cum talia sine laesione bonæ conscientiae bene fieri possint. Secundo, quod ad doctrinam attinet, primum de statu & conditiōne hominis ante & post lapsum nulla pugna est.

CAPVT DE IVSTIFICATIONE.

De hoc in Pegauiensibus tractationibus conuenit.

De potestate & autoritate Ecclesie.

Quicquid uera & Christiana Ecclesia, quae in spiritu sancto &c, ut in Cellensisibus. Et clausula quae in hoc capite de Adiaphoris legitur in Cellensisibus, quae incipit: Similiter & in Adiaphoris seruari debet, quae ueteres &c, ea in his Lipsensisibus ad initium scripti est reiecta quam iam exposuimus.

Reliqua usque ad finem scripti prorsus eodem ordine & ipsisdem uerbis fuere præscripta, nisi quod in capite de ministris Ecclesie pro ijs uerbis ubi in Cellensisibus legitur. Cum talia statuta & cōsuetudines tales etiam in pontificio iure sublatæ, in his igitur aliquantò explicatiæ & plenius ponitur in Lipsensisibus. In pontificis constitutionib. & decretalib. Reliqua ipsisdem uerbis, ut diximus, in Cellensisibus sunt uniuersa, usque ad finem, qui est, à quib. quod à recto recedit ut tollatur curare debet. Post quæ uerba, postea conclusio subiecta fuit talis.

De cæteris capitibus recipimus nos in sacris literis & ueterum patrum scriptis diligenter quæsturos, & Episcopis nostris rationes quod significare, & de his cum ipsis conferre uelimus, & Christianū admodum ut inter nos conueniat operam dare. Reliqua ex cellensis bus hoc assumantur,

Hæc igitur capita Cellensis ad talem modum ordinibus proposita fuere, vna cum capite de Iustificatione ex Pegauiensibus tractationibus, Et tum simul Theologi, qui ad Conuentum conuocati fuerant, post illam copiosam de libro Augustano iudicij sui expositionem, quam in Misnensi Conuentu ordinibus ediderunt, breuiter de libro denuò monuerunt, & de ijs, in quibus concedi & in quibus non concedi posset, & de his ipsis propositis capitibus peculiari scripto consilium & sententiam suam aliquantò explicatius exposuerunt, quod ex Germanico conuersum subiecimus :

Etsi nemini præscribere possumus aut uolumus , quid in hac tam ardua & graui re quisç pro se & sua conscientia in consideratione glorie Dei, aut bella & uastationes auertendi studio decernere debeat, Nosç ipsi utrumq; admodum graue esse intelligimus , uel bellum metuere, si nullum obediendi studium Cæsari præstetur, uel perturbationum causas præbere , quæ multæ existunt, si quid in Ecclesijs uel paruae uel magnæ mutationis admittitur. Tamen cum à nobis petatur, rationes nostras indicabimus , quid à singulis seruari atq; retineri oporteat, & quibus in rebus mutationes non sint intolerandæ , si omnino aliquorum rationes sic ferunt ad pacem has & ordinem atq; disciplinam profuturas .

Et primum de præcipuo capite , nimirum quomodo remissionem peccatorum consequamur & coram Deo iusti & accepti fiamus, de hoc igitur nihil prorsus , ne una quidem litera mutari debet doctrinæ puræ eius , quæ Dei beneficio haec tenus in Ecclesijs harum terrarum ab intelligentibus doctoribus consentientibus sententijs pro concionibus docetur , & certo est illa æterna & immutabilis ueritas sancti Euangelij, qua doctrina Filio Dei suus honor præstatur , & necessaria consolatio conscientijs proponitur. Hæc doctrina ita maneat immutata , cuius summa scripto quodam de quo Pegauiae conuenit, comprehensa est, & de eodem sic responsum fuit, ut doceremur Imperatoris animo talem doctrinæ Ecclesi-

arum

fiarum nostrarum sensum & sententiam non esse contrariam. Hoc igitur si assumere libet, facilis est & expedita de hoc capite responsio.

Postea sequuntur capita de Episcoporum & Ecclesiae autoritate, quae singula hanc appendicem adiectam habent, quae in libro Augustano expressa est, Episcopos & Ecclesiā nihil quod uerbo Dei contrarium sit, constituendi potestatem habere. Per se autem certa & uera res est, si Episcopi & Ecclesia nihil quod Euangelio contrarium sit, constituant, obedientiam ei deberi, & utile hoc esset rei Christianæ & bono, eos qui in ordinaria autoritate sunt, munus suum recte administrare. Ideò de hoc capite cum tali appendice, quae in libro expressa est, non iudicamus necesse esse ut pugnetur.

Postea de numero Sacramentorum & de Sacramentis liber cum fano intellectu similiter accipi potest. Impiaē tamen consecrationes oleorum à nobis repudiatae sunt, neq; recipi possunt,

De Confessione, liber ipse mitigationem suam secum affert, & Dei beneficio confessio & priuata absolutio in his terris ad hoc usq; tempus, ad plūm & utilem modum conseruata sunt, neq; commodum esset haec omitti, sicut in quibusdam regionibus & opidis factum est, neq; ad hoc caput quod attinet quicquam in nostris Ecclesijs nouatur.

De diuertijs conferendum cum Episcopis uel alijs qui consistoria administrabunt.

Ordinatio Sacerdotum dependet tota de præcedente capite, quod est de Episcoporum autoritate, & per necessaria res est de hoc cogitari, ut magna cum diligentia, & ad plūm modum, & severis examinationibus atq; seria institutione ordinatio administretur, quod nisi fiat, post non multos annos neq; pastores neq; concionatores erunt. Et hanc summè necessariam rem esse omnes intelligentes & pñ facilè ipsi iudicare possunt.

De Missa. De hoc submissè Imperatorem doceri oportet, in Missâ nostrarum Ecclesiarum omnia substantialia, & simul usitatas cantiones atq; lectiones, etiam ornatum, & alios ueteres ritus decenter, & cum disciplina & reverentia Christianis digna celebrari. Cumq; manifestum sit Missam communionis causa institutam esse, & in conuentibus sacris celebrari debere, ideo priuatæ Missæ apud nos non usurpantur, petimus etiam ne his oneremur, cum hec Ecclesiæ Dei beneficio ita ad communionem & preces publicas à multis iam annis sint assuefactæ, ut feriarum diebus nunquam de-

sint qui communicent. Et cum in Canone manifestæ falsitatis uoces insint, ideo illæ omituntur. Sed consecratio, inuocatio, & preces per filium Dei, gratiarum actio, & commemoratione cruciatuum & mortis Christi resurrectionis & gratiæ Christi, item preces pro pñs Magistratibus & alijs ordinibus (quæ omnia uera Canonis substantialia sunt) in nostris Ecclesijs seuerè, piè & religiose fiunt atq; præstantur.

Sanctorum inuocationes & Missæ pro animabus, etiam non sunt recipiendæ.

Post hæc capita, constitutiones sunt de rebus medijs, ut de ferijs, cantionibus Ecclesiasticis, uestitu, cibis.

Quanquam igitur scimus uulgares has uoces esse, Nihil mutari debere, nihil concedi, nam mutationibus multi boni perturbantur, & tristitia afficiuntur, atq; inuocatio his impeditur. Item persecutores ueritatis hoc modo confirmantur. Item mutationes tales accipiuntur ita, quasi initium hæ sint ad mutationes, quæ fiant in rebus necessarijs & doctrina. Item mutatio ipsa per se est obscuratio doctrinæ. Item abalienant hæ animos hominum à concionatoribus & alijs.

Tamen censuimus de talibus rebus medijs non esse pugnandum, in primitis si speretur bellum hoc modo posse auerti. Nam doctrina de ueris Dei cultibus, nihilominus in nostris Ecclesijs conservari debet, nimirum ueros cultus Dei esse omnes uirtutes & omnia à Deo mandata opera, non has res medias, uestem aut cibū. &c.

Et quod in usurpatione talium rerum imbecillioribus apud nos parcere debeamus, neq; hos talium rerum causa periculis exponere, & Petrus dicit patienter ferendas afflictiones, quas opus est ferri, quando igitur propter paruas & non necessarias causas afflictiones incident, sit inquieta conscientia. Ideo rectius est ob necessarias, arduas & firmis fundamentis nitentes causas, afflictiones subire, quam propter leuiculas causas tales se regionem atq; incolas in miseras coniçere.

Quod si Imperatoris Maiestas talium adiaphororum receptione nostra acquiesceret, est quod agamus Deo gratias, sin minus, relinqueretur nobis hæc consolatio, quæ manifesta est, quod propter magnas & graues causas affligamur, quas manifestū est gloriā dei attingere.

Præterea de quibus nos concessimus, maxima ex parte iam antè in his regionibus in usu sunt, quædam etiam ad ordinem & disciplinam faciunt, ut de ferijs & cantionibus iisdem constitutio, &c.

Sunt

Sunt qui sentiant ad bella & uastationes auertendas, in omnibus concedendum esse. Hoc etiam fieri non potest, quia non sunt facienda mala ut eueniānt bona. Quod dicunt autem Imperatorem tamen hoc per uim ut fiat perfecturum, atq; ita plus malorum fore, quām si iam cederetur. Ad hoc uera est responsio, propterea non debere à nobis falsa approbari, neq; excusari hoc à nobis ullo modo poterit, si quae uastationes metuuntur, earum nos ipsi autores fieremus. Episcopi ad Rhenum multarum iam regionum parochias ualstant, ita ut multis in locis necq; pastores sint necq; Ecclesiarum ministri, & populus sine usu Baptismi publico uagatur, & sine Sacramentis, necq; conuentus Ecclesiasticos habet ullos, necq; conciones quae audiat. Talis igitur poena si nos etiam manet, quod Deus benignus à nobis auertat, conscientijs nostris tolerabilius est ab alijs hoc fieri, quantumvis id durum sit futurum, quām si à nobis ipsis hoc existat. Quare quae necessaria sunt ea retineri oportet. De cæteris quae Adiaphora sunt, licet ut patienter acquiescatur, & institui homines debent, ne in petulantia aut contumacia, non necessarijs de causis se & alios in pericula coniūciant, quae res postea male conscientiae causa sit futura. Satis nobis erit negotij ab alijs grauis oribus causis.

Præter hæc omnia, considerandum & hoc, Imperatorem ipsum etiam aliquid à se concedere, & hanc benignitatem ipsius, qua in rebus præsentibus mitigandis utitur, non ita profus negligendam aut abiiciendam esse. Tum semper à nobis promissimus, quantum fieri posse, nos concedere uelle & concordiam iuuare. Et uera Ecclesia omnibus temporibus in seruitute est, etiam si alia tempora alijs sunt mitiora, ideo hæc & similia onera ut fere discamus, opera nobis danda. Atq; hæc Adiaphororum receptio externam tantum & corporis seruitutem complectitur, utinam quae ad disciplinam facere possent, de ijs serio, sano tamen intellectu, ut constieretur, eaq; ut seruarentur. Saluator noster Iesus Christus filius Dei in his Ecclesijs & terris agnitionem sui & ueram inuocationem benignè conseruet & salutarem his gubernationem & pacem largiatur, perscriptum Lipsiæ 22. Decembris.

Hoc scriptum Theologi ad communem instrucciónem, post cætera illa, quae in his actionibus multa hæc-

nus

nus opposuimus, tanquam auetarium quoddam Consilia-
rijs tradiderunt, ea die qua deliberationes in Conuentu
caepae fuere, & capita Cellensia ordinibus proposita, vt
cum his coniungi hoc oporteat.

Sed de propositis Cellensibus capitibus ordines,
equester & oppidanorum, cum Theologis humaniter &
placidè contulerunt, & collaudata diligentia horum,
approbarunt prorsus de Iustificatione & bonis operibus
caput. Item, de autoritate Ecclesiae, de paenitentia, de
coniugio, de imaginibus, de canticis Ecclesiasticis,
de festis, de carnium esu, de vita & moribus Ministro-
rum, de ordinatione, de Missa etiam non pugnare se pro-
fessi sunt, quedam tamen in his indicatis capitibus de
quibusdam monuerunt, de ordinatione in primis & Epi-
scopis. De confirmatione vero & oleo causas indica-
runt, cur omittenda censerent, ita tamen, vt si post indi-
cationem causarum illarum, Theologi in sententia perse-
uerarent, vt pie & bona cum conscientia, sineq; scandalo
vsurpari posse iudicarent, de his etiam ne controversia
inter ipsos esset, sese perfecturos. De ceteris quid mo-
nuerint pleraque ex responsione Theologorum cognosci po-
terunt quam subiecimus, Nam de horum tantum actio-
nibus presentem narrationem instituimus, neque de alio-
rum dictis & factis nisi que res flagitat, vel hactenus
assumimus vel assumemus deinceps, qualia sunt ea, sine
quorum insertionibus quid Theologi egerint, explicari
aut

aut intelligi non potest. Responsum igitur à Theologis ad illam ordinum significationem sic fuit:

PRIMUM narramus uobis capita proposita, non à nobis solis deliberata & composita esse, sed ab alijs pluribus Pastoribus & Concionatoribus, ideo de his nihil mutare cogitamus. Et sunt illa eiusmodi, ut recipi possint, & pleraque non tantum scandalii nihil habeant, sed instructioni utili, & Exempto bono futura uideantur. Atque insuper pacem queri quantum per conscientiam licet, res cunctum est.

Quod autem de quibusdam Capitibus sollicitudo incidit, de ordinatione, confirmatione, unctione, Missa, de ijs hæc est explicatio nostra:

Primum de Ordinatione expressum est in nostro Capite de hac, Episcopos munus suum recte administrare debere, de quo nimirum iam amplius cum Episcopis tractationes suscipienda erunt, Et à Dei benignitate sperandum, sicut necessitas flagitat, etiam propter posteros, futuros tales Episcopos qui ordinatione, examinacionibus, inspectione, uisitatione, & in aliorum Episcopaliū munerum administratione, fidelem Ecclesiarum curam sint suscepturi. Quæ res nütitur eo quod in Capitibus exponitur, ut idonei homines, & docti & pi qui sint, ad talia munera uocentur.

Confirmatio nihil scandali habet, sed utilis potius & laudanda res est, si ad eum modum instituatur, de quo saepè scripsimus, & quo aliquibus in locis usurpatur, ut duodecim aut quindecim annorum ærate qui sunt, audiantur, & fidem suam profiteantur. Hanc utilissimam rem esse existimamus ad disciplinam, pietatem, & auertendam falsam doctrinam & sectas. Quod autem Chrisma oppugnatur, de hoc Capite suspensa deliberatio est, & pertinet ad illam mentionem in conclusione Capitura nostrorum, ubi scribitur, De cæteris Capitibus cum Episcopis ut conferatur constitutum esse.

Sic etiam de unctione Caput accipi debet, quemadmodum & disertis uerbis hæc est appendix addita, ut omnia superstitione remoueantur. Quo sensu hoc Caput nihil oneris aut difficultatis habet, & hæc sententia disertè est expressa.

Sollicitudo quæ est de Missa sine communicantibus hæc tol-

D d d litar

litur eò quod expressè in capite de Missa, de communione & Sacra-
mento præbendo ponitur.

De Festo Corporis Christi non est ea sententia, ut circum-
gestatio usurpetur, sed de Sacramento & uero usu huius, ut pro con-
cionibus doceatur.

Etiam de Confiteor mentio non est ita accipienda, ut quæ sis-
at ad inuocationem Sanctorum, & confiteor Mariæ, & cæteros abu-
sus confirmandos. Sed pij & intelligentes Pastores atq; superinten-
dentes quoquo tempore se & alios de ijs, quæ in Ecclesijs accident
& gerentur, ad pium modum instituere scient. Neç enim fieri pos-
test, ut constitutio aliqua sic prescribasur, qua omnia quæ accidere
& incidere possint, expresa notentur. Et capita proposita non sunt
hoc consilio conscripta, ut quibus integra talis constitutio compre-
henderetur, sed ut breuis indicatio ea esset, qua summatim & mo-
deratè significaretur quid posset recipi.

Itaq; permanemus in sententia, cum intelligamus ueram dos-
ctrinam & pias ceremonias in nostris Ecclesijs conseruatum iri, &
spem esse, hanc moderationem ad pacem profuturam, ut illa capita
sine disputationib; amplioribus recipientur.

De carnium esu expressa in capite res est, ut politicam con-
stitutionem hoc seruandum esse.

Ad singula autem capita quod attinet plurimum refert esse
concionatores doctos & piros, qui quoquo tempore & in singulis de
uera doctrina et ueris cultib; Dei populu fideliter instituere possint.

A nobis etiam promittimus studium & diligentiam no-
stram adiuuante Deo, ad piam & Christianam concordiam consti-
tuendam.

Poët hanc responsonem Theologorum & explicati-
onem factam, ordines rursus quedam monuerunt, in
primis de Episcoporum munere, vt deinceps cognosce-
tur. Ad quæ Theologi secundo responderunt vt sequi-
tur:

De quibus amplius à uobis queritur, ea accepimus & perma-
nemus in sententia de Capitibus propositis, quæ nos non
soli, sed una nobiscum plures alij Superintendentes & Theo-
logi

logi & composuerunt & diligenter perpenderunt, ideo non possimus illa mutare, cum sine laetione conscientiae bene illa & recipi & seruari possint, absq; quo si esset, non proposita illa a nobis fuissent, sed ab his potius ut caueretur monuissemus. Neq; dubitamus Deum gratia sua affuturum, ut Episcopi munus suum recte gerant, Quicquid etiam a nobis hac in re & omnibus ihs, quae ad consensionem in pluribus constituendam faciant, bona cum conscientia praestari poterit, ad ea praestanda, pro eo ut ante de nobis recepimus, prompti & parati sumus.

Philippus Melanthon etiam seorsim de proposita formula interrogatus a quatuor delectis ex ordine equestri & ciuitatum Legatis, respondit, Maluisse se quidem Consiliarios, ut in articulo Iustificationis fecerant, ita in rituum designationibus retinuisse notationes Theologorum: minus enim illae mouissent disputationum. Sed tamen has quoq;, quamquam breues admodum, a planioribus & plenioribus declarationibus, quas Theologi descripsissent, admissuros fuisse, & apparere re ipsa non discrepare, nec sese eas, siquid impietatis inueherent, aut ab ipsorum rationibus & explicationibus dissentirent, non ab uno scriptas, sed de plurium collationibus ac sententijs confectas esse, & nihil continere aliud, quam admonitionem, qua quousq; ad extremum concedendo in ritibus medijs disciplinae Ecclesiasticae & pacis causa progredi salua conscientia liceat, ostendatur & Principi & ipsis, qui huius rei rationes exigerent. Idcirco diserta mentione excludi & superstitiones & abusus omnes in singulis capitibus. De vng

one monuit, Lutheri verba, quanqu ipsis dehortantibus, notationi suae quae mitior sit, explicatior & planior, à Consiliarijs prælata esse, prorsus reiecto & condemnato impio consecrati olei v*su*. De ritibus autem obseruan-
dis in his Ecclesys constituendum fore alio tempore.

Ad hunc modum cùm ordines cum Theologis de propositis capitibus contulissent, postea ordines acquieue-
runt, neque quicquam inter hos controuersiae aut dissensio-
nis fuit, & Principi Electori ad ea, de quibus relatum
fuerat, ita responderunt, vt significarent, cùm magnæ illæ
res essent, de quibus deliberaretur, non potuisse se facere,
quin prius Theologorum de his rationes cognoscerent,
qui & ita has ipsis communicassent, vt & submissum
Cæsareæ Maiestati obediendi studium ipsorum, & pro-
pensa Voluntas ad piam & Christianam concordiam con-
stituendam, intelligi potuerit, Néque se illas Theologorum
rationes improbare, modo ne abusus ulli contra scripturæ
Veritatem introducerentur. Et se de Principe Electore
subiectissimis animis hoc sibi persuadere, in tam ardua &
graui re illum ita deinceps pro his versaturum esse, vt
Cæsareæ Maiestati subiectissima obedientia præstetur,
quantum piè & cum bona conscientia & saluis illis præ-
cipuis capitibus doctrinæ, de quibus iam conuenisset, fieri
possit, Et de talis obedientiæ studio suo prolixè fuerunt
testati.

Quod tamen de Episcopis res potissimum hæreret,
in

in quo & Theologorum & ordinum concessiones periclitarentur, cum his, ut Princeps agere vellet, petiverunt, quo his Ecclesijs, ita ut necessitas flagitaret, caueretur, quod & in Misnensi de libro Augustano censura Theologi monuerunt ut fieret, & postea saepe repetiuerunt, de quo Princeps statim promisit, & in illo ipso Conuentu Lipsensi, ad quem & Episcopos conuocatos diximus, ut cum his ageretur se curaturum esse, quodq; fieri posset ut in illis cum Episcopis tractationibus, ordinum, ipsi rationibus opus esset, quas cognosceret, neq; tamen Vniuersi vsq; ad finem tractationum in Conuentu detinendi viderentur, voluit ut deligerent ad eam rem aliquot, qui illis actionibus interessent, & Vniuersorum nomine ubi res postularet, in medium consulerent. Sed cum deliberatione habita nemo se ad eam rem ex ordinibus deligi pateretur, qui in tam difficiili negocio Vniuersorum nomine statueret, Ideo ordines Principi illas tractationes permisserunt & commiserunt, quas de Theologorum consilio susciperet, & hos ad easdem adhiberet qui his interessent. Et si ad Episcopos forte nihil proficeret, ut Consistorijs & Superintendantibus ius & potestas quo hactenus vtuntur integra conseruarentur. Ad quae Princeps Elector de diligentia sua in illis tractationibus ad eum modum, quo ordines consulerent omnia procurandum, iterum promisit, cum quidem adhuc significaret se cupere, ut ex ordinibus delecti aliqui adhiberentur. Significauit autem tum Princeps

ceps se de propositis Theologorum rationibus quas ordines approbassent, ut forma constitutionis rei Ecclesiasticae describeretur, curaturum esse, quam deinceps typis expressam esset editurus, id quod ordines ad tales modum & his conditionibus ut facere vellet, petiuerunt, nimirum, ut secundum Theologorum rationes atque explicaciones horum, & ordinum approbationem illa descriptio fieret, non aliter.

Cum Episcopis tamen, quo minus in illo Conuentu à Principe ageretur, quid interuenerit, aut quae res consilium & sententiam Principis hac in parte iam declaratam & ostensam, ut docuimus, mutauerit, aut mutare eum coegerit, nos dicere non possumus. Hoc tantum contra Flaciana mendacia, de redditu Episcopis Iurisdictione significandum, cum Episcopis neque in hoc Conventu Lipsensi, neque post hanc villas tractationes à Princeps aut regionum harum ordinibus suscepimus, quibus ex Theologis harum terrarum quisquam interfuerit.

Et hoc Conuenta peracto à solis Theologis de ratione constituenda disciplina Ecclesiastica, & efficienda in ritibus conformitatis, communicatis operis & consilijs deliberatum ac decretum, de quo hac ad Pastores harum Ecclesiarum ab ipso Princeps exclusis prorsus Episcopis relatum, & exquisitionem huius atque omnem muneris Episcopalis autoritatem & potestatem, curamque Ecclesiarum non Episcopis, sed tribus ha-
rum ter-

rum terrarum consistorijs, Vuittebergensi, Lipsico & Misnensi, & Ecclesiarum inspectoribus commendatam esse, sicut monuerant Theologi.

Hoc quidem factum fuit, ut cum ordines post ap- probata à se Cellensia capita, ea de re, more maiorum, ad Episcopos in Conuentu referrent, Tum igitur ut Epi- scopi responderent aliquantò durius, de quo postea & ad Principem ordines questi fuere. In illa igitur Episco- porum responione, quæ ordinibus facta est, illa verba infuerunt, quæ Flacius & Flaciani insuis de hoc Con- uentu narrationibus ita adducunt, quasi in tractationi- bus cum Episcopis, quibus Theologi interfuerint, per- scripta sint. Sed de mendacijs suis ipsi viderint, & que- rant quomodo explicitent. Hoc lectoribus satis fit, neq; in Conuentu hoc neq; post hunc ad villas cum Episcopis actiones nostros Theologos, neq; ad Theologorum actio- nes Episcopos uspiam adhibitos fuisse, & de ijs, quæ Epi- scopi ordinibus responderant, ad Theologos relatum esse, planum fieri non poterit. Atq; hæc hoc modo in Con- uentu Lipsensi acta esse, neq; quicquam omissum ex ijs, quæ ad Theologos & religionis negocium attineant, testes facimus vniuersos, qui deliberationibus huius inter- fuerunt.

Postea Princeps in charta patente typis exprimi curauit, quæ de Adiaphoris in hoc Conuentu decreta fue- runt, qua & disertius quedam & explicatius, etiam cau- tius

tius nonnulla, de ordinum admonitione & Theologorum
declaratione exposita fuerunt, ut dubitationes omnes &
calumniae præciderentur, cum, ut inter eos, qui de Adia-
phoris tantum conferrent, & inter quos de doctrinæ ca-
pitibus nulla controuersia esset, neq; ullius circumuentio-
nis suspicio, multa in superioribus tractationibus simpli-
cius & incuriosius essent descripta, eam chartam Flaci-
ani qui facetiores haberi volunt, Lipsicum INTERIM
minus appellant, ut discriminent à Cellensisbus capitibus,
quæ sunt his Lipsicum INTERIM maius ut dixi-
mus. Illa igitur editio talis est ut conuertimus:

EXCERPTA EX DECRETIS CON-
uentus prouincialis proximè Lipsiæ habitiferijs
natalitijs, Anni XLIX.

1549.
Baptismus infantum cum Exorcismo, renunciatione, aduoca-
tione & confessione testium seu susceptorum, qui adhibentur,
una cum alijs pietatis Christianæ cæremonijs doceri & usus
pari debet.

Aetas puerilis in Catechesi Christiana diligenter institui de-
bet; & ubi adoleuit de fide sua, quam profiteatur, audiri. Et quæ tes-
tes Baptismi pro hac cum baptisaretur spoponderunt, & renun-
ciationem factam Diabolo ut confirmet, & qualis ratam faciat, atq;
hoc modo, intercedente gratia diuina, in fide sua confirmetur, im-
positione manuum & pijs precibus & cæremonijs.

Poenitentia, confessio & absolutio diligenter doceri, & in fa-
cis concionibus exponi debet, & ad populum ad confitendum
apud Sacerdotem, & ab hoc, ut Vicario Dei, absolutionem accipien-
dum, & simul ad preces, ieiunia & eleemosynas hortando instari
debet.

Nemo etiam ad Sacramentum Corporis & Sanguinis Chris-
ti admittatur, qui non prius & confessus ad Sacerdotem fuerit &
absolutionem ab hoc acceperit.

Et de

Et de hoc simul populus diligenter doceri & institui debet, in hoc Sacramento Corpus & Sanguinem Christi nobis exhiberi, & hoc, unum nos fieri cum Iesu Christo Salvatore nostro, ut capite & membris Corporis huius, ita ut in ipso ad omne bonum educemur & alamur.

Item ut in communione cum sanctis crescamus & augescamus, Multi enim unus panis sumus & unum Corpus, ut Paulus dicit.

Moneri etiam & doceri populus debet, Qui hoc Sacramentum indignè accipit, eum sibi iudicium manducare & bibere, eaq[ue] de causa, ut peccatis in uita renuncietur, & ad ueram poenitentiam, preces faciendas, eleemosynas, temperantiam, & de alijs, quæ ad uitam Christianam pertinent, hortationibus apud hunc instandum.

Cum ægrotis seruare licebit ritum Apostolicum, & super his, ut preces Christianæ & consolatrices sententiæ ex sacris literis recitentur.

Coniugium in his terris de institutione Christi ab omnibus ordinibus seruari debet.

Missæ in his regionibus, æra increpando, & usurpatione candelarum, uasculorum, cantionum, ornatus, & ceremoniarum celebrentur.

Sacerdos & administrï huius, ihs in locis ubi ministrorum tantum est, ut hoc fieri possit, cum usitato in Ecclesijs ornatu, decenter ad Altare accedant, initio Confiteor recitent, Accinenda autem

Introitus.

Kyrie eleison.

Gloria in excelsis Deo, & in terra &c.

Dominus uobiscum.

Collecta.

Epiſtola latinè, ſicut & hactenus commemorata uniuersa, Epiftola autem ubi latinè decantata fuerit, poſtea Germanicè quocq[ue] populo prælegatur.

Graduale.

Alleluia.

Sequentia, aut qui tractus appellantur, pro ratione temporis & festorum.

Euangelium latinè accinatur, & ad populum germanicè recitetur.

Credo in unum Deum.

Eee

Patrem

Patrem, & reliqua quæ Symbolum complectitur uniuersa,
sicut in collegialibus Ecclesijs fieri solet.

In parochijs, ubi non sunt collegiales Ecclesiæ, pro graduallí
cantiones illæ germanicæ usurpari possent. Ferijs natalitijs: Ein
Kindlein so lobelich. Paschalibus, Christ ist erstanden. Pente-
costes, Nun bitten wir den heiligen Geist. Et loco Symboli ger-
manica Paraphrasis, Wir glauben all an einen Gott, &c. Vna cum
alijs pijs cantionibus.

Sequitur.

Concio Euangelica.	Postea accinantur
Dominus uobiscum,	
Oremus.	
Offertorium.	
Praefatio.	
Sanctus.	
Consecratio.	
Pater noster, germanice.	
Agnus Dei.	
Communio, ut præbeatur Sacramentum.	
Communicatio seu perceptio.	
Collecta.	
Benedictio.	

Ministrî Ecclesiæ quando concionantur, Sacraenta admi-
nistrant, aut alia Ecclesiastica munera obeunt, usitato habitu Ec-
clesiastico utantur.

Horæ canonicae quæ Psalmos pios complectuntur, in colle-
gialibus & oppidorum Ecclesijs ijs in quibus iam antè in usu fuere,
ut accinantur, de tempore, Dominica & alijs festis celebribus. Et
ueteres puræ & usitatae cantiones de tempore & festis præcipuis,
similiter ut retineantur.

Cantiones piæ & Christianæ in sepulturis, & post has, si
qui sunt qui expetunt, usurpari possunt, ad memoriam mortuo-
rum & promissæ nobis & certæ resurrectionis.

Etiam imagines & picturas cruciatuum Christi & sancto-
rum, in Ecclesijs retinere, & commonefactiones illas tantum esse,
& his rebus ne diuinus aliquis cultus tribuatur, populum doceri
liceat. Ita tamen ne ad statuas & sanctorum picturas ulli supersti-
tiosi concursus permittantur aut ferantur.

Feriæ,

Feriæ.

Dominicæ.

Nativitatis Domini Iesu Christi.

S. Stephani dies.

S. Iohannis Euangelistæ.

Circumcisio[n]is Domini.

Trium Regum.

Paschatis cum bido sequenti.

Ascensionis Domini.

Pentecostes cum bido sequenti.

Corporis Christi, ut de Sacramento corporis & sanguinis
Christi conciones habeantur, & communicatio fiat.

Festa sanctæ uirginis Mariæ, de historia sacrae scripturæ.

Apostolorum.

S. Iohannis Baptista.

S. Mariæ Magdalena.

S. Michaelis, una cum alijs quibusdam diebus, quibus

Ecclesiasticae tantum feriæ seruantur, concionando, Missam & com-
munionem celebrando.

Tales sunt.

Conuersio[n]is Pauli.

Decollationis Iohannis.

Quarta, quinta, & sexta dies in hebdomade paschatis diem
præcedente.

Item quinta & sexta die hebdomados, In ieunio etiam qua-
dragesimæ, à Carnium esu ut abstineatur, & haec ut politica con-
stitutio ad mandatum Cæsareæ Maiestatis, ut seruetur, qua tamen
ne obligentur quos necessitas excusat, ut sunt operarij graues, pe-
regrinatores, grauidæ, puerperæ, ægrotantes, ætas senilis & puerilis.

Honestum etiam esse & consultum iudicamus, ut pastores
Ecclesiarum & ministri, tam in cultu quam uita & morib[us] ita,
sicut sacerdotes decet, & honestè se gerant, Atq[ue] inter se ipsi, assum-
pta opera & consilio Episcoporum aut consistoriorum constituant,
& quæ statuta fuerint seruari current, ut in cultu inter Ecclesiæ mi-
nistros & politicos ordines discerni, & sacerdotum ordinis reueren-
tia debita, sicut par est, præstari possit.

*Hæc Charta complectitur, vt diximus, Adia-
phororum tantum designationem, de quibus solis que-*

E e e ij situm

ſitum & actum fuit, de dogmaticis nulla est inserta
mentio, cum poſt toties declaratam de his Principis ſen-
tentiam, & frequentes à Theologis factas monitiones,
atq; explicationes horum editas, nihil neceſſe eſſet ad Ec-
clesias noſtras, amplius hac in parte quicquam fieri: Et
per ſe, præter ea, quæ iam fierent & dokerentur & ha-
c tenus conſeruantur, nihil poſſet aut deberet moueri, præ-
ſcribi, conſtitui, neq; in hoc genere vñquam quicquam ut
mutaretur actum aut poſtulatum fuit, quemadmodum
ex hac tenus deſcriptis cognoscere licet. De ordinatione
etiam quæ Episcopis reſtituatur, & cætera illa quibus
po teſtati huius temporis Episcoporum, noſtrarum Eccle-
ſiarum ministri ſubijciantur, hæc etiam in hac designa-
tione omiſſa ſunt. De quibus quemadmodum noſtrorum
conceſſiones eiuſmodi ſunt, quæ & per ſe piæ ſunt, &
cum ijs quæ ab initio huius cauſe ſemper à ſe noſtri pro-
miſerunt, conſentiant, ita cur fieri non potuerit hac tenus,
ut ea quæ Episcopis delata ad hunc modum conceſſioni-
bus illis fuerunt, hiſ etiam præſtarentur, docent ea quæ
ante oculos ſunt & maniſta omnibus. Itaq; in hiſ ter-
ris nulla, neq; illo tempore, neq; ullo alio, Episcopis re-
ſtituta eſt Eccleſiaſtica iurisdictio. Sed hæc huic vſq;
Superintendentibus & confiſtorijs coſeruata, quemadmo-
dum & in hac charta ad mentionem Episcoporum ſub-
iicitur, ut in correctione, de Confiſtorijs, quod Princeps
Elector de reſtitutione, quæ hiſ recte fieret ſpem non poſſe
concipere

concipere videretur, & ad hæc decreta tantum nulla cæ-
tera agendorum descriptio est suscepta, Quam chartam
etiam ideo inseri oportuit, ut quid de collationibus Theo-
logorum & ordinum in hoc Conuentu, de Cellensibus ca-
pitibus factum sit, cognosceretur, atq[ue] ita eorum quæ
Lipsiae decreta sunt vera & simplex extaret de-
scriptio. Nunc igitur deinceps de ijs actioni-
bus quæ Lipsensem Conuentum con-
secutæ sunt referemus.

MERESBVRGICA.

POst Conuentum Lipsensem negocium datum Theo-
logis, ut de ijs quæ in Conuentu illo communiter ap-
probata essent, & in genere per capita notata, de horum
igitur administratione speciatim ut præsiberent, &
agendorum librum nouum conficerent, in quo & quomo-
do singula fieri oporteret, explicaretur, quod in Conuentu
Princeps significauerat se curaturum ut fieret. Nam etsi
de confirmatione, & publica pœnitentia, & paucis alijs
iam perscriptæ formulæ erant, tamen de cantionibus Ec-
clesiasticis in primis, sed & precibus ad ægrotos, ad pu-
erperas, Sacerdotis accendentis ad altare, item publicis
earum quæ collectæ vocantur, formula horarum Canoni-
carum, & alijs officijs Ecclesiasticis pluribus nihil erat
speciatim explicatum. Et quanquam hoc etiam factum

Eee 3 fuerat

fuerat ut à Theologis quæ in cantionibus, Agendis, Pon-
tificialibus & Missalibus pura nō essent consignata essent,
sicut supra in Cellensibus exponitur, tamen neq; emendata
illa insertionibus meliorū fuerant, aut integratā restitu-
ta, neq; antequā constaret quid ab ordinibus ex hoc genere
acciperetur, opera talis suscipi potuit. De his igitur con-
stituendis mandatum quibusdam qui Meresburgi apud
Principem Georgium Anhaltinum, &c. hac de causa
conuenirent, atq; in re ita versarentur, ut in manus su-
mentes librum Agendorum temporibus Principis Hen-
rici compositū, eum re cognoscerent, & de Adiaphoris ijs
de quibus conuenisset, quomodo administrari deberent ad-
iijcerent. De confirmatione, de forma publicae pœnitentiæ,
de visitatione ægrotorum & captiuorū, de forma Missæ,
de ijs quæ in sepulturis monenda & homilijs funebribus,
de ctaionibus Ecclesiasticis quæ in singulis festis usurpa-
rentur. Atq; ut de præcipuis capitibus doctrinæ Christia-
ne piæ formulæ institutionis necessarie simul his insere-
rentur, & cautelæ Pastoribus de ijs rebus & casibus qui
sæpè in administratione Ecclesiastica accidere solent, ut
præscriberentur, cuiusmodi quædam & in eo scripto in-
sunt, quod ante bellum compositum & subscriptione Lu-
theri approbatum fuit, ut diximus supra in primi Con-
uentus expositione, Atq; hæc ad tales modum illi libro
inserenda esse, iudicatum propterea, ne tantum Agen-
dorum liber conscriberetur, & de solis Cæremonijs qui
tractaret

tractaret cuiusmodi liber facile in abusus recidere posset,
sed ut doctrina simul exponeretur, & quibus conditioni-
bus, & quomodo Cæremoniæ seruadæ, & ut incidentibus
difficilioribus casibus in ijs rebus, quæ ad munus ipsorum
attinent, Pastores in promptu haberet quibus instrueren-
tur, quid fieri oportet, &c. Hoc igitur ab ijs quibus hæc
opera mædata fuit, summa cum fide & diligētia ita actū,
& hi perlustratis atq; consideratis diligenter omnibus &
veterum scriptis, & quæ in hoc genere extant à cōiunctis
nobis eiusdem religionis professione edita, librū agendorū
confecerunt ad formulam mandatam, & copiosissimum
omnium, qui perfectus fuit Mense Martio anni 49.

Contra hunc librum, cùm nunquam eum vidissent
Flacius & Flaciani, ita tamen tetras calumnias ut reli-
quis actionibus vniuersis, sic libro etiam huic offuderunt,
ut si Alcoranus ille Turcicus esset, non posset exagitari
inclementius, per irrisiōnem quidem, quando facetias con-
fendantur, Magnum Pontificale hunc appellare solent.
Et si autem cuiusmodi ille liber sit, ex ijs quæ hæc tenus
narrauimus aestimari potest, & meminerunt quibus pu-
blicè recitatus fuit, ut mox dicemus, tamen ut separatim
edatur vna cum alijs quæ ad horum negociorum explica-
tionem pertinent, operam dabimus, quod hoc tempore fie-
ri non potuit, cum & prolixum illud scriptum sit, & ex-
creuerint ea quæ in præsentia edimus ad eum chartarum
numerum, ut plura his addi commodè non potuerint.

Editionem

*Editionem quidem libri illius multis gratam, & utilem
atq[ue] iucundam lectionem futuram pijs & disciplinæ aman-
tibus non est dubium.*

*Totius autem causæ huius, quod & ad Principem
& Theologos attinet, explicatio, hoc vno libro nititur,
Nam quid concessum sit, & quæ Adiaphora & quomodo
in Ecclesijs nostris usurpari visum fuerit, in hoc planè
& plenè exponitur, quorum notationes per capita tan-
tum & indicationes breues in ijs actionibus, quas hacte-
nus descripsimus, referuntur, vt propter breuitatem &
nuditatem suam, vt sic dicam, suspicionebus & calumnijs
patere ea, præsertim ad improbos & maleulos, necesse
sit, ibi autem vt in plena descriptione præcidantur hæc
omnia, Itaq[ue] ad Flacium & Flacianos refutandos nihil
esse potuisset compendiosius, quam Agendorum editio,
Sed nos causas etiam & occasiones talium concessionum
a primis initijs exponere voluimus, & quales se Theo-
logi in hoc toto negocio præstiterint, antequam ad illam
rituum descriptionem deuentum fuerit, quæ tamen &
hanc causam difficultorem faciunt, & minus necessaria
videri possunt, quam eorum, quæ & quomodo concessa
sint integra & plena descriptio, Ideoq[ue] editio hæc,
quam & Princeps Elector tūm à se promi-
sit, ne omittatur præstabitur.*

T O R

TORGENSIA.

Libro agendorum conscripto, ut diximus, euocatus
est Torgam ad 13. Aprilis à Principe Electore
Princeps Georgius Anhalt. &c. vna cum Philippo
Melanthone, D. Pfeffinger, Daniele Grossero, Ioachi-
mo Camerario & quibusdam alijs, qui librum illum de-
lectis ex nobilitate, qui ad mandatum Principis & hac
de causa Torgæ conuenerant, recitarent, antequam Pa-
storibus Ecclesiarum in his terris proponeretur, Sed im-
pedita res fuit quasi tribunitia intercessione Theologi
cuisdam ex Flacianis emissarijs, qui qua impotentia ani-
mi, & vt lenissimè dicamus, incogitantia, Lutherum ali-
quando contra se irritauerat, ea Theologos etiam tūm no-
stros, qui ibi conuenerant inuasit, & consilijs & actioni-
bus horum ita iracundè & maliciose obtrectauit, vt &
ex nobilitate multi ab ijs negocijs, quæ in manibus erant,
abalienarentur, neq; Theologis nostris ullam recitatio-
nem suscipere liberet. Quod autem Flacianus ille scriptum
quoddam actionibus institutis tūm opposuisset, in quo &
Idolatriæ & desertæ veritatis Theologos conuocatos ac-
cusabat, Ideò emissarij illius (cuius nomen non edimus,
vt mortuo parcatur) Eius igitur scripto responderunt
tūm Theologi hoc quod subiecimus.

Statim in inicijs harum deliberationum, de rebus Ecclesiasticis
hoc monuimus, quod etiamsi bono consilio in aliquib. cære-
monijs Adiaphoris concederemus (sicut possunt conscientiae in
F f f hoc ge-

hoc genere aliquid tolerare, & pro ratione negotiorum etiam des-
bent) futurum tamen esset, ut in multis locis Pastores non quiesce-
rent, ex quo multæ distractiones essent securæ. Sed huic sollicitu-
dini nostræ, tunc opponebantur alia grauiora pericula, de exterris
gentibus, qui in has regiones mitti possent, sicut in Ducatu Vuite-
bergenſi factum esset, qui hæc loca uastarent, Pastores uel omnino
pellerent, uel interficerent, & hanc benè constitutā politiam prorsus
dilacerarent.

Ad hæc tanta mala auertenda non uoluimus in concesſione
de Adiaphoris difficiliores esse, Quare non obsequimur Papæ neq;
huic commodamus, sed primum conseruamus omnia necessaria
doctrinæ capita & Sacramentorum usum, & oppugnare Papam,
non est nomen tantum huīus oppugnare, sed falsoam doctrinam in
capitibus religionis oppugnare, neq; ad Papatum quicquam facit
aut pertinet ceremonias recipere, quarum & in prima Ecclesia Apo-
stolorum temporibus usus fuit, ex quib; nos haec tenus plerasq; reti-
nūmus & usurpauimus, ut sunt Natalis domini celebratio, paschatis,
Ascensionis, Pentecostes, dierum Dominicarum, &c. quas si seruare
recusaremus quod diceremus Papisticum hoc esse, barbaria talis
contumaciam haberet & ordinis perturbationem animaduerten-
dam, qua ad populum disciplina solueretur & impediretur doctri-
na. Omnino enim hoc & indubitate uerum est, ad disciplinam &
plantationem doctrinæ apud iuuentutem & uulgus ceremonias
esse necessarias, et si fit ut simul falsæ de ceremonijs opiniones irrepāt,
quando defunt Concionatores intelligentes, qui populum de his
recte doceant.

Secundo, quæ de constitutionib. in hoc genere deliberata
sunt & proposita, præcipue ad consensionem doctrinæ, & unam in
ceremonijs formam in harum terrarum Ecclesijs constituendam
fuscepta fuere, non ad Papatum confirmandum, Et uerum est in
prima uisitatione seu inspectione harum Ecclesiarum, cum in multis
locis absolutio priuata, de puerperis ritus, & multæ honestæ cere-
moniæ prorsus exoleuissent, illo etiam tempore quasdam instaura-
tas fuisse, Et quanquam tunc quoq; Islebius & alijs quidem clama-
bant, Papatum à nobis instaurari, illa tamen ceremoniarum eiusmo-
di instauratio non culpanda uisa fuit. Quod si hac ordinatione quæ
proponitur, hoc perficeretur, ut ad disciplinam meliorem aditus pa-
teficeret, & de excommunicatione & alijs, quæ ad uitam sanctius de-
gendant faciunt, hoc modo constitui posset, multum hæc res boni
afferret.

afferret. Id quod & ex animo optamus, & hoc etiam laboramus; quantum possumus, ut iuuentus ad congressus sacros in templis frequentandos, & ceremonias quae in his usurpentur, adducatur. Sed bene scimus multos esse consuetudine mala sic depravatos, ut nimis am libertatem expertant, & de libertate sua tali magis pugnant quam de præcipuis & necessarijs Christianæ doctrinæ capitibus, discriminis ne ueræ & falso inuocationis, & disciplinæ ac uitæ honestate, &c.

Tertio, Etiam si obijcitur, tales concesiones ex metu fieri, ideoq; his confirmari Papatum. Hoc igitur si ita esset, & talis metus etiam causam his afferret, Tamen hoc non est culpandum, quod non priuati nostri boni, sed populi, sexus muliebris, & ætatis teneræ, atq; uniuersæ Reipub. salutis causa timidi sumus, & ita quidem, ut ad conseruanda retinendaq; necessaria illa capita concedamus ac remittamus aliquid in non necessarijs, præsertim cum scriptum sit: 1. Pet. 1. Patientes ubi opus est, Item Rom. 12. Seruare pacem cum omnibus hominib, quantum in uobis est. Et hoc uniuscuiusq; conscientiam in tolerandis atq; sustinendis afflictionibus confirmat, si scit se propter res necessarias affligi, necq; non necessarijs rebus causam sibi afflictionum, aut Ecclesiæ ut deserantur, aut aliae uastitates ut siant, quod attulerit.

Quarto, Etiam Reuerendus Doctor Martinus Lutherus sœpè suscit, ut nostri offerrent se ad eandem cum aduersarijs formam in huiusmodi reb. & ritibus Adiaphoris præstandam, id quod & aliquoties in Comitijs imperialib. factum est, & hac ipsa de causa Illustris: Princeps & Dominus D. Iohannes Anhaltinus &c. Ratisbona ad Doctorem Martinum ablegatus est, ut de hac re cum ipso colloqueretur.

Quinto, In ea ordinatione quæ nunc proponitur, nullæ insunt nouæ cæremoniæ, sed eæ quæ iam antè in usu sunt, ad hunc modum, boni ordinis causa, & ut eadem in ritibus forma constitueretur, sunt descriptæ & sœpè in hac descriptione expressa est & repetita commonefactio, ut una cum usurpatione harum uera & pura doctrina conseruetur. Cum igitur fatendum sit cæremonias, ut supra diximus, esse necessarias, cur usitatas has Ferias atq; cantiones seruare nolumus? quib, addita sunt quedam de publica poenitentia ac de confessione fidei in cæremonia confirmationis, qui sunt rite tuis ad disciplinam utiles.

Sexto, potest fieri ut hæc ordinatio aliquib. in uicinia sit profutura, partim ut ad ueritatem doctrinæ abducantur, partim ut

in hac conseruentur, quia in Silesia & alijs regionib. ante hæc tem-
pora multi propter cæremoniarum discrepantiam à doctrinæ ueris-
tate abhoruerunt.

Septimo, Nos contra atrociter accusamur, quod Idolatrias
introducamus, quod ne à nobis fiat Deus benignè nos custodiāt, &
exempla Iudeorum perperam aduersus nos adducuntur, cùm Iu-
dæi nouos cultus contra manifestum mandatum instituerent, &
falsam insuper doctrinam adiicerent, quod Deus illis placaretur, si-
cūt ante hæc tempora de Missa & Monachatu similis fuit persuasio.
Nos uero nihil omnino nouorum cultuum instituimus aut introdu-
cimus, doctrinæ etiam ueritatem conseruamus. Necq; tilli Ecclesiæ
prohibitum est, de cæremonijs, fano intellectu, & disciplinæ atq; in-
structionis popularis causa, constitutere. Sicut Paulus monet: Cor. 14.
Omnia decenter & ordine fiant in Ecclesia. Et hæc ipsa forma, quam
nos in Missa publica seruamus, ad eundem modum seruata fuit ante
mille annos, quemadmodū Dionysius planè testatur, Quarè necessi-
tas nobis affertur respondendi sic. Nullas nos hac ordinatione ido-
latrias introducere, sed toto pectore Deum oramus, ut ab idolatrijs
nos custodiāt. Quod autem Papistici ex nostris intestinis dissensi-
onibus animentur & ferociores reddantur, de hoc longa querela
opus, & sunt in culpa ij, qui de rebus non necessarijs magis quam
de necessarijs pugnant. Par eslet importunos istos homines consi-
derare nos quoq; membra esse harum Ecclesiarum, & ueram doctri-
nam amare, & huius causa fortassis plus afflictionum sustinere
quam ipsi sustineant, Necq; tam immaniter Idolatriæ crimen nobis
inferre. Est hic Pontificatus nouus, hoc importunum genus homi-
num cæteros omnes ad suas rationes adigere conari, & qui non ob-
sequantur eos tam horribiliter condemnare.

Atq; ita re infecta Torgæ discessum. Paulò post
discessit ex Academia nostra Flacius, deserens locum
suum, & prodens amicitiam, fidem, gratiam, officium,
quæ & Collegio, & priuatis multorū beneficijs & Phi-
lippi Melanth. plus quam paternis debet, quod vt faceret,
cum necessitatem sibi allatam videri velit ab actionibus

& con-

¶ concessionibus nostrorum, iudicium permittimus ijs,
qui in haec nostra incident, an necessaria illa necessitas
Flacij haberri possit, nam quid à nostris factum sit opti-
ma cum fide hactenus exposuimus, de quibus omnibus
si non cognouit illo, quo nobiscum fuit tempore Flacius,
cognoscere tamen ipsi ¶ querere de omnibus in promptu
fuit, nisi ignorantiam affectauit. Nam usq; ad hunc fi-
nem actionum omnium in Academia & Collegio hic no-
stro vixit, Et quæ ad illud usq; tempus, per se & compli-
ces suos, contra nostros molitus fuit & perfecit, ea ut do-
mesticus hostis, qui in sinu nostro alebatur, suscepit uni-
uersa, quod genus hostium veteres Græci φιλκτάς ap-
pellarunt. Hæc est Paulina Ψευδαθελφία, quam inter
grauissimas afflictiones suas Apostolus commemorat.
Ita igitur ab amicitia, coniunctione & societate labo-
rum nostra in docenda iuuentute Flacius discessit, neq;
ab eo quidem tempore amico illo vti nobis conceditur,
sine tamen magno detrimento nostro, τὶ γὰς ἐπ ἔλπε
γένοιτο μῆλος, ὢ Κίλων πακόδε? & inimicitias postea his
terris, Ecclesijs, & Theologis in primis nostris, Præ-
ceptoribus suis, manifestas denunciauit, cum substitisset
hic ab instaurata post bellum Academia annum inte-
grum & Semestre, Et ad finem quidem usq; actio-
num, vt diximus, omnium.

Hunc igitur quoniam ita vult & laborat, dimit-
tamus & hoc modo quasi ritu solennis auersationis, &

repudiationis & mendaciae, quo verbo Græci de ta-
li re vñsi fuerunt, & mendacia atq; calumnias huius, &
cætera, quæ omnes pios, & bonos, & Patriæ
amantes, in hoc & complicibus huius odisse
necessæ est, execremur & re-
pudiemus.

GRIMMENSIA.

POst Torgenses has actiones Princeps Mauricius
Elect. ad Calend. Maij Cremam conuocauit Prin-
cipem Georgium, & Theologos ex vtraq; Academia,
vna cum Philippo Melanth. & Ioachimo Camerario,
atq; Superintendentes & Pastores Ecclesiarum, in his
regionibus, ibi ad conuocatos referri curauit, vt compon-
sum ad ea, quæ communiter à Theologis & regionum
harum ordinibus approbata & decreta essent, Agendo-
rum librum, cognoscerent, & sententias de hoc suas
ederent, atq; simul de his ipsis actionibus, & consilio
atq; voluntate sua, qua vniuersa suscepisset, ita vt res
postulare tūm visa fuit testari, quibus vt plus fidei ha-
beretur, & suspicione omnes præciderentur, Princeps
Elector postea ipse ad eos qui conuenerant, verba fecit,
& diser-

et disertissimè voce sua testatus est, Se non petere, vt doctrina mutetur aut illa res necessaria, et nisi quod piè, et cum bona conscientia fieri posset, neq; hactenus se concedi postulasse, neq; nunc etiam illo modo velle aut postulare, sed tantum vt ritus externos in ordine Festorum, lectionum, vestitu, retineant Presbyteri. Ita postea liber lectus fuit, et post considerationem diligentem omnium, communiter ab Uniuersis responsum hoc modo, vt ex Germanico conuersum subiecimus:

Nos cum subiectione de nobis significamus. Uniuersos & pastores, & cæteros qui ad cognoscendum librum conuocati sumus, consentientibus sententijs respondere, Nos compositam Agendorum formulam per omnia quantum & ad doctrinam & Cæremonias attinet, ita ut in libro decripta est, approbare. Simil autem de hoc monemus, Primum, si haec ita ut constituta sunt, usurpari atq; exerceri debeant, ut ad præfectos & oppidanos Magistratus liber mittatur, qui haec ut siant à pastoribus postulent. Nam si pastores hanc mutationem absq; postulatione tali præfectorum aut oppidanorum Magistratum introducerent, pastoribus postea haec obiectio incumberet, quod nouationum autores fierent, ad quas homines cogerentur,

Secundò quæ de agendis in hoc libro sunt, ea pro condizione locorum & numero ministrorum in Ecclesijs ut accipiuntur, cum fieri non possit, ut omnia præstentur, si non sint administrari, per quos illa siant, quæ præscribuntur. Et haec tamen ita ut serventur, ne quid noui, & ijs quæ in libro expressa sunt contrarium, à quoq; introducatur, sed quæ seruari poterunt, ea ut cum ijs qnæ præscripta sunt consentiant, & re communicata cum Superintendente & de mandato huius pastores omnia faciant,

Tertiò

Tertio ut Magistratus operam det, ut feriæ honeste decens
ter & piè transfigantur, nam quod ad pastorum ministeria attinet,
parati sunt ad operam Ecclesijs fideliter & diligenter præstandam.
Actum Cremæ Cal. Maij. 1549.

Quòd autem ab his quæ ad hunc modum Cremæ
acta sunt, aliquot Superintendentes adfuerant, postea illi
qui absuerant, peculiariter Lipsiam conuocati sunt, & his
reliquis ibi Agendorum liber ad similem modum proposi-
tus.

Ita igitur à Theologis & Superintendentibus &
regionum ordinibus, cùm approbata essent ea de quibus
hactenus scripsimus vniuersa, Quarto Non. Sextilis
Princeps Elect. Mauricius literis missis ad omnes Præ-
fectos gubernationi publicæ, & Principis negotia admi-
nistrantem nobilitatem, edixit de ijs, quæ communiter
approbata iam & decreta essent seruandis, vt coactio-
nem ad suos legitimam & politicam usurparet, cuiusmo-
di in omnibus edictionibus & ordinationibus usurpari
oportet, Quàm enim violare licet & euertere cuilibet,
ea non est neq; ordinatio neq; edictio. Illarum literarum
exempla postea typis expressa edidit, vt de voluntate &
sententia sua publicè constaret, quod edictum cum per se
eas actiones quas hactenus descripsimus vniuersas, con-
cludat, nos etiam hoc quasi colophone addito, narrationem
de his rebus nostram in præsentia concludemus. Edicti
igitur sententia est hæc:

Noster

Noster fidelis. Nos de multiplicibus indicijs cognoscimus, esse multos in regione nostra homines, qui partim ipsi sibi sollicitudines singulis, partim ab alijs, qui turbis et seditionib. oculi studentes, non tamen hoc agere uideri uolunt, in has inducantur, quasi haec sit uoluntas, sententia & consilium atque propositum nostrum, ut ueteres abusus in nostrarum regionum Ecclesijs instaureremus, & nostros a uerbo Dei per uitam depellamus, & negotium hoc paulatim ita agamus atque ducamus, dum alias & maiores occasiones conficiendi huius obseruemus, qua in parte ex concionatorum etiam ordine quosdam non habemus excusatos, De huiusmodi autem sollicitudine, & suspicionibus talibus, facile intelligimus omnes illos & subditos & Concionatores nostros, qui talibus suspicionibus indulgent, de mutatione praesentium rerum spem concipere, ex quo facile iudicare possumus, si quis conatus aliquid susciperet ad turbas & seditionem excitandam, futurum ut illud diffidens & suspicax hominum genus facile se commoueri pateretur, aliij quidem propter sollicitudinem talem & affectionem, quam de religione se habere sibi persuadent, aliij ex malevolentia, odio, turbandi studio, quae in praesentia præmunt & dissimulant, tum autem in lucem essent prolaturi. Etsi autem multis publicis scriptis nostris sententiā nostrā ut ullus abusus, qui Deo & sanctiss. uerbo huius & religioni Christianæ contrarius sit, admittatur, sed potius ea ut promoueantur atque conseruentur, quæ uerbo Dei consentanea sunt, & ad Christianæ religionis conseruationem conferant, Qua de re, & quomodo subditis nostris pacem & quietam gubernationem conseruare possimus, summa est sollicitudo nostra. Hortamur igitur benignè eos, qui uel ex simplicitate & sua sponte, uel ab alijs persuasi in illa sollicitudine sunt, ut eam de nobis deponant, neque deinceps se in hanc induci patientur, sed huic scripto nostro fidem omnino habent, Et sicut nos diligentiam præstamus in cogitando de eo, ut Christianam religionem, & quietam & pacificam gubernationem his conseruemus, ita ipsi similiter, & animo sint erga Deum recto, & uitam degant Christianis dignam, & affectionem præstent erga Magistratum, ut Deus mandat, benevolam, & obediendi studiosam. Cæteri autem qui tales sollicitudines commouent, & com-

G gg miniscuns

miniscuntur atq; spargunt ea, de quibus nihil compertum habent,
Illi igitur nisi conuertant se & à facinore desistant, peccas non effus-
gent, uel in hac uita uel in altera, cum consilia & animi horum ni-
hil pietatis Christianæ habeant, sed neq; pñ neq; ueraces illi sint, &
seditionum cupidi. Postquam uero ex decretis conuentus Lipsiæ
nuper habití; quæ decreta in subiectissimo Romani Cæsaris Ma-
iestati obediendi studio, de rebus ad Christianam religionem per-
tinentibus facta sunt: Ex illis igitur decretis, postquam capita que-
dam excerpti curauimus, de quibus in Ecclesijs regionum nostra-
rum instituendis per Consistoria & Superintendentes nostros con-
stituatur, de quo ex pastore tuo cognoscere poteris, ideo postula-
mus ut obserues, an pastor tuus de Consistorij aut Superintenden-
tis ordinatione ea præstet, aut hoc facere an recuset, & pro concione
uel alibi constitutionibus illis obtrectet, deq; hoc nobis, aut locum
nostrum tenenti, atq; Consiliarijs nostris, uel Consistorijs significes,
Quod si Pastor tuus aliquid requisuerit, de quo doceri se uelit, id à
Consistorijs aut Theologis in Academijs nostris VVitebergensi &
Lipensi petere ei licebit, ut in Ecclesijs regionum nostrarum consen-
sio conseruetur, cultus diuinus promoueatur, & debita Deo & le-
gitimo Magistratui obedientia præstetur. Id quod & tu ut facias,
& subditis tuis ut denuncies, te minime recusaturum nihil dubita-
mus. Hoc modo id fit, quod omnino uolumus, Datæ Dresdæ
4. Iulij. Anno 1549.

SEQVVNTVR EPI-
STOLÆ QVÆDAM SCRIB-
PTÆ AD DIVERSOS, QVIBVS ET
quæ ἀδιάφορα concesserint Theologi, & quas harum
concessionum causas habuerint, strictim
ac summatim exponitur.

PASTORIBVS ECCLESIÆ
Hamburgensis. Phil. Mel.

R Euerendi uiri & amici cariss. Non ægrè ferimus, nos aman-
ter à uobis uel moneri uel reprehendi. Sunt enim & hæc of-
ficia in

ficia in amicicia, præsertim in Ecclesia, necessaria. Sed tamen oramus uos, ut in iudicando, pro uesta prudentia, grauitate, & erga nos benevolentia, candorem adhibeatis, nec ueteres amicos, qui amplius uiginti annis magnos labores & uaria certamina sustinuimus, & adhuc sustinemus, damnetis, sicut alij quidam, qui falsis criminationibus rabiose nos insectantur, quibus idèo nondum respondemus, ne tam tristi tempore odia & dissidia magis inflamentur. Primum autem uobis significamus, Dei beneficio uocem doctrinæ eandem in Ecelesijs nostris & Academijs sonare, quam tot annorum consensu uobiscum profitemur, & quam nunc in uesta confessione propugnat. Cumq[ue] sciamus hanc doctrinam æternum Dei decretum esse, & perpetuam ueræ Ecclesiæ sententiam nihil in ea unquam mutaturi sumus, ac ne quid mutaretur in doctrina & Liturgia, acerrimæ contentiones nobis hoc ipso anno cum aliquibus fuerunt, qui ingenij, eruditione & autoritate in his regionibus excellunt. Quod cum ita sit, extant non obscura testimonia nostræ confessionis, ac aliquanto maiora odia & pericula subimus in tali confessione, quam illi qui inter adplaſores suos in tuto nobis conuictantur, quos optaremus interesse ijs disputationibus, in quibus argumenta astutissimè excogitata, magno labore refutamus. Eduntur apud nos & libri ijdem qui ante bellum editi sunt, Nec ritus alij sunt in Ecelesijs nostris, quam quos uidistis. Et quanquam non magna dissimilitudo est, tameq[ue] alibi plures alibi pauciores sunt, de qua dissimilitudine nec antea rixati sumus nec nunc rixamur. Nam & esse publicos congressus honestos, & ritus non barbaricos in illis congressibus, imò & quædam disciplinae signa esse necesse est, in quibus si nihil contra mandata Dei institutum est, de gestibus ipsis non esse pugnandum uos ipsi scitis, sed metuitis in generali uerbo insidias, cum dicimus nos de Adiaphoris non pugnare. Veniunt eadem nobis in mentem, quæ uos prudenter prospicit. Et uoluntates multorum eò spectant, ut inclinationem ad totam politiam Pontificiam faciant. Sed tamen cum occupati maioribus certaminibus de rebus necessarijs omittimus rixas de Adiaphoris, decet bonos uiros, qui talia legunt, adhibere dexteritatem in iudicando. Vocamus Adiaphora non magicas consecrationes, non statuarum adorationes, non circumgestiones panis aut similia, quæ aperte damnantur uoce nostra & scriptis, imò ne ineptias quidem, ut excubias ad sepulchrum. Talia qui uel odiose coaceruant, ut nos exagitent, uel

astutè colligunt ut Pastoribus duriora onera imponant, iniuriā
nobis faciunt, & suis affectibus morem gerunt. Alia multa
sunt Adiaphora, quae & antiquissima Ecclesia instituit, & ad con-
cinnū ordinem & ad docendos seu commonefaciendos rudiores
conducunt, ut ordo festorum, lectionum, publici congressus, Ex-
amen & absolutio ante sumptionem Sacramenti, ritus aliquis pub-
licæ poenitentiae, examen in confirmatione, publica ordinatio ad
ministerium Euangelicum, publicæ dispensationes, & precationes
in nuptijs, honesti comitatus, aut etiam conciones in funeribus.

Hæc cum pleraq; in usu sint apud nos & bono consilio reten-
ta sint, qua fronte dicere poteramus, nos nulla Adiaphora nihil
usitatū admīsuros esse. An ut sit in factionib; & studijs par-
tium, odio aduersariorum etiam istos uetus mores congruentes
cum Ecclesia Dei inde usq; à primis parentibus abijceremus? Sicut
Cineas quidam Athenis festos dies contrarios populi consuetudi-
ni celebrabat. Et Asiani sues mactarunt & contrarium anni ini-
tium constituerunt, ut ostenderent se prorsus alienos esse ab Israeli-
tis. Scimus ne uos quidem probare talem nouitatem, Et re-
uerenter tueri uetus Ecclesiæ ordinem, qui bono consilio institu-
tus est. Ac præcipui ritus in uestris & nostris Ecclesijs congruunt
ad ueterem formam, quæ extat in scriptoribus, qui ante Gregori-
um fuerunt. Disciplinæ feueritas aliquanto maior fuit, & exer-
citia temperantiae maiora fuerunt, quas duas res nunc quoq; opta-
mus curæ esse gubernatoribus, qui Cœmonias, & umbras disci-
plinæ in speciem restituere conantur non res ipsas.

Sed reprehensio uestra, non de hac honesta consuetudine
Ecclesiarum nostrarum loquitur, sed de quorundam ineptorum ri-
tuum instaurazione, quæ fieri à potentibus uidetur, ut paulatim re-
stuantur omnes abusus pontificij. Hic mollies nostra accus-
ator, quod non uehementius aduersamur, quod alicubi damus
consilium pastoribus, ne deserant Ecclesias propter hanc nouam
seruituem.

In litione Marchionis Alberti aula primum petiuit, ut Pasto-
res totum'ibrum Augustanum amplectenter ac sequerentur. Pio
consensu nobilitatis, Ciuium & Pastorum modestè facta est recusa-
tio. Decurrit ergo aula ad aliud consilium, proponit articulos,
qui doctrinam & Liturgiam non mutant, sed plus rituum impo-
nunt, qui uteunq; tolerari possunt. Additur comminatio,
ut, qui hanc normam sequi noliat, discedant. Etsi multi pastores
discedere

descendere malebant, tamen Ecclesiæ petebant ne desererentur. Tali tempore quid consilijs dandum fuit? Respondent aliqui uehementiōres, atroci scripto perterrefaciendam fuisse aulam metu seditionis & hac Gorgone reprimendam, ne quid in Ecclesijs mutaretur. Id cur facere nolimus multæ cause sunt. Et fortassis magis irritarentur inimici, qui nolunt sibi leges à nobis ferri, dicent etiam attrahi exercitus Cæsaris, talia scripta esse classica bellorum exitialiū patriæ. Nec uoluimus deserī Ecclesiās, ut in Sueuis accidit, ubi in multis templis iam prorsus solitudo est, aut lupi iam præsunt, qui doctrinam impiam & falsas invocationes restituunt. Si tali tempore hoc nostrum consilium reprehendit̄, ignosci nobis petimus, nec propterea nos damnari qui uocem Euangelij eandem uobisēcum sonamus & aliquanto propiores periculo sumus, quām uos qui habetis auditores æquiores. Et coram plures grātes causas dicere possemus, cur hoc moderatius consilium, utilius esse iudicemus.

Quæ res aduersarios armauerit contra nos, & audaciam ac potentiam eorum confirmauerit longum esset dicere, & non est ἐπισολικόν, ut Aristoteles dicere solebat, sed tamen dissensiones & dissimilitudo Ecclesiārum nostrarum uideretur ἀφορμή fuisse gubernatoribus, ut nouam normam proponerent.

Vt igitur clarè cerni possit, nos non cupiditate libertatis, non studio nouitatis, non odio dissidere ab aduersarijs, de magnis rebus pugnamus, in quibus euidentia ueritatis conuincit faniores etiam inter inimicos. Id iudicamus utilius esse, quām de uestitu aut re simili rixari, ubi sapientes clamitant, nos tantum stulta morositate ac contumacia aduersari gubernatoribus, alere dissidia, attrahere peregrinas gentes. Talia multa cum audiamus, opponi non leues causas necesse est. Vobis in auditorio uestro omnia faciliora sunt, & uestram libertatem uobis gratulamur. Semper autem aliqua est Ecclesiæ seruitus, alibi mitior, alibi durior, ac levirū æruminas seruitutis consolatione uestra decet, non augeri condemnatione, dum fundamentum tenemus.

Concordiam igitur inter nos, & mutuam benevolentiam tueamur, ne Inuocatio in nobis, aut in populo turbetur, neue tristes & perniciose dubitationes oriāntur ex questionibus non necessarijs, ut olim de Paschate accidit. Illi quibus libertas minus impedita est, agant Deo gratias, & piè utantur ea ad illustrandam doctrinam, nec disciplinæ frenos propterea magis laxent. Alij in seruitute ag-

noscant castigari nos diuinitus , & ueram Dei iuuocationem cor
rumpi non sumant , Sicut scriptum est ; Hæc omnia uenerunt super
nos , nec oblitus sumus te . Nos non sumus suafores , ut Ecclesiæ tur-
bentur , nec in minore dolore & periculo sumus quam uos , sed ubi
noua onera imponuntur , prudenter iudicandum esse sentimus , an
relinquendæ sint Ecclesiæ lupis , aut facienda solitudo , an uero ser-
uitus toleranda sit . Nam neç nos impias Cæremoniæ recipi
uolumus , neç sine grauissimis causis deleri Ecclesiæ , sicut scri-
ptum est : Non deserentes congregationem uestram .

Hanc responzionem uobis satisfacturam esse speramus , &
optamus , ut æterna sit inter nos concordia , & animorum
coniunctio in Deo , sicut filius Dei in agone suo precatur , ut pa-
ter mentes omnium in Ecclesia copulet , ut unum sint in DEO .
Bene ualete , 16. Aprilis Anno 1549.

AD PASTORES ECCLESIAE in Marchia.

Venerandi Viri , sicut ipse Filius Dei ante agonem orauit , ut
Ecclesia sit unum in Deo , ita maximè oremus ipsum , ut con-
sensum harum Ecclesiarum , in quibus sonat uox Euangeli
incorrupta , & in quib. uera sit iuuocatio Dei , tueatur . Principes eti-
am Electores cum una essent , longa commemoratione exponens ,
qualis sit dissipatio in alijs regionibus hortatus est Anhaltinus , ne
sinant distrahi harum regionum Ecclesiæ , iam recte sentientes . Ac
nos quidem doctrinam in Ecclesia nostra sonantem , quæ quidem
& cum Marchionis Electoris scripto congruit , quod ante annos 8.
suis Ecclesijs proposuit , non mutabimus , nec restituemus uiciosos
cultus quos hactenus improbauimus .

Quod uero de articulis factis in Interboch interrogatis , sci-
tote nos non interfuisse illi arcanæ deliberationi , in qua Principum
facta est subscriptio , nec exempla illorum articulorum habemus , nec
cōsecrationes oleorum aut salis inter adiaphora recensemus , ac sem-
per improbauimus illas oleorum consecrationes , & adhuc impro-
babimus . Si qua in illis Articulis mentio facta est unctionis , illud
etiam additum fuit , restare Articulos non conciliatos , de quibus nes-
celle

celle sit Episcopis iudicari quid desideretur. Postremò quid interroga-
tis, si liber Augustanus uobis simul cum Articulis proponeret,
quid sit respondendum. Simplex est ueritatis oratio. Responde-
te uos normam doctrinæ quam Elector ante annos aliquot publico
scripto Ecclesijs Marchicis commendauit, fideliter seruatu-
ros esse, nec eam normam mutatu-
ros. Si autem Princeps sic interpretetur
librum Augustanum aut alios articulos, quasi cum hac doctrina sui
scripti congruant, ac uelit ita respondere Imperatori, de ea interpre-
tatione aut responsione ad Imperatorem, Vos Principi nihil præ-
scribere, sed uos testari, quod normam hactenus seruatam secuturi
sitis. Hac responsione fortassis Elector contentus erit. Scimus fieri so-
litudinem in multis Ecclesijs, pulsi sunt Pastores plures quadringen-
tis in Suevia, & ad Rhenum. Tubingæ nunc pulsis Pastoribus &
Concionatoribus unicus est Sacrificulus, qui, ut libro Augustano fa-
tisfiat, oblationem restituuit. Mirum est igitur cur adhuc ætatem au-
ream promittat Islebius, cum manifestè uideat uastari tam multas
Ecclesiias, pios & doctos uiros exulare cum totis familijs. Tantæ ca-
lamitates cum alibi siant, nos etiam duram seruitutem, modo sit sine
impietate, tolerandam potius esse existimamus, quam disceden-
dum ab Ecclesijs.

D. Pomeranus.

Philippus Melanth.

PASTORIBVS ECCLÆ DEI in Comitatu Mansfeldensi.

Ruerendi Viri & amici cariss. orat Filius Dei in agone suo, ut
æternus Pater consensum Ecclesiæ tueatur, ut simus unum in
ipso, ut uerba quæ extant in ea, narratione recitem. Nec est
irrita illa Filij Dei precatio, semper erit aliquis coetus custos ueræ do-
ctrinæ consentiens. Legi uestram deliberationem, quam iudico &
piam esse & cum nostris sententijs congruere. Etsi autem multa Ec-
clesijs nostris minitantur, & profectò horribilis crudelitas in Suevia
exercetur, tamen nec ueræ doctrinæ corruptelas unquam recipie-
mus, nec uiciosos cultus approbabimus. In alijs rebus Adiaphoris
seruitutem quamlibet duram tolerabimus. Nec propter leues cau-
sas occasionem prebendam censemus ijs, qui pellere Pastores conan-
tur

tur, quā de re, cum à multis interrogati simus, scripsi quid mihi uideretur. Quanquam autem scio quibusdam horridiores sententias magis probari, tamen hæc magna causa est cur seruitutem tolamus, ne fiat in Ecclesijs solitudo, qualis iam in multis locis est ad Rhenum & in Suevia. Nulli sunt congressus, templa clausa sunt, nec Baptismus quidem in templis administratur, pelluntur Pastores, alii qui etiam trucidantur, rapiuntur aliquorum coniuges & filiæ. Nec magistratus ulli opem ferunt suis Pastoribus, quidam etiam gaudent eos excuti. Cum igitur videamus quomodo in periculo sint non tantum docentes, sed etiam ipsæ Ecclesiæ, hoc est, p̄ij cœtus, tantisper donec piè possumus, manere apud Ecclesiæ studeamus, etiam si toleranda sit aliqua seruitus, quæ tamen sit sine impietate. Oramus autem Filium Dei, ut ipse nos gubernet & poenas mitiget. Non humanis consilijs aut uirib. retineri lux Euangelij in humano genere potest, sed Dei opus, & beneficium est tanti boni conservatio. Ab ipso igitur petamus & expectemus auxilium. Benè ualete die 23. Januarij 1549.

EPISTOLA SCRIPTA AD

Francofordianos.

In tanta Ecclesiarum dissipatione & moestia optarim quā minimum fieri mutationum. Semper enim etiam tranquillis temporibus aliquid est in mutatione incommodi. Nunc multò magis dolore afficiuntur bona mentes, cum uident tales mutationes institui, quæ significant inclinationem ad inimicos nostros, quos certum est defendere uiciosos cultus. Propter hanc inclinationis opinionem triumphant & confirmantur inimici, & inter nos multi languescunt, & in dubitationem adducuntur. Quarè susatores mutationis graueri accusantur, & iudicantur scandalorum insignium autores esse, uidelicet languefactionis in ea parte, quæ recte sentit & confirmationis errantium, deniq; & obscurationis ueritatis & gloriae Dei. Hæc non sunt exigua mala, de quibus postea rursus discordum est, cum fiet collatio scandalorum, quæ ex durioribus & mollioribus sententijs sequuntur. Prius autem discernenda est priuata confessio à consilio quod alijs infirmis & dissimilibus datur.

Laurentius recte fecit, quod mortem prætulit edito Decij de pecunia. Fuit enim in ea occasione confessio eius illustrior, & talis

talis celsitudo animi singulari motu Spiritus sancti iuuabatur. Alius timidior censuisset pecuniam potius amittendam esse, quam uitam, & fuisset huius infirmitas excusabilis. Nihil igitur hic præscribam fortibus, qui etiam leui occasione confessionem illustrem suo periculo edere uolunt. Sed uideant ut ueras sententias prositeantur, & earum fontes norint, & non sint θρασύδειλοι, audaces ante pugnam, postea in pugna dubitare, trepidare & desicere incipiunt, quales uidimus multos usq; ad ancillæ uocem fortes, ut in Petri historia exemplum propositum est.

Nunc autem non de priuata confessione dispuo, sed de consilio dando alijs dissimilibus & infirmis, ut hoc tempore multi gubernatores petunt, ut pastores restituant aliquos ueteres ritus ἀδιαφόρα, eamq; moderationem sperant profuturam, ut plus non postuletur, nec turbentur Ecclesiæ propter alias res maiores. Forfassis autem haec spes uana est. Hic tamen sentio petentibus tali moderatione gratificandum esse. Nec ignoro multa Stoicæ & horridè dici contra hanc sententiam seu timidiorem seu æquiorem, cum initia mutationis confirmant aduersarios, ne quidem haec parua ducenda esse ἀδιαφορα. Hanc duriorem opinionem si qui amplectuntur, amplectantur suo, non alieno periculo.

Cum Petrus dicit, patiendum esse ubi opus est, Præcipit ut confessio sit de rebus ueris & necessarijs, & occasio sit honesta adeundi periculi, ut cum Magistratus interrogant de doctrina, uel præcipiunt, ut facto ipso abiijciamus doctrinam, sicut Ethnici præcipiebant, ut milites sacrificarent Idolis. Itaq; non solum priuatim docti & fortes, sed etiam populus anteseerre debet ueritatis confessionem uitæ, & paci in rebus ueris, quarum cognitio omnibus necessaria est, ut cum præcipitur de corruptelis doctrinæ recipiendis, aut de manifesto abusu Milesiū, aut de inuocatione mortuorum. Et erudiendus est populus, ut discrimin inter necessaria, & non necessaria. Sed cum petitur, ut seruetur ordo ueterum cantionū, Feriarū & uestitus, Hic non iudico populum onerandum esse periculis. Cum Petri regula dicat, Patientes ubi opus est. Ut meminimus in loco uicino Basileæ igni crematum esse quendam propter esum carnium. Etsi crudelitatem iudicium iustissimè execramur, & constantiam boni hominis in confessione laudamus, tamen & ipse nequaquam male fecisset, si hoc periculum uitasset, & certè alios onerare nemo debet, ut tali occasione pericula sibi accersant. Secundo, Non tantum metu moueor, ut pias, elegantes

H h & similes

& similes cæremonias optem in Ecclesijs nostris esse. Sæpè ante multos annos non ego tantum, sed etiam alij multi gubernatores Ecclesiarum hortatores fuerunt, ut in Ecclesijs pia & similis forma rituum institueretur. Nec propterea doctrinam de libertate Eu- angelica abolemus, quæ de rebus multò maioribus concionatur, Sed omnes sani intelligunt, naturæ hominis conuenire ordinis ele- gantiam in publicis congregatis, sicut & Paulus dicit: Fiant omnia decorè & bono ordine. Ac dolemus in multis locis etiam utiles Cæremonias, absolutionis, cantionum, à cæteris abolitas esse.

Sed scandalum est confirmare aduersarios hac specie incli- nationis. Ad hoc respondeo: Si constantia erit confessionis in rebus necessarijs, ut esse debet, non poterit defectio nobis uerè obici. Volo enim & deinceps semper eandem uocem ueræ doctrinæ serua- ri, & nullos recipi impios cultus. In cæteris autem rebus ostendamus modestiam & tolerantiam nostram in seruitute. Hæc ipsa summissio si fieret retinendi Euangeli causa, honestior esset, quam superbia in deserendis Ecclesijs. Præterea maius est scandalum deserere Ec- clesijs propter causas non maximas, aut præbere causam iudicis po- puli, qui diceret nos propter parcas res pertinacia nostra attrahere bella, quam præbere aduersarijs qualemcumq[ue] occasionem calum- niandi nostram moderationem. Et cogita uter male faciat, an ille durus & horridus, qui ut retineat laudem constantiæ, mauult Eccles- siam deserere, quam uestem mutare. An uero hic patientior seruitu- tis, qui ut profit Ecclesiæ, sustinet onera quamvis ingrata, sed sine im- pietate, ut interea maneat Ecclesia in rebus principalibus in eodem statu & non tollatur ministerium Euangeli, & non turbetur inuo- catio in populo. Sæpè sit etiam ut illi ipsi duri & uehementes ma- iora negligant, imò etiam impedian, & interea de rebus minutis tu- multuentur, sicut dictum est de colantibus culicem & deuorantibus Camelum. Pugnant aliqui de ueste, & interea prorsus tacent de dis- ciplina, imò magis eam laxant, tacent & de excommunicatione, & alij neuis uicioorum cultuū. Sed confirmas inquiunt aduersarios.

Si erit constantia in rebus necessarijs non confirmamus ad- uersarios, sed declaramus modestiam nostram & studium iuuanc- dæ Ecclesiæ, quod etiam seruitutem duriorem toleramus, & quidem ideo toleramus, ne Ecclesiæ deserantur, item ut intelligent omnes, nos non de nostra libertate, sed de necessarijs articulis disciplinæ di- micare. Ac seruitutem eò modestius feramus, quia prætextu liber- tatis nimium abusi sumus omnes. Fatendum est, non uulgarem fuz- isse

isse petulantiam multorum in turbanda doctrina. Nec populus tantum, sed etiam gubernatores & seniores nimium neglexerunt exercitia temperantiae utilia inuocationi. Magna fuit in discendo, in inquisitione, & explicatione ueritatis negligentia, nemo curauit inspici Ecclesiæ & rudiiores Pastores eruditri. Multi Doctores affectibus suis nimium indulserunt. Aliqui etiam miscuerunt intempestiuè causam Ecclesiæ & alia negotia. Hæc nostra peccata & alia multa commonefacti iam præsentib. ærumnis deploremus & ita feramus seruitutem, ut donec possumus prodere Ecclesijs, non discedamus.

Nec propterea amittitur libertas Christiana, si rectè docebimus. Nam corda scient tales ritus non esse cultus Dei, sed alia maiora opera, ueram fidem, inuocationem, dilectionem, spem, patientiam, ueritatem, confessionem, castitatem, iusticiam erga proximos, & alias uirtutes ueros cultus Dei esse. Sine hac doctrina & sine his uirtutibus libertas externa in cibis, uestitu, & similibus Adiaphoris non est libertas Christiana, sed noua politia gratior fortasse populo, quia pauciora uincula habet. Obijciunt autem aliqui dictum Pauli: Si quæ destruxi, ea restituo, præuaricator sio. Non errauit Paulus in destruendo. Ac in hac nostra infirmitate, cum primum ueteres ritus aboliti sunt, magna fuit & docentium, & opinionum & locorum dissimilitudo. Aliqui priuatam absolutionem prorsus aboleuerant, quod cum non sit rectè factum, etiam ante hoc tempus restitui eam optauit. Fateamur nos homines esse, & potuisse quædam temerè & incircumspectè dicere & facere. Talia si qua sunt, non grauatim emendemus. Nec restitutio aliorum rituum mediorum præuaricatio est, cum doctrinæ puritas retinetur. Nam qui Paulo obijciebant restitutionem illam, uolebant eum doctrinæ genus mutare & alijs imponere legem Mosaicam tanquam necessariam. Hic repugnat Paulus, alibi in usu attemperat se ad mores eorum, cum quibus uersatur, & propter Ecclesiæ utilitatem sua liberate non utitur.

Etsi autem scio multos de hac questione duriorem sententiam magis probare, tamen si profutura est seruitus ad hoc, ne amittant Ecclesiæ uocem doctrinæ, nec onerentur uicio sis cultib. pia & grauius causa est, cur seruitutem quamuis duram anteferamus alijs consilijs, in qua tamen nec conscientiæ uulnerentur, nec inuocatio piorum turbetur. Et quia non leuiter antea nobis dissidia nostra nocuerunt, non moueamus nunc inter nos ipsos certamina non ne-

cessaria, sed singuli in alijs quædam boni consulamus, & communis
tranquillitati condonemus, & leniamus Ecclesiæ modestiam nostra
æQUITATE, quantum possumus. Ac filium Dei Dominum nostrum
Iesum Christum oremus, ne finat extingui lucem ueræ doctrinæ &
ueram iuuocationem, 29. Ianuarij 1549.

HÆc series est, hæ sunt occasiones deliberationum
& concessionum omnium, Ex quibus & quid fece-
rit quisq; apud nos, & quales sint Flacij criminationes
atq; ex quibus procedant fontibus, planum est, quæ, vt
status controversie fiat notior & illustrior, summatim
repetemus.

Imperator pertæsus dissidiorum, quibus indies au-
gescentibus vehementer concuti & conuelli Germaniam
cernebat, hanc pacare & coniungere rursus uoluit dissen-
sionibus de religione ante Synodum interea ad præscri-
ptum certæ formulæ compositis, & ordinibus ad illius
formulæ approbationem exequutionemq; obligatis, hacq;
velut fœdere quodam inter se deuinctis, ne quid amplius
ex religionis dissimilitudine vel tumultuum vel bellorum
existeret, & cessaret quæ ex dissidijs hisce nata in ani-
mis infederat altè radicibus actis diffidentia mutua, quod
sæpè tentarat antea alijs modis. Cum autem persuasus
esset hanc, quæ postea titulo & nomine libri INTE-
RIM celebrata est, talem esse, quæ tantæ rei perficien-
dæ sit accommodatissima futura, in hanc ordines vt con-
sentirent postulauit, & ante publicationem in consultati-
onibus ac consiliorum & sententiarum collationibus pri-
uatis,

natis, & multò magis ac pertinacius & acerbius post promulgationem, quod recusationem eius Maiestatis suæ contemptum complecti & labefactare autoritatem, & nouis ac maioribus distractionibus & conspirationibus nouis patefacere fenestram res doceret.

Mauricij Electoris & Theologorum nostrorum qualia fuerint & iudicia & responsa de libro prinsquam id proferretur & post expositum est. Ante promulgationem cùm de libri constitutionibus priuatim disputatum & tractatum est, Theologi consuluerunt moderatius, quod si Imperatori expertenti pacem & consensionem, largirentur quædam in externorum non impiorum rituum restitutione, hac se concessione impetraturos sperabant viciòm, vt emendarentur libro insertæ impietates, quas suis notationibus indicarant. Nam & tractatum, quæ antè institutæ de eadem causa fuerant, meminerant, vt qui illis ita interfuerunt, inde usq; ab initio motorum certaminum, vt suis consilijs gubernarint pleraq;, & suarum promissionum, quas fecerunt Imperatori, non erant oblii, & has mutare sine scelere non poterant, Deniq; consulere Ecclesij cupiebant cum nostris, conseruando scilicet in illis id, quod Dei beneficio habebant, tūm Pontificijs adhuc opressis mole tenebrarum, eiusdem veræ doctrinae & Sacramentorum usum imperiendo. Impetratum his nihil est. Perstigit in sententia Imperator, Processit libri publicatio. Hanc secuta est

Theologorum à politicis viris sejunctione ac separatio. Theologi, qui momenta controversiarum omnium & debuerunt intelligere & norant, nullo modo sese assensuros fuscis & falsis conciliationibus libri, & has suo se periculo repudiatus ac detrectatus constituerunt, quod & fecerunt: idemque consilium dederunt reliquis Pastori- bus alibi, & ab hac sententia nunquam deflexerunt. Neque in illa parte vel minima defensæ contra aduersarios doctrinæ vocem mutarunt, neque ullius rei concessione illas libri superstitiones probarunt, quas expressè semper condemnatas repudiarunt constanter.

Politicos & promiscuam multitudinem onerare vel disputationibus, vel confessione de obscurioribus & ignotis materijs noluerunt, quod & dissimiles esse & in religionis negocio non exercitatos pariter, & non eodem modo affectos, nec eodem animi robore præditos scirent. His satis esse censuerunt, si de manifestis & quæ certò intelligerent esse impia vel sponte vel edocti, ut de corruptelis doctrinæ Iustificationis de Missæ priuatæ abusibus, de pænitentia, de Invocatione Sanctorum, de magistris consecrationibus & similibus expressè ac disertè profiterentur, se librum amplecti nec velle nec posse, quod anteferendam esse sciant obedientiam Deo debitam, & res ad Dei gloriam vindicandam ac tuendam pertinentes, obedientiæ Magistratui debite. De rituum extenorum non impiorum, & qui sua natura sunt adiutoriorum,

& uti-

¶ Ut iliter retineri atq; usurpari in Ecclesia possent, concessione, deferrent & sponderent obedientiam Imperatori. Quod quidem inde usq; ab initio motarum controversiarum consilium in omnibus de religione deliberatis fuerant sequuti.

Ita se ergo tandem ab Imperatore quanquam consensum & approbationem in praesentia seuerè & obstinate flagitante, liberauit Mauricius Elector, ut reiectis sua voce & testimonio suo manifestis & notorijs Idolis, erroribus & superstitionibus libri, in reliquis, quæ piè & sine conscientiæ offensa & non contra Dei expressa mandata prestari possent, obsequentem se futurum recum suis communicata obstrinxerit. In hac sententia perseverauit Princeps Mauricius, ut in sua perstiterunt Theologi.

De omnibus his deliberauit Mauricius Elector cum suarum regionum subditis, Theologis adhibitis. Theologi perseverantes in sua sententia dehortati sunt Principem cum obtestatione à mutatione omni, quam viderent parituram & suspiciones multiplices & varia iudicia, libro Augustano simul noua confutatione repulso & exploso. Respondit Mauricius Elector duorum alterius trum se oportere facere, (de tertio enim non faciendo, id est, de impietatibus stabilitis in libro non recipiendis, se iam constituisse) Nam aut declarare se oportere Imperatori, si quidem multa contineret liber expressis Dei manda-

mandatis contraria & conscientijs periculosa & per se
impia, quædam media & suo genere non impia, in quibus
& quatenus cedere atq; obtemperare possit salua Dei
gloria, integra veritate doctrinæ, & in columibus suarum
regionum Ecclesij: aut expressa omnis obedientiæ recu-
satione experiri incertum belli euentum. Quod si hanc
sequendam illi viam censerent potius quam priorem, do-
ceri se oportere ante omnia de belli causis, An ad arma
capienda contra Magistratum, & attrahendum suis Ec-
clesij bellum, etiam satis sit futurum causæ, si antè ten-
tatum animum Imperatoris declaratione legittimæ & à
Deo mandatæ obedientiæ in ijs rebus, in quibus ipsi
multò antè censuissent præstari eam sine impietate posse,
pariter & sine discriminæ omnem obedientiam detrecta-
ret. Existimare sese nunquam hoc ipsos vel suasuros vel
probaturos esse, qui Imperatorem & Magistratum esse
sciant, & venerati sint ipsi atq; ornarint semper scriptis
& concionibus suis, eumq; in hæc consilia quanquam nec
recta nec salutaria, tamen bono studio pacis descendisse
non ignorent, & in similibus deliberationibus multo antè
& multoties de rebus medijs Imperatori pertinaciter non
esse aduersandum, si veritas doctrinæ retineri possit, sta-
tuerint, ne secus ac res est, de doctrinæ genere suspicetur
ac de autoribus, quasi prætextu emendationis abusum
sit quæsita æwagxia in Ecclesia & Imperio. Nec se cau-
sam videre, quare de ijs rebus ipsum armis seditione raptis
dimicare

demicare contra Magistratum velint, de quibus alios
pugnare noluerint.

Sibi vero si de causa concludatur, & suarum re-
gionum subditis, tum hoc etiam cogitandum esse, an mo-
to bello vires harum regionum potentiae Imperatoris re-
centi Victoria plurimum confirmatae, & ad ducendum
bellum instructae, sint futurae pares, tum praestandum atque
cavendum, ne si de non necessarijs nego, impijs incerta
belli fortuna praelientur, amittant necessaria, deuastatis
bello Ecclesijs prorsus atque in solitudinem redactis, ex-
cussis pastoribus, deleto Ministerio, extincta voce verae
doctrinae, sublato usu Sacramentorum, legibus honestis
abolitis, neruis disciplinæ Ecclesiasticae & politicæ admi-
nistrationis incisis, & terris his universis regni Pontifi-
cij idolomania & seruitutis acerbe tristissimo iugo op-
pressis, cuius rei exempla cernantur in Ecclesijs Sueicis
& pluribus alijs vi domitis & disturbatis. Harum re-
rum si iacturæ non necessario bello præberet causam,
graue hoc esset futurum sibi admodum & pericolosum.
Nec posse se villo modo conscientiae persuadere suæ, quod
debeat detrectatione obedientiae in ijs, quæ Dei manda-
tis non aduersentur, nec sunt perse impia, bellis aut ve-
re aut certe in speciem seditionis inuoluere, & obijcere pe-
riculis extremis non fortunas tantum suorum, sed multò
magis animarum salutem & conscientiarum, quas, si res
aliter caderet, necesse esset & dubitare tandem de reli-

ligionis ueritate, errore concepto ex non distinctis neceſſarijs & diuinitus traditis à non necessarijs, & neq; præceptis neq; prohibitis à Deo, & periclitari de tota doctrina. Non fieri posse aliter, quin si hec detrēctet, quæ largiri posſit, culpa ſe ſeditioſi & contumacis principiis & publicam pacem petulanter turbantis aſtrigat.

Cenſere ſe itaq; experiundam prius eſſe alteram viam, qua ſi nil proficeretur, faciliorem fore cauſam. Nam ſi vim vſurparet Imperator tentata libri exequitione armis, vim, ſi illa ſuppeteret, firmiore & certiore conſcientia opponi poſſe. Si uis vi reprimi non poſſet, uſtinere & perferre omnibus persecutionum calamitates in explicata & pia cauſa foret facilius. Iam verò ſe promiſſo & ſponſione, qua uſus coram Imperatore & alijs, decretalibri reiecerit, obligari ad obedientiam præſtandam, quæ piè & ſine offenſione conſcientiae præſtari poſſet. Itaq; ſe petere, ut interrogati, de quibus ipſe & ſui concedere Imperatori in ritibus Adiaphoris poſſent aliquid, de eo ut cum rerefectu ſalutis harum Eccleſiarum & gloriæ Dei in primis & veritatis doctrinæ pia ac diligentí communicatione confiliorum decernant & respondeant. Nam & per ſe antea conditio nem ſuarū Eccleſiarū flagitasse conformitatē in ritibus. Propterea cupere ſeſe, ut illam antea approbatam rituum deſcriptionem in hac deliberatione præcipue intueantur.

Quid faciendum igitur fuit hoc ſtatū rerum Theo-
logiſ?

logis? An desertis his Ecclesijs & destitutis communica-
tione doctrinæ, piorum consiliorum, commonefactionum,
& consolationum in summo discriminine, quo res redierat
ad pericula comitatura confessionem vniuerscuiusq., & pe-
riclitabatur cum veritate doctrinæ salus animarum: An
igitur fugere tunc debuerūt ceu mercenarij, vt fecerunt
censores nostri, & consulere suæ tranquillitati, latebris
quæsitis, in quibus tuto delitescerent? An vero in statio-
ne sua subsistentes operam dare debuerunt, vt plantatæ
doctrinæ puritatem & ipsas Ecclesiæ quantum possent
tuerentur ac vindicarent, & monendo consulendoq; arcea-
rent ac summouerent, cum machinationum dolos, tum vi-
olentiæ vim, quibus liber Augustanus obtrudebatur,
quocunq; suo cum periculo? Et si cedendum nō fuit, An fa-
ces seditionum esse & incitare debuerunt subditos ad
eam obedientiam Magistratui armis seditiose detrectan-
dam, ad quam piè & cum bona conscientia mandato di-
uino præstandam Princeps & subditi per se, & de
veteri ac recenti permissione Theologorum se ob-
strinxerant, præsertim cum hos ita affectos esse intelli-
gerent, vt retinendæ doctrinæ & veræ religionis causa
persecutiones sustinere ac subire non recusarent? An ve-
rò potius disertè erudire hos debuerunt, cum id peterent
& postularent (neq; enim à Theologis hæ deliberatio-
nes ortæ sunt, nec tam ad Theologos quam priuatim ad
vnum quemq; pertinuerunt) de quibus in doctrina hæcte-

nus controuersis capitibus pertinentibus ad Dei gloriam
& salutem animarum confessionem edere oporteret &
nihil concedere. Quæ verò ex humana autoritate pen-
denta, & constitui ac mutari humano consilio consueta
non tamen contra normam sacræ scripturæ, talia essent,
vt concedi Imperatori possent, quo & Deo præstaretur
cultus debitus, & non violaretur obedientia, quam Ma-
gistratui Deus destinauit atq; addixit, vitaretur q; sediti-
osæ contumacie culpa, & vel bellorum rabies auertere-
tur, vel si persecutionum pericula expectanda essent,
prius constitueretur, quas res oporteat autoritati huma-
næ cuicunq; anteferre?

Qui vel relictas Ecclesiæ doctrina, consilijs &
commonefactionibus destituendas, vel protinus conci-
tandas contra Magistratus potius, quam recto discrimi-
ne inter diuinitus præcepta atq; immota & immutabilia,
ac reliqua Adiaphora erudiendas prius fuisse censem,.
quomodo hæc Deo excusent, viderint. Nostri vt fi-
deles ac pij Doctores ac ministri salutem Ecclesiæ su-
arum pluris fecerunt quam propriam, & quas rebus se-
cundis ac florentibus constituerant ac rexerant, illis in
aduersis & extremè laborantibus consilio pio deesse no-
luerunt, quicquid ipsis accideret priuatim vel ab hosti-
bus vel à calumniatoribus.

Si itaq; consulendum fuit, quod dare consilium po-
tuerunt aliud, quam illud ipsum, quo toto tempore muta-
tionis

tionis vſi fuerant? ſcilicet vt demonstrarent, quos in Pon-
tificio agmine abuſus, errores, cultus idolatricos taxas-
ſent, & ex his Eccleſijs ſuſtuliffent, quos ſine impietate,
abiectione fidei, abnegatione veritatis, periculo eternae
ſalutis reuocare non poſſent, & propter quos haec facta
eſſet ſeiunctio, Deniq; de quibus conſtantiam in con-
feſſione, patientiam & obedientiam in cruce & per-
ſecutionibus Deo praefari oporteret: In quibus contra
conatum obedientiae declarare Imperatori liceret, qua
declaratiōne vel amolirentur pericula, quae impendebant
nō fortunis tantum vniuersiūsq; ſed multò magis Eccle-
ſijs ipſis, doctriñe & toti ministerio: Aut ſi illa non a-
uerterent, liberarent dubitatione & metu conſcientias
necessariarum & non neceſſarijs diſtinctione explicatas ac
confirmatas.

Cum ergo poſtulationi Principis & ſubditorum
refragari nullo modo liceret, quanquām calumniarum
metu abhorrentibus ab omni confeſſione, deuenitum eſt
tandem ad deliberationes de Adiaphoris, quas delecti ex
ordinibus ſubditis & consiliariis, conceptis ſcripto for-
mulis, exorſi ſunt. De his quid confeſſerint & quate-
nus & quibus legibus ac conditionibus, & in quos vſus,
diſerta, clara & explicata Theologorum reſponſa do-
cent. Ex hiſ ipſis, præter tres ritus vel quatuor ad ſum-
mum, reliqui omnes antea hiſ Eccleſijs in vſu fuerunt, re-
tentī confilio, mandato & autoritate Lutheri & aliorū,

quibus inspectio & constitutio Ecclesiarum prima com-
mendata fuit. Formam rituum eandem usurpat &
usurpauit hucusq; in administratione & distributione
Cœnæ dominicæ maxima pars Ecclesiarum in his regio-
nibus, quæ in ordine concessorum rituum exprimitur,
neq; additum illi quicquam neq; detractum est. Sola no-
stra Ecclesia & quedam vicinæ evadat & ex parte abro-
garunt, de qua ut & de linea veste Reuerendus dominus
Pastor D. Pomeranus promittere plura non voluit, quā
à Pastoribus suæ inspectioni subiectis impetrare bona
gratia posset, Ideo evadat & ex ea formula, qua
postremo descriptus est ordo rituum obseruandorum in
his Ecclesijs conformitatis causa, prorsus sustulerunt, ne
confirmaretur introducta Pontificijs abusibus adoratio
panis, quanq; primæ & puriori Ecclesiæ in usu evadat & ex parte
fuisse. De linea veste quidem sola, cuius usum tamen
constat in maxima parte harum Ecclesiarum nunquam
fuisse intermissum, plurimum turbarum ac tumultuum
fuit excitatum, ita ut de hac penè sola præcipue dими-
catum sit. Confirmationis ritum quem concedant, &
quomodo ac in quos usus, quid ve spectarint, descriptio
admonet suprà posita. De Festo corporis Christi ut vo-
catum est, quod inter dies festos consignarant postremò
ij, qui & digesserunt ordine capita rituum, & de singu-
lis sunt sciscitati, eo libentius assensere, ut eo die de
horribilibus abusibus & prophanationibus sanctissimæ
cœnæ

cœnæ dominicæ in circumgestatione & adoratione panis
cuius tetræ Idolatriæ neruos stabiliunt censores nostri,
populus commonefieret & doceretur. Imo ut hoc festum
esset velut Enceniorum festum, quo de repurgato templo,
id est de liberatis Ecclesijs nostris ab Idolo Maozim, quod
autoritate Pontificum in Dei locum collocatum & à su-
perstитiosa multitudine diuinis honoribus atq[ue] adoratione
cultum, tot annis sanctum locum Tyrannicè tenuit &
blasphemie polluit ac prophanauit, De hoc ergo benefi-
cio & reddito Ecclesiæ vero & integro cœnæ dominicæ
vsi, ut seriae & ardentes Deo gratiæ agerentur, & pe-
teretur huius beneficij conseruatio. Mentione vñctionis,
quam vocem usurparant ij, qui de Adiaphoris interro-
garunt, consuetudinem visitandorum ægrotorum rece-
ptam antè in his terris, & consecrations vel execratio-
nes potius olei impias & blasphemias extremè condem-
natas & explosas esse, toties repetitæ commonefactio-
nes de visitatione ægrotorum & condemnationes Chri-
smatis ac consecrationum olei ostendunt euidenter, quæ
ex tota præmissa serie repetantur. Canonem totum pe-
culiari scripto refutarunt & reiecerunt, nec potest vlla
vllijs impietatis in his ritibus concessio demonstrari. De
reddenda verò Episcopis iurisdictione non assensisse ali-
ter, nisi ea conditione, si hostes non fuerint veritatis &
Ecclesiarum nostrarum, & examina instituant seria,
quibus audiantur ordinandi de doctrina Ecclesiarum
nostra-

nostrarum: Mauricium Electorem similiter sicut tota series deliberationum & exitus planissime conuincit, ea- tenus de restitutione Iurisdictionis recepisse, quatenus Episcopi persecuturi Ecclesias nostras non essent, & ordinaturi legitimè sineulla obligatione impia com- mendatos, Post exploratas vero voluntates Epis- coporum, nihil omnino reddidisse illis, sed confessim à soluto Conuentu Lipsico curam rei Ecclesiasticae vniuer- sæ Academijs Consistorijs & Superintendentibus harū terrarum commendasse denuò, Id cum publicum sit & notorium, tamen impudentissime Flacium contra hanc manifestam veritatem tumultuari tam nefario clamore non puduit. Hæc ferè concessionum summa est. Nam ri- tus reliqui vñitati Ecclesijs fuerunt antea.

De his quæ ad conuocatos in oppido Grimmensi Pastores & inspectores suarum Ecclesiarum referri cu- rauerit, & quos conformitatis causa ritus requisiuerit Princeps Elector, testantur, quæ supra sunt exposita. Simul autem ipse sua voce tunc professus est grauiter & cum ad seueratione, propter suspiciones, quibus grauaba- tur à Flacianis & calumnias, nullam se vel requirere vel moliri in doctrina aut aliqua re necessaria mutationem, Sed hoc conari, ut declarando obedientiam Imperatori in confessione paucorum quorundam rituum non impio- rum, & efficiendo in suis Ecclesijs conformitatem, quam exigeret necessitas, auerteret & pericula, quæ minita- rentur

rentur his terris vastitatem & religionis deletionem, &
incommoda, quæ ex rituum dissimilitudine atq[ue] Ecclesi-
asticæ disciplinæ plus nimia laxatione abusuq[ue] petulanti
libertatis Christianæ hactenus extitissent. Doctrinæ
enim puritatem conseruatam se cupere, & conseruare
ac defendere Deo iuuante velle vel cum vitæ & omnium
fortunarum periculo. Ideò benignè se postulare, ne gra-
uentur in horum rituum receptione & instauratione, ubi
v[er]sus eorum abrogatus excoleuisset, non inuiti obtempera-
re, & secum vna hoc conari & agere, ne turbentur, &
maioribus implicentur periculis doctrinæ & ministerio
interitum allaturis Ecclesiæ, & vt hæ disciplina paulo
seuiore regantur, cuius laxationem detrimento his &
doctrinæ propagationi ac morum gubernationi impedi-
mento esse in conspectu sit.

Inde noua deliberatio orta, quæ ad Pastores pro-
priè pertinuit, quales se in abrogatorum rituum ἀδιαφορί^α
restitutione gerere erga Principem & Ecclesiæ suas de-
buerint. Etsi enim maxima pars earum ceremoniarum,
quæ requirebantur, nunquam in vsu esse desierant, dispu-
tatum tamen fuit, an reuocari in usum intermissæ possent
ad cauendas maiores perturbationes ac dissipationes, &
conformatitatis atq[ue] congruentiae causa, & in gratiam
Principis volentis satisfacere fidei & obedientiae Impe-
ratori debitæ salua pietate & religione ad Deum. Omni-
nō cùm constitutum esset Princi, & conscientie pro-
K k k priæ

priæ & salutis suarum Ecclesiarum causa non discedere à promisso obedientiæ, quæ nibil haberet impietatis, Pastoribus aut deserendæ fuerunt Ecclesiæ, aut seditiones quocunq; euentu concitandæ contra Principem & Imperatorem, aut cedendum fuit, & ferenda seruitus non impiæ, ut ab omni impietate, superstitione & prophaniitate Ecclesiæ defensas cum puritate doctrinæ & vero Vnu Sacramentorum conseruarent.

Ex tribus his sententijs, tertiam qui Grimmæ adfuerunt, elegerunt. Autores seditionum esse nec debuerunt nec voluerunt, qui seditiones molitiones & tumultuationes semper procul fugerant & fuerant execrati, & suo loco omnium virium conatu antea compescuerant ac represso-
rant, & de Magistratibus piè & honorifice docuerant, et de sese dixerant, si quid commoueret periculi aut pare-
rent aduersi, editæ ab ipsis refutationes impietatum, hoc
sese subituros suis ceruicibus, non deriuaturos à sese in
harum terrarum incolas, deniq; quibus causa ad seditione
clamandum nulla iusta afferebatur. Ecclesiæ vero dese-
rere, quo animo & qua conscientia potuerunt illo tristissi-
mo & ærumnosissimo tempore, propter eas res, quas
fuerant toties sponte largiti Imperatori? Cùm iussi diser-
ta Confessione explicarunt momenta controuersiarum.
Crudelitas enim fuisset et impietas, si, ne reducerentur
in Ecclesiam pauca Adiaphora, abieciissent ministerium
spontanea desertione, aut seditionis molitionibus præbu-
issent

issent causam euersioni Ecclesiarum, cùm Adiaphora
in nostra potestate posita, nobis seruire ad doctrinæ pro-
pagationem tractationemq; & ministerij conseruationē,
pia exercitia, deniq; nominis diuini celebrationem debe-
ant. Et à nobis pro ratione circumstantiarum, si ex-
pediat & sit vtile ad damna & detrimenta cauenda ma-
iorum vastationum, dissipationum uox & laetias, usur-
pari vel omitti, aboleri, vel instaurari, liberè possint.
Quiq; de causis mutationum talium edoctus offendit-
tur, iniuste offenditur, & sibimetipsi causa est scandali.
Prætulerunt ergo tertiam, quanquam de sequaturis
calumnijs certi & huius sententiae causas ac rationes
grauiissimas & verè pias atq; Dei gloriam & Ecclesiæ
salutem complectentes sëpe hactenus exposuimus.

Has Actiones ad Dei solius gloriam & conserua-
tionem puritatis doctrinæ, verorum cultuum Dei, om-
nium rerum necessariarum, ministerij Euangelici puri-
oris in his Ecclesijs directas, quam sceleratis calumnijs,
quam impudentibus mendacijs, quam atrocibus inse-
ctionibus sine modo & fine exagitarit Flaciana factio,
testantur Chartarum agmina, quæ totis decem annis in-
structa & emissa circumuolitarunt. Quid enim non tri-
butum est nostris impudentissime? Initio hæ iactaban-
tur Voces. Nihil fuisse largiendum, sed seditionibus aut
terrendos aut excutiendos Principes, & perturbanda
fuisse atq; euertenda omnia. Postea ad hæc accumu-

labantur alia: doctrinam de iustificatione corrupisse nos-
stros: Revocasse impias Ceremonias in Ecclesiam: sub-
iecisse Ecclesias impijs Episcopis hostibus: Fornicatos
esse cum scorto Babylonico: Conciliationes fecisse cum
Belial, gratificatos esse & seruijsse Diabolo. Nec vlla
cogitari aut concipi potest atrocitas criminum tanta,
quam Flaciana factio non effuderit.

Prouocamus ergò ad cognitionem & iudicia om-
nium piorum in toto orbe Christiano, & obtestamur eos,
ut propter Dei gloriam & Ecclesiae salutem atq[ue] inco-
lumentatem, ad hanc veram narrationem, de qua testa-
turos nos profitemur vbiq[ue] fuerit opus, Flacij ex-
suspcionibus, somnijs, rumusculis, calumnijs, mendacijs
extructas atq[ue] instructas accusationes & criminationes
de corrupta doctrina, de receptis impijs ritibus, de
collusione cum hostibus haud grauatum conferant, Et an
hæ concessiones paucorum & utilium rituum accommo-
datæ conseruationi veræ doctrinæ & saluti atq[ue] incolu-
mitati harum Ecclesiarum, que sola spectata & quesita
fuit, cum ex his nullus aliis sperari fructus ab illis
posset, qui deliberationibus interfuerunt, præter eum,
quem de criminationibus & cōdemnationib. iniustissimis
perceperunt: Hæ inquam concessiones, an talium condem-
nationū atrocitatē meruerint, statuant. Simul etiam
malis tantis, quæ Flacij calumnis inuecta in Ecclesiam,
crescunt

crescunt quotidie & exasperantur ; vt salutaria & conuenientia remedia querant , oramus .

Vtinam de legitima & pia Synodo Principes religionis nostræ serio cogitent , in qua de remedijis his vulneribus Ecclesiae adhibendis deliberetur communi consilio piorum hominum , vt frenetur & compescatur licentia & petulantia improborum hominum odys , ambitione , superbia & malicia corruptum explicata dogmata , seditiose tumultuantium & munitum sese factionibus , quorum præsidij consistant & ferociant . Hoc vt faciant , propter Dei gloriam eos obtestamur . Præcipuum munus Principum est , qui præcipua sunt membra Ecclesiae , prestare , vt populus rectè de Deo doceatur , & adsuefiat ad veros atq; à Deo præceptos cultus , et Deum rectè in agnitione & fiducia filij ipsius Domini nostri Iesu Christi inuocet et colat , et prohibere , ne corruptelis nouis et expicatorum dogmatum depravationibus conuellatur Ecclesiae consensus , et turbetur inuocatio piarum . Hunc consensum Deo iuuante nostri qua poterunt fide et diligentia vt semper fecerunt , iuuabunt ac promouebunt .

Quæ autem consilia & studia , qui conatus , quanta de Ecclesia sollicitudo , qui gemitus , quam ardentes ad Deum preces fuerint hoc tempore nostrorum , quæ sustinuerint ipsi pericula , & narratio testatur , & nos possumus testari omnes : Neg Flacius ignorat ipse , qui tunc

spectator horum omnium coram, & perfidus ac pernicio-
sus ciuis Ecclesiæ nostræ fuit, quiq; ex concessis ritibus
plerosq;, paucissimis exceptis, remansisse in hac nostra
Ecclesia post mutationem probè nouit.

Nihil gloriose, nihil arroganter prædicamus de
nostris, quos sua merita pjs omnibus omni tempore com-
mendabunt: Sed agnoscimus & grata mente celebra-
mus merita omnium eorum, qui tunc, cum Sphinx Au-
gustana in Ecclesias nostras immissa fuit, fortiter sese
huic opposuerunt, & ne progredetur ac vastationes
efficeret & lacerationes maiores, repugnando prohibue-
runt. His agimus gratias publico totius Ecclesiæ no-
mine, Agimus & Deo gratias, quod aliquos excita-
tos & roboratos spiritu suo sancto impulerit ad suscipien-
dum Vere doctrinæ patrocinium. Rursus & hos ob-
testamur, & alios pios ac bonos ubiq; locorum, ut
nostris vicissim tribuant quod eis debetur, & cogi-
tent hos primos & in prima acie ante cæteros omnes,
& cum certamen ferueret maxime, dimicasse, & insul-
tus atq; impressiones primas easq; difficillimas & pericu-
losissimas solos sustinuisse, & exhausisse prima pericula,
& vehementius petitos esse, & periculis semper fuisse
proximos. Reliquos longius abfuisse, ac horum
προμάχων certaminibus audaciores fuisse & tutiores.
Nec propter mendaces & ingratas criminationes
Flacij hæc præclara nostrorum merita abiçiant & ob-
ruant.

Edidit

Edidit suam Princeps Elector confessionem intrepidè non sine discrimine coram Imperatore , testatus grauiter, quòd impietatibus Libri assentiri non possit. De reliquis quæ cum pietate ad Deum & sine violatione expressi verbi Dei fieri possent , spondit obedientiam , & cùm præ ceteris solus vrgeretur vehementius , ut qui aduersari solus , & exequitionem prætextu de-liberationum remorari sciretur , penè solus sustinuit iram Imperatoris , comminationes & pericula , & texit reliquos , & ne procederet exequitio , impediuit , donec tandem confirmatos viribus & potentia conatus Imperatoris elideret & enarteret omnes , & compararet suis ac reliquis Ecclesijs coniunctis firmam ac stabilem pacem , de quo beneficio primum Deo , deinde & optimo Principi gratiae debentur æternæ.

Ediderunt & suam Theologi de corruptelis omnibus priuatim & publicè confessionem ex professo , & in alijs scriptis multiplicibus , Repudiarunt librum , & in reiectione persistiterunt. Nec defuerunt Ecclesijs reliquis consolando , moriendo , docendo , confirmingando , & doctrinam voce ac scriptis publicis repetendo. Cesserunt Principi volenti satisfacere mandato diuino præcipienti obedientiam erga Magistratum , ac suæ conscientiæ , & cupienti Ecclesijs aliqua rituum & disciplinæ Ecclesiasticæ similitudine conformare concessis paucis ritibus , & ys quos concederant , piè & utiliter declaratis ,

ratis , qui^{que} cum nulla prorsus sunt coniuncti impietate: approbatis reliquis , quorum usus iam ante in maxima Ecclesiarum parte perdurarat usq; ad ista tempora.

Sed inclinationem ad Pontificios hac concessione factam fuisse clamitant. De hac respondemus, Ne existiment tam stolidos esse nos & incogitantes, ut causas harum præstigiarum, & huius calumniae comparate ad fascinandam multitudinem non intelligamus. Quæ inclinatio fieri potest, si constanter propugnantur contra adversarios et retineantur, quæ contra eos defensa semper fuerunt, et eodem modo declaretur perpetuò atq; illustretur discepantia ac diuersitas, qua nostræ ac Pontificiæ Ecclesie dissident præcipue ac differunt, et quibus non emendatis apud Pontificios, nulla nobis cum illis coniunctio , nulla possit esse societas. Nec tribuatur illis villa in re quidquam, sed ostendatur Imperatori, (quod quam diu has de componendis dissidijs Imperator quicunq; deliberationes renouarit et uerterit, fieri oportebit, si iniri in Imperio ratio concordiae debet) quousq; se extendat obedientia ipsi, ubi desinat, et ultra quas metas nec progredi illa debeat, neq; ipsum exigere aliquid amplius deceat. Sunt autem hæc omnia à nostris præstata. Et quibus de causis aut debuerunt aut potuerunt ab usurpatæ antea confessionis forma discedere, et miscere cum controuersis ac necessarijs non controuersa

uersa et non necessaria , quæ accurate multoties di-
stinxerant.

Quare autem , quæ hoc tempore sub Mauricio
Principe facta est concessio , inclinationem peperit , quæ
repetita fuit toties ante bellum , speciem inclinationis
nullam habuit ? Quare quæ à nostris à morte Lutheri
usurpata est longè astrictior concessio ad amouendam
ab his Ecclesijs seditione contumaciae culpam et maiora
pericula auertenda , quæ totum erant abolitura ministri-
rium , reprehenditur : Quæ vino Luthero ab ipso Lu-
thero et scriptis publicis et privatis , et cum Luthero ab
his ipsis Theologis nostris præstata est Imperatori pro-
pter easdem causas , offendit neminem & caruit repre-
hensione , imò fuit approbata ? Cum concessiones utriusq[ue]
temporis si conferantur edoceant , illas vino Luthero
admissas plura largiri Imperatori , has arctius con-
tractas & explicatius definitas esse .

Sed tempus confessionis fuit , inquiunt ? Quasi non
fuerit tempus confessionis totum à mutata & emendata
religione tempus , & non exegerint confessionem omnes
de religione indictæ & institutæ collocutiones , cum ad
reddendam rationem fidei & doctrinæ autoritate Impe-
ratoris toties Theologi nostri euocati fuerunt . An mutato
dominio in his terris oportuit fieri & conditionem aliam
profidentium causam fidei , et mutari causam ipsam , sen-
tentias & pia consilia , & dici ac doceri alia , quam

dicta fuerant ante mutationem, cum fiducia præsidij &
defensionis augere animos poterat? An exuerunt tām
subitō naturam suam ἀδιάφορα partibus edendæ con-
fessionis deuolutis in Principem Mauricium, & de-
sierunt illa esse, quæ adhuc paulò antè fuerant, reli-
quis Principibus, sese ad concessionem eorundem of-
ferentibus? Quæ verò illa tām subita conuersio?
Si fingunt censores nostri, Christianum hominem ta-
lem esse debere, qui dogmata & sententias mutare
ex occasionibus, & inflectere consilia ad circumstan-
tias locorum, temporum, personarum & rerum, & for-
titer petulans mouendis non necessarijs, & petulanter
pertinax esse sciat in elidendis & impediendis saluta-
ribus consilijs aduersatione speciosa, tunc, cum præsi-
dio munitus & defensionis fiducia tutus fuerit, quod
de sese Flacius probauit, quales sint ostendunt. Si
pietatis integritatis & constantiae Theologicæ est eadem
sentire & dicere quocunq; tempore & periculo quo-
cunq;, cur condemnantur nostri, qui & de doctrina
dixerunt eadem rebus secundis et aduersis, et de riti-
bus medijs concederunt eadem, et de apprehensa semel
ac defensa veritate pugnarunt eodem modo obiecti peri-
culis extremis et omnibus humanis destituti præsidijs,
quo antea pugnarant præsidijs septi ac tecti velut clypeo
federis, cui vt nunquam confisi sunt tantum, vt fidu-
cia illius rebus florentibus insolentius aut petulantius
aliquid

aliquid mouerint, aut detrectarint aliquid Imperatori contumacius ex illis quæ concordiae et pacis causa concedi possent, sic postea nec metu potentiae Imperatoris viatoris, aut sequiturarum et iam impendentium persequectionum concesserunt aliquid amplius, quam concesserant antea, et hoc quod concesserunt abhorrentes ab omni mutatione, admiserunt propter Ecclesias de veritate doctrinæ et salute sua sollicitas et periclitantes, et petentes sibi ostendi, de quibus cedere nec deberent nec possent, et quibus largiendis cum bona conscientia obedientiæ Imperatori debitæ satisficeret. Non fiducia fœderis aut vllarum virium humanarum mouerunt certamina non necessaria ante bellum. Nec orbati præsidij post bellum ac ministrati et circumuenti periculis causæ pie et necessariæ de qua certamen extiterat, defuerunt vlla in re.

Quid itaq; prætermissum sit à nostris, quòd ad edendam confessionem pertinuit, et qua in re confessio hoc tempore præstata disreparit à priori, ex hac tota serie pertextæ narrationis censores nobis nostri ostendant. An non repetitæ sunt eodem modo sine mutatione vlla et sine mutatione refutationes et reiectiones abusū, errorum, et idolorum pontificiorum, et declaratum est explicatè et perspicuè sine vlla ambiguitate non sese approbaturos libri Augustani impietas.

De ritibus verò Adiaphoris & de Episcoporum autoritate nonne responsum hoc est, quod responsum

semper fuerat antea: & quos ritus & quatenus probarent, nonne explicite definitum est, procul remota & exclusa ac condemnata omni superstitione & necessitatis ac cultuum impie opinione, et si in his formulis notationes potius sunt & indicationes, & liber qui formam rituum obseruandorum integrum proposuit Pastoribus Cremæ, & receptus atq; approbatus est, integrum habet descriptionem atq; explicationem.

Ne verò concessionis vocabulo ludere videamus, hoc addimus: Extant Lutheri concessiones publicis commendatæ monumentis. Extant & priuata concessionum Chirographa, & alia quæ communi consilio omnium nostrorum Theologorum Lutheru nino & hæc gubernante conscripta fuerunt, & quidem ex his quædam paulò ante Lutheri mortem. Et prouocamus ad testimonia omnium cum Theologorum tum verò Illustrissimorum Principum, qui tractationibus de religionis negocio in conuentibus Imperij & interfuerunt & præfuerunt. Nec dubitamus Illustrissimum Principem Philippum Landgrauium Hassiæ etc. Dominum nostrum Clementissimum, cuius mentionem ea qua pars est reuerentia hoc loco usurpamus, omnium magna ex parte meminisse.

Vnam tamen plurimis Lutheri concessionibus formulam subiiciemus, cuius est $\delta\pi\tau\sigma\gamma\alpha\phi\pi$ in Bibliotheca Illustrissimi et Reuerendi Principis Georgij Anhaltini,

haltini, eam potissimum ob causam, quod hanc Flacius Veteratorie depravatam edidit.

QVÆSTIO DE RITIBVS MEDIS
proposita Luthero: *An liceat ex ritibus medis ante abolitis renocare aliquos in Ecclesiam coniungendorum Ecclesiarum causa quadam externorum rituum conformitate, ne Schismati culpemur pugnantes de non necessarijs: An vero libertas Christiana pertinaciter sit defendenda?*

De hac questione respondit his verbis Lutherus, sicut de Germanico in latinum conuertimus.

Si de Capitibus controuersis consensus non fiat, quid attinet de his extra rem positis rebus demere multum aut concedere. Si constitutus consensus fuerit, quantum ad res medias cedemus, feremus, præstabimus, quæ nos decent & requirent ipsi. Vbi cuncte enim Christo sua tribuuntur, quæ nostra sunt propter Christum libenter abiecta relinquemus. Sed ne cogitent contumaciā nōs affectare de indultria, etiam pendente lite & controuersia hærente, tamen, quantum ad me, pacis & concordiae causa libenter de mediorum rituum restituzione consensurum me promitto, sed ne his mea mihi conscientia oneretur. Idq; in omnibus meis professus sum scriptis. Utinam eosdem eodem modo ipsi amplectentur. Sed ut his conscientiae grauentur, Christus meus ferre nequit.

Hæc sunt Lutheri verba: Sed non tam nitimur autoritatibus & exemplis, quam veritate cause. Quæ est enim mediorum rituum ratio alia, quam ut seruant rei principali, id est, ministerio doctrinae & Sacramen-

torum, exercitijs precum & invocationis & similibus rebus præceptis à Deo & necessarijs, sine opinione necessitatis aut cultus, quam veræ doctrinæ uox irrepere non patitur, & si irrepat, redarguit ac condemnat. Et hos Ihsus ut prætent, quibus destinati sunt, cur non possent ex occasionibus circumstantiarum flagitantium mutationem, pio consilio nouari, abrogari, restitui, usurpari, omitti, sicut res poscit, ut principalia, integra, incorrupta, & salua prætentur. Et de causis cur id fiat, populus rectè erudieundus est, quibus cognitis, qui non contentus tumultuatur in Ecclesia & calumniatur recta & pia consilia, improbus est, sibimetipsi & alijs offensionis est causa, & de tali scando, quas reddat Deo rationes cogitet. Non de mutationibus rituum mediorum, sed de mutatione doctrinæ, necessariorum cultuum mandatorum diuinitus concionatur Paulus, cum inquit: Cum, quæ destruxi, instauro, præuaricator sum. Quod si concessiones omnes & mutationes in rebus medijs censores nostri condemnant, quam habeant de medijs ritibus opinionem explicit nobis. Quæ est libertas Christiana in usu rerum mediarum, si cum opus est, de consideratione diligent, iudicio & sententia piorum & intelligentium, cum Ecclesiæ salute, ut vera doctrina & omnium rerum necessarij Ihsus integer et incorruptus conseruetur, ad normam ac præscriptum veræ doctrinæ mutare eas non licet? Et quæ fuisset non dicemus sauitia sed incogitantia

Theologorum,

Theologorum, si hoc dubio & periculoſo ſtatu rerum
conſcientias tot mille hominum oneraraffent confeſſione de-
ritibus medijs potius, quam de capitibus rerum principa-
lium complectentium ſalutem uniuscuiusq[ue], ut taceamus
de Theologis iſpis, quos, ut ſupradicimus, neceſſe fuit
relinquere posteritati certa & explicata teſtimonia de
reprehēſis & emendatis in Eccleſia pontificia erroribus,
abusib[us] & idolatricis cultibus? Tradant ergo aliam de
ritibus medijs doctrinā meliore ea, quam Eccleſia omni-
um temporum habuit: Quanquam quid haec tenus fecerunt
aliud, quam quod recte conſtituta, dextrè diſtributa, con-
cinnè illuſtrata, portentofis et à veritate alienis detorſio-
nibus diſcerperunt, cōuulſerunt & obruerūt, ut nec quid
reprehenderint, nec quid ſentiant iſpi intelliſgi poſſit.

Aut igitur demonſtrent censores noſtri Mauri-
cium Principem contra religionem & fidem erga De-
um, contra boni Principis officium feciffe, quod præſtare
Deo in conſeruatione ueræ doctrinæ & rerum neceſſa-
riarum fidem & conſtantiam, Imperatori obedientiam,
que poſt obedientiam Deo debitam & piè & cum bona
conſcientia præſtari poſſet, voluit: Theologos itidem con-
tra officium feciffe, quod ab initio mutationis in doctrina
pontificia & abusib[us] plurima emendarint, pleraq[ue] ex-
pliſarint & conſtituerint rectius, omnia ad Dei gloriam
& pacem atq[ue] concordiam in Imperio ſecundum normam
ſacrae ſcripturæ & fidei analogiam direxerint & ac-
commodarint

commodarint, Et eodem modo, eademque constantia ueritatem doctrinæ & res necessarias pertinaciter defendarint ac retinuerint omni tempore. De ritibus autem mediis propter prædictas grauissimas causas, eandem pertinaciam non usurparint erga Imperatorem, Nec impediuerint PRINcipem Mauricium uolentem suæ & suorum conscientiæ ac saluti consulere, & cupientem suas Ecclesiæ de doctrina antè consentientes, rituum etiam ac discipline Ecclesiastice similitudine conformare atque coniungere, negant id temerè, sed re ipsa hoc flagitante: Aut igitur hoc faciant, aut desinant calumnijs suis has Ecclesiæ turbare, & innocentiam bene meritorum scelerate lacerare ac connellere, & in nos falsò conferre causam scandalorum, quæ ipsi malitiose excitarunt petulantibus & tribunicyjs clamoribus, quæque nouis subinde calumnijs auxerunt & augent.

Si eam impendisset Flacius operam declarandis Ecclesiæ diligenter & fideliter fontibus ac causis concessionum, quæ & à principio causæ & postea eadem in ritibus medijs usurpatæ sunt erga Imperatorem, cui opportuit ostendi veras discessionis à Romana Ecclesia causas, quam præstítit operam in pijs rectis & salutribus consilijs calumniose exagitandis, bonis & innocentibus viris crudeliter lacerandis, turbandis misere Ecclesijs nunquam in has calamitates Ecclesiæ conie-
Et æ

Etæ fuissent, & scandalorum nihil extitisset, de quibus quid respondeat Deo iusto iudici, ipse viderit.

Oramus autem censores nostros, ut paucula quædam se moneri à nobis patienter ferant, quæ fortasse occupatis operosiore cura, & nimia sollicitudine de alijs, quadam sui obliuione exciderunt de semetipsis. Oculos quæsumus paulisper à fixiore contuitu aliorum abductos conuertant in semetipso, & in repetito ex illis scriptis, quæ prolatæ Menius Ecclesie communicauit, nunquam satis laudatae à semetipsis constantiæ suæ speculo sese contemplentur. Et ad susceptas ac habitas eodem tempore de obedientia erga Imperatorem & quid in ritibus externis concedi posset, consultationes ac tractationes, quæ exprimunt illius gloriose constantiæ idæam, componant censuras suas & indicia. Tām concinmè enim hæc ad illas congruunt, ut arte accommodata uideantur, & iudicatu esset difficile, qui condemnarentur, nisi ex decennalibus clamoribus Flacij nos peti constaret. Certè dum petunt alios, incogitarter semetipso eodem feriunt & iugulant sicutu. Hoc ipsum enim quod fecerunt condement. Si quæ propter Imperatorem suscepæ fuerunt deliberationes à multis pijs Principibus, de obedientia ipsi debita, quatenus ipsi debita & præstanta sit publicæ in Imperio pacis & concordiæ causa in religionis negocio, hoc fine institutæ fuerunt, ut gratum fieret Diabolo, quo nihil potest dici, aut cogitari atrocius & horribilius, cui Deo seruire

M m m

runt

runt nostri censores suis deliberationibus & sententij?
Ipsi se intueantur & sua examinent atq[ue] expendant. Sed
& h[oc] permittimus iudicio Ecclesiæ & omnium
piorum.

EXPOSITA EST HACTENVS
vniuersa series & ordo omnium actionum & deli-
berationum, quarum causam præbuit infælicis libri Au-
gustani publicatio. Qua in narratione nihil suppressimus,
nihil mutauimus, nihil insidiose occultauimus, sed omnia
ita ut gesta, deliberata & responsa sunt, bona fide com-
memorauimus, etiam ijs non dissimulatis, quæ & prius
meminimus atrocissimè exagitari ab inquis ceno-
ribus, & adhuc cum aliqua specie ad imperitum & di-
sciplinæ inimicum, & nimia libertatis appetens vul-
gus traduci & reprehendi posse non ignorabamus.
Ex quibus ipsis tamen rectè acceptis, & simul con-
sideratis, diligenter rerum ac temporum illorum mo-
mentis & periclis, non dubitamus, quin omnes cor-
dati & sani, & non prorsus odio nostri d[omi]n[ic]æ cati Le-
ctores, sint intellecturi calumniarum, quibus deforma-
tæ sunt h[oc] Ecclesiæ, uanitatem, & nostros Theologos,
& Ecclesiarum gubernatores illorum criminum cul-
pa, quæ eis factio Flaciana impegit, liberaturi, & inge-
nuè pronunciaturi sint, adhibitos illis deliberationibus
tali tempore aliud facere, suadere aut admittere nec po-
tuisse,

tuuisse, nec debuisse: atq; etiam confessuri, se, si ad easdem deliberationes fuissent pertracti, tali statu rerum, auditis tantis obtestationibus, & tam serijs contestationibus Magistratus, idem responsuros & concessuros fuisse.

Nunc etiam hoc addemus: Etiam si gubernatores harum Ecclesiarum illis perturbatissimis temporibus, cum vndiq; vrgerentur suis simul & publicis harum regionum periculis, & ob oculos haberent tristissimam faciem, & miserrimam oppressionem Ecclesiarum in Suevia & alibi, aliquid videretur fecisse, consuluisse, aut concessisse timidius & languidius, quam alijs vel natura, vel & fortioribus probaretur: tamen causam iustum Flacio non fuisse, ita atrociter & hostiliter Praeceptores et Collegas suos insectandi, criminandi, et ceu summorum scelerum reos ac conuictos, condemnationis et Anathematis fulminibus feriendi, quos nouerat ministros DEI esse, legitima uocatione ad docendum Euangelium adductos, quos sciebat in eo mutare multos annos ad caniciem vsq;, cum egregio ipsius Lutheri testimonio, fideliter, constanter, et utiliter uersatos fuisse: Sciebat eos multa certamina cum aduersarijs et alijs, querentibus pugnantium doctrinarum fucosas conciliationes in conuentibus imperialibus, et ad eam rem

Flacius
Calvinianus

institutis colloquijs, sustinuisse: Sciebat eos, hac ipsa constantia in defensione syncerae Doctrinæ s̄epe potentes, & prius clementes sibi principes grauiter offendisse, & in maxima pericula uenisse: Sciebat eos, nihil vñquam sibi potentiae, rerum, fauoris, applausus, prætextu Euangelij captasse aut quæsiuisse, sed in hoc simplici & pio ac salutari studio semper occupatos fuisse, etiam valetudini, rei familiari, dignitati, tranquillitati, famæ sue non parcentes, ut incorrupta Euangelij doctrina, diuinitus accensa, conseruaretur, & ad posteros fideliter propagaretur. Hunc cum sciret Flacius perpetuum cursum fuisse Praeceptorum suorum, & aliorum Dei ministrorum, debuit reuerentissime de ijs sentire & opinari, & nihil mali vel suspicari saltē, vel, si quæ etiam suspiciones de illis subortæ fuissent, eas consideratione prioris, & perpetua ipsorum fidelitatis, constantiae & pietatis, obruere & delere.

Sed quid Flacius? Statim ubi ab Electore Mauricio primi conuentus indicuntur, & deliberationes secretò inchoantur, antequam quidquam sciret ab ipsis conuocatis perperam suasum aut concessum esse, atrocissimas contra Praeceptores optimè de se & uniuersa Ecclesia meritos, suspiciones concipit, eas auditis narratiunculis somniorum, & quibusdam surreptitijs Epistolis & rumusculis confirmat ac roba-

ac robarat, suisq; venenatis illis cogitationibus, tantum indulget, vt eas pro firmissimis demonstrationibus habens, diutius secum coquere solus non posset, sed pro uolaret in publicum, & illas suas suspicione, magnis clamoribus, occultato tamen aliquandiu nomine suo, in vulgus spargeret.

Postea naestus locum tutum, & idoneum ad il lud suum propositum, etiam aperte Præceptores de sacre legio, & corruptelis Doctrinæ & collusione cum hostibus accusat, & nihil non comminiscitur, vt eas suspicione suas imperitæ & suspicaci, & gubernatorum criminationibus gaudenti multitudini quam verisimilimas efficiat, Planè idem faciens, ac si quis ex crapula inquietus somniet horribile incendium, eoq; somnio perterrefactus, & excitatus, exiliat in publicum, & tenebrarum tectus caligine, magnis vociferationibus ingeminet in plateis & foro, Incendium, Incendium, & ad omnes domorum ianuas impetuose pulsans, homines placide dormientes excitet, tandem etiam irrepens in turrim post se clausam, Campanæ terribili impulsu signum periculosisimi & vasti incendij edat. Vbi eiusmodi clamoribus, quiritationibus, pulsationibus euocati & consternati ciues, cum vrnis & alijs instrumentis ad restinguendum incendium comparatis, passim excurrant, trepidè & anxiè circumspæctantes & querentes locum incendij, tandem ægre conspœctum &

Exemplar
simili
de Flacio
Sismatice

agnitum in celsa turri autorem clamorum & presentis
tumultus & consternationis, sciscitentur, curita vocife-
ratus sit, fores domorum & campanam publicam pul-
sauerit? Ille vero perget aliud nihil vociferari, nisi In-
cendium, Incendium, Subuenite, Accurrite, Restingui-
te: Illi autem respondeant: se paratos, & ideo adesse, ut
opem ferant, modo locum incendiū indicet, ac monstret:

A N Tandem ille, somnijs sui uanitatem prodere non ausus, fu-
mū ciuib⁹ alicubi ex Pistoris furno adsurgentem mon-
stret, eoq; illos accurrere, & mox aedes non prius intus
inspectas, an & ubi sit aliquid in eis incendium, totas
demoliri, subruere, atq; ita omnes inhabitantes homines
vna cum periculo incendio obruere et suffocare magnis
clamoribus hortetur, flagitet, inbeat, & nisi imperata
faciant, eos hostes & proditores patriæ & communis
salutis ciuium proclamet & conuicietur.

Hic si cives eatenus illius somniatoris indicio fi-
dem habeant, ut ad domum quidem illam Pistoris, cum
vrnis aqua plenis & incendiarijs vncis & scalis accur-
rant, sed prius tamen cautius agendum rati, ut inhabi-
tantibus hominibus parcant, eosq; ex incendio si possint,
eripiant, effractis foribus irrumpant in domum, ibi q;
nullum incendium præter ignem in furno recte cura-
tum inueniant, & ibi videant Pistorem cum suis
ministris lucubrare, & stertentibus alijs ciuib⁹, ope-
ras

ras nocturnas panificij sedulò facere pro communi totius ciuitatis necessitate, & ignem accuratè custodire, simul mirantem & reprehendentem illam vicinorum violentam irruptionem : Hi inquam Ciues ita frustra perterrefacti, & insuper etiam fœde delusi ac irrisi à uanissimo illo concitatore nocturni tumultus, an sibi temperare possent, quin in mendacem illum quiritatem impetum faciant, eumq; illis ipsis instrumentis incendiarijs, quæ ipso hortatore corripuerant, obruant, vel ex communi ciuitate in perpetuum exilium ceu' ~~αλάσογα~~ & interturbatorem communis quietis ejciant?

Hoc planè modo FLACIVS suspicionum suarum venenatarum somnio conterritus, & excitat^{ita flag} tus, initio actionum, antequām quidquam certi comp^{Harciarcha} perisset, libellis falso nomine inscriptis, turbare mentes Hominum cœpit, prædicere, præmonere, ut metuant insidias, strui fraudes & occultas machinationes puræ D' O|ē
trinæ, & non frustrà hos Eleusinos congressus institui paucorum, & maximè illorum, qui videantur cæteris esse leniores minusq; pugnantes, Cauerent igitur, & quid fieret attenderent.

Cumq; iam his primis clamoribus animos hominum perculisset, & attentos reddidisset, ut tutius porrò clamare & turbare quietas Ecclesias posset, in arcem

Magdebur-

Magdeburgensem confugiens, ita ibi fortis factus est, vt nomen suum tandem professus, emitteret apertas accusationes Praeceptorum & hortationes, vt ceu pestes et nocentissimi seductores et mangones Religionis, fugerentur, Eas accusationes tam atroces cum homines intelligentes diligentius aspicerent, repererunt verè pro incendio fumum, ex necessario ignis usu exhalantem, sibi monstrari, pro sceleribus damnari necessaria vocationis opera, deniq; meras suspiciones, somnia, cauillationes, nugas, rumusculos, surreptas Epistolas, detortos aliò familiares sermunculos, pro ipsa veritate & evidentibus demonstrationibus, hominibus obtrudi & venditari, unde mox eius clamores, vt manifestè falsos, & ad concitandam multitudinem, ignoram actionum illarum & suspicacem, & credulam comparatos, contemnebant, qui illorum, quos exagitabat Flacius, honestissimè ac integerrimè actam vitam & perpetuum studium pietatis, his suspiciorum & inanum nugarum centonibus opponebant.

Ita huius sui primi actus & initij clamorum nullas alias habuit causas Flacius, quam vt ostendimus, vanissimas suspiciones, conceptas ex illis conuocationibus Theologorum, & congressibus paucis cum Episcopis harum regionum.

Deinde ubi acta & responsa & conclusa in conuentibus illis ab Electore Mauricio imperatis, cum aliquibus

aliquibus clam cōmunicatē fuissent, et paulatim ita ut fit,
in plurium manus peruenissent, Flacius, qui iam dudum
nihil nisi pessima suspicari de suis Præceptoribus consue-
uerat, & in omnes eorum, non sermones & scripta mo-
do, sed in nutus etiam, gemitus, risus, gestus, atq[ue] adeo
in somnia quoq[ue] eorum intentus, ea omnia per quosdam ad
hoc partim conductos, partim conciliatos & præparatos
emissarios suos & Coryceos venabatur & conquirebat:
summopere laborauit, ut particeps fieret scripti Lipsici,
in quo illa annotata fuerant, ut suprà exposuimus, capita
mediorum rituum in Ecclesia, quibus concessis vel recep-
tis, cum obtestatione grauissima persuasi fuerant Theolo-
gi, pacem harum regionum, & incolumitatem Ecclesi-
arum, & liberum vsum incorruptæ doctrinæ & Sacra-
mentorum, redimi & retineri posse.

Eius igitur scripti copiam nactus Flacius, tūm de-
mum serio exultare, Triumphare, gloriari de suis illis
antea sparsis præmonitionibus, & palam prædicare: nunc
tandem liquidò apparere se verum Vatem, salutarem mo-
nitorem, piū ac sollicitum curatorem Ecclesiarum, &
salutis singulorum fuisse, nunc cerni dudum prædictum
prouentum & fructum, illarum occultarum congressio-
num, & consultationum, actum esse de religione pura,
proditam esse libertatem Euangelicam, susceptum de-
nuo iugum pristinum Pontificiæ Tyramidis, commissas
miseras ouiculas lupis mitratis. Hæc ita se habere, ut

Nnn demonstret

demonstret certo, & suam fidem, & sollicitudinem pro Ecclesiis omnibus comprobet, ac testatam faciat, Typis diuulgat, illa ipsa capita τῷ ἀδιαφόρῳ Lipsiae proposita statibus huius ditionis, eaq; nomine ipso æquat libro perniciose Augustæ publicato, & adiectis Scho- lijs, singula verba ferè in impium sensum detorquet, & in summa, miro & ipsi soli cum paucis alijs possibili artificio cauillandi & calumniandi, conatur persuadere omnibus, nihil nisi venenum præsentiss: in illis capitibus contineri.

Nec verò nullo successu hoc tunc egit. Nam cum multorum animos prius suspicionum suarum emissis telis sauciasset, nostrisq; suspectos plurimis reddidisset, ali- qui etiam odio nostrorum propter alias, & quidem etiam iniquissimas causas flagrarent, apud multos illis suis cla- moribus hoc effecit Flacius, ut nostrorum actiones et con- cessiones ceu impias dannarent, & publicè editis scriptis contendenterent, tali tempore nihil quicquam largiendum Imperatori fuisse, sed quælibet potius pericula subire o- portuisse, quam vel solius lineæ vestis receptione, mutati- onis & inconstantie in professione doctrinæ suspicionem alijs præbere. Ibi excurrebant homines diserti in patentif- simum campum de scando, quam perniciosum illud sit, quam atrocium pœnarum communicatione à Christo in- terdictum, quam non facile villa excusatione aut depre- catione eluendum. Declamabant etiam fortes ipsi, vt- pote

pote extra teli iectum, ut dicitur, procul constituti, & firmis mœnibus & aggeribus septi, de laudibus constan-
tiae in confessione, de contemnendis omnibus periculis et
minis persequentium, allegantes piorum Martyrum ex-
empla, atq[ue] etiam sanctorum Mulierum s[ecundu]m & puellu-
larum fortitudinem, quæ exquisitæ acerbitatis, cruci-
atus et supplicia immania perferre maluerint, quam quicq[ue]
in Tyrannorum gratiam de professione Christianæ pie-
tatis concedere aut remittere.

Quorum ut prorsus dissimiles nos, serio damna-
bant, cœn aliqua Tyrannis & hostibus Euangely mollicie
& timiditate largitos, & suo exemplo nos fortes & con-
stantes esse, ac ne pilum quidem etiam de plane Adiapho-
ris concedere vel Imperatori vel cuiquam alijs debuisse cla-
mabant.

Hic nos illis animosis condemnatoribus aliorum
minus audacium (omisso paulisper Flacio) breuiter re-
spondebimus, et sic cum eis agemus, quasi compertum no-
bis sit & constet, ipsos serio tunc ita adfectos fuisse, ut
videri volebant, & vero pietatis zelo flagrasse, (quem
tamen multi iactarunt quidem gloriosissime, sed quam ve-
re, euentus ostendit, & ostendet deinceps manifestius)
Sed demus iam hoc plerisque ex nostris reprehensoribus,
eos pietatis feruente studio tunc impulsos fuisse, ut statu-
erent, in hac deliberatione de Adiaphoris, prorsus nihil

cedendum fuisse, & potius vniuersa in extreum discrimen adduci debuisse, quam timoris & mutabilitatis notam in se recipere.

His inquam calidis & imperterritis censoribus hoc respondemus: Si ita est, ut gloriantur, quod ipsi illa uehementia consilij sui eò spectarunt, & de hoc anxij & solliciti fuerunt, ut gloria Dei amplificaretur, veritas salua esset, puritas doctrinæ conseruaretur, liber & integer vñsus Sacramentorum retineretur, Ecclesiarum rectè constitutarum status maneret in columnis, evitarentur corruptelæ repurgatæ doctrinæ, fugerentur multiplices prophanationes ordinatarum diuinitus Cæmoniarum, & arcerentur alij abusus impiarum traditionum ab his Ecclesijs, que voce & spiritu L V T H E R I diuinitus excitato ab ijs pestibus liberatae fuerant: nos planè animis, proposito, & cupiditate cum ipsis, & ipsis nobiscum coniunctos, & de hoc ultimo fine constanter & laudabilem inter nos omnes consensum fuisse.

Nam ex actis, deliberatis, & responsis supra expositis animaduertere potuit lector, & Principem, & status huius ditionis, & Theologos, constanter & consentienter sèpè contestatos esse: non se de Doctrinæ veritate & Synceritate quicquam mutari cupere, petere, aut permisuros esse, nullos palam impios & prohibitos ritus in Ecclesijs suas receperuros aut approbaturos, deniq; nihil aut concessuros aut

aut accepturos, quod quoquo modo gloriam Dei imminuere, veritatem obscurare, aut conscientias piorum saucire posset. Hunc fuisse nostrorum animum, & hanc constantem voluntatem cum ex superioribus actis liquidopateat, fateantur necesse est illi impugnatores nostri, nobis quod ad hoc principale officium & ultimum finem attinget, unum ac idem prorsus cum ipsis fuisse consilium, propositum, votum, eundemque conatum atque ita utrisque unam quasi metam, unum scopum prefixum fuisse, ad quem consilia, conatus & actiones nostras utriusque dirigeremus eumque fuisse pium, salutarem & necessarium.

Sed modos & media, quibus ad illam communem metam perueniri posset, dissimilia fuisse ab utrisque quæsita & electa, pro utrorumque captus, spe & viribus, libenter & ultrò fatemur.

Ipsi, cum magis contra Imperatoris potentiam muniti essent, & belli calamitates nondum fuissent experti, censuerunt illa bona, quæ paulò ante enumerauimus, gloriam Dei, veritatem, lucem Euangeli, libertatem in usu legitimo Sacramentorum, euitationem impiorum rituum, & impiae seruitutis Pontificiae, & alia ornamenta Ecclesiarum suarum, ita constanter sine ulla cessionis nota retinenda esse, ut ne minimum etiam in ritibus quantumvis concessis & indifferentib. recipereetur aut mutaretur hoc tempore, cum mutatio rituum iuxta prescriptam in Augustano libro formam exigeretur, & si pro-

pterea vis ab Imperatore aut Pontificijs pararetur, iudicarunt eam armis & vi opposita repellendam esse. Et si ita accideret, ut illato ab Imperatore bello vinceretur, & succumberent, non propterea tamen tanti aestimari aut formidari debere vastationes agrorum, direptiones urbium, cædes ciuium, raptus & contumelias honestarum Matronarum & virginum, maestationes aut tristia exilia ministrorum Euangelij, vastationes Ecclesiæ, dissipationem scholarum, euersionem disciplinæ, & alias infinitas calamitates, quas bellicus furor ceu diluuium regionibus importat, ut metu illarum linea vestis à concionaturo indueretur, aut lectiones Euangeliorum & Epistolarum ad aram latina lingua recitarentur, aut similes ritus natura sua non impij reciperen- tur in illas Ecclesiæ, ex quibus fuissent semel exturbati, cum sibi & alijs magnis clamoribus vel ipsi vel alij persuasissent, illam cessionem in minimis quoque & liberrimis ritibus, plerosque interpreturos & accepturos esse, pro omissione confessionis omnibus mandatae, proditione veritatis, abiectione repurgatae doctrinæ, susceptione pristini iugi Pontificij, redditu ad priores fordes vomitu electas, denique pro abnegatione Christi, pro Ecebolismo & pro extrema prophanitate & impietate.

Hæc cum illorum esset sententia tam dura, tam periculosa, tam anceps de vijs ducentibus ad illam ultimam metam,

metam, quam communem, & eandem prorsus vtrisq; no-
strum fuisse, supra ex toto corpore actionum & delibera-
tionum cerni potuit, ingenuè fatemur, nos ab ipsis differ-
sisse, & aliam mitiorem ac tutiorem, non nobis, sed Ec-
clesijs nostris, & infirmæ multitudini rationem secutos
esse, qua nihilominus ad eundem scopum pertingere nite-
bamur, quem illi cōdemnatores nostri se spectare iactita-
bant, videlicet ut manerent Ecclesiæ nostræ in pristino
statu, retinerent incorruptam Euangelij doctrinam, pios
Doctores, et legitimum usum Sacramentorum, pauculis
quibusdam receptis ritibus, natura sua non impijs, non
prohibitibus, qui in plerisq; harum regionum Ecclesijs ab
antiquo consueti & usurpati fuerant, quam ipsam tamen
leuisimā mutationē non ipsi excogitaueramus, nō propo-
sueramus, non urseramus: sed potius dissuaseramus, & in
cōmodam futuram his Ecclesijs, & multos offensurā, plu-
rimis autem obrectandi causas præbituram, palam pre-
dixeramus, ut ex actis liquet. Tandem tamen cum Ma-
gistratus palam testaretur, se puritatem doctrinæ omni-
no in his Ecclesijs saluam velle, & nihil recepturum,
quod impium & conscientijs periculose foret, & à no-
bis exigeret, ut indicaremus ea, quæ salua pietate & inte-
gra conscientia admitti possent, & eorum restitutione, si-
cuti essent collapsa, summo Magistratui politico debitā, et
sæpè ante promissam, et vltro delata obedientiā declara-
remus: Cumq; hac flagitatione sæpè multūq; urgeremur,
& nobis

et nobis spes etiam præberetur, hac lenitate nostra, has Ecclesiæ incolumes, et à bellicis vastationibus immunes fore: Fatemur nos cessisse, & de mediorum aliquorum rituum receptione, abolita tamen omni superstitione, consensisse, ijs, qui eam lenitatem tantoperè à nobis exigeabant.

Nec verò tam hebetes fuimus, ut non tunc etiam prospiceremus & diuinaremus, hanc nostram mitiorem sententiam Ecclesijs quidem nostris & his regionibus salutarem futuram esse, nobis verò apud alios, qui duriorrem sequerentur rationem, & constantiae laudem & opinionem apud vulgus aucuparentur, parituram esse perpetuam ignominiam, & ijs, qui iam dudum nos alys de causis oderant, et quærebant, quod nobis speciose obijcere possent, præbituram liberam ac plausibilem occasionem, & facultatem summe nos deformandi & calumnianandi. Sed nequaquam nobis nostra fama & tranquillitas pluris fuit, quam communis Ecclesiarum utilitas, pax & incolunitas, qua Dei beneficio adhuc fruuntur haec regiones, & fruerentur suauius nisi illi ipsi iniqui censores multorum animos sine iusta causa suis importunis clamoribus perturbassent, & studiose nouas distractiones uoluntatum & animorum quæsiuissent, & effecissent.

Sed cum scirent, aut certè de talibus viris, qui semper in ministerio docendi Euangelij fidem, integritatem & pietatem suam omnibus probassent, hoc statuere & sperare

ſperare deberent, eos in ſumma rerum & principali ac
ultimo fine consiliorum ſecum conſentire, hoc eſt, ſpectare
gloriam Dei, querere et adiuuare ſummo ſtudio et cona-
tu conſeruationem et propagationem ſincerae Doctrinæ:
etiamſi vidiffent eos non iijdem medis et vijs progredi
ad illam communem metam, que ipſi ſepti præſidijs ar-
matorum & munitionib. incluiſi elegerant, tamen non de-
buiffent ſuos Preceptores, Collegas, et fratres tam atro-
citer propter hanc mitiore & minius periculofam ratio-
nem tanquam perfidiosos, transfugos, & proditores ve-
ritatis dannare & publicè proclaimare, ſed cogitare, ſe-
piſſime hoc accidere in deliberationibus communib., vt
etiam tunc cum ſententiæ de ſumma rerū et ultimo fine,
videlicet de ſalute Reipublicæ, congruant, tamen diſen-
ſiones aliquæ de medijs ducentibus ad propositum finem
orientur, vbi aliquis vehementior natura vel ſtudio eli-
git & oſtendit glorioſa quidem media, ſed nimis pericu-
loſa & lubrica, non habita vel ſua vel aliorum imbecilli-
um ratione: aliis verò circumſpectior, & commife-
ratione aliorum timidior, querit vias minus quidem
ſplendidias & gratias, ſed tutiores tamen, quibus nihil a-
minus ſalus Reipublicæ conſeruari poſſit.

Ita poſſunt in una nauи diſenſiones inter nautas
oriri de gubernatione nauis, cum ſunt exorti vehementes
flatus aduersantes recto cursui, vt aliquis iuuenili ferocia
audax vel natandi peritus vel alia ſpe euadendi ductus,

non habita ratione in eadem naui versantium imbecilliū, suadeat fortassis, rectā aduersus obliquantes ventos expansis velis, & remigum summa vi & sudore, nauim propellere, & iubeat omnes vectores, robustos, debiles, viros, mulieres, senes, pueros, cum summa difficultate et fatigatione remos trahere & alias operas facere, ut hoc difficulti & periculoſo nauigationis modo quam primum nauis in portum quæſitum perducatur.

Alius pericula & nimios labores talis nauigationis prospiciens, nec tam sibi quam miseræ multitudini vettorum timens, habeat idem propositum perducendæ nauis in constitutum portum, sed censeat alia tutiore nauigationis forma vtendum, quam δέντρον τολῶν Græci vocant, ut contractis nonnihil & obliquatis velis, & cedendo aliquantulum ventorum violentiæ, et si serius minore tamen cum difficultate & periculo & laboribus nauigantium in optatum portum perueniatur.

Hic si durus ille, & sp̄torivdus & alieno periculo audax gubernator, alterum suum socium cautiorem & tutioris cursus suasorem, summopere tamen conantē, nauim ad optatum portum perducere, conuicijs palam proscindat, proditorem eum nauis, & impeditorem communis salutis nauigantium, timidum & ignavum nautam vocitans, poterit ille quidem in naui inuenire aliquos suorum clamorum adplausores, sed sani omnes alterius, tatius consilium probabunt, cum ad eandem metam spe-
etet

Etet & consultum cupiat, non tam sue quam omnium re-
liquorum dissimili robore corporis præditorum saluti,
quam ille vehemens suo fīsus robore & natandi facultate,
prorsus negligat.

Sed videamus dissimilis conatus in consilio bono et
pio elegans exemplum nobis propositum in Euangelica
Historia, quæ extat Iohannis vltimo capite.

Post resurrectionem Domini & Saluatoris nostri
Iesu Christi penuria victus urgente, exēunt pīscatum Pe-
trus, & duo filii Zebedei, Iohannes & Iacobus, Thomas
item & alijs duo Apostoli ~~conveniunt~~, quibus se adiunxerat
Nathanael cananæus. Cumq; hi septem totam noctem
frustra laborantes nihil cāpīssent, summo diluculo cernūt
quendam hominem in littore maris Tiberiadis, vt voca-
tur à Iudeis, stantem, à quo interrogati de successu pī-
cationis, cum se quererentur operam & tempus perdi-
disse, iubentur iacto denuo reti in mare ad dextrum na-
uis latus, melius sperare, Huius ignoti hominis moni-
tionem secuti Apostoli, cum iterum fortunā tentassent,
vno tractu contra omnem consuetudinem & spem suam
ceperunt 153 . grandes pisces, vt postea ex numerati-
one eorum compertum est, ita impleta sagena, vt eam tam
multi robusti viri ægrè traherent, & mirarentur ipsi A-
postoli, rete tanto pondere, & copia tantorum piscium di-
stentū, non alicubi ruptum esse antè, quam ad littus per-
traheretur, à quo aberant interuallo ducentorum cubito-
rum.

O o o 2 Hæc

Hæc iuuisitata, & sine dubio miraculosa præda, in eodem illo loco excepta, in quo totam noctem frustra laborauerant, monit Iohannem, ut statueret, aliunde eam esse nisi à Deo præsente non posse. Eo igitur beneficio & alijs coniecturis motus, primus agnouit & Petro indicauit, illum in littore stantem hominem, au- torem tam fœlicis consilij, esse ipsum Dominum Ie- sum à morte resuscitatum, & antea quoq[ue] aliquoties post resurrectionem suam conspectum.

Hoc indicio audito, & credito, omnes discipuli ardenti desiderio corripiuntur conueniendi, alloquendi & exosculandi Dominum, & unanimi proposito, & con- sentientibus votis ad eum quam primū venire laborant, Sed huic simili & conformi proposito & cupiditati, ada- hibent dissimiles modos & conatus.

Nam Petrus, ut erat reliquis discipulis feruentia oris spiritu (sicut eius Historia, & imprimis illa postrema fortitudo testatur) relictis socijs cum naui & præda Piscium, & omissa communi labore remigationis et tractionis ponderosissimæ sagenæ, cui promouenda iam ante vix omnes septem suffecerant, agrè imperata sibi tanta mora, dum nudum corpus circumiectione et cinctura induſij tegeret, in mare se celeri saltu ab- iecit, cum nauis videretur ob remoram piscium lentijs processura, et tardius ventura ad littus, ipse verò cuperet animi quodam ardore singulari, quam primum esse

esse in littore apud Dominum, ut ei gratias ageret, à
quo & fœdæ abnegationis veniam prius benignè erat
consecutus, & nunc cum alijs hoc beneficio donatorum
piscium miraculosa adfectus. Quarè improbatō alio-
rum lento processu, etiam cum periculo suo & sociorum,
quos sudantes in remigationis & tractionis labore iu-
ware debuerat, in mare profundum se deic̄it, ac fretus &
Dominī vicinitate, et vel labore vel natandi peritia sua,
quomodo cunq; potest luctatur, contendit, & laborat, ut
nauis accessum ad littus anteuertat, & Christum Domi-
num primus salutet & complectatur.

Reliqui verò sex Discipuli, quibus remigandi &
trahendi labor per se difficilis, & tantam paucitatem ho-
minum superans, post unius socij intempestivum & cu-
riosum, ut accusari poterat, imò etiam temerarium di-
scessum conduplicatus fuerat, vires suas intendunt, su-
dant & nituntur, quanto possunt conatu, ut idem quod
Petrus petierat, assequantur, hoc est, ut ad Christum
Dominum primo quoq; tempore non ipsi modo tutiore ra-
tione perueniant, sed simul etiam totam nauim, unde cum
largo munere datorum piscium, ad littus incolumem ad-
ducant, sicut & iubentur expressa voce Christi, dicen-
tis: Afferte huc de piscibus, quos nunc cepistis, quo dicto
mandat eis, ut illud donum Dei, singulari bonitate ideo
datum, ut & omnipotentia Christi, & beneficentia, &

amor erga ipsos etiam post resurrectionem conspectior fieret, magnificiant, custodianit, & ad littus secum atrahant, quod sine magno labore, quem Petrus deseruerat, & sine communicatis operis fieri non poterat. Quod si omnes vel plures alij quoque imitari feruorem & imperium Petri voluissent, ut deserta naui in mare se praecipites darent, vniuersa illa præda piscium singulari beneficio data, dimissa in mare perijisset antè, quam in littus attracta confici, & ex numeratione piscium magnitudo beneficij, & datoris largitas, & potentia diuina Domini agnosci, considerari, et praedicari potuisset, ac relicta ventis & fluctibus nauicula submersa fuisset.

Nec verò postulare aut exigere à reliquis suis fratribus debuit aut iustè potuit Petrus, ut ipsius imperium & zelum imitantes, deserta naui, se quoque in mare abijcerent, cum alij fortassis robore corporis, Vsu & peritia natandi Petro non essent æquales, atque ita se vltro absorbendos Elemento aquarum hominibus inimico tradidissent, contra mandatum: Non occides.

At inquit Petrus, debebant omnia pericula contemnere, & meo exemplo fortiter subire, fiducia opis Christi tunc præsentis, & auxilium polliciti in periculis, id quod prius nauigantibus sedata horribili tempestate etiam præstiterat.

Hic

Hic respondere poterant reliqui fratres: Frustra
allegas nobis tuum factum Petre, cuius nullum expres-
sum mandatum habes, & expeditior ac robustior nobis
es. Nos qui minus sumus robusti, minusq; gnari natandi,
adde etiam magis timidi, & horrentes profundi maris
voracitatem, nec scimus ullum nobis mandatum dari, vt
hoc inusitato & pericolosissimo modo ad Christū festi-
nemus, cum nobis nauim concesserit, eamq; magna pi-
scium multitudine etiam tardauerit, quam expressis ver-
bis iubet saluam ad littus adduci. Etiam si igitur amore
Christi nos non minus quam tu, ardemus, eius benignita-
tem &què agnoscimus, eius conspectu lætamur, eius allo-
quio & complexu pariter tecum frui quamprimum opta-
mus: tamen id faciemus modis ab ipso concessis, & tu-
tioribus. Fuerit sane tua enatatio tibi difficilis & labo-
riosa, & periculorum plena Petre, ideoq; gloriostior, ta-
men hoc concedas necesse est, istum talem modum veni-
endi ad Christum à te electū, non à Domino tibi manda-
tum, atq; ita non omnibus tui dissimilibus necessarium,
sed tibi arbitrarium fuisse. Interea hoc quoq; fateri
cogeris, nos non minus, imò plus laboris sustinuisse,
quam tu, dum post subtractam tuam operam, nobis la-
bor auctior factus es, & scimus certò, nostrum labo-
rem in tuenda & conseruanda naui & custodienda &
extrahenda præda piscium, Christo Domino probari, cu-
ius manifesto iussu, eam ad littus adducere debuimus, quæ
nobis

nobis tota, una cum naui perijset, si tui omnes similes esse
voluissimus.

Hæc verè dicere potuissent reliqui discipuli, si Pe-
trus ab ipsis similem audaciam postulasset.

Quid verò censes uel ipsum Dominum vel alios sa-
nos homines dicturos fuisse, si Petrus hoc suo facto elatus
& inflatus, quod reliquos fratres anteuertisset hac ena-
tatione periculosa ad Christum, suam fortitudinem con-
temtricem periculi præsentis, flagrantem Spiritum &
cupiditatem ante alios salutandi Christum, & fiduciam
incolumitatis, & securitatem nixam præsentia Domini,
& labores suos palam iactitasset, prædicasset, & ad fa-
stidium usq; ingeminasset? reliquos autem sex fratres
ignauie, timiditatis, atq; adeo impietatis & ingratiitu-
dinis accusare voluisset? quod ipse solus agniti Christi
ardente amore accensus, illumq; solus præ alijs pluris fa-
ciens, quam vestes suas, quam socios, quam nauim, quam
captam piscium multitudinem, quam deniq; vitam ac sa-
lutem suam, ausus fuerit in profundum mare ex tuta na-
ui desilire, fluctibus & procellis se committere, natatione
difficili & periculosa corpus fatigare, & cum vita dis-
crimine contendere tamdiu, donec ex fluctibus eluctatus
Christum Dominum & Redemptorem primus coram
alloqueretur, & amplecteretur.

Reliquos verò suos fratres nihil tale ausos, sedisse
in naui tranquillos, ociosos, expectantes, donec vento-
rum

rum secundis flatibus suauiter ad littus adpellerentur , ti-
muisse non solum molli cuticulae , sed vestibus etiam , ne
illæ marina aqua fædarentur , vel potius ventri deditos
metuisse , ne prædam partam amitterent , si ex naui de-
siliendum sit , atq; ita pluris fecisse iacturam paucorum
pisciculorum , quam Magistrum , Redemptorem ac Sal-
uatorem suum , cuius conspectu propiore & complexu ,
vt quam primum fruerentur , nihil nō facere , nihil non su-
bire ac pati , nihil non in discrimen adducere vel abiçere
quoq; debuissent , Sed prodiisse ipsos hoc lento processu
ad littus , simulatum tantum , frigidum & languidum
amorem suum erga Christum , quem formido leuissimi
periculi , & metus iacturæ rerum vilissimarum prope-
modum totum extinxerit . Se verò suum zelum & ar-
dentissimum amorem Christi periculo vitæ suæ , et iactu-
ra & desertione omnium rerum carissimarum testatum
fecisse . Quare se solum dignum esse consuetudine & fa-
uore Christi , illos non modo indignos , qui discipuli &
Apostoli nominentur , sed etiam meritos , vt post hac
pro Hyprocritis , pro ingratisimis & ignauissimis de-
sertoribus , pro mammonæ cultoribus habeantur , qui non
dignentur prius ad Christum venire , nisi & molliter ve-
ctentur ad ipsum , & culicam instructam ac para-
tum viictum secum aduehant .

Hæc si Petrus coram Christo Domino suo &
coram alijs declamat voluisse , suum facinus audax

P p

vnicè

Vnicè iactitans & reliquorum Apostolorum pios & salu-
tares & Deo gratos labores ita fœdè deformans, ita ca-
lumniosè & venenatè deprauans (quæ tamen pio & can-
dido Apostolo nunquam in mentem venissent, qui iam
vno, eoq[ue] tristi lapsu, orto ex audacia et nimia fiducia
proprij roboris et constantie satis duriter admonitus et
edoctus fuerat de amanda et colenda in posterum mode-
stia) an quisquam credet, Christum hanc gloriosam ia-
Etantiam et calumniosam et falsissimam aliorum defor-
mationem, æquo animo laturum fuisse? Ac non potius
hanc insolentiam & fastum Discipuli sine mandato &
necessitate audacis, & quasi accersentis sibi periculum
grani obiurgatione improbaturum, quod suam stationem
in Naui deseruisset, & abiectis remis ac destitutis
socijs, nauim vna cum munere piscium nequaquam con-
temnendo, sed dato, ut esset pignus amoris erga Aposto-
los et indicium omnipotentiae suæ, quantum in ipso esset,
prodidisset, & procellis ac fluctibus omnia illa dissipan-
da & absorbenda reliquisset: Contra verò cum excusa-
tione laudaturum fuisse reliquos discipulos, quod in stati-
one vocationis suæ persistentes, quamuis destituti vnius
socij opera, labore iam aucto, nauim saluam seruare, &
illud largissimum munus piscium, non frustra datum,
maximis cum laboribus & difficultatibus ad terram ad-
ducere studuissent.

Hoc

Hoc exemplum nunc conferatur ad hæc recen-
tia tempora, ut appareat, quām iustè nos reprehē-
dant illi iniqui censores nostri.

Primum consideretur discrimen inter factum Pe-
tri, & quorundam Clamatorum audaciam.

Petrus, ubi ex miraculosa captura piscium, & in-
dicio Iohannis animaduertit, Iesum Dominum esse illum,
qui in littore conspicitur, quem serio & vnicè diligebat
ob singularem in se clementiam et lenitatem, qua post fœ-
dum lapsum in gratiam receptus fuerat, excusit in eius
corde verum incendium, quo quasi extra se raptus pro-
pemodum occæcatur, ut quid facere, quid cauere, quid
vitare debeat, non videat, atq[ue] ita labores necessarios
abijciat, pericula omnia contemnat, sequere in medium
Mare saltu demittat, ut quamprimum ad Christum
perueniat, Sicut faciunt pueruli, cum parens post longi
temporis absentiam diu desideratus domum nunci-
atur aduenire, ibi ex naturali soſyñ exoritur in pectus-
culis ipsorum īgēns desiderij flamma, & dum properant
obuiam currere in amplexum patris, abiectis etiam re-
bus carissimis, quas in manibus habent, obliti quoq[ue]
decori & periculorum, tanto sēpē ruunt cum impetu, ut
parentes consternati illo nimis rapido & periculoſo
cursu, obiurgent liberos, nibilominus tamen delecati
illo ardenti Filiorum amore & læticia.

Ita Petrus quoque vehementia amoris abripitur, vt non habita ratione decori, officij, aut periculi sui sequatur impellentem impetum, ubi etsi Christus reprehendere poterat Petrum tanquam curiosum & temerarium, quod neglectis necessarijs operis faciendis, cum reliquo cætu discipulorum, vltro se in aquas cum periculo vitæ, fine mandato præcipitat, tamen agnoscit & probat illum amoris & veri zeli impetum in Petro, & sic tamen etiam amplectitur hanc festinationem Petri, vt non modo non condemnet reliquos discipulos, non eodem impetu ex naui exilientes, sed ipsorum dissimilem & tutiorem conatum adducendi nauim saluam cum præda, nouo etiam et expresso mandato confirmet, adprobet & commendet, cum inquit: AFFERTE DE PISCIBVS QVOS PRÆHENDISTIS NVNC. Quo mandato bene potuit intelligere Petrus, tecte significari, rectius se facturum fuisse, si vitatis illis periculis cum reliquis in naui mansisset, & adductionem miraculosæ prædæ adiuuisset. Quare existimans se moneri & iuberi, vt ad intermissos in illa festinatione in consulta labores fratrum reuertatur, mox aquas maris iterum ingreditur, & socijs ægrè trahentibus sagenam suo robore subuenit, Clare enim inquit textus: ASCENDIT SIMON PETRS & traxit rete in terram plenum maximis Piscibus 153.

Ex

Ex his manifestum est, ex mera abundantia & ar-
dore amoris erga Christum, non ex ambitione, curiosita-
te, leuitate, hunc impetum Petri inconsultum & pericu-
losum ortum fuisse, quem ideò Christus placide tulit, &
amplexus est, ita tamen, ut rectè ipsum Petrum repre-
henderet, & ad communem aliorum laborem remitteret,
& alteros qui in naui manserant, non condemnaret, sed
laudaret.

Iam nobis ostendant veris Argumentis ij, qui ca-
lidorum illorum consiliorum autores fuerunt, & impro-
barunt alios lenius agentes: Ostendant inquam, & pro-
bent nobis primum, illam suam vehementiam consilij de
non recipiendo vel minimo etiam ritu non impio & pro-
hibito, ex simili amore Christi, ex similiter æstuante in
pectoribus ipsorum studio gloriae Dei, & pietatis profe-
ctam fuisse, sicut haud dubie Petrus sui facti tantum im-
mensitatem, & violentiam amoris erga clementissimum
suum Dominum causam habuit illius sui periculosi facti?
& ignoscemus ipsis quoq; quod suas naues deseruerunt,
quod relictis Ecclesijs & alijs functionibus suis, temere
& τωλυταργμονικῶς in alias Ecclesias irrepserunt, quod
cum certissimo periculo non quidem se (qui tutos rece-
ptus quesuerunt) sed alios in mare præcipitauerunt, hoc
est, eiusmodi consilijs incenderunt, ut aliqui ipsis obtem-
perantes, in fluctibus periculorum perierint, aliqui rebus
multis & caris amissis ægrè enatarint, Reliqui si ob-

secuti fuissent, & Ecclesias suas, & politias amissuri
fuissent.

Hæc inquam errata ipsorum omnia illis condona-
bimus & ignoscemus, ubi ostenderint, se hac in parte,
Beato Petro similes fuisse, hoc est, illorum suorum consi-
liorum nullam aliam causam, nisi amorem Christi, studi-
um pietatis, veritatis, & Gloriæ Dei habuisse.

Sed quid si nos, si opus sit, ostenderemus, idq; non
somijs, non rumusculis, sed factis ipsis & evidentibus
testimonijs probaremus, Ex ijs, qui tantopere noſtros
Præceptores impugnarunt, aliquos causis longè alijs,
quām Petrum impulsos, ad actionem illius Dramatis,
in qua se tām diu iactitant, initio descendisse? & docere-
mus: aliquos quidem, vt suo Theatro libertatis appeten-
ti, & disciplinæ inimico gratificarentur, reieciſſe &
damnasse omnes ritus quantumuis nihil superstitionis ad-
ferentes.

Alios, vt laudem ipsi pietatis, firmitatis, conſtan-
tiæ in confessione aucuparentur, condemnasse & defor-
masserent eos, qui moderatione aliqua vtendum censebant, et
non impiam, in rebus planè indifferentibus seruitutem
ferendam potius, quām vniuersa ſimul Regio & Eccle-
ſiæ perpetua Tyrannide hostium Euangelij oppre-
rentur.

Alios qui per ambitionem crescere cupiebant, cum
ſua eruditione & virtute excellere non poſſent, accepta
hac

hac occasione, eos qui ipsorum cupiditati obstare & nunc
speciose deformari posse videbantur, omni opinione &
laude meritorum & autoritatis spoliatos, vulgo con-
temptissimos efficere voluisse.

Alios quacunq[ue] occasione lesos à nostris, adiungen-
do se criminatoribus nostris, hoc pacto acceptam iniuri-
am vlcisci voluisse.

Alios cùm quosdam odio nostri flagrare ex alijs causis
viderent, apud quos insectatione nostri se magnos fore
sperabant, suam illis operam ad criminationem nostro-
rum ampla mercede locasse.

Hæ causæ si quos ad illam tantam vehementiā &
insectationem huius Academiæ & Theologorum impu-
lerunt (sicut profectò de aliquibus certò adfirmare &
ostendere possemus) ne illi sunt dissimilimi Petro Apo-
stolo, & nequaquam digni, qui eius zelo se tegant &
excusent.

Sed demus sanè hoc aliquibus illorum, qui Adia-
phoris tām fortiter aduersati sunt, quod ideo tantopere
pugnauerint pro præsentibus Cæremonijs contra alias
nouas aut veteres prius à Luthero propter adiunctam su-
perstitutionem abolitas, quia flagrantes amore Dei & stu-
dio pietatis ac veritatis, metuerint, ne receptis aliquibus
ritibus, Doctrina simul corrumperetur, & Pontificij
abusus omnes simul in has Ecclesiæ irreperent.

Fuerit

Fuerit sane hoc ipsorum propositum pium, spe-
ctans solam gloriam Dei, conseruationem veritatis, in-
columitatem Ecclesiarum: Sed diximus ante, & vniuer-
sa series actorum hoc testatur & comprobat, eandem vo-
luntatem, idem propositum, idem plane studium, eundem
prorsus conatum nostrorum Præceptorum fuisse, quod
ex vniuerso Vitæ ipsorum cursu, ex immensis laboribus
quos sustinent, ex periculis & ærumnis quibus oneran-
tur, cerni potest, & vident omnes qui coram illorum vo-
cem audiunt, & operum inspectores sunt.

Habent igitur & nostri hoc vnicum propositum,
& hunc omnibus suis actionibus præfixum scopum, vt
ad Christum & ipsi quam rectissime veniant, & simul
saluam ex fluctibus maris educant ad Christum vniuer-
sam nauem, hoc est Ecclesiam, cum egregia illa piscium
præda diuinitus donata, hoc est, cum puritate doctrinæ,
cum legitimo vſu Sacramentorum, cum libertate in non
mandatis cæremonijs, cum disciplina, cum ἐυταξίᾳ, cum
studijs bonarum artium, & alijs Ecclesiarum bonis ac
ornamentis.

Hoc cum ita sit, sicut reuera est, quam obsecro in-
stam causam habent Flacius et alij manipulares ipsius,
cur in omnibus fermè scriptis suis has Thrasonicas &
vanissimas gloriatiōnes toties inculcent, ingeminant, ex-
aggerent: languentibus, consternatis, trepidantibus,
mussitantibus, silentibus, succumbentibus, refugientibus
alijs,

alijs, se solos cœn Atlantes cœlum sustinuisse ne rueret : se
solos cœn Hercules aduersus Hydram multiplicitem fortis-
ter substitisse, contra clamasse, depugnasse, viciisse, Tri-
umphasse : sua solorum virtute, constantia, παῤῥεψιος integrum & saluum mansisse, quicquid adhuc in his regioni-
bus & Ecclesijs est reliquum doctrinæ Euangely incor-
ruptæ, Sacramentorum, sanorum rituum, pietatis, liber-
tatis, ac deniq; religionis. An Petrus simili gloriacione
aduersus suos collegas & fratres, coram Domino Chri-
sto, mendacijs, superbie & omni vanæ Gloriacioni in-
fensissimo & inimicissimo, post illam non mandatam
enatationem suam, impune sese extulisset & iactitasset?

Multo minus tulisset Christus, si Petrus vltra illa
de facto non vñq; adeo vbiq; excusabili gloriacionem tam
superbam & intempestiuam, etiam mandatas operas &
labores difficilimos aliorum Apostolorum ita venenate
fuisset interpretatus, quasi ignavia, studio ventris, aud-
acia, neglectione & contemptu Christi federint in na-
ui & lentius processerint.

Quæ verò malitia et virulentia est nostrorum re-
prehensorum, quod nostrum illum pium & salutarem co-
natum, directum, vt diximus, ad mandatum & necessa-
rium finem, etiam summorum scelerum criminibus de-
formare audent?

Quod stationes ipsi suas in Ecclesijs & Scholis de-
seruerunt, quod in aliena loca, & quidem in urbibus

Q q q

munitis

munitis quæsita se ingesserunt, quod in aliorum actiones
nihil ad ipsos propriè pertinentes curiosè inquisuerunt,
quod multis extimis suis consilijs attraxerunt, plurimos
in extrema pericula coniecerunt, quod nulla commisera-
tione imbecillium, nulla soſyñ erga miserè distraetias,
et extreme pericitantes Ecclesiæ affecti, leuiter cura-
runt, si omnia bellis vastarentur et euerterentur, quod
suis clamoribus Ecclesiæ turbarunt, quod consensum
docentium in perpetuum sustulerunt, quod communes ho-
stes Euangeliū denuò contra nos armarunt, et ad perse-
cutionem excitarunt, quod rogis miserè crematorum in
multis regionibus Martyrum, quasi faces admouerunt,
quod inter coniunctissimos fratres discordias Cainicas se-
minarunt, easq; quotidiani scriptionibus et epistolis ad-
huc alunt, confirmant, augent, et hoc ipsum unice stu-
dent, ne disidia tollantur, ne voluntates coagmentetur,
ne vulnera Ecclesiæ pijs et salutaribus congressibus eru-
ditorum et Dei timentium sanentur, ne corpus Doctri-
nae sanæ comprobatum piorum hominum consentientibus
suffragijs ad posteritatem transmittatur: Hæc inquam
sua facinora his summis prædicationibus et titulis or-
nant, et iactitant, quod sint zelus, pietas, libertas
Christiana, excubia pro salute gregis, auersio corrup-
telarum Doctrinæ, defensio veritatis, deniq; ipse Spi-
ritus sanctus, Christus adeo ipse.

Noſtros

Nostros verò Praeceptores, & alios illis adiunctos pios, qui tot annos Ecclesias reixerunt, piè vixerunt, purè docuerunt, in suis Ecclesijs & alijs locis diuinitus commendatis constanter permanserunt, nullis inde se propositis amplis præmijs abduci, nullis intentatis formidabilibus periculis expelli permiserunt, in uno simplici et perpetuo studio illustrandæ & propagandæ veritatis perstiterunt, suis scriptis & officijs docentium animos conglutinare studuerunt, ingruente periculo so illo tempore, ipsi suorum Discipulorum & auditorum ingratitudinem, patienter tulerunt, & alios, à quibus consulebantur hortati sunt, ne propter indifferentes ritus lineæ vestis & cantionum non impiarum, Ecclesias suas desererent, sed in his minutis rebus tolerarent, aliquam seruitutem, non sauciantem conscientias, & fortiter tuerentur & propagarent puritatem Doctrinæ, contra quam, si quas corruptelas, aut manifestè impios ritus conarentur ipsis obtrudere hostes Euangelij, ut tunc laeto & fimo animo potius quiduis paterentur, quam servi essent Idolatriæ & mendaciorum.

Hæc inquam facientes & suadentes Praeceptores nostros isti Neophyti, colatores culicum & absorptores Camelorum, quibus non criminacionum contumelij consperserunt, & deformarunt? Quos risus, quos Sarcasticos ipsis non impegerunt? Quibus Calumniarum gladijs eos non confoderunt & lacerarunt?

Parum fuit, quod nominarunt eos timidos, igna-
uos, glacie frigidiores, mutos Canes, Mercenarios gres-
gum custodes: Conati sunt persuadere vulgo, eos ceu
perfidiosos, ad proditores veritatis colludere cum hosti-
bus Christi, assentari Principibus, ventris ac pecuniae
& suae tranquillitatis causa, corrumpere vltro Doctrinæ
nam, recipere impios ritus, obijcere oves lupis lanian-
das, deniq; nullum tam atrox probrum & conuicium di-
ci potest, quod ipsi non ausi sunt contorquere in eos, qui
ipsorum vehementiam non imitari volebant, quos tamen
fatebantur suos fuisse Præceptores, collegas, amicos, fra-
tres, quos sciebant optima fide, pio studio, magnis labori-
bus, mira tolerantia in multis ærumnis cōstanter illum fi-
nem vltimum spectasse, vt puritas & veritas Doctrinæ
conseruaretur & ad posteros propagaretur, quem finem
ipsi quoq; illi gloriosi & fortes hostes lineæ uestis se
prefixum sibi habuisse videri & credi volebant.

Quid igitur discriminis est? Nostri alia mitiora et
tutiora media ad illum communem finem ducentia secuti
sunt, illi vehementia & periculoru plenissima eligeabant.

Nostri discriminem faciebant inter ritus necessarios,
inter mandatos seu prohibitos & indifferentes:

De doctrinæ puritate & necessarijs ritibus nihil
cedendum aut largiendum aduersarijs, manifestè prohibi-
bitos abusus nequaquam recipiendos esse censebant. De
indifferentibus indicabant, si puritas Doctrinæ & inco-
lumentas

lumitas harum Ecclesiarum, & pax publica comparari
& retineri posset, receptis aliquibus talibus, remota su-
perstitione, aliquam non impiam seruitutem non esse re-
cusandam.

Illi sine discrimine contendebant, de omnibus ex-
tremè dimicandum esse, & reum abnegatæ totius do-
ctrinæ fore, si quis vel solam lineam vestem in templis
alicubi usurpari solitam, sibi injici pateretur.

Nostri iudicabant, si propter recusationem talium
indifferentium rituum desererentur Ecclesiæ, nec ipsos
qui se his friuolis causis pelli à suis Ecclesijs passi fuissent,
satis tranquillam conscientiam habituros esse, cum Pe-
trus dicat: Patientes ubi opus est. Item: Non deserentes
congregationem vestram, Et præbituros causam, ut in
ipsorum locum substituerentur aut ignari doctrinæ, aut
manifesti hostes.

Illi terrebant ministros, quod læsuri essent suam
conscientiam, si ullum talem ritum ex Adiaphoris reci-
perent aut adprobarent, quos ipsi vel alij prius ex Eccle-
sia, ut inutiles eiecssent.

Rursus illi clamabant, imbecilles auditores offen-
sum iri illa mutatione, si, quæ prius essent destructa, resti-
tuerentur.

Nostri consulebant, ut populus rectè institueretur,
illos ritus sua natura non malos, propter adspersam à
pontificijs superstitionem improbatos fuisse, & posse or-

dinis & disciplinæ & conformitatis causa aliquos recipi, sineulla superstitionis labo, & si quis postea offendivellat, distinguebant scandalorum genera, inter quæ etiam est illud, cum homines delicati & morosi, & disciplinæ infensi offenduntur etiam eare, quam sciunt nihil impietatis in se continere.

Deniq; nostri considerabant dissimilitudinem auditorum suorum, inter quos multi fuissent imbecilles, impatientes laborum & calamitatum & damnorum, quæ bellum adfert, quibus ut parceretur, malebant ipsis se onerari his ritibus, quam recusatione omnium adiaphororum bellum in has regiones attrahi.

Illi verò nullius sexus, nullius ætatis, nullius ordinis, aut status rationem habendam iudicabant, quin omnibus cum periculo extremorum malorum confessio etiam in recusatione horum indifferentium rituum imponeretur, quocunq; caderet euentus & fortuna belli.

Hanc fuisse nostrorum ab ipsis dissensionem de medijs fatemur, cum tamen de ultimo fine congruerent vtriq; (nunc enim sic loquimur, quasi certum sit illos duros impugnatores Adiaphororum, vna cum nostris solam gloriam Dei, integritatem veritatis, & salutem Ecclesiarum, non alios supra enumeratos fines spectauisse.) Et nunc piuac intelligentem lectorem iudicem

dicem facimus, & iubemus liberè statuere & pronunciare, utra pars rectius saluti communi Ecclesiarum consuluerit. Etsi nobis non hoc agitur, ut illos bonitate consilij superasse videamur, satis nobis erit, hoc de nobis, sentiri & pronunciari à bonis viris, nostris, etiam si minus commoda media ad illum ultimum finem consequendum elegisse iudicentur, quam alteri, tamen non esse sua lenitate consilij hoc commeritos, ut tam atrociter, tanquam perfidiosi, proditores, transfugae criminentur, & damnentur, & nisi publicè reuocent, ex Ecclesia prorsus & à societate Christiani nominis excludantur.

Quid enim obsecro eiusmodi scelerum in omnibus illis actionibus reprehendere potuisti Flaci?

Initio, antequam quidquam in illis congressibus, & deliberationib. Theologorū, statutum, concessum aut conclusum esse resciscere potuisti, clamasti, meras suspitiones & ambiguos rumores in vulgus credulum spargens, ut tibi aditum ad ea quae secuta sunt, praestrueres.

Deinde, postquam vulgata sunt capita illa, Lipsiae proposita de ritibus Adiaphoris, quae tamen Theologoi non excogitarunt, neq; illis verbis conscripserunt, quibus proposita sunt, sed aliunde oblata admiserunt, iuxta eam tamen declarationem, quam prius

prius statibus huius ditionis exhibuerant, in qua diser-
tè omnem opinionem impietatis & superstitionis remo-
uerant, & clare contestati fuerant, se de puritate Do-
ctrinæ, & legitimo vsu Sacramentorum nihil cuiquam
concessuros, neq; quidquam recepturos, quod conscientias
lædere posset, neq; tamen pugnaturos contumaciter de ri-
tibus natura sua licitis & non prohibitis, si quidem ali-
qui contenderent, illis concessis vel receptis, Imperato-
rem placari posse, ne his regionibus bellum inferat: Ibi
tu, vt expositum est, Triumphos egisti, quasi iam cap-
tos et irretitos sua confessione manifestè teneres Praeceps-
tores & collegas nostros, vbi reuera nihil sceleratè, ni-
hil impiè, nihil perfidiose ab ipsis actum aut gestum pro-
ferre potuisisti, sed vniuersum id, quod te, cæterosq; tuos
suffragatores offendit, fuit lenitas consiliorum, conata
tueri & conseruare tutioribus vijs illa cœlestia bona in
Ecclesijs nostris, quæ vos egregij πολιορκήτων armis po-
tius & bellò defendenda esse censebatis, cuius belli præ-
terquam quod omnis euentus incertus est, sepè etiam Vi-
ctoria vincentibus est funesta, & causa maximarum ca-
lamitatium, vt de pugna ad Cheroneam dictum est:
κλάσαι ὁ νικήτης, δοθεὶς νικηθεὶς & πόλωλε, Flet victor, pergit
succubens Marte peremptus.

Neg, verò hæc lenitas est adhibita & usurpata
in his deliberationibus ideo, quod Theologi sibi metu-
erent, aut sibi tranquillitatem quærerent, aut aduer-
sarijs

sarijs gratificarentur, sed quia commiseratione mouebantur imbecillum in his regionibus, qui ante paucos annos calamitates bellorum experti, nouo bello non perinde clementer abituro, ut antea, sed omnia funditus vastaturo, à Theologis non erant onerandi, si alia remedia sine impietate adhiberi possent, quibus auertetur vastatio ab his Ecclesijs, & retineretur integer et liber Usus incorruptæ Doctrinæ Euangelijs & Sacramentorum.

Hanc piam & salutarem lenitatem nostrorum, si tu scelus & perfidiam & impietatem vocas, sicut facis, ostendis ipse impietatem & sceleratam crudelitatem tuam, quam alibi quoq. non semel declarasti, sicut alio tempore fortasse cognosces, si voles.

Extra hanc lenitatem ex optimis rationibus profectam, et ad pium scopum directam, in vniuersis illis deliberationibus et actionibus toto illo tempore celebratis, nihil inuenies, quod tu veris rationibus, ut impium, ut sceleratum, ut indignum pjs Ecclesiarum & Scholarū gubernatoribus, culpare queas, si te rumpas, aut si te torqueas more viperarum in omnes gyros & flexus, tamen iterum atq; iterum dicimus, nihil tu proferes, quod meritò adpellari debeat aut possit, scelus, publica recantatione dignum, qualen vos egregij Censores à nostris exigi & extorqueri debere clamatis.

Rrr

Ex

Ex his igitur omnib. quæ hactenus exposuimus, manis-
festum est, nullam tibi instam fuisse causam, ita atrociter
criminandi Theologos harum Ecclesiarum, & præcipue
Philippum Melanthonem Praeceptorem & Collegam
nostrum, quem tu præcipue delegisti ex reliquo Theolo-
gorum cætu, cuius deformatione & deiectione, tibi nomine
& famam apud indoctos & tui similes alios, bonis infe-
stos conciliares, de quo ut peculiariter paucatecum con-
fabulemur (plura enim ipsius modestia de se nos praedia-
care non sinit) ut nunc taceamus ipsius merita in vni-
uersam Ecclesiam & posteritatem, ita is priuatim de te
benè est meritus, ut etiam si quid atrox designasset, à te
præcipue excusandus & defendendus fuerit.

Venisti hic peregrinus ex Illyrijs vsq; ignotus, ig-
narus, egens. Recepit te in suam familiaritatem, admi-
nit ad secretiora colloquia, prouexit te supra alia com-
munia officia, eo vsq; ut commendaretur tibi professio
Hebrææ linguae cum stipendio ampio, præscripsit tibi,
quæ tu auditoribus tuis dictares, quod etsi fecit alijs plu-
ribus quoq; tamen ideò hic commemoratur, ut ostenda-
mus, nullo non officiorum genere, quo intimos suos ami-
cos ornare consuevit illius viri inimitabilis beneficentia,
ab eodem te quoq; uberrime affectum & adiutum
fuisse.

Hæc viri tanti erga te hominem peregrinum &
natione Illyricum beneficentia, comitas, humanitas, &
interior

interior conspectus totius vitæ ipsius, occupatæ tantum
in iuuandis alijs, in qua plurimarum virtutum exempla
lucent, te si quidquam virtutis agnosceres, aut amares,
ita conciliare ipsi debuerat, ut etiam si vidisses ipsum
alicubi lapsus, hoc illi non modo condonares quod homi- N
nis erat agnoscentis communem omnium infirmitatem in
lapsus pronam, vel saltem silentio tegeres, & occultares,
quod erat amici benevolentiam hanc, amico benefactori
se debere agnoscentis, sed etiam verecundè excusares,
quod solent filij audientes etiam iustas parentum crimi-
nationes.

Debent autem Discipuli eandem pietatem Prae-
ceptoribus, quam liberi parentibus cum verè accipient
paterna à Doctoribus beneficia.

Sed quid facit Flacius? Huius sui Praeceptoris
adè benigni & benefici, dicta, facta & consilia, quæ non
congruunt ad ipsius inquietam & sœuam naturam, quo-
rum Philippus suas habet rationes & pias causas, ac-
cipit & exponit Flacius pro tetricis lapsibus, pro fœdissi-
mis næuis, pro atrocibus sceleribus, eaq; quasi exultans
& triumphans passim spargit, pingit, tragicè ampli-
ficat & auget, quare ostendit se impio N O HÆ filio
H A M quam similimum esse, qui videns nuditatem
Patris, non tegit & excusat, quod erat filij, non silet,
quod erat modesti & verecundi domestici, Veni-
am dantis errato senis non pernicioso: sed prouolat

Rrr 2 foras,

foras, clamat ad fratres, exaggerat delictum patris, de-
pingit fœditatem iacentis senis, narrat suas suspicioneas de
alio tetriore facinore commisso per ebrietatem.

Quid deliquerat autem pater Noha tantis clamo-
ribus & accusationibus filij dignum?

Laborauerat diu in cultura vineæ suæ, quam Deo
monstrante rationem primus plantauerat, debilitatus fu-
erat æstu, illa defatigatione dupli contraxerat sitim, re-
uersus domum, ad recreandas vires corporis hauserat
vini plenioris plusculum, delectatus illo suauissimi & na-
turæ hominis cōuenientissimi liquoris potu, cuius vim ca-
lefaciendi & turbandi cerebrū prius nō fuerat expertus,
qui dum incautius bibt, & Deo creatori & mon-
stratori tam salutarium rerum post singulos exhaustos
scyphulos, gratias agit, sentit caput turbari, incipit fieri
hilariusculus & loquaculus, edit gestus testantes lœti-
ciam, tandem fessus de laboribus, & fumis im-
pleto opinione citius capite obdormiscit venerandus Se-
nex, atq[ue] ita oppressus somno, iacens q[uod] non in publico, sed
intra suum conclave, insciens per quietem aliquas corporis
partes, quarum conspectum natura tegi voluit, retexe-
rat. Interuenerat Ham filius medius inter tres, qui for-
taffis etiam spectauerat patris hilarioris gestus prius
insolitos, & ætati illi indecoros, & sermunculos libe-
riores, cum indignatione audierat, tandem ubi etiam vi-
det, ita deformiter cubantem & stertentem patrem, non
operit

operit partes tegendas, sed lætatus, se noctum aliquid in N
patre reprehensione dignum, à quo ipse propter turpio-
rem vitam fortassis severius quam reliqui fratres ali-
quoties fuerat obiurgatus & castigatus, ut se vlciscatur,
excurrit in plateas vel in agrum fortassis, fratres anxiè
quærit, inuentis cum indignatione & detestatione narrat
patris ebrietatem, delirium, turpisimam fœditatem, pro-
broSAM toti generi obscenitatem, ex heluatione & ebrie-
tate profectam, fortassis etiam monet fratres, & horta-
tur, ut cōmunicato consilio, omnes simul patrem aleant,
hanc illi turpitudinē probrosam toti posteritati obijciant
et remotionē à gubernatione familiæ minentur, nisi huius
sui facinoris culpam coram ipsis filijs deprecetur & iura-
mento confirmet, se posthac simili dedecore familiam san-
ctam non deformaturū. Sed fratres reliqui Sem et Iaphet
minime obsequūtur impij Hami postulationibus, sed quod
sciunt pietatis officium requirere, festinanter faciunt, pal-
lium suis humeris inijciunt, & ne sancti patris sui & re-
uerendi Senis partes secretiores asspiciant, auersis ab ipso
facieb. suspensoꝝ et lento gradu, ne somnū patri excutiant
reciprocano ingressi in tabernaculum, vesteꝝ placidè ex
humeris demissa, nuditatē patris cōtegunt, propter quam
pietatem, postea à patre egregiam & diuinitus approba-
tam benedictionem cōsequuntur. Impius verò Ham diris
imprecationib. ex Ecclesia Nohæ excluditur, totaꝝ eius
posteritas illis calamitatibus subiicitur, quas postea à po-
pulo Israel perpeſſa est, qui ex filijs pii Sem prognatus fu-
erat.

Hanc igitur Hami crudelem impietatem Flacius
imitari maluit, quam fratrum duorum Sem, & Iapeti
verecundiam & piam reuerentiam.

Cum enim ut dictum est, paulo ante, ipse peregrinus, egens, & nulla admodum eruditionis laude commendatus, à Philippo in cœtum familiarium & amicorum suisset receptus, & in intimum coniunctionis conclave assumptus, ac planè ut filius habitus, quod ipsum fateri Flacium necesse est, qui in hac maledicentia sua & odio hostili adhuc gloriatur, sibi aditum ad Philippum librum patuisse, se cum illo sèpè multis magnis de rebus collocutum suisse, & in illis familiaribus congressibus audiuisse ex illo secretos sermones, arcanas querelas, narrationes nocturnorum somniorum, qualia solet Pater cum liberis secretò communicare, nihil suspicans de tali perfidia & impietate filiorum, quod illa patris verba sunt in vulgus cum calumniosis depravationibus sparsum: Ita igitur inquam loco filij habitus Flacius, nescimus quo verbo aut facto offensus à Philippo, odiisse eum cœpit, & pessima de illo suspicari, & singula eius verba, gemitus, ac somnia obseruare & consignare, ut ipsis aliquando contra ipsum uti in loco posset.

Incidit postea aestus ille & tempus laboriosum & difficile, propter crebras deliberationes de libro Augustæ proposito, quibus defatigatus Philippus, cum in unum omnes

omnes respicerent aut incurrerent, visus est Flacio dormire, hoc est, remissius agere, minus cursitare, minus clamitare, quam Flacius pro inquieta & crudeli sua natura expetebat, cui graue & aduersum erat, non cælum terræ miseri, non concitari plebem ad arma capienda, ut vi, non liber modo Augustanus, sed vniuersa Pontificia potestas ex Germania exturbaretur.

In hoc somno, hoc est, lenioribus actionibus & consilijs Philippi visus est sibi Flacius etiam nuditatis aliquid in eo animaduertisse, ex talibus coniecturis, quod iussu Mauricij cum Episcopis, Misnensi & Numburgensi congressus & collocutus fuisset, quod ijs qui censuerant, ritus aliquos medios absq; superstitione denuo in has Ecclesias recipiendos esse con̄sensisset.

Ibi statim Flacius antequam exploraret illorum congressuum, causas, & euentus, cur instituti fuissent, quid in illis actum & transactum esset, Item, quo consilio, qua ratione, qua conditione illi & dīcti ritus admissi essent: erumpit in publicum, clamoribus & queritationibus suis, non plateas, sed totam Germaniam replet, hortatur, monet, obtestatur omnes, ut tanti viri turpidinem, fœditatem, scelera (quæ nulla unquam in eo vidit, vel ipse vel quisquam aliis) contemplentur, detestentur, & abominentur, ac præcipue reliquos suos fratres incitat, ut communem patrem secum odisse, fugere, persequi non vereantur.

Inuenti

Inuenti sunt tamen ex discipulis Philippi plurimi, inter quos & nostra nomina libenter profitemur, qui his furiosis & impijs suasibus Flacij recusarunt obsequi, & si quæ suspiciones erant, ab ipso Flacio & alijs contra eum excitatæ, adspicere eas & admittere noluerunt, sed candoris & pietatis pallio superueniendo tegere & obruere studuerunt.

In hos postea simili acerbitate inuectus Flacius hostiliter eos persequitur, publicisq; scriptis condemnat, adulatores eos adpellans, nihil mutire aduersus Praeceptorem audentes, & nihil nisi tò ðvtoq; ēphā sonantes.

Nos verò Flaci, cur hunc & Praeceptorem & Patrem nostrum tuo exemplo odissimus & persequemur, causam nullam habemus, qui nullam in eo talem, qualem tu mendacissime calumniator nunquam vñsam aut animaduersam fingis, fœditatem vñquam conspeximus, nec si quid ex communi hominum imbecillitate, in tanta temporum perturbatione, negotiorum varietate, periculorum magnitudine, occupationum immensitate, quibus is obruitur, ab eo factum aut dictum esset aliquantò inconsideratus, aspicere illud vellemus, multò minus suspicionibus & calumnijs augere & deprauare, sed potius candidè tegere, ignoscere, & perpetuo silentio obruire, cùm nobis certò constet, ipsius voluntatem & propositum rectissimum esse, studium pietatis ardens, & conatum indefessum illustrandi gloriam Dei, & doctrinam Euangelij

*Euangelij incorruptam ad posteros transmittendi, quam
tu scelerate Nebulo, iam huic iam illi turpiter & contra
conscientiam, ad sentans, deprauare Sophismatum & ca-
uillationum miris & inauditis præstigijs conaris.*

*Ab isto tuo impio studio & conatu nos alienissimos
esse & toto peccatore abhorrente, ingenuè & clarè profite-
mur, & publicè contestamur, nos in professione veræ et
Synceræ Doctrinæ, sicut ea in his Ecclesijs & Academia
hac sonuit haec tenus Dei auxilio & adhuc sonat, constan-
ter mansuros, & tuas cauillatorias subtilitatulas reli-
cturos illis Gallis Gallinaceis, qui sterquilinium verren-
tes preciosis gemmis granula triticea vel potius culices et
araneas & mucos ex tuis similiumq[ue] naribus emunetos et
abiectos præferunt, & studiose inquirunt.*

*Nostrum etiam Præceptorem, quem scimus à te
falsissimè deformatum esse nibilo minus amabimus, vene-
rabimur, & vt Patrem debitum reuerentia & pietatis
officijs colemus, Deum sedulo & ardentibus votis oran-
tes, vt ei vitam proroget, vires addat, & roboret, vt
lucem Euangelij tueri aduersus tuas & aliorum conspur-
cationes quam diutissimè possit.*

*Hæc post expositionem actorū adjicere voluimus,
vt ostenderemus Flacium nullas causas habuisse conuici-
orum suorum, &c. Et quidem quos pepererit Ecclesiæ his
clamoribus fructus, in conspectu est: Horribilibus scan-
dalibus innoluit Ecclesiā, fauicauit plurimorum piorum*

mentes & languefecit in eis fidem & inuocationem, confirmauit rabiem aduersariorum & exacuit tyrannidem, vinculum concordiae dissoluit: inuexit perpetuam diffidentiam: petulantia ingenia armauit licentia audacter quiduis fingendi in dogmatibus, & quæuis suo arbitrio petulanter turbandi prætextu libertatis Christianæ, in promiscua multitudine auxit & confirmauit natam paucitatem ex laxatione discipline Ecclesiasticæ effrenem atq; impotentem ferociam, quam comitatur profanitas, contemptus penè omnis religionis, odium legum ac disciplinæ, ut res docet.

Horum malorum autorem eum esse, nimis Verum est, & nimis verè quotidie discimus & experimur cum Ecclesiarum calamitate publica, & dolore nostro maximo. Hæc si peccata leuia esse dicit, errat, & qualia sunt, experietur, ubi morsus conscientiæ senserit. Si laudē etiam inde sibi & gratiam vendicat aliquam, quæ debeatur ei alia, quam, quæ debetur Sycophantæ, veræ doctri- næ & piorum consiliorum calumniatori, turbatori concordiae et piæ consensionis, obtrectatori insidioso honorū virorum & bene meritorum iudicent pij, Iam verò molicitur longè atrociora.

Sed & hæc & omnia nostra Ecclesiæ iudicio subiçimus, quæq; de nostris commemorauimus, exemplis actorum probaturos nos profitemur quandocunq; & ubi cunq; fuerit opus.

Nunc

Nunc de dissidiorum obiectione quædam addemus.
Obiiciuntur nobis seditiosa Flacij certamina satis acerbe
cum ab alijs, tūm verò in primis à profugo desertore &
proditore agnitiæ veritatis Staphylo, quæ quod mærore
afficiunt Spiritum sanctum, & impediunt seriam inuo-
cationem in multorum piorum animis, & dubitationē de
doctrina cōmouent, et in promiscua multitudine cōtemptū
pariunt totius ministerij, augentq; profanitatē, et vniuer-
sim Dei gloriam obruunt, lucemq; veritatis paulatim ex-
tinguūt, & nunc manifestè diuellunt ac distrahabunt Eccle-
sias, quæ fuerint eiusdē doctrinæ professione deuinctæ in-
ter se atq; cōsociatæ: Illa ergo ob has causas dolorem no-
bis adferunt maiorem, quam explere possemus, si tantum
funderemus lachrymarum, quantum aquæ voluit Albis.
Agnoscamus fata vltimæ & delyræ senectæ mundi, quæ
Christus mutationes et distractiones tristissimas allatura
prædicxit. Sed quid præstari à nobis amplius potest ad hæc
mala sananda et scandala auertenda, quam præstitū est ha-
etenus? Moderate tulimus has tam acerbas & atroces in-
sextiones atq; cōdemnationes nostri, ne respōsando dissi-
dia magis inflamarentur, atq; loco nostro et doctrinæ no-
strarū Ecclesiarum & aliarū artium necessariarū expli-
cationē Deo iuante fideliter adiuuimus, et studia adoles-
centiæ formauimus ac reximus, qua potuit fieri diligentia
ac sedulitate. In quorū vtroq; plus fortasse effectū fuisset
à nobis, nisi furiosi clamores Flacij conatus nostros mul-
tipliciter impediuerissent.

Nunc quod semper futurum cogitauimus & pree-
diximus, procedit Flaciana factio, & non solum delibe-
rata de Adiaphoris reprehendit, sed & scripta vitupe-
rat, in quibus Doctrinæ summa pio studio collecta est, et
paulatim alias atq[ue] alias explicatæ doctrinæ partes car-
pit & arrodit.

De Adiaphoris ita prouocamus ad iudicia omnium
piorum in Ecclesijs nostris, ut hac prouocatione contenti,
profiteamur nihil nos amplius rixaturos esse de quibus-
cumq[ue] calumnijs ad hoc certamen pertinentibus.

De doctrina quod monuimus initio, repetimus.
Est & fuit inde usq[ue] à tempore editæ confessionis Augus-
tanae in Ecclesijs & Scholis nostris & in scriptis omni-
bus, quæ prodierunt, summus et perpetuus de doctrina cō-
sensus, qui in confessione expressus est summatim. Et ne
videamur ideam constituere aut fingere aliquam, affir-
mamus consentire cum Propheticis & Apostolicis scri-
ptis, cum Symbolis Apostolico, Nicæno, Athanasiano,
cum totius primæ & purioris Ecclesiæ perspicuis testi-
monijs doctrinam nostrarum Ecclesiarum, quæ explica-
ta est à Lutherò fusè & sparsim in plurimis scriptis, A
Philippo Melancthonew in confessione Augustana, Apo-
logia, Locis communibus, Commentarijs Epistolæ ad
Romanos: & repetita recens in ea confessione quæ scri-
pta est, ut exhiberetur Synodo Tridentinæ, si processisset,
& assensione ac suffragijs præcipue partis nostrarum
Ecclesiarum

Ecclesiarum ostendendæ confessionis causa denuo appro-
bata est, itemq; in formula examinis, Locis communibus
germanicis, & responsonibus ad articulos inquisitionis
Bauaricæ. Quorum scriptorum cùm alia tūm verò ex-
pressè locorum communium volumen anno proximo ante
mortem suam editum, testimonio publico Lutherus Ec-
clesiæ commendauit, vt dubitatione omni sublata testare-
tur suam sententiam cum illa doctrina congruere, quæ in
confessione Augustana & Locis communibus compre-
hensa est & expressa.

In his scriptis doctrinam eandem esse, atq; inter se
consentientem & affirmamus, & fateri oportet, vel ho-
stes ipsos quantumuis iuitos, & in hac doctrina nihil
controversiarum, nihil certaminum vel dissensionum
apud nos esse vel fuisse adseueramus. Hanc & statuimus
& profitemur esse æternam & immotam Dei veritatem
voce Euangeli patefactam, ac perpetuum Ecclesiæ Chri-
sti consensum, et hanc vera fide constanter amplectimur,
& Deo iuuante retinebimus ac tuebimus contra præsti-
gias ac corruptelas quorumcunq;, Nec mutauimus in eo
quidquam, nec mutaturi sumus. Nosq; & pericula nostra
Deo commendamus, cui & placere qualescunq; conatus
& labores nostros, & curæ nos esse ac fore semper pro-
pter æternum filium Iesum Christum certò confidimus.
Et hunc Dominum nostrum Iesum Christum & x; op &
caput Ecclesiæ suæ nobis perpetuo affuturum non dubi-

tamus quæcumq; acciderint, sicut dixit : Nemo rapiet
oues meas ex manibus meis. Item, Ero vobiscum usq; ad
consummationem sœculi.

De hac ipsa doctrina ita consentiunt nobiscum
præcipue in Germania religionis nostræ Academiæ, Tu-
bingensis, Heidelbergensis, Marpurgensis, Francofordi-
ensis, Gipsuvaldensis, Rostochiensis, Haffniensis, vt ne
in his quidem deulla parte doctrinæ contentiones extite-
rint aut dissidia. In hunc consensum inuidit Flacius
petulanter cum quibusdam paucis suis manipularibus.
Repetitas ex puriore doctrina veteris & primæ Eccle-
sie explicationes fundamentorum nostræ religionis, id
est, doctrinæ regi loco manifestè abiicit, bellum inferens
filio Dei. Officio Spiritus sancti, quo arguit mundum de
grauissimo peccato incredulitatis in filium, & efficit in
cordibus assentientium Euangeli salutarem pœnitenti-
am, voce & ministerio Euangeli, reuocatis cordibus à
terroribus mortis & inferorum, scurriliter illudit simili-
tudine & comparatione Psittaci. Quæ de discrimine le-
gis & Euangeli explicatè tradita sunt in scriptis no-
strorum, veteroriè discerpit ac mutilat, & confundit
Sophistice. Doctrinā de Libero arbitrio, de Iustificati-
one hominis coram Deo gratuita, de noua obedientia se-
quente fidem in iustificatis, cuius concessionem disertam
& explicatam, extorserunt nostri aduersarijs etiam ve-
ritatis & testimoniorum scripturæ euidentia reuictis &
conclusis

conclusis Ratisbonæ, sicut hoc publicè notum est, prorsus corrūpit, Enthusiasticis, Schuuuenckfeldicis, Papisticis, Antinomicis delyrijs, obscuratam & penè obrutam. Qua de re legantur recens editæ Responsones ad Articulos inquisitionis Bauaricæ à Philippo Melanthone. Omitimus depravationes alias & confirmationes manifestorum idolorum, & abominandarum opinionum, quibus et in Deum contumeliosis, & perniciosis Vitæ ac moribus Christianis, & traditæ doctrinæ contrarijs, confertur in Deum peccati causa, & constituuntur in Deo contradictroriarum voluntates, mentes humanæ abductæ à conspectu & fiducia I E S V Christi Mediatoris, & auditione, lectione, cognitione ac meditatione doctrinæ, ex cuius audita fides est, secundum Paulum, totæ conuertuntur ad expectationes adflatuum, raptuum, coactionum. His imaginationibus fanaticis tandem cum euertitur certitudo totius fiduciae, qua se se mentes in promissionem vniuersalem includunt, ac in obedientia & merito solius filij D E I Mediatoris perpetui firmant, tum adimitur & excutitur animis consolatio omnis, qua extincta necesse est hos ruere, aut in desperationem aut in Epicureum contemptum & prophanitatem. Sed non hoc in loco instituere enumerationem & refutationem omnium eius corruptelarum propositum. est.

Quod

Quòd sese ergo iste Flacius, qui se semper putre
membrū nostrarum Ecclesiarū fuisse hactenus satis pro-
bauit, cum suis manipularibus ab hoc nostro consensu dis-
iungit, id præstari à nobis non potest. Scandala fieri
oportet, sed vhe scandalorum autoribus.

Ne moueantur igitur his impijs conatibus & cla-
moribus Flacij & manipularium eius pīj, eos monemus
& obtestamur propter Dei gloriam & ipsorum salutem,
sed intueantur in hunc consensum, qui & in scriptis no-
strorum extat, & est inter præcipua & plurima no-
strarum Ecclesiarum membra. Hunc consensum in scri-
ptis quæ extant requirant, & ad hunc se adiungant, atq;
ad illum cœtum, qui in vestigijs ijsdem persistit ac perse-
uerat, nec cuiusvis spiritus vertigine in alias atq; alias o-
piniones subinde impelli sese patientur. Unicum hoc est &
fuit studium nostrorum inde usq; à tempore constituti
corporis doctrinæ, vt dicerent τὰ αὐτὰ πρὸπερ ἀντῶμ,
præcisissimis peregrinis & periculis disputationibus
& de ijsdem eadem repetituri sunt, quoad vita suppedita-
tarit, Deo ducente.

Lutheri de doctrina nostrarum Ecclesiarum sen-
tentiam, cuius nomen Apostatae isti suis portentis falso
prætendunt, non petant pīj ex commentis, quæ malicio-
sis detorsionibus quarumcunq; particularum autori falso
affingunt & scriptis ipsius falso assunt, sed ex perpetua
eius sententia, & ex illis scriptis nostrorum, quæ cum
alias

alias tum in præfatione primo suorū operū Tomo præ-
fixa anno proximo ante mortem testimonio suo comprœ-
bavit, in qua iudicij & voluntatis postremæ testificatio-
nem quasi testamento consignatam extare voluit, ne vel
suspicari quis posset, de præcipuis doctrinæ capitibus in nulla dissensio
ter ipsum & Philippum dissensionem aliquam fuisse, præ ^{Luth:} inter sagiens ut opinamur, monitu Spiritus sancti secuturas
sue doctrinæ calumnias, & Sophisticas ac malitiosas de-
torsiones suarum sententiarum, in alienum & peregrin-
num sensum ad errorum, quos ipse refutatos damnasset
confirmationem. Detestamur autem impudentiam Fla-
cij, Galli, & similium, quos ut portenta suorum com-
mentorum fucis quibuscumq; populo venditent, mentiri
in re manifesta & toti mundo cognita non pudet, referen-
da esse illa Lutheri testimonia ad prima et vetera scripta,
quæ initio emendationis cum horridiora fuerunt omnia,
ante comprehensum in confessione Augustana doctrinæ
corpus exierunt. Nimia haec est impudentia, quam
Deum ulturum esse non dubitamus. Detestamur meritò
& malitiam eorum, qui ut explerent sua erga nos odia,
& de manibus pia scripta excuterent, quibus quidquid
habent de doctrina nostra noticie, coguntur referre ac-
ceptum, velint nolint, in editione Tomorum Lenensium
omissis his Lutheri testimonijs alibi infarserunt virus
suum calumnijs temperatum & mendacijs. Hoc vere
est Lutheri scripta corrumpere.

Ttt

Sed

Sed in his omis̄sis hortamur & obtestamur p̄ios,
vt quæ sit & semper fuerit doctrina nostrarum Ecclesiarum
in his scriptis, quæ enumerauimus inquirant & con-
siderent, & in illo doctrinæ perpetuo inter se consensu
confirmatis animis acquiescant, nec ullis sese amplius vo-
ciferationibus turbari sinant. Vnicet tandem veritas
ex circumfusarum calumniarum impedimentis explica-
ta. Nec conatus istos & ista Sycophantica artificia spe-
ret Flacius successus habitura esse diuturnos, quibus tum
hinc inde particulas excerptendo et violenta atq; improba
Sophistica detorquendo in sensum prorsus contrarium
perpetuae sententiae & doctrinæ nostrorum, tum expli-
catum etiam conuellendo & inuoluendo euertere doctrinam
nititur & huius assentores, vt diu quæsitum regnū
sibi confirmet.

Atq; ita claudimus hanc nostram expositionem,
quam testificationem volumus esse de illis quæ gesta sunt,
quod sic gesta sint, & iudicium Ecclesiæ permittimus
quieturi in posterum omis̄sis istis rixis non necessarijs
de calumnijs & mendacijs manifestis, & operas pristi-
nas ea fide, sedulitate & moderatione auxilio diuino fa-
cturi, qua fecimus hactenus.

Oramus autem D E V M æternum Patrem
Domini & saluatoris nostri I E S V C H R I S T I
crucifixi pro nobis & resuscitati veris & ardentibus
gemitibus,

gemitibus, ut quod aeternus filius precatus est in agone Sanguinem Iudans praे dolorum magnitudine redat Ecclesijs nostris his clamoribus turbatam ac distractam concordiam, & semper inter nos sibi veram **ECCL E SI A M** colligat, in qua lucem Doctrinæ suæ conseruet, & quam sancto suo **S P I R I T V** regat ac doceat, & prohibeat conatus Diabolorum & malorum hominum insidiantium veritati doctrinæ, & molientium vastitatem atq[ue] interitum his misericordiis alueolis Scholæ nostræ, sicut hos mirandis modis hactenus texit, defendit & seruauit contra tot tamq[ue] multiplices insidias & insultus, de quo immenso & inenarrabili ac penè stupendo beneficio toto pectori illi gratias agimus per **I E S V M** Christum filium Dominum nostrum,
A M E N.

F I N I S. omnium dolorum
FINIS.

22/6/1802

L. H. - m

Tit

2

Hec

Hec
m

HÆC INSERANTVR Ee 3. ANTE
titulum, qui habet cōmemorationem eorum, quæ liber Au-
gustanus habet falsa, in Articulo iustificationis,
¶c. Vbi per incuriam omissa
fuerunt.

Quod principio cōmemoratur, de inchoata Tridenti Syno-
odo non recusanda consentienter statutum esse, deq; ex-
pectando tractationum ac sanctionum sine compromissione
factā, graue admodum est, nec periculo caret propter generali-
tatem. Nam qualia iam decreta facta sint Tridenti notum est, & il-
lorum ipsorum decretorum quedam Libri I N T E R I M sanctio-
nibus aduersantur ac repugnāt. Qualia igitur sequutura sint decreta
ex iam editis estimari potest. Ad hæc itaq; attendendum diligenter.
Præterea quanquam in narratione Generalis & Christiana Syno-
odus appellatur, tamen postea mentio. & Christianæ Synodi & li-
beræ omittitur prorsis, cùm petitam semper & suffragatione ap-
probata fuisse constet Synodum generalem, Christianam & libe-
ram.

Secundò, quòd Cæsareæ Maiestati ab ordinib; Imperij cu-
ra pacis publicæ & concordiaæ in Germania commendata est, id
quomodo ad decreta Libri Augustani de negotijs religionis detor-
quetur, cùm tamen complectatur Liber præcipua nostræ doctrinæ
capita, de quibus & cum Aduersarij contentio est, & in libera
Christianæ Synodo disputari ac decerni debebat. Horum autem
receptio & approbatio uelut præiudicio certo nos condemnaret,
quasi abieciſsemus defensionem illorum ad Libri præscriptum.

Tertiò, quòd annexitur uirorum lacræ scripturæ peritorum
iudicio decreta Libri Christianæ religioni & Patrum doctrinæ non
repugnare, satis ostendit id eò dici, ut significetur uetus doctrina
Monastica repeti.

Quartò, quòd duo capita de usu integri Sacramenti & de
Coniugio Sacerdotum tanç religioni Christianæ & Doctorum
in Ecclesia sententijs contraria notantur, nō potest non mouere no-
bis admirationem. Cùm Dei beneficio manifestissimum sit istos
duos articulos expresso Dei uerbo fundatos & in Ecclesia Catholica
integros atq; incorruptos conseruatos esse. Mutationem uero hos
rum

rum & expresso Dei verbo & consuetudini Catholicae Ecclesiae res pugnare. Spectatum hoc uidetur, ut duobus his capitibus exceptis, reliqua restuantur uniuersa. Et tamen prætexitur formulam ad ueræ & perfectæ concordiæ constitutionem directam esse, quæ sequitur tunc esset, cùm & hæc duo capita à nobis abijcerentur. Hæc enim tanquam per se impia, conceduntur benignitate quadam, usq; ad Synodi dijudicationem, Synodo autem procedente reliqua tanquam approbata assummerentur, de his duobus solis, disputatio institueretur. Hoc præiudicio Ecclesiæ nostræ plurimum grauavit.

Quintò, graue admodum est, prædicari de Aduersarijs glosiole & falso, quod Catholicae Ecclesiae decreta ipsi sequantur, & in his perseverent, nec discesserint ab his unquam, qua re abusus à nobis reprehensi & aboliti attribuuntur Catholicae Ecclesiae, in nos confertur crimen secessionis à Catholica Ecclesia, quod crimen maximum omnium & atrocissimum est, & obligantur ad abusus impios multi p̄j inter ipsos Aduersarios, exclusi ab occasionibus cognoscendæ ueritatis, qui expetunt & quærunt ueritatem.

Sextò, graue & hoc est, quod nobis tribuitur, fuisse & esse nos autores schismatum & nouitatis, cùm partis aduersæ recens excoigitatis & in Ecclesiam inuictis doctrinæ corruptelis & abusibus cæremoniarum reiectis ac repudiatis, redierimus ad primam & ueterem Catholicae Ecclesiae doctrinam & traditiones. Deinde quod motuum omnium causæ in omnibus regnis imputantur Germaniæ & repurgatae in hac ueræ doctrinæ.

Septimo, uel redeamus ad eos, à quibus discessimus, uel amplectamur præscriptam formulam, in qua quid desideretur, sequentia monebunt.

Ottavo, Tyrannicum est, quod præcipitur, ne quis formam uel scriptioribus uel concionibus, uel disputationibus suggillet aut oppugnet. Nam doctrinæ ueræ puritas si conseruari debet, fieri alter non potest, quam ut errores & abusus in Libro confirmati taxentur & refutentur.

Nono, Quod attinet ad emendationem Cantionum Ecclesiasticarum, quæ uitiatæ superstitione temporum degenerarunt in abusum, cùm illius rei curam in sese Imperator suscepit, intelligi facile potest, cui operam recognitionis & emendationis commendatur sit. Petitur autem ut tollantur superstitiosa omnia, & propri dignitatis fiduciam complectentia, & ad Sanctorum cultum

atq; inuocationem directa, Id à talibus Censoribus frustra expecta-
mus.

Et quanquam promissio[n]es Imperatoris clementissimæ sunt,
tamen eo tendunt, ut ad ea amplectenda & exequenda allificant &
obligent ordines, quæ statuta in Synodo fuerint. In qua quidem
Synodo, si dijudicatio disceptatio[n]e controuersiarum non fuerit le-
gitime instituta ex Dei uerbo, certius nihil est, nisi doctrinam Eccles-
iarum nostrarum condemnaturos, & ad impiorum decretorum
atrocem exequutionem Imperatorem incitaturos esse Synodi p[re]ae-
sides.

Hæc paucis monemus, ut de his omnibus accuratius cogite-
tur, non ut de sententia propositionis ab Imperatore prolatæ dis-
putemus.

Misericors DEVS in uera sui agnitione nos conseruet,
& ad eandem Imperatoris animum
flectat.

ERRATA PRÆCIPVA QVÆ OPERA rurum incuria irrepserunt.

I 3. facie 2. uersu 25: pro maximè, lege. minimè.

X 1. primo, uersu 21. sic distingue. esse: quæ rursus.

L 3. uersu 1. sic distingue. petat. Ipsi dominus.

M prim. fac. 2. uersu 8. pro uideamus, lege. iudicamus.

M 3. uersu penult. lege. continenter.

P prim. uersu penult. lege. desideraret.

P 3. fac. 2. concinnitetur uersus 15. & 16.

Q 3. uersu 28. lege θ&ενόντων, ηγή προί θυσιῶμ οπές θερόντων.

S 2. fac. 2. uersu 9. pro 17. Iunij lege. 24. Aprilis.

V 3. uersu 25. deleatur. mox.

V 3. fac. 2. uersu 9. pro & 5. lege. cum quinq[ue] sub-

V 4. fac. 2. uersu 15. lege. iutericti tem-

X 2. fac. 2. uersu 19. lege. subiecimus. Post exordium. Versu 21. pro confessio-
nem, lege. confessionem.

X 3. uersu 2. p[ro] omni, lege. communī.

X 3. fac. 2. uersu 15. lege. Imperator re cum

Z 2. fac. 2. uersu 10. pro priuatæ, lege. primæ.

Z 4. uersu 26. pro taxentur, lege. uagentur.

A a prim. ,fac. 2. uersu 5 et 6. pro ut lege. et. Versu 24. pro ipsa, lege. ~~legi.~~

B b 3. uersu 12. pro usus, lege. urens. Versu 15 lege. hostiles & manifestas oppugna-

C c prim. fac. 2. uersu 8. lege. inductum.

C c 2. fac. 2. uersu antepenult. dele. tota.

D d prim. fac. 2. uer. 4. lege. uindicias. D d 3. fac. 2. uer. 17. pro quondam leg. quadam.

E e 2. uersu 9. pro qui, lege. que.

E e 3. uersu 1. lege. recusa.

Versu 22. pro machinationum, lege. inclinationum.

F f prim. fac. 2. uersu 3. lege. Architecturam.

G g prim. fac. 2. uersu 20. pro non lege. nos

K k prim. uer. 23. dele. hac. K k 3. uersu antepenult. pro in se deriuans, lege. placans.

K k 3. fac. 2. uersu 6. lege. humilitatem, fidem, &

M m 2. fac. 2. uersu 12. lege. quorundam ex praecipuis.

Versu 21. pro curam, lege. cum.

M m 3. uersu 9. lege. conatum.

Versu 13. pro fieri, lege. ferri.

M m 4. fac. 2. uersu 7. lege. conuersum illud ex.

N n prim. uersu 21. pro illa, lege. ille. Et dele, n, in, possent

N n prim. fac. 2. uersu 3. pro qui, lege. quid.

Versu 15. lege. neq; cetera.

N n 3. fac. 2. uer. 23. leg. Quod si tum horum causa persecutio institueretur, grauis ea

N n 4. fac. 2. uersu 1. lege. doctorum disputationes.

Versu 26. addatur. Non sunt controuersiae.

P p prim. fac. 2. uersu 6. lege. causis docerent.

P p 2. fac. 2. uersu 3. pro uestigio, lege. in confessu.

P p 4. uersu 13. dele. hic.

P p 4. fac. 2. uersu 1. pro inutilem, lege. mutilum.

Q q 2. uersu 21. lege. Canonis.

Q q 4. fac. 2. uersu 18. pro quae, lege. quo.

R r 4. uersu 19. pro supra, lege. scripta.

Versu ultim. separa. si ne.

S s prim. uersu 19. lege. rebus. turbare.

S s 2. uersu 15. lege. periculum se ostendit.

T t 4. uersu 19. pro aut, lege. ab.

T t 4. fac. 2. uersu 6. pro iniunctis, lege. iniustis.

Versu 23. pro luxtoriae, lege. historiae.

V u prim. fac. 2. uersu 1. pro etiam, lege. coram.

Versu ult. pro et, lege. e.

V u 2. uer. 1. pro explorand. leg. cogitandum.

V u 3. fa. 2. uer. 16. dele. m, in usum.

X x 3. uer. 28. pro honor, lege. honorum.

X x 3. fac. 2. uersu 11. lege. excommunicationem.

Versu 13. lege. solutam.

Y y prim. uersu 29. pro quod, leg. qui.

Y y prim. fa. 2. uer. 14. lege. quietem.

Y y 2. fac. 2. uersu 37. pro nulla, lege. non.

Z z prim. fac. 2. uersu 25. lege. deliquerint.

B b b 1. uer. 29. pro quia, leg. quin.

B b b 3. fa. 2. uer. 17. pro Cainica, le. Chamica.

C c c prim. uersu 30. adde. Talia fuerunt de quib. Misera relatum est.

C c c 4. fac. 2. uersu 1. pro oppos. lege. expousimus.

D d d 2. uersu 18. dele. admissir. esse & apparere.

Versu 21. post, dissentirent, inferre. admissur. fuiss. & appar.

D d d 3. fac. 2. uersu antepenult. lege. executionem.

E e e 3. uersu 1. pro null. cetera, lege. nullis præterea de rebus.

F f f 3. fac. 2. uersu 19. pro testari, lege. contestationem fieri.

G g g 2. fa. 2. uersu 8. pro dispens. lege. despoulationes.

I i i 4. uer. 15. leg. terris, accipi, &c.

I i i 4. fac. 2. uersu 1. dele. sicut.

K k k 4. fac. 2. uersu 21. post, ipsi, lege. debita, ubi.

N n n prim. fac. 2. uer. 19. antepenult. lege. comminatione.

Cetera Grammatica & graphica errata, facile non illiteratus & candidus Lector ipse corriget.

Enchanted Tales for Little Girls (Illustrated by the Author) 25c
Clever Children's Stories & Pictures (Illustrated by the Author) 25c

With a picture well understood, combinations are easily made.

1928 *subm. reg. & lib. to the copyright office, U.S. Library of Congress, 1928, Serial No. 101928.*

muchas tribus que se han establecido en el mundo, y que se han originado de la diversidad de las razas humanas.

12813
RSS

